



FONDO PIZZOFALCONE



NAZIONALE

B. Prov.

BIBLIOTECA

VITT. EM. III

XI

319

NAPOLI

BIBLIOTECA PROVINCIALE

Armadio

XXIX



9

Palchetto


Num.° d'ordine

459-28

135
1
44

C. C. C.
11
319

TOMI PRIMI
PARS ALTERA.



Ex lib. Comitiu. Ercu
~~*[Illegible signature]*~~

TO THE PUBLIC
BY J. H. B. A. A.

M A



ACHARA. Urbs vetus a Fazello eò loci sita, ubi ad Pachynum promontorium prostratæ urbis cadaver adhuc hodie cernitur. Ejus sunt verba: *Vindicari portui ad occidentem, & in ea, quam Ruvecti salina facit, peninsula, Machara urbs, Cic. in Verrem, Ptole. lib. 3. Plinio, miris lacerata cadaveribus ad jactum fundæ imminet, a Neetinis, & villicis ejus agri accolis & senioribus civitas Macharis incorrupto adhuc ejus nomine, sed vulgo Citatella appellata.* Verum enim vero alibi miras hæc veteresque ruinas Ichanz esse ostendi, *Machara*, sive *Imachara* Ennæ, Agyriò, Alforo ad oppositam Vallis hujus plagam sitis opidis contermina, cum Ptolemæo, & Cicerone locanda. Vide *Ichana* & *Imachara*.

MACRA. Oratio, & *Misabella*, qui ex Plutarcho *Macram* extitisse olim putarunt; in Dionis enim vita ejus est mentio. Sed Palmerius in Exercit. ad Poetas Græcos, & Bonannus in Syrac. Illustr. *Macras* pro *Acras* irrepsisse apud Plutarchum optime affirmant.

MACROPOLIS. Ita appellatum Euryalum Castellum apud Syracusas tradit Hofmannus, qui Stephanum de Urbibus citat. Apud Ortelium, uti dixi *Macra* & *Macropolis* Siciliæ opidum habetur.

MACTILA. Casale in agro Syracusano, quod Adelfasia Rogerij Comititis nepus dedit cum S. Lucie Ecclesiæ Cephaladitano Episcopo anno MEXL. Ejus erat situs, ubi hodie rus *Toracatis*; alii ad *Muctavam* statuunt.

MACTORIUM. Vetus Opidum circa Gelensem agrum. Stephani Epitomator: *Maكتورium Siciliæ urbs, te-*



Sto Philisto lib. 1. quam . . . condidit. Deest conditoris nomen, neque ex Philisto intelligi potest, ejus historia perit. Meminit *Maſtorii* Herodotus lib. 7. & ſitum indicat: *Gelenſum quidam*, inquit, *per ſeditionem pulſi in Maſtorium opidum*, quod ſupra *Gelam ſitum eſt*, *proſugerunt*. Hinc Aretius: *Supra Gelam Maſtorium urbem conſtituit Herodotus, hodie Mazarinum*. Confundit Ptolemæi Macharinam, & agrum Macharenſem Ciceroni memoratum cum *Maſtorio*, ſed perperam. Fazellus dec. 1. lib. 10. De Butera cogitat, ubi priſcorum temporum ruinæ, cujus verba alibi exſcripſi. Cluverius denique: *Apud Terramnovam*, ait, *extare veteris Gela reliquias ſupra docui*. Ruinæ igitur iſtæ apud *Buterium opidum* ab antiqui *Maſtorii ſitu minime abhorrent*. Sed enim Hyblam Minorem, cum aliis, ibi olim ſteſſiſſe, ſupra oſtendi. *Mazarinum* veteris ſtructuræ eſt aliunde; quamvis haud procul, & per *Geloum agrum*, ipſo Fazello etiam teſte, plura habeantur antiquæ habitationis veſtigia, ut inde de *Maſtorii ſitu* nihil certi ſtatui poſſe, putaverim.

MACUBA ab Aretio & Fazello unus ex quinque fontibus Symæthi vocatur; ſed Erycis, ſeu S. Pauli amnis, juxta ea, quæ ſuperius ſtatui, melius dixiſſent. Vide *Eryce Fl.* Aretius *Mucuba* habet.

MACYRUM enumerat Ptolemæus inter mediterranea Siciliæ opida. *Machoram* appellant fundum prope Machynum, ubi jacentis opidi veſtigia. *Machera* in agro Nettuno, *Renda*, *Revettum*, & alia Feuda Mainitto de Cortino dicuntur in Martini Regis cenſu obnoxia. An ſi fuerit *Macyrum* non affirmo. Enumerati enim fun- di prope oram. Ichanam aliunde ad Macharæ rudera ſtatui.

MADINA. Diodorus lib. 16. Dionis iter ab He-
leia, ſeu Minoa Syracuſas deſcribens. *In tranſitu*, ait,
Agri-

Agrigentinos & Gelsenfes , nonnullosque de Sicanis , & Siculis mediterranea incolentibus ; Camarinenses insuper , & Madinaeos ad liberandum communi ope Syracusanos adhortatus , sibi adjunxit . Nulli ex veteribus memoratum esse opidum Madina , unde Madinei , advertit Cluverius . Quia porro Camarinenses Dionem assumplisse socios ad debellandum Dionysium Diodorus testatur , qui in vulgaris ejus exemplaribus leguntur Madinei , nulli alii fuisse creduntur quam Motycenses , ex Motyca , seu Mutyca . De qua inferius .

MAGAEA. Fons in agro Syracusano. Aretius: *Tres fontes in agro Syracusano Plinius commemorat, Temenitem, Archidemissam, & Margeam, quorum cum recentioribus non faciunt nomina.* Cluverius tamen descripto Dasconis sinu & Herculis templo Plutarcho in Niciae vita memorato, subdit: *Hujus fami ruinis superstructa postmodum est aedes Divae Mariae Magdalene. Haud procul est fons vulgo dictus: Fons Magdalene. Is Siculis hoc aeo scriptoribus putatur esse Plinii Fons Magaea.* Plinii verba alicubi exscripti, ubi de Archidemia, Aretio Archidemissa, uti est Margea pro Magaea.

MAGDALENA. Ager hodie in portu Syracusano eoque in sinu, quem Dasconem appellavit Thucydides; olim casale, de quo Alexander III. Rom. Pont. in suo diplomate, uti inferius. Ibi hodie Ecclesia ejusdem S. Magdalene titulo, Friderici Campixani viri omnium virtutum genere clarissimi pretiosa morte dudum illustrata; cujus meminit Pirrus. Vide *S. Maria Magdalena & Insula.*

MAGDALINUS. Vicus olim a Leontinis haud procul, Christifidelibus, Valeriani & Gallieni Rom. Imper. tempore, frequentatus, cujus in Actis S. Epiphane sit mentio apud Cajetanum *Vite SS. Sicul.* Illum porro

hodie credunt esse, qui a S. Lucia appellatur; traduntque S. Epiphanam ibi natam. Nomen vero subinde crypta & ade S. Luciae sortitum, quod hæc Virgo Syracusana Catanam ad S. Agathæ sepulchrum cum matre Eutychia properans, eò diverterit. Cryptæ parietes Græci operis picturæ exornant vetustissimæ. Eadem Abbatiæ titulo insignitur, ad nobilem Catanæ gentem de Amico spectans.

MAGELLA. Perantiquum Opidum cujus est apud Livium lib. 26. mentio: *Ad eos, scilicet ad Pœnos, Murgantiæ desciverunt terræ; sequuta defectionem illarum, Hyblæ & Magella sunt, & ignobiliores quedam aliæ.* Fazello videtur esse id castrum, quod inter Menas, & Calatajeronum urbes, vulgari nunc Siculis vocabulo dicitur *Mongelinum*, inquit Cluverius, qui ex situ Hyblæ & Murgantiæ, quibus in defectione ab Romanis sese adjunxit, alibi *Magellam* statuit; ad Rosmanum scilicet inter Ennam & Aydonum. De eo enim Fazellus lib. 10. tradit dirutæ urbis arcisque monumenta adhuc servare. At enim, uti de Hyblæ Majoris & Murgantiæ situ incerti adhuc sumus, ita & de Magella. Negat Cluverius hanc esse locandam ad Mongelinum, quia intercedebant Leoncini, Menenini, atque Enneses præclaræ tunc civitates; num vero inter Rosmanum, Hyblam, & Murgantiæ, haud procul Symathi ostio, ubi hæc ab eodem Cluverio sterisse creditur, non æquæ aliæ intercedebant? Pari itaque ratione Rosmani locus *Magella* minime congrueret.

MAGNISIS. Peninsula in sinu Megarensi, hodie Augustæ portus. Vide *Tupsius*.

MAGNISIS. Amnis aliter *Cacyparis*, & vulgi voce *Cassibilis*, de quo actum.

MAGNUS. Fluvius *Symathus* & *Jarretta*. Id sibi

vo-

vocabulum vindicat, uti alibi dixi, quod ejus sint longe ab ostio fontes, ideoque cursus longissimus; aquæ etiam uberrimæ & alveus profundus lateque patens.

MAGNUS. Fluvius Anapus, dum *Ferule*, *Cassari*, *Buxemii*, aliorumque vicinorum opidorum agros abluit, *Magni* fert nomen; alios enim vicinos facile superat.

MAGRENTINUM. Casale ad sacram Joannitarum militiam spectans. Ejus est in diplomate Friderici Siciliæ Regis & Imperat. de anno MCCIX. memoria, ubi bona Hospitali S. Joannis Jerosolymitani addicta recenset. *Bona in tenimento Syracusæ: Casale, quod dicitur Magrentinum, cum terra circumstante, sicut Gualterius de Caltagirone eidem domui militia Templi libere contulit & concessit.*

MALTANE. Casale, ejusdem Domus, uti in allata Cæsaris Bulla: *In tenimentis Butera Casalia duo, Maltanes, & Arnadenes, prout in privilegio Comitis de Ocria Butera fidelis nostri, per eum dictæ domui Templi super hoc facto, plenius continetur.*

MAMFRIA. Turris specula in rupe excelsa ardui, & difficilis ascensus, ad oram maritimam, inter Naufrii amnis ostia, & Terramnovam opidum posita. Fazello *Namfria.*

MANGONUS. Collis prope Platiam, ad cujus radicibus *Sarracenorum olim Casale.*

MANUMUZZA. Hodie *Maroglius*, *Vagedrusa* apud veteres; hinc Silius lib. 14. populos enumerans, qui Marcello Consuli suppetias tulerunt, Syracusas obsidentibus, illos recenset: *Qui fontes Vagedrusæ colebant. Quumque hi fontes sub Calatajerone ad occasum emergant, fumunt inde Pacius, & Aprilis non infirmum argumentum de ejusdem urbis antiqua fundatione. Pacius Vagerusa*

legitimum fluminis nomen esse contendit, & varias ideirco etymologias adducit; suas Bochartus profert, quas discutere non vacat. Auctus itaque Manumuzza post originem aliis aquis, inter Dirillum, & Terramnovam in Siculi Africani maris littore os sibi aperit. Fons porro triplex est illi, alter sub Ecclesia S. Mariæ de Miraculis; secundus vero supra Eremitarum domum, cui a S. Maria de Refugio nomen in agro Pillæ; tertiusque in agro S. Agathæ, pass. circiter M. a præfata Calatajeronis civitate. Abluit fundos Rahalginesim, & Scalam, quorum excipit aquas, ac Boggiodianum, relictisque ejusdem Calatajeronis finibus per Nixemis opidi terras diffunditur. Hinc limosus, turbidusque pelago absorbetur.

MARCELLINUS Amnis. Aretius: *Fluvium in Syracusarum passu, ostium vero Marcellinum vocant, qui a fonte Lafavara inter Sortinum, & Leontinum ortus, haud multum peragrans in Megaræ portum diffunditur.* Hunc illum esse existimat Fazellus, quem Livius *Milliam* vocat; eum quippe inter Syracusas & Leontinos ponit. Fazello accinunt Bonfilius & Vita, qui Marcellinum Livii *Milliam*, seu *Mylam* esse affirmant. Aretius tamen, *Leander* & *Cluverius* *Yhadeda* seu *S. Juliano* id nomen appingunt; æquè enim *Marcellinus*, & *Yhadeda* inter *Megaræ* & *Leontinos* excurrunt. De fontibus & cursu etiam idem *Fazellus* habet: *Oritur supra Sortinum, opidum ad occidentem pass. M. III. e fonte insigni, cui Favara est nomen; & decurrens, ante quam Passus Syracusarum a trajectu ejus urbis nomen accipiat, Curcuracium a Friderico Rege III., quod ad Claramontanos defecisset, deletum opidum præterlabitur.* Distat ostium Marcellini ab illo *S. Juliani* pass. M. II. Alveus lapidosus, & hyberno tempore, tranari, ob eosdem lapides, quos excrecentes aquæ occultant, difficilis.

MAR;

MARCHETTUM. Arx apud Syracusas, quam Arctius memorat. In faucibus portus, ubi nunc Castrum *Market* est, Arx erat tyrannorum, Hieronisque Regis domus, qua Praetores postea uti solebant, thesauro plena; ac, ut Plutarchus ait, armorum copia ita munita, ut hominum LXX. millia illis armarentur. Ibi mea aetate & pont lapideus, quo insula ipsa adjungebatur, & obrutum, propter temporum injuriam, ac urbium eversionem, arcis inventum est aedificium, multaeque Statuae & caput e marmore, his literis inscriptum Extingtori Tyrannicæ. Hanc arcem, quia Tyrannorum receptaculum, a Timoleonte Corinthio deletam, quis restituisset, [Praetores enim, ut a Cicerone probatur, dein uti solebant,] mihi haud compertum quidem. Fuit iterum ab Romanis eversa, & in ruinis castrum *Market* erectum. Describit quoque eandem arcem Fazellus concluditque: Super ea demum ab incerto nobis auctore eversa castrum, cui *Marybeſto* est nomen, a *Sarracenis*, uti ex forma, & nomine colligere licet, erectum est, quod & hactenus durat. At quum novis aedificiis & munitionibus, ad eam oram insula instrueretur, saeculo XVI. in ruinam abiit. Bonannus Arctii nomen retinet, & *Marchettum* appellat.

S. MARIA DE ARCU. Monasterium Cisterciensis Ordinis in agro Netino. Vide *Arcus*.

S. MARIA DE FUNDRO. Monasterium sub S. Benedicti institutis: Vide *Condronum*.

S. MARIA MAGDALENA. Casale. Vide *Magdalena*.

S. MARIA DE NISCEMI. Opidum. Vide *Niscemis*, seu *Nixima*.

S. MARIA DE ROCCADIA. Monasterium ad Cistercienses spectans. Vide *Roccadia*.

S. MARIA DE TERRANA, ejusdem Ordinis Abbatia. P. II.

batia . De ea nonnulla recensui Calatajeronis sacras ædes enumerans . Reliqua consule inferius suo loco .

MARIELLA . Salina est ad Pachyni radices , in qua æstuante sole , aquæ ex imbris congregatæ in sal concrescunt .

MARINEUM . Casale in agro Bidinenſi sub Friderico II. juris erat *Petri de Formica* Militis . Martini Primi ætate ad *Calcerandum de Santapace* cum Lycodia spectabat ; estque hodie fundus , ejusdem opidi ditioni subiectus .

MAROGLIUS . Fluvius . Vide *Manumurza* . Eravit hinc Fazellus , Terrænovæ aquis id vocabulum appingens , easque *Marogli* appellans , quem Massa , & Seutterus in tabula sequuntur . Gelam quippe , seu Terrænovæ fluvium vulgus *Disutterim* agnominat ; & *Manumuzzam* , veterum Vagedrusam , *Maroglium* dicit .

MARSA MURRA . Fundus dicitur in Regesto sepius memorato Friderici Regis , ad *Curiam* spectans ; sed in Martini censu Salinæ nomine venit , Bernardo de Caprera obnoxia . Fazellus ingentem sinum *Marza* appellatum , idest Portum , & *Murram* stagnum , quod in sal totum æstate convertitur , memorat . De quibus mox .

MARSA . Post Pachynum promontorium occasum versus sinus majorum navium capax aperitur , cujus occiduum caput vulgo *Punta Marſa* dicitur . Nomen est Punicum , Portum , uti innui , significans , Veteribus *Odyſſea* , & Ciceroni *Ediſſæ* . Cluverius hinc lib. 1. cap. 14. *Ptolemæo* ultimus locus in meridionali insula latere , proximusque *Pachyno* promontorio , memoratur *Odyſſeum* promontorium , sive , Latine si loqui malis , *Olyſſeum* promontorium , quod idem esse deprehenditur , quod hodie vulgari vocabulo dicitur *Capo di Marza* , & item *Capo di Castelluccio* ; namque hoc ultimum est , quod in meridiem

vergit; *Pachyno hinc jam ad ortum spectante*. Huic Ulyssis promontorio sinus ab oriente adjacet, navium capacissimus, communique promontorii cognomine *Marsæ*, & *Castellucii* nuncupatus. Cluverius sinum ad occidentem promontorio adjacere, memoriæ lapsu scribit; prosequiturque insignis urbis disjectæ monumenta ex Fazello enarrare, de quibus dixi de *Castellucio* loquens; concludit denique: *Ego hunc eundem locum esse judicaverim, qui Ciceroni in Verrem lib. 5. corruptè Edissa portus vocatur; quam fuerit Græcis incolis Odyssea portus dictas. Vide Castellucium, & Edissa.*

MARSAMEMUS. Sarracenici nominis statio, *iv. pass. m. a portu Vindicaris in orientali Pachynensis oræ latere*, ubi & duæ ejusdem appellationis sunt insulæ. Supra hanc, parvo interstitio, ad occidentem diruti opiduli videntur reliquæ. Nicolosius in sua Geographia Naustathmum Plinii portum inter Syracusas & Helori fluminis ostium ad *Marsamemum* statuit. At enim Helorus longe ante *Marsamemum* mari affunditur; perperam hinc Naustathmus ibi designatur. Cluverius Pachyni portum, de quo Tullius in Verrem lib. 5. hunc locum esse judicavit: *Nostri autem classis erat in portu Pachyni*, ait ille; & Fazelli idcirco opinionem falsam arguit, qui ad Langobardum constituit. *Iste vero*, inquit, *Langobardus portus longe importuosior est, quam quem classis adversus piratas emissæ subire debuerit*. Si porro Marsamemum Pachyni portus fuerit, eò S. Hilarionem appulisse affirmandum. Vide *Langobardus*. Est ejusdem nominis turris ad stationis custodiam, & celebris Cetaria.

MARSARELLA. Statio in ora meridionali, vulgo *Mazzarellis*. De ea Fazellus: Hirminii fluminis ostium *Mazzarellis ad m. pass. parva sequitur statio, & ad m. d. passus moles quadam, & rupes extant rubra. Qui lo-*

cus, an is sit, quem Bucram extremum vocat Ptolemæus, incompertum est. In notis ego ad hanc Fazelli conjecturam, Bucram extremum, idest Promontorium, inter Caucana portum, & Hipparis ostium Ptolemæo statutam, affirmo. Hinc alibi, ad Rasacaramim, sive Scaramim Bucra locanda ex Cluverio, & aliis. Surgit ibi Turris cognominis, ad oræ illius contra piratas tutamen.

MARSA OLIVERIS. Vide *Plemmyrium* Syracusani portus promontorium ad æstivum ortum se flectens.

MAULIS. Amnis Aretio *Limagunis*, antiquis *Hirminius*; hodie a *Ragusa* appellatus.

MAURONEUM. De quo in Urbani II. literis fit mentio. Fines enim Diæcelis Syracusanæ describens Pontifex habet: *Indeque tendens ad Mauroneum ascendit ad flumen de Calibasilphar.* Ex hisce verbis alibi deduxi *Mauroneum* idem esse, & Meneum.

MAYNUCUS. Parva Statio post Alpusalli, seu *Pozzalli* arcem in ora australi ad pass. M. II.

MAZARINUM. Opidum, a plerisque Ptolemæi Macharina, uti in quibusdam habetur exemplaribus, ab aliis vero Maſtorium urbs credita, cujus opidani Maſtorini; in Mazarini quippe agro non levia antiquæ habitationis monumenta occurrunt, & ab Gela haud procul positum opidum, in cujus finibus Maſtorium, quod paulo supra indicatum. Aretius: *Supra Gelam Maſtorium, quam & Ptolemæus Macharinam appellat, urbem constituit Herodotus. Cicero Macharensem agrum dixit, hodie Mazarinum.* Vetustum hinc, & nobile appellat Pirrus, & si recens omnino velit Fazellus; quin asserentes Maſtorium fuisse, in sole planè caligare, parum congrue scribat. Collem occupat consensu non satis arduo subveatum, cujus verticem planities parumper ad austrum prona extendit, cunctis cæli regionibus patens; hyemis id-

idcirco tempore rigida, æstate solaribus radiis obnoxia, sed noctibus temperatis, aquarum denique indiga. Arx ruinis plena toti opido ad aquilonem dominatur. Dynastæ ædes conspicuæ & amplissimæ urbe metropoli dignæ, quas Josephus Brancifortius elapsi sæculi pene medio in meliorem formam redegit, & Carolus Caraffa Buteræ Princeps, earumdem diu incola, elegantissima aula festis theatralibus addicta, aliisque ornamentis, & typographica etiam officina cultiores reddidit, forum exornant. Ibi pro civili consilio basilica; juri dicundo, publicisque negotiis deputatæ ædes, nec splendida desideratur Ecclesia. Foro recta & spatiosa respondet via, opidum fere medium secans, quam opidanorum privati lares decentissimè constructi distinguunt. Suburbium non infrequens ad occidentem sedet, ita appellatum, quia ab reliquis partibus parum dissitum, nullum quippe habet opidum pomerium, nec portas, sed latissime quaquaversum extenditur.

Princeps templum olim sub arce, S. Agathæ sacrum memorant; cui circa forum aliud, S. Mariæ ad Nives titulo, humile successit; sed novum hodie contra palatium cives moluntur spectatissimum, & S. Lucæ V. M. nomini dicatum, cujus honori, jam inde ab ævo Rochi Pirri ædes surgebat, ubi sacramentis administrandis opera navabatur, sub Parochi potestate, sedem in S. Mariæ habentis; quæ unica est Paræcia. Ultra hanc S. Lucæ, tresdecim aliæ filiales, uti appellant, majori etiam suffragantur; sed præ cæteris sacre Regularium domus VII. in conspectu ponuntur. Societatis Jesu Collegium ab anno MDXC. Carolo Caraffa de necessariis redditibus largiter prospiciente, fundatum, cujus Ecclesia nitido cultu superbit a palatio haud procul. Sanctimonialium Cœnobium in foro, quod Aloysio Moncada Josephi Comitis

tis

tis uxor propriis fortunis ædificatum, S. Benedicti regulæ
 addixit post sæculi xvii. medium. Vivunt illæ artissi-
 mis legibus, albasque, & ceruleas vestes, velem, & cu-
 cullum jantinum indutæ, coluntque tutelarem Deiparæ
 Matrem S. Annam, cujus festus dies publicis nundinis
 est destinatus. Dominicanis fratribus S. Mariæ de Suc-
 cursu Ecclesiam, adnexumque ædificavit asceterium anno
 mccccclxxx. Antonius Alagambè nobilis Mazarinensis.
 In S. Mariæ de Carmelo vetustissimo, & insigni templo,
 cui laxior area respondet, habent Dynastæ sacellum
 majus, S. Stephano dicatum, elegantissimis piëturis, &
 marmorum varietate comptum, pro sepultura loco; lapi-
 deos hinc sarcophagos elegantissimos illud ostentat Fa-
 bricii, Joannis, Caroli. Ædem S. Hippolyti Minores
 Observantes anno mdlxxiii. tenuerunt in suburbio; sed
 illorum loco Reformatos itidem Minores Fratres, clau-
 stris visu dignissimis instauratis, in eam sæpius laudatus
 Princeps Caraffa induxit. Capuccinorum denique no-
 bile extra opidum ad iii. lapidem circa meridiem in hu-
 miliori loco, quod antiquum sane Pirrus evulgat; in
 Ordinis enim annalibus foundationis annus mdlxxiv. de-
 signatur, spatiosum est Monasterium. Meminit idem
 Pirrus Monialium S. Lucie Benedictini instituti in ejus-
 dem Virginis templo, quas defecisse tradit. Anno
 mdxxx. Commendam S. Joannis Jerosolymitani F. Petrus
 Gusmanus ejusdem Ordinis Mazarinensis congrua dote
 assignata excitavit, & Messanensi Prioratui addixit.
 Extat ad S. Agathæ vetustam Ecclesiam sub castro Ere-
 mitarum domus. Prosequuntur opidani insigni cultu
 Christi Domini e Cruce pendentis simulacrum, cui so-
 lemne festum Kalendis Majis celebrant, & sese illi ve-
 luti præcipuo Patrono addictos gloriantur. Subsunt,
 quæ ad internum forum Episcopo Syracusano, ejusque

Vicario; quo ad militiam provincialem Calatajeroneſi Præſecto, cui æquites VII. pedites XXXIV. ſuppeditat, & Platienci Comarchiæ. Eorum Magiſtratus civilis, uti in aliis opidis reipublicæ curam gerit, cujus electio penes dynaſtas, vitæ & necis cauſſas cognoscendi jus habentes. Stemma eſt Dominiſ cum opido commune: Leo truncis brachiis vexillum præferens. Comitatus prærogativa ab anno MDVII. inſignitum, in publico Regni conſilio proferendi loco IX. ſuffragium jus illis tribuit, quorum hic ordo, & ſucceſſio.

Manfredus, Simonis Policaſtri Comitſ filius, Henrici Marchionis nepos, primus *Mazarini* dominus occurrit; ſuo enim diplomate anno MCXLIII. ſignato, opidi jura Syracuſano Epſcopo concedit; mox aliis literis de anno MCLIV. S. Mariæ Eccleſiam ſe ibi extruxiſſe, proſitetur, eique agrum de Pirato attribuit. Ejus uxor Beatrix dicebatur, Odonis de Arcadio filia, ex qua hæredes tulit, quos in poſtrema charta memorat, ſed reticuit nomina. De uxore Bartholomæi de Luce *Deſiderata*, & eorum filia *Margarita* Vvillelmo Malconvenant nupta, alibi meas conjecturas expendi. *Simonem* cætero Comitem, Manfredi Patrem *Mazarinum* tenuiſſe, & ſi compertum non habeam, non inſicior. *Manfredus* Mongelini dominus *Mazarinum* ſub Aragonenſibus poſſedit. *Joannes Mazarinus* Manfredi filius, ex opido, cui dominabatur, appellatus, ab Jacobo Rege deſciens bonis privatur; atque in mari præceps actus occiditur, una cum Gualterio de Calatajerone. Hinc ejuſdem principis beneficio anno MCCLXXXVIII. *Vitalis de Villanova* Meſſanenſis in *Mazarini* poſſeſſionem ivit. Fratres habuit Joannem, & Pontium, genuitque ex Anna Artiſinæ, & Rahaljoannis domini filia *Calcerandum*, deſiitque mortalis eſſe anno MCCCIV. *Calcerandus* Friderici II. Regis fa-

familiaris effulfit, ductaque in uxorem Riccarda Palmeria, Blancam, & Gratianam filias suscepit. Hanc vero primæ superstitem *Raphaeli Brancifertio* copulavit, dotisque nomine opidi sui dimidium designans a Stephano Brancifortio Raphaelis patre pretium pro reliquo dimidio sibi solum professus est. In censu hinc sub eodem Friderico *Raphael*, uti *Mazarini*, & Gibillenzæ dominus Regi obnoxius dicitur. Ex eo *Fridericus* hujus nominis primus, unde *Nicolaum* ortum recensent gentilitiæ Genealogiæ tabulæ, & in *Capibrevio* Barberius, qui illi uxorem fuisse Jacobam membris prædit. Verum Michael de Platia synchronus scriptor *Joannem* sub Ludovico Rege constituit *Mazarini* Baronem, qui neque erroris, neque oscitantæ argui a quoquam potest, civis enim sui optimè nomen callebat. Hinc Jacoba Joannis uxor, ex quibus Nicolaus, ex Nicolao Fridericus anno mccccii. post patris mortem inauguratus, de quo infra. *Joanni* fratres fuere Rogerius, aliique. Hic Ludovico adhæsit, *Joannes* cum reliquis fratribus, Claramontanas partes secutus Aloysii Neapolitani Regis sese addixerat famulatu, suorumque Platensium descitioni favebat. Hinc a Rollando Aragonio in conflictu circa Calatajeronis fines fugatus, captivus inde apud Ennam detentus diu fuit. Furcam ibi subiisse cum sociis perperam Fazellus evulgat; uti enim in nostris ad eundem Animadversionibus scriptum: Rogerii fratris precibus veniam *Joanni* Ludovicus benignissimè indulgit. Egit ille apud suos Platiam adhuc occupantes, atque nedum Principi suo conciliavit; sed ut pristinis paternis bonis donaretur, obtinuit. *Joannes* subinde fidem suam apud eundem Regem probavit, Platizque præfectus, copias Regias in Messanensi oppugnatione rexit, uti loco citato. Ex Joanne *Nicolaus*, qui patriæ etiam præfectura donatus, sub Martino

tino Rege optime meruit, suosque Platienses ab eo
 descientes ad fidem pristinam traduxit. Hinc arcem
 Grassuliati, agrosque adnexos amplissimo rescripto sub
 annum mcccxciii. ab eodem Rege impetravit, ei-
 que deinceps charissimus evasit. Ex binis uxoribus
 Joanna Spatafora, & Joanna Lancea *Fridericum*, Tho-
 mam, & septem alios suscepit, exiitque mortalita-
 tem mcccci. *Friderico* in *Mazarini*, *Thoma* in
 Grassuliati possessione relictis. Uterque hinc in censu
 de anno mccccviii. sub Martino inter Barones ve-
 nit. Conjuges habuit *Fridericus* Margaritam Modicam,
 & Mariam, cum quibus *Nicolaum*, & filias quinque
 procreavit, affecutusque fratris Thomæ, sine prole de-
 cedentis, Grassuliati dynastiam ejusdem sæculi xxviii.
 anno fatis concessit. Fulsit *Nicolaus* ii. Regi a consi-
 liis, ductaque in uxorem Mansueta Joenia *Joannem* ex
 ea tulit, obiitque mcccclii. Hic paternis fortunis
 Melillis dominatum aliquando adjecit; genuitque cum
 Beatrice N. ut habent *Genealogie Tabule* *Nicola-
 um Melchiorem*, Guilelmum, & Elisabetham, quam
 nuptui tradidit Antonio Abbatelli Cameratæ Comiti.
Nicolaus Melchior Ferdinando Rege annuente Comi-
 tatus insignia anno mdcvii. assumpsit, copulavitque
 sibi Belladamam Alagonam ex Palatioli dominis, quæ
 a matre Elisabetha Tabarum, vulgo Tavis, amplissi-
 mis agris, ubi hodie Leonfortis exurgit opidum, do-
 natur. Relictis quidem *Joanne* ii. Antonio, Blasco, a-
 liisque filiis commune solvit *Nicolaus* tributum anno
 mdcx. Illi vero hoc pacto paternas dynastias sunt af-
 secuti. *Joannes* primo loco natus *Mazarini*, & Graf-
 suliati hæres remansit; Antonius Messanæ Strategus
 Melillim accepit; emitque sibi quoque Mirthi domi-
 natum anno mdcxv. obiitque novennio post. Blascus

T. J. P. II.

C

deni.

denique tertius genitus, matris testamento Tavis feudum sui juris fecit. Hic Regni Vicarius & Messanæ etiam Strategus Cameratam ex dote habuit, uti alibi recolam. Jam ex *Joanne* II. & *Æmilia* Moncada Adrani Comitis filia *Artalis*, & septem alii profluxere. *Artalis* cum Clara Tagliavia Castriveterani ducibus orta *Joannem* III. tulit, qui cum Dorothea Barresia Petrapretia hærede *Fabricium* genuit, in quo uno complures coaluisse comarchias alibi vidimus. Per id temporis Petrus Rivalora *Mazarini* opidum variis alienis obnoxium pecuniis sibi anno MDLXXXI. vindicaverat; quod mox insequenti *Fabritio* restituitur. Ex hoc Franciscus & Joannes, qui ante patrem diem obiit. Ex Francisco Joanna Austriaca; Joanni *Joseph* successit, qui cum eadem Margarita conventionem inita, *Mazarini*, & Grassulati dominium nactus, novo Nixemi oppidulo extructo, ejusdem Princeps est appellatus. Eo decedente Carolus Caraffa sororis filius obtinuit, qui *Mazarini* sedem fixit, opidum ædificiis sacris, profanisque nobilitavit; hinc complura egregii ejus ingenii opera typis *Mazarinensibus* excusa habemus. Illum soror Julia Caraffa excepit, postquam *Nicolaus Placidus* Brancifortius, de quibus latè dixi, ubi de Buteræ Principibus.

Mazarinum opidum est hodie frequentissimum, ac pingue; laribus enim 940. Caroli Cæsaris ævo, incolisque circa sæculi XVI. exitum 5131. constabat. Sequentis anno 2111. census fuit lar. 1389. civium 5748. Sub Victorio Amedeo lustrati lares 2199. incolæ 8228. novissime 9693. Ager satis amplus ubique runcatur, & seritur, pascuis ditissimus armenta nutrit, vino, oleo, fructibus abundat, mellis præstantissimi copia laudatur, oleribus, aliisque ad vitam necessariis non ind-

indiget, venationum denique delicias præbet. Sulphuris sodina in eo, quod non exigua quantitate eductum, purgatumque lucra colonis offert. In fundo, quod *Supremum Castellucium* appellant, cinericei coloris latex emanat sulphureus, malis cutaneis remedium præsentissimum; sed fons ejusdem agri præ cæteris celebratur, aquas emittens falsas, quarum libra salis partes .iv, humoris .ii. continet. Sal autem eductum ardentissimum est. Longitudinis gradum xxxviii. *Mazari-num* non attingit, & xxxvii. latitudinis vix excedit. Egregios protulit viros, quos inter memorantur Ægidius Mancuso ordinis S. Francisci de Paula, omnium scientiarum typus, uti Annales Paulenses deprædicant, qui librum de Philos. & Theolog. controversiis Lugduni edidit. Floruit sæculo xvi. ex Pirro. Sed Ægidium Mongitorius in Bibl. Claromontanis accenser. Joseph Artalis Poësis studiis, sed Martis artibus simul addictus. In ejus vita, libris *Encyclopædia* præfixa Catanensis patria vulgatur, & sese ipse Catanensem jactabat, ideoque civibus meis alibi adnumeravi. Fuit Ernesto Bransuicensi, Luneburgi Principi a custodia corporis dux, animi fortitudine, & gladiatoria nemini secundus; fuit Eques Constantinianus, obiitque Neapol. anno mdcxxxix; vulgavit *Encyclopædiam* Etruscis varii generis carminibus refertam. Antonius Blundus Societ. Jesu vitæ innocentia, & sanctimonia clarus ob edita opuscula a Mongitore inter Scriptores Siculos relatus, tyrones ad plures annos instituit, Deiparae amantissimus, erga pauperes largus, Dei & coelitus sæpissima apparitione dignatus, Panormi piissime obdormiit mdcxlix; laudatur ab Aguilera, & Alberto. Idem Mongitore Bernardum Bussena, ordinis Prædicatorum eximium oratorem, ac Rocchum Surtium

Sacerdotem gravioribus disciplinis imbutum, & a vulgatis ingenii monumentis utrosque commendat.

MAZARUNUS Amnis in agro cognomine, qui ad Netinum S. Salvatoris Monialium cœnobium ex donatione Antonii Caramanna Regii Ærarii Conservatoris spectat, ortum habens, sub Claromonte opido, Dirillum, sive Achatem fluvium auget; quin & ipsi Dirillo per aliquem terræ tractum vocabulum attribuit. Vide *Dirillus*.

MEGARA. Ad Alabi fluminis ostium, Urbs vetus, olim Hybla ab Hyblone Siculorum Rege appellata, ab Jonis, & Dorienfibus, quorum magna pars erant ex Megara Græca urbe, aucta est, uti in superioribus dixi de Hybla loquens, ubi *Megara* Siculæ authores ex Thucydide, & Strabone retuli, eorumque verba, & aliorum veterum expendi. Ad discrimen autem *Megara* in Græcia hæc dicta fuit *Megara* Hyblensis, & opidani *Megarenfes* Hyblenses, uti Cluverius lib. 2. advertit; quamvis mel, quod in ejus agris præstantissimum legebatur, Hyblæum semper diceretur. De Alabo fluvio, quem Cantaram hodie appellant, alibi dixi, & rursus de Milillis agro agens, illius fontes, cursumque promam, longe diversum, ac Fazellus describit. In ipso autem littore ad jactum teli ab dextera Alabi ripa diruti opidi mœnia ex quadratis, ingentibusque saxis hinc inde disiecta spectantur, ambitus pass. 111. circiter M. Errat enim Fazellus idem *Megarense* pomœrium non nisi pass. M. colligere scribens. Intra eamœnia ædificiorum magnæ, ac mirandæ spectantur reliquiæ, nec leve urbis magnificentissimæ vestigium. Quamvis enim Ptolemæus Tab. VII. in mediterraneis *Megaras* posuerit; in ipsa tamen stetisse maris ora liquet, quod sinus amplissimus inter Taurum promontorium

rium

rium, & Tapsum peninsulam, in quem medium Alabus amnis affunditur, *Sinus Megarensis* dictus est, de quo Virgilius *Æneid.* lib. 3. Hinc Megaris Plinio in ipso refertur littore, & Mela lib. 2. cap. 7. *A Peloro* scribit, *ad Pachynum ora, quæ extenditur, hæc fert illustria: Messanam, Tauromenium, Catanam. Megaridem, Syracusas.* Thucydides apud *Megaram* Athenienses cum viginti navibus unam interceptisse Syracusanorum onerariam, quæ domum navigabat, lib. 6. memorat; Tullius in *Verr.* lib. 5. *Hæc una navis e classe nostra non capta est, sed inventa ad Megaridem.* Ovidius denique *Fast.* 4.

Liquerat Ortygiam, Megaræque, Pantagiamque. Cætero Megarenses Siculos Selinuntis authores sive instauratores fuisse, pulsos inde Phœnicibus, idem Thucydides tradit: *centum, postquam ibi habitare cœperunt, annis Selinuntem, misso illuc Pammilo, condidere.* Brevi quippe adeo potentia creverant. Annis ccxv. a conditu etiam, & patria, & agro ~~Megarenses~~ ab Gelone Syracusanorum Rege pulsi sunt. Agrum idcirco Thucydides ditionis Syracusanæ paullo post Gelonem fuisse affirmat: *Athenienses navigaverunt ad Megara versus, quæ sunt in Sicilia, unde exterminatis a Gelone Tyranno opidanis, Syracusani agrum possidebant.* Herodotus Gelonem magna vi *Megaris* expugnatis, Syracusana Urbe nobiles viros, divitesque donasse testatur, plebem vero sub hasta vendidisse. Quum agro nihilominus fertilissimo uterentur, eosdem Syracusanos opidum instaurasse affirmat. Hieroni hinc 11. *Megara* in celebri illa cum Romanis divisione cessit; & Sositum Syracusarum ducem per *Megara* suorum duxisse exercitum, Hieronymo occiso, Livius tradit. Quod

exiguum

exiguum tunc fuerit opidum ex Silii verbis lib. 4. colligimus, quibus ait:

Nec major Megara Motyce.

In Marcum Marcellum Romanum Consulē subinde precavit, a quo, ad metum cæteris incutiendum, capta, funditusque deleta est, quod idem Livius testatur. Quocirca Tullius lib. citato dicit: *Megara locus est juxta Syracusas*; ubi locum, non opidum, aut castellum vocat. Bello civili inter Augustum, & Pompeii filium exardescente, rursus restituta perhibetur; Pompeii enim experta suorem cum aliis insulæ civitatibus exciditur; Mox Cæsaris munificentia, ubi hodie Augusta sedet, novos habuit colonos. Strabo quidem, qui ejusdem Augusti, assecutus est tempora de Naxo & Megara habet; *Urbes istæ non existunt amplius, & Hyblæ nomen etiamnum durat ob Hyblæi mellis præstantiam.* Sub Armato nihilominus Siciliæ, Maximiani Cæsaris ævo, Consulari plures SS. Martyres in sacris Siculis Fastis leguntur passi, & in Itinerario Mediæ ævi Cluverius legit: *Tapsus, distat ab opido Megara Castello Syracusanorum Stadia xi. pass. scilicet MDCCLXXV;* quod justum est intervallum hodie inter Tapsum peninsulam, & Alabum amnem. Ex his Aretii lapsum conjicias scribentis: *Megaræ Hyblæque unam esse multis dicunt, nobis, vero eam esse Megaræ, quæ Augusto nuncupatur ab Augusto Cæsare instaurata, magis placet; & Hyblæ supra ipsam Megaræ pluribus authoribus collocatur, nunc Melissis, Megara Thucydidi, Herodoto, Straboni, Stephano, Plutarcho, Martiano Heraclæensi, sive Scimno Chienfi, Straboni, Ptolemæo, Plinio, Melæ & aliis celebratur.* Dum suis viveret legibus nomen edidit, ubi Palladis galeatæ caput, & noctua eidem sacra exprimuntur; caput item Ammonis caprina cornua supra sinistram autem habentis cum epigrapha

METAPA. Accenset ejus civibus Fazellus Theogneta Poetam, Philosophum, & Historicum, qui olympiade xcix. floruit, scripsitque ad Cyrum Persarum Regem *Gnomologiam*, sententiasque tercentas ad vitæ regimen elegiis complexus est, & alia versibus edidit. Epicarum comœdiæ inventorem, a nonnullis quidem patria Syracusanum, sed ab Aristotele, Tullio & Cluverio Megarensē appellatum; & Alcinoū Poetam tragicum, quem Suidas, Giraldus, & Cranius Megaræ natum dicunt in Sicilia.

MELICHIE fons apud Syracusas ex Plinio, ejusque in agro erumpens, incerti hodie situs. Verba Plinii alibi de Archidemia etiam fonte scribens retuli.

MELILLIS. Opidum in collibus Hyblæis, quorum jugis cingitur, & vetus Hybla idcirco quibusdam credita, Alabi fontibus imminens. Sed enim Stephani Epitomator: *Styella*, ait; *Castellum Megaridis in Sicilia. Gentilium Styellinum.* Idem alibi: *Una autem Hyblarum Tyella vocatur.* Tyella corruptum esse Cluverius optime advertit pro legitimo *Styella*. Quod id Castellum *Melillis* fuerit, certo certius non affirmo, sed conjecturis agendo, quod supra Megaram, quæ & Hybla, & in ejus collibus situm *Melillis* opidum videtur, veteri *Styellæ* suffectum non incongrue putaverim. Forte etiam castellum, quod in agro Megarensi Nicias Atheniensis obsessum non expugnavit, eo loci, ubi hodie *Melillis* dudum stetit. Verustatis siquidem monumenta passim circa idem opidum, ac per vicinia detecta, cryptæ, ubi olim mortales degebant, sepulchra, lateres, vasa, aquæductus, aliaque id genus de illius antiquitate non obscura præbent indicia. A melle Hyblæo satis celebri, de quo dixi, *Melillim* cæterò nomen accepisse Pirrus, & Aretius vulgarent, quasi

Mel

Mel Hybla. *A præstantia mellis*, inquit ille, not. 3. ab. 9. *nomen recepit*, ejus namque ager cannis mellitis feracissimus est, quibus *Saccarum* conficitur nobilissimum; collesque occupat *Salictis* floribus, quibus apes avidissime vescantur, passim abundantes. Fazellus autem novi nominis opidum esse *Melillim* affirmat; & Carraera a Sarracenis ita appellatum tradit; uti autem hoc non inficior; complura enim ex antiquis vocabulum immutasse Sarracenis agentibus satis constat; ita Fazello morem gerere ex iis mox recitatis facile haud possum. *Melillis* prospectus est terra ac mari jucundissimus; sinum quippe Megarenses, ubi Augustæ portus, & Tapsus peninsulam hodiè *Magnisim*, agrosque fertilissimos, & irriguos, veluti specula sub se tenet; acclivis hinc ad opidum ascensus, & arduus, situsque, ubi illud sedet, ad ortum austrumque pronus patet. Arx olim in suprema ora quadris lapidibus tota compingebatur, adeo inter sese connexis, uti pene integræ moles videretur; ampla aliunde, omnique ex parte præruptis infidebat rupibus. Hæc anno MDXIII, ex terræmotu quassata, primis deinde concussionibus die Januarii IX. alterius terræmotus de anno MDCXIII. disjecta penitus jacuit, nec nisi superstites ejus spectantur ruinæ; Post primum opidi ingressum ad ortum S. Sebastiani Mar. elegans ac perinsignis statim basilica sese videndam præbet, ubi sacra servantur ad civium pietatem fovendam. Est enim Divus illorum præcipuus tutelarior, cujus festum kalendis Maiis, ingenti pompa, & summa populi ex posita circumquaque regione, atque ex longinquis frequentia, cum nundinis celebratur. Signum ejusdem martyris, ab anno MCCCXIV. prope litus, ut ferunt, inventum, innumeris prodigiis clarum, multisque idcirco donariis quotidie a confluenti agrorum copia

pia ornatum, ibi colitur, ipsique opido famam conciliat. Ampla hinc via assurgit, privatis civium ædibus utrinque dispositis, quæ in duas circa medium diffunditur, harumque una ad majorem Ecclesiam decentissimæ structuræ, ac solam paræcialem, S. Nicolao sacram, Archipresbytero commissam, parûque inclinato solo sitam, ducit; Altera autem via reliquas opidi partes superiores complectitur, quæ sub arce extenduntur, & a Turre nova denominantur, cujus extant quoque rudera. Ibi Minorum Fratrum de Observantia, uti ajunt; Cœnobium, qui in S. Mariæ de Jesu extra opidum olim, mox intra ab anno MDXIV. ad S. Antonini Templum migrantes aptas instituto ædes coluere. Sed Carmelitis locus prope princeps templum anno MDCXX. est datus, quorum sub ordinis tutelari B. Virgine Ecclesia, & huic adnexum non vulgare peristylum. Minores denique Capuccini primo lapide dudum ab anno MDCXXVI. situ parum apto usi sunt, hinc post decennium, nobilis, & amœnum in superiori regione Monasterium sibi construxerunt. Moniales denum Benedictinæ in Ecclesia, & claustris sub S. Pauli Apost. nomine, decenter degunt, Joannis Horosci Syracusani Pontificis decreto, & Civium munificentia fundatæ, a S. Sebastiani æde haud procul. Per reliquas opidi regiones in v. Ecclesiis Divinus cultus promovetur, & incolarum religioni fit satis.

Cives habuit Melillis ab honestate natalium semper commendatos, quorum præcipui Augustam demigrantes sedes ibi statuerunt; Ejus est Magistratus juxta provinciæ mores, Decuriones iv. Syndicus, & Judices cum Præfecto. Spectat ad Diœcesim, & Syracusanam Comarchiam, & provincialis militiæ Leontino Instratori subiecta, equites v. peditesque LX. suppeditabat.

T. P. P. II.

D

Ejus

Ejus fuit census sæculo xvi. larium 706. incolarum 4361. Sequenti juxta Pirrum lares 1376. cives 4983. numerabat, ex Regiis verò libris lar. 1424. incolas 5451. Anno decurrentis xiii. lares 1419. animas 5353; & novissime 5605. Latitudo eadem illi est, ac proximæ Augustæ Civitati, grad. xxxvii. & vii. longitudo paucis decrescit min. est enim inter utrâque pass. m. vi. distantia. Ager amplissimus ad oram usque maritimam, ultra Tapsum, & in mediterraneis per montana, complures fundos complectitur, frugum cujusque generis, vini præstantissimi, olei, olerumque feraces, multa arbore consitos, & venationibus aptos; In his *Medolus*, & *S. Cosmanus* mellitas cannas, unde nobilissimum saccharum conficitur, passim ferentes, celebrantur; & in *Medolo* Dedali piscina, sive Colymbetra Alabi fluminis aquas coercens, de qua dixi; apud *S. Cosmanum* ingentis turris vestigia, olim spectatu dignæ; in *Bigeni*. (est fundus ad oram) celebris vetus pyramis, vulgo *Agulia* subrigitur, cujus alibi erit mentio. In *Mastrajano* denique *S. Phocæ* Martyris nobile, & antiquissimum ex quadro lapide spectatur templum, de quo Scobar in Catal. & Pirrus tradunt, quod a Germano Syracusarum Pontifice ortum recognoscat, circa iv. Christi Sæculum, ibique *S. Martyris* exuviae requiescant; ad quas undique venerandas finitimæ confluent gentes, venenatis moribus remedium, gregibusque, ac armentis lue infectis sanitatem expertæ. Ejusdem agri ambitu ad littus Balneæ saluberrimæ cum sedibus proximisque ædificiis, hodie susdeque disiectæ, clauduntur, ad Megaridem olim dubio procul spectantes. In collibus Terra foliata, cujus meminit Bocconus, subiecto igne tetrum sulphuris odorem reddens passim effoditur. Irriguum complures fontes, sed Alabus præcipue

cipue fluvius hunc quoque agrum reddunt. De Alabo, ex Fazello & Massa scripsi, quod ortum habeat, ubi *Lymbetra*, brevissimoque conlecto cursu in mare sese evomat, sed ab erudito Bartholomæo Albani, qui Melillis historiam concinnatam habet, didici, illius aquas in fundis *Milaterra*, & *Cunei Regii* ditionis *Melillensis* ad passu m. iii. ab opido circa occidentem plagam, sub quadam rupe a fonte *Caldarone* abunde erumpere, auctasque aliis in itinere laticibus, vallem septentrionalem sub Hyblæis collibus præterfluere, ibique amnis a Mellis dulcedine *Alabi* nomen suscipit, molas frumentarias complures revolvit, arva, viridaria, & amœnissima fecundat pomaria. Hinc in valle eadem salebrosa aquæ veluti pereunt, nec longe a Piscina denuo ubertim promanat, ac novis aliis sibi adjunctis, in mare se inferunt tanta copia, uti ad passus circiter cccc. cymbis ad piscium capturam navigabiles præbeantur.

Ex Melillensibus commendant Alphium Eremi incolas, qui Despara monente, Neimam S. Gouradi diu illustravit religiosam domum, ibique admirabilis penitentia, omniumque virtutum specimen dedit, prophetia spiritu claudit, ac Christi Jesu Crucifixi amplexu dignatus, dies suos feliciter clausit Scripsit ejus vitam Hieronymus Renda Ragusa. Ant: Mongitore in sua Biblioth. Josephum Tristainum egregium Poetam, & Leonardum Germanum amenioribus literis apprime instructum laudat; Pirrus Dominicum Patavinum Syracusanæ Ecclesiæ Decanum, & Antonium Parisium Canonicum, utrosque Pro Episcopo, & sede vacante Generales Vicarios memorat. Josephi filii Clandius, & Hyacinthus Tristainus, ille Casinas Monachus poeticis, & musicis studiis claudit, alter ordinis Prædicatorum Magister, pluries provinciam optime administravit,

vit, & vivit hodie. Paruit denique *Melillis* Augustæ Comarchis, ejusque Comitatus pars fuit, sub Frederico Rege. Ubi autem illa Regii evasit Demanii, sub Martino, anno mccccvi. *Melillis* quoque Regii juris fuit. sub Alphonso *Didacus Sandovallus* Hispanus Augustæ Comes est dictus, qui *Joanni Infanti* dedit. Hic *Sancio de Laudonio* illam cessit; unde ad *Antonium* Bellomo devenit. Anno mccccxlv. *Petrus de Busuldu-*
no Regis ærario adjudicavit Augustam, ipse verò *Melillim* in feudum accepit. Utriusque dominium *Ferdinandus* Infans anno mcccclii. tenuit; qui *Raymundo Guillelmo Moncada* vendidit. Hujus filius *Joannes Thomas* Beatrici Brancifortiæ, unceis aureis 15200. accep-
 ptis, tradidit; *Joannes* hinc Beatricis vir, & *Nicolaus Melchior* amborum filius *Melillis Domini* sunt appella-
 ti; Hunc sequutus *Antonius*, Messanæ Strategus, ob Matris Belladamæ donationem, a quo *Joannes Antonius Moncada* Thomæ Nepos jus habens, revocavit, & *Salvatori Mastrantonio* Sābucæ Baroni, cujus filio Lucretiam ex se natam conjugem dederat, anno mxxxii. congrua sibi numerata pecunia, cessit. A Mastrantonio subinde emit *Antonius Covello* anno mxxxix: Verum *Cæsar Moncada* pretio reddito, ex hujus manibus suscepit, cujus hodie hæredibus *Melillis* opidum obnoxium. Sunt hi Paternionis Principes, Galatanissetæ Comites, sedemque in publico regni concilio, uti *Melillis* Barones xiv. occupant, de quibus fusius suo loco.

MELINVENTRIS Fundus, hodie Opidulum *Catena Nova* ad Rigios spectans, sub Centuripe, cujus agri pars olim erat, ideoque Matthæo de Sclafano A-
 trani Comiti Centoripis Dynastæ obnoxius. Ab eo *De-*
tata de Benisano Gerardi Bonsolis uxor, solutis aureis
 100; anno mccccli. habuit, confirmantibus mox Eu-
 phe-

phemia Regni Vicaria, & Friderico III. Rege. *Gerardus*, & *Honufrius* *Desiata* hæredes subinde tenuere. Ex *Gerardo Desiata* II. Joannis Eschifani Leontinensis uxor; ex *Honufrio Thomæus*, sive *Bartholomæus*. Anno hinc MCCCXVII. Eschifanus, & Bartholomæus Bonsole, singuli pro dimidio, *Melinventris* erant domini Eiusdem sæculi anno LIII. *Honufrii* II. Bartholomæi filii juris fuisse Barberius tradit, ex quo *Noella* Guillelmi de Perno conjux. Floruit gens Perna Catanæ, & Syraculis, & *Melinventrim* ad Sæculi XVI. pene medium tenuit. *Franciscus Statella* ex Mongelini Dynastis Feudi dominus subinde evasit, & ad suos transmisit. Horum postremus *Gaspar Statella*, qui ad annum MDCXIII. Catanæ splendide vixit, prolemque unicam *Annæ Mariam* reliquit. Nupsit hæc *Antonino Riggio*, ex Campifloridi Principibus qui a Regiis rationibus, & Regni Quæstor generalis, Catanæ Principis titulo donatus, *Andream*, & *Agathinum* filios habuit. Hic Episcopum Cephædensẽ egit, in publicis provinciæ Comitibus Primas, ex XII. Regni viris, Apostolicæ Legatiæ Judex, & Iconii Archiepiscopus effulget; Andreas vero patri in Quæstura successit. Primus ab sinistra Chryse fluminis ripa haud procul, in levi tumulto homines congregavit, atque opidulo condito, *Nova Catene* vocabulum attribuit, Paræcialis Ecclesiæ sub æsu, & Mariæ nomine ad austrum fundamenta jecit, & brevi illam promovit; Vias amplas, & rectas distribuit, quadrato schemate universum ædificium jussit, quod in dies incrementa suscipit. Clauditur Catanensis diocesis inibus; census est larium 200. animarum 500. Jamvero, ex *Andrea*, & *Antonia Riggio* ejus conjuge *Antoninus* in lucem prodiit, qui a Patris morte, hoc ipso, quo scribimus, anno, *Catena Nova* Princeps, & Rege nuente, Quæstor & ipse Generalis renunciatur.

MELITA in mari Libyco insula, sed Siciliae adscripta, quod illi semper obnoxia, & proximior, inclyti equestris ordinis S. Joannis Jerosolymitani hodie sedes, ejusque Magno Magistro feudijure devincta; *Melivetus* ævo medio, vulgi vocabulo *Malta*, inter gradum latitud. xxxv. & xxxvi. posita, atque in xxxiii. longitud. incidens, pass: m. lx. in ambitu, extenta, scilicet in latum m. xii. in longum xxiv. patet. Sicilia autem adjacet ad austrum, & hybernium occasum, inter Pachynum, & Camarinam; hinc illud Strabonis lib. vi. *Ante Pachynum jacet Melita*, distatque a Syracusis, Diodoro teste, stadiis dccc. uti Cluverius emendat, idest pass. m. c; ab *Alpusallo*, vulgo *Pozallo* statione, in ora proximiori opposita pass: lx. m. Quamvis, uti verum fatear, de hac Maris intercapedine, etiam inter veteres non conveniat, & variam ipsi quoque recentiores designent. Latus *Melitæ* septentrionale Siciliae objectum, plures habet portus, & stationes non infsecuras; austrinum nullum præstat navibus aditum, altisque passim scopulis, ac rupibus inaccessum cernitur; qua solis hybernium respicit ortum, stationem amplissimam efficit, *Massa Sirocca*, idest *Euri* portum, appellatam; ubi tandem ad æstivum vergit occasum contra Gaulum, in quãdam veluti peninsulam definit. Mediterranea cetero, tumulis aliquot interspersis, sed humilibus uno perpetuo saxo constare videntur; sed colonorum industria, clymatisque benignitate, frugifera nihilominus audiunt, uti de agro loquens paulo post adnotabo.

Civitas cognominis, quæ & *Medina* a nonnullis, circa Meridionalem plagam, collem veluti insulæ umbilicum, pene in medio occupans, Episcopali Cathedra decoratur, & *Notabilis* in Regiis Siciliae libris titulum

tulum refert, quo quidem nomine hodie compellatur; & aliis Civitas vetus dicitur. Illius primi conditores Phœnices passim traduntur, qui circa Siciliam olim insulas ex Thucydide occuparunt; Hi totum collis planum verticem ab ortu, occasu, & aquilone tenere, ab austro vero valle, & fossa firmatam voluerunt. Sed nunc passim circiter in ambitu colligit; Arcem ad ortum habebat, & turrim ante præcipuam portam ostendebat, quarum prima Alphonssi Regis ætate anno mcccclv. altera sequentis sæculi anno lxx. quod urbi potius noxia videretur, disiecta. Hodie binis propugnaculis, Portæ Regalis, & Græcorum appellatis, circa muros munitur, quorum summitates asseribus constructæ, tormentis bellicis onerantur, ad repentinos Turcarum incursus coercendos. Illius princeps Templum decentissimè exstructum, sedesque Episcopi, Deiparæ olim, mox S. Paolo Apostolo, ob ejus ad insulam impulsus memoriam sacrum, insigni Canonicorum collegio fulget; ~~Alumni enim, Romæ Curia indultu, cruce,~~ ut ajunt, pectorali, & mitra utuntur; aulamque eidem basilicæ adjunctam satis laxam, & nobilissimam habent; Aulæis sericis auro contexto ornatis ex dono novissimi Antistitis de Alferan, necnon variis e mamore sepulchris, aliisque elegantis nobilitatur. Ex Religiosis domibus I. S. Mariæ Annunciatæ pro Carmelitis, qui xii. incunte sæculo extra mœnia ad passim m. ii. sub titulo S. Leonardi, exstructis in opaco loco exiguis casis, solitariis vitæ studiis inhæserè, inde ab anno mclxx. ædificiis in urbe institutis, & dote auctâ, cultui Divino, & animarum saluti intendunt. II. Minorum Observantium in suburbio, vulgo Rabbato, antiquissima sub S. Mariæ de Jesu nomine. III. Eorundem Minorum Conventualium, quam anno mccccxx. in eodem Rabbato

bato prope vetustam S. Francisci Ecclesiam hospitalem, fundatam lego, Pirri ævo collabentem, hodie instauratam. IV. Fratrum Prædicatorum in S. Mariæ de Crypta anno mccccclxxxix. in Rabbato etiam extructa, tyronibus instituendis dudum capax; nobilis denique cum fabricis, tum regulari districtione, tum alumnorum celebritate. V. demum Eremitarum S. Augustini tota insula illustrior extra mœnia ad jactum lapidis, primum anno lx. ejusdem sæculi xv. sub S. Patriarchæ, & Doctoris nomine, inde post direptionem a Turcis passam MDLI. ad S. Marci intra pomœrium magnificentius excitata, dudum suorum Academia. His Sanctimonialium sub nomine, & regula Divi Benedicti Cenobium accedit, quod Abbatiam novam appellat lib. s. Bosius. Reliqua privata ædificia decentissima; Magistrale Equitum Joannitarum palatium primas exhibet substructiones; ubi olim Arx, Episcopale, majori Ecclesiæ proximum, spectatu dignum. Post portæ ingressum vetusta Junonis statua octopalmaris occurrit, quæ olim totius insulæ apud Ethnicos titulare numen. Balnearum vestigia adhuc perstant; loculi in lapide excisi, lucernæ fictiles, phialæ, aliaque id genus, ac præsertim numismatum monumenta passim in urbe, & extra in agro occurrunt, de quibus suo loco.

Jam vero in Rabbato, quod urbe ipsa frequentius, Beatæ Agathæ celebræ vetus templum, & paræciale, cum ejusdem Virginis simulacro, in præcipuo cultu indigenæ habent; non semel enim in præsentî discrimine, singularem contra Turcas adiutricem illam experti sunt; & cum Apost: Paulo patronam idcirco adscitam venerantur. Ad duo passus n. meridiem versus, in edita rupe, Arcem Verdalam memorat *Abela*: quadrangularem ab Ugone Verdala Ordinis Magistræ autho-

authore nomen habentem, circa quam luci, & viridaria ad delicias. Contra occidentalem plagam, ab urbe ingens terræ tractus ad oram usque maritimam protenditur, vicis, villisque infrequens, sed suburbanis civium ædibus, amoenis viretis, ac pascuis latus, oculo non ingratus evadit. Aquis enim passim abundat, quarum ingens copia, ductum opere magnifico instituto, ad novæ urbis Vallettæ commodum derivatur. Quæ porro ortum, meridiem, aquilonemque eadem vetus civitas respicit, tot pagis ager instruitur, uti urbis speciem exhibeat; quorû nomina in paræcias x. distributa Pirrus ex Bosio enumerat. *Abela* in iis recensendis nonnihil variat; tabulis, seu *Mappis* parum fidendum. Nonnullos Ego ex præcipuis memorabo: *Nayara*, *Naxiar*, & *Maſſa* ad aquilonem eminenti loco, totiusque penitus insulæ prospectu amœnissimo sedent; quorum incolæ primos a S. Apostolo Paulo Baptismi, aquis regeneratos se gloriant. *Dirctoria* in S. Elena Ecclesia Canonico insigni Collegio decoratur. *Zirigum* in tumultu ad austrum pulcherrimi aspectus mortales incolunt, qui leuconii operibus præcipue intendunt: *Zebulgi* quoque incolis frequentissimi ad ortum, lini, & leuconii artificium viget. *Paula* ex recentioribus B. Ubaldeschæ Virginis, Joannitarum ordinis, æde nobilitatur. *Biskellin*, & *Bisbut* Sicularum Coloniae sunt. *Cassar* ab antiquo Castello nomen habet hodie diruto; *Curmi* a portu haud procul, olim *Fornarus*, a Magno Ordinis Magistro Emmanuele *Pinto* Civitas appellatur, frequens, & non ignobilis, quod Vallettæ sit propinquior. *Kakibir* denique amplissima est crypta, ubi complures familiæ agri operibus intentæ habitant. Reliqui pagi levioris sunt momenti; hinc ad maritimam Insulæ loca describenda progredior.

Portus ingens æstivum ortum contra Siciliam respiciens, præ aliis ejusdem orę tutior est, totoque penè orbe operibus, & munimentis nulli secundus; quumque protensus ad fauces usque terrę tractus, vulgo *Lingua*, Græco ore *Dithalassus*, sinum dividat, duo hinc stationes majorum navium capaces, ab accessu ventorum, immotæ occurrunt, quarum una in orientem *Marsa Punicè*, *Portus* Latine, altera in occasum *Marsa Muscet* dicuntur. In tractu, seu *Lingua*, quæ passus x. ii. circiter in longitudinem, & pass. v. in latitudinem extenditur, S. Ermi, seu Erasmi arx celeberrima, & *Valletta*, Civitas nova cum *Floriana*, seu *Sarria* imponuntur; ad cujus sinistram parva insula *Marsa Muscetta* portum occupat. *Marsa*, sinus orientalis, terrę excursus, seu *Lingua*, quum habeat ternas, in sinus minores dividitur, quorum primus Portus Gallorum, inter *Cordinum*, & *Sangleam*; secundus Triremium portus appellatur, alluique utrinque *Burmulam*, *Sangleam* ab aquilone, & Suburbium ab austro, ac belli tempore catena clauditur; tertius ab Anglis dictus, hinc suburbium, illinc breviorē habet tractum a suburbana *Bibichii* villa appellatum; Quartus denique *Arenella*, *Bibichio*, & *Ricasolis* munimento ad *Urse* cupidem circumscribitur. Est cuspis hæc portus *Marsa* promontorium orientale, cui *Dragutti* caput ad occasum respondet, unde in *Marsa Muscetta* portum aditus aperitur. De quibus singillatim.

Arx igitur ad ipsas portus fauces in ampla prærupta sedet rupe, cujus undique latera validis firman-
tur propugnaculis, & opere præsertim coronato, ab ædicula S. Erasmi Episcopi, quem vulgus S. *Ermum* appellat, nomen fortita, originem ab S. Joannis Equitibus anno MDLII. recognoscit, qui strenuè illam con-

tra

tra Turcas diu propugnarunt. Ibi Pharus ad nautarum commodum. Post hanc *Valletta*, Civitas nova, utramque collis *Scieberries* occupans oram, in meridiem sita videtur. Ejus extruendæ initium anno MDLXI. factum, Joanne Valletta Magno Ordinis Magistro auctore, unde cognomen, & *Humillima* titulum, necnon scutum, cum parma miniata, & aureo Leone accepit. Hic opera militaria propugnaculis munitissimis eminentia, Magistrale Palatium Regio haud impar, ædificia pro Equitibus ordinis, Albergiæ vulgo, ad omnem magnificentiam, Viæ rectæ, & latæ, Paræciæ, Monasteria, Domus hospitales, civium denique privatæ sedes undique superbiunt. Et Palatium quidem urbis medium occupat cum turri, & area ab austro, & occasu, ubi fons, cui Cancellarii, Quæstoris, & Conservatoris ædes magnificæ adjunguntur. Illud porro *sumptuosissimum, regale, sed religiosum* appellat Pitrus, cujus in aulis amplissimis Ordinis cœmicia coguntur. Incoluit primus Petrus de Monte M. Mag. anno MDLXXI, qui a præcesfore suo inceptum perfecit, ornavit, novosque cives in urbem die XVIII. Martii induxit. Equitum Albergiæ ad octo numerantur, ubi Fratres Milites habitant ex unaquaque natione discreti, & provinciæ negotiis agendis conveniunt. Paulus Lascaris, & socii novam addidere satis nobilem, vulgo *Cameratam*, in qua peculiari studio piis exercitationibus Equites cujusque nationis, communi mensa utentes, incumbunt. Sitæ penè omnes ad occidentales urbis plagas videntur. Conventualis Basilica S. Joanni Baptistæ dicata Magistrali palatio haud procul, & circa centrum, jussu Joannis Levesque M. Mag. a fundamentis extructa, ab Ludovico de Torres Monregalensi Archiepiscopo sacro inuncta oleo, præclaris nobilitatur sacellis, quorum octo totidem

dem Equitum *Linguis* addicta, nonum S. Carolo Borromeo Ordinis, dum in vivis aggeret, Promotori, & Deiparæ de *Filermo* decimum, cujus icon S. Lucæ manu, uti tradunt, exarata, auro gemmisque dives ab Jerusalem Rhodum, atque hinc *Melitam* cum aliis Sanctorum lipsanis, ceu thesaurus deportata. Jam Ecclesiæ hujus ornatus ad omnem elegantiam splendet, præque cæteris sepulchra elaborato marmore, spectatu dignissima sunt. Supellex omnino dives, vasa, thesauri, candelabra ex argento fuso, numero, & artificio insignia; Rector Pontificiis decoratus vestibus, & quasi Episcopali in suos Conventuales Clericos jurisdictione præditus, Prioris titulo, cum suo Vicario, & Capellanis ex Ordine, cappa choralis purpurea indutis, facris officiis intendit. Hospitalis Domus ad oram ortus æstivi tota Europa celeberrima assurgit, quod ex omni loco ægri conveniunt, hisque publica Ordinis impensa, charitatis officia exhibentur, cum a Magistro Hospitalario, ejusque administris, tum ab Equitibus, tum denique a peritissimis in arte medica pingui honorario conductis. Est ibi etiam pro puellis, quæ parentibus orbantur locus, uti & pro ignotæ originis pueris. Ultra Conventualem Ecclesiam, quæ est Ordinis paræcia, S. Mariæ de Portu Salvo, quam Fratres Prædicatores administrant, Pii V. Rom. Pont. rescripto *xlxxi.* instituta, & S. Pauli Apostoli sunt præcipuæ, ac S. Mariæ de Victoria dudum Conventualis, demumque S. Mariæ de Damasco, ubi Græco ritu Divina celebrantur, pro Græcis *Valletta* incolis Paræcialis, quæ S. Nicolai ædem habet suffraganeam. Pro S. Pauli autem paræcia, non leves olim ortæ sunt controversiæ. Quum enim collis *Scæberras*, in quo *Valletta*, ad Casalis *Curmi*, seu *Fornari* diæcesim spectaret, [Curmi hodie dicitur Civitas

vitas *Pinto*.] Episcopus Melitenfis, ejusque Canonici volentes Ecclesiam jure paræciali designare, Carmelitarum sacram ædem primum delegerunt, mox sub S. Pauli nomine novam moliri cœpere; in qua a Sacerdote per Episcopum designato Sacramentis ministrandis opera dabatur. Contendebant interim Dominicani id jus ad se unice spectare, ex Pii V. privilegio. At re in judicium deducta, ac diù examinata, pro Canonicis decretum est, & fines utriusque Paræciæ in urbe sunt designati. Crevit hinc S. Pauli Ecclesia Catharinæ Valentis divitiis, quæ pro Sacerdotibus ix. Divina officia ibi celebrantibus congrua stipendia attribuit; subindeque Camillæ Cagnano Testaferratæ novis pinguibusque proventibus aucta, quibus Canonicorum insigne Collegium Rom: Pontifice indulgente mcccxxviii. coaluit ex binis dignitatibus, sodalibusque x. ac aliis mox, paucis ab hinc designatis. Religiosæ porro familiæ *Vallettam illustrant, Societatis Jesu Collegium, quod anno mclxxviii.* Thomas Gargallus Episcopus proprio ære fundavit, nobilibusque ædificiis instruxit; Minorum Observantium S. Mariæ de Jesu nomine, quibus decens cœnobium, anno mclxxv. Joannes Levesque M: Mag: ad portum constituit; S. Francisci Conventualium, qui sæculo xviii. ineunte cum omnium scientiarum academia coaluere; Carmelitarum. His prope *Mandrachium* anno mdciv. locus est datus, mox juxta Alemanniæ *Albergiam* circa occasum ab Augustinianis relictum Monasterium cefsit; S. Augustini demum juxta *Mandrachium*, & Gallorum *Albergiam* anno mdc. ex commutatione cum Carmelitis. Sed illi multo ante *Valletta* mclxxi. sedem statuerant. Decus quoque urbi conciliat nobile Monialium, ejusdem S. Joannis instituta sub S. Ursulæ nomine profitentium, Aseeterium ad portum, Verdala M: Mag:

autore MDLXXXIII. excitatum. Orphanis demum puellis
 alendis, dotandisque sub regula Carmelitana, & S. Ca-
 tharinæ titulo claustra ad aquilonem, excipiendisque
 pravis mulieribus ad bonam frugem conversis, sub S. Ma-
 riæ Magdalenæ nomine, & S. Claræ ordine domus
 conspicitur, circa meridiem. Urbis facies juxta collis
 indolem inequalis, ad unum, & alterum littus declivis
 est; viæ pene omnes ab hyberno occasu, ad æstivum
 ortum, oppositisque plagis in longum, & latum rectâ
 protenduntur; Portæ elegantes ex lapide, & præcipua
 Pii. V. Pont. Max. insignibus decoratur, Regalis appel-
 lata, a mediterraneis excipiens, duo inter munimen-
 ta; altera ad portum, ubi Gigantis simulacrum, cum
 insigni fonte; a qua non longe circa austrum Magistra-
 le viridarium, & huic ad delicias adjunctæ ædes assur-
 gunt. Propugnacula circa urbem cuique nationi, seu
Linguae addicta, *Postæ* vulgo dicuntur. *Dogana*, & Bal-
 neum mancipiorum est carcer satis amplus. Fossæ in-
 super, & prætenta propugnacula, *parmæ* promurales;
 aliaque id genus opera *Vallettam* a *Floriana*, seu *Vil-
 hena* dirimunt, quæ suis, & ipsa ab una, & altera por-
 tus ora mœnibus munitur; & ubi continenti adjungi-
 tur, cooperta via, operibusque semilunari, cornuto, &
 coronato, juxta artis regulas ab anno MDCLXX. eximii
 Architecti Mauritiæ Valpergæ industria, validissimè in-
 struitur, & pene inexpugnabilis censetur. Hæret ejus
 muris circa meridiem Capuccinorum cœnobium in por-
 tus Marsæ littore, *Verdala* jussu anno MDLXXXIV. ædifi-
 ciis conspicuum. Claudit *Floriana* S. Mariæ de *Sar-
 ris* insignem Ecclesiam, Pyrrii pulveris repositoria, su-
 burbanas domus, viridaria, consistisque hinc inde arbori-
 bus amoenissimas vias, ac veluti *Vallette*. Suburbium
 habetur.

Adjacet Florianæ ab ortu *Cordinus* humilis, ampliusque tumulus, occiduo, & aquilonari ablatus mari, ubi *Parcus*, quò ad venationem, aucupiumque M. Magister cum suis se confert: Hinc sinus, seu portus Gallorum, Insula, sive *Sanglea*, de qua inferius; ordine enim, & dignitate Civitas *Victoriosa* succedit, ita cognominata, quod Turcarum obsidionem invictè toleraverit. Hæc frequens eo adhuc tempore erat, quo S. Joannis Equites insula sunt donati, & Suburbium appellabatur; sedet in terræ cuspide, seu Dithalasso, duos inter sinus contra *Vallettam*, quorum qui in austrum vergit, a *Triremibus* dicitur, eò enim Triremes Ordinis hyberna, ac stationem habent, clauditurque, utpote angustior, ubi opus est, catena ferrea. In promontorio Sarraceni olim *Castrum ad mare* contra portus fauces statuerunt, quod Equites, ubi primum MDCXXX. insulam tenuere, inexpugnabile variis operibus redditum, S. Angeli vocabulo distinctum, fossaque a suburbio separatum omni ex parte mari circumfluum voluere, ponte tantum sublicio adjecto, & parvo isthmo ad aquilonarem oram relicto, quæ mœnibus, & propugnaculis etiam instruitur. Veterem parçialem Ecclesiam S. Laurentio sacram religiosæ Militiæ caput ad annum 11. laudati Equites constituere, in eaque aliquando Ordinis officia celebrarunt; demigrantesque subinde *Vallettam*, Insulæ Episcopo, ad quem antea spectabat, cessere. Instituerat quoque MDCXVIII. Bernardus Cotognanus Melitenensis Præsul sub S. Dominici regula asceterium, & Deiparæ Annunciatæ titulo donaverat, quod insigne hodie splendet urbe penè media; Ad nautarum vero, & militum commodum in triremibus degentium, Carmelitis Fratribus ædes ad littus sunt designatæ; Monachalium denique *Benedictinarum*, S. Scholasticæ nomine Pauli

Pauli Lascaris opera, dum in minoribus esset, excitatum est Monasterium in domo, quam habuit primam Joannes Valletta, ubi e Castello S. Angeli in Suburbium descendit. Vetus cetero Magistrale palatium Legato Pontificio, & Quæsitori in rebus fidei cessit. Ad litus australe construendis navibus aptæ officinæ, seu Navale surgit. Ubi fossa inter arcem, & urbem, templi Junonis scriptoribus memorati rudera occurrunt.

Jam *Insula* alter est terræ tractus, *Valletta* objacens inter *Cordinum*, & *Suburbium*, interque duos sinus procurrens, a Claudio dela *Sangle* M. Mag: firmissimo propugnaculo circa isthmum instructus, a quo nomen idcirco accepit. Vocatur, & *S. Michaelis*, quod ejusdem S. Archangeli die Claudius in Molendinorum colle arcis substructiones anno MDLII. jussit. Victicis denique titulo civitas decoratur; Turcis enim obstantibus fortiter illius incolæ obstitere. Hinc, & *Paræcia* S. Mariæ de Vittoria appellatur, quæ structura magnifica superbit ab arce haud procul; eique altera sacra ædes S. Philippi titulo insignis non impari celebritate, & elegantia respondet. Mœnibus *Sanglea* caret, nisi in extrema cuspide, quæ opportunè munita fluctibus tunditur. Post arcem ad isthmum, de qua dixi, ubi sinuatim mare continenti illabitur, novæ amplissimæ officinæ ad reficiendas naves hinc, illinc S. Teresiæ Carmelitarum cœnobium ab anno MDCXXVI. piorum eleemosynis fundatum, subrigitur; & *Burmula* succedit olim pagus, hodie civitas, ædificiis, & titulo *Conspicua*, muris, & propugnaculis, cooperta via, prætentisque munitionibus vallata; quæ inter S. Margaritæ ad ortum satis amplum eminet, & validum castellum, cū Magistratibus ædibus. Hujus paræcia S. Mariæ de Auxilio titulum præfert, sed & S. Crucis Ecclesia spectatu etiam

etiam digna. In interiori sinus angulo, ubi naviculę noctu clauduntur, argines sunt, vulgo *Mandrachium*. *Burmiam* porro *Sangleam*, & *Suburbium Cottonera* ingentis amplitudinis, & munitionis opera ambiunt. Horum molitio Nicolao de Cottoner Gallo M. Mag. adscribenda, qui anno MDCLXX. Valperga Machinatore alibi laudato graphim designante, magna auri profusa vi, septi fundamenta in elevato parumper solo jecit, fossas, propugnacula, vias testudinatas, portas denique magnificas semicirculari figura jussit, tanto quidem spatium, uti commodè eò coacti insulę totius incolę tueri ab hostium assultibus possint. Opus perfecit, novumque illi robur addidit Gregorius Carassa Nicolai successor.

Postremum *Cottonera* propugnaculum aquis abluitur sinus, seu portus Anglici, quem ab austro tumulus mari impendens claudit, ubi suburbanum, & viridaria, cum leporario, Equitis olim Magnę Crucis Bichii opera, & impensis constituta spectantur; nocte supremis Triremium Pręfectis destinata. Hinc *Arenella* sinus, quem magni portus *Marsę* promontorium orientale, *Orse* caput appellatum, excipit. Id laudatus *Cottoner* arce firmandum jussit, Francisco *Riccasole* Florentino Equite stipem suppeditante, unde nomen arci obvenit. Est hæc juxta soli indolem satis munita, amplissime extensa, tecto itinere, promurali parma, aliisque operibus ab ortu, ubi continenti adjungitur, vallata.

In occiduo *Muscet Marsę* portu insula jacet, figura pene triangulari, ubi S. Rocchi edes, & Lemocomii officinę; eo enim suspectis navibus locus designatur: quumque ad Vallettę perniciem tumulus ab hostibus muniri posset, novissime Antonius *Emmanuel* Magnus Mag. arcem in ea firmissimam moliendam curavit, quam a se dictam voluit. In quadro posita, port-

tam ab occasu hyberno habet, juxta regulas optime munitam. Sinus in eodem portu non angustus, innominatusque se offert ad eādem plagam. Cuspis denique Dragutti, occidentale scilicet portus promontorium, e conspectu arcis præcipue S. Ermi, ab celebri ejusdem nominis Archithalasso dicta occurrit, de qua rursus, reliquo totius Insulæ lictore descripto, agam.

Post Ursæ igitur promontorium arcemque *Ricasole* *Mirsa Sekelia*, idest Portus Siculus se offert, Statio, ad quam Turcarum classis anno mdcxiv. appellens, sedè inde fugata fuit. Munimentum idcirco ibi S. Thomæ a proxima eidem Apostolo dicata eade dictum Vignacourt M. Magi: jussit. In ora ad hybernū ortum *Marfa Euri*, vulgo *Sirocco*, statio amplissima aperitur, cū protenso terræ tractu, seu *Lingua*, cui validissima S. Luciani arx imposita. Ibi enim mclxv. Barbari exscentionem fecerunt, in illa sub Solimano celebri expeditione. Visuntur in curvo lictore antiquæ habitationis vestigia; insigne hinc Herculis fanū veteribus notum, Cluverius circa hæc loca constituit. Latus Insulæ austrinum ad hybernū vergens occasum, rupibus pene totum asperum, objectum habet scopulum *Fescla*. Inter rupes autem angusta valles, per quam mediterraneæ pluviales aquæ in mare effluunt, muro, ne sit piratis perfugium, munita, In occidentalibus oris sinus aliquot, & stationes infecuræ, *Kerkero* excepta, unde ad Cominum, Gaulumque vicinas insulas fit trajetus. Nec inde procul parva objacet insula *Mirsa*, sed & in continenti propugnaculum asurgit, quod Russum appellant. Septentrionale littus frequentes sinus, & stationes dividunt, satisque per amplius occurrit primus Veterum Salinarum, & de *Melleha* a proxima Deiparæ Ecclesia appellatus, post quem S. Pauli portus, ubi Apostolus naufragio superstes

stes, cum suis servatus est. Inter *Melleham* stationem, & S. Pauli portum *Dithalassus*, id est Bimaris, tractus nēpe terræ, quem ab utroque latere pelagus tundit, a S. Luca in Act: Apost. memoratus, cui parvæ obiacent insulæ *Salomonis*. Puteus proximus, turrisque ad custodiam ab eodem S. Paulo vocabulum sortitur. Ejusdem porro honori elegans assurgit templum ab alibi laudato *Vignacourt* magnificè excitatum. Statio sequitur *Ben-verat*, idest Recentium Salinarum, quæ quidem haud inde procul spectantur. Hinc scopulus de *Marta*, seu de *Gallis*, cum cognomine ad littus statione, quam S. Mariæ Magdalensæ, & mox S. Georgii excipiunt, ab sacris ædibus iisdem Divis dicatis appellationem habentes. Dragonara hic, *Abela* referente, idest ingens vorago aperitur, quò sese aquæ præcipites, pluviae tempore agunt, ingentemque fragorem edunt. Statio S. Juliani postrema venit ab illius Ecclesia vocata, & *Cor-tinum*, Demumque promontorium, succedit *Dragutta* nomen adeptum, quod ibi Thalassarca a Solimano Turcarum Tyranno, cum classe immissus ad S. Ermi obsidionem Valli lineas, & tormentorum aggeres posuerit anno MDLXV. His circumscripta finibus totque pagis, opidulis, & urbibus *Melita* insula referta ad LX. & amplius M. incolas hodie percenset; Quamquam enim ante Carolum Cæsarem, quoniam urbe tantum Notabili, Suburbio maritimo, pagisque per IX. parochias discretis coalesceret, variis, & frequentibus Turcarum incursionibus dissecta, nonnisi indigenas M. X. circiter enumeraret; ubi tamen ejusdem Cæsaris liberalitate Sacrae S. Joannis Militiæ cessit, brevi temporis intervallo adeo nobilitata, auctaque fuit, uti anno MDXC. ejusdem census ad 27000. excreverit. Subinde MDXIV. ad 40000, et amplius. Jacturam porro ex hac pestifera anno MDCLV.

passa 11000. ex suis amisit, brevi tamen instaurata frequentissima evasit.

Tantæ multitudini alendæ ager necessaria suppetere par quidem non est, sed è proxima Sicilia, aliisque regionibus annonâ inportatâ, commodis omnibus, & delictis affluit. Ruralis enim insulæ sêcunditas insignis, fruges alit, pascua, olera, legumina præbet; Vineas; oleas, arboresque cujusque generis sapidissimos ferentes fructus nutrit; Leuconium seu Gossipium larga copia, Cyminum abundanter suppeditat, mellis præstantia celebratur, solo ipso, ut ita dicam, repugnante, quod lipidosum non tantum, sed una pene lapidea massa constare videatur. Fertilitatis hujus testis cetero est Ovidius Fast: l. 3. alique, qui *Melitenfes* celebrant gossipinas telas, uti Lucretius, Hesichius, Favorinus, Diodorus, Silius, & præ omnibus Cicero, qui Verri exprobat, quod per triennium apud *Melitam* textrinum habuerit, quod fœllis quadringentas amphoras, vestium ingentem copiam, & quinquaginta tricliniorum lectos inde Syracusas adsportaverit. Accedit incolarum industria, quibus laborum tolerantia tanta est, uti ex quolibet agello centuplum sibi conquirant; hinc laudatus *Abela* prope vicum *Krendi* profundam memorat fossam, in cuius imo solo vites, consitasque arbores rustici summo cum proventu nutriunt. Jam in eodem agro dentales, glossopetræ, testæ, aliaque marina vestigia frequentissime ita occurrunt, uti Kircherius de Magnetis Effect: lib: 1. cap: 2. subinferat: *Melitam* insulam, & alias consimiles olim e pelago emerfisse, ac pelagi idcirco adhuc servare reliquias; quod sanè, an sit illarum citra omnem dubitationis aleam, hic non vacat discutere. Quod sit prodigiosa, Apostolo impetrante, ejus terræ alexipharmaca virtus, noxios arcens serpentes

pentēs, pronum est credere; ex ipsis Actis namque Apostolicis constat: *Melitenſes* Apostolum ex venenato morſu ſtatim interiturum autumaſſe; noxios igitur ſerpentes ſuos illi habebant; aliter hanc terræ ſuæ a natura ineſſe alexipharmacam qualitatem ignorafſe, dicendi ſunt, quod omnino abſurdum. Fungus in quodam *Melita* ſcopulo circa occaſum celeberrimus quoque provenit, qui Botanicis *Typhedus Coccineus* tuberoſus appellatur; de eo Silvius Bocconus. Herbas alias ferre inſulam medicinales tradunt, noviffimeque Laguſius Panormi ex iis plures vulgavit. De Catellis, qui veteribus etiam ſcriptoribus celebrantur, & noſtra adhuc ætate ſunt in deliciis, orta hoc ſæculo controverſia, an *Melita* inſulæ Illyricanæ ſint tribuendi; ſed Sicula, ſeu Africana *Melita* inſignes hodie nutrit; multisque retro ſæculis progenuiſſe conſtat; planum hinc erit opinari, Scriptores de hac noſtra fuiſſe locutos. Quod verò Illyricana Catellos etiam alios non inſicior; æquè enim una & altera inſula id præſtare potis, æquè a ſcriptoribus ob præſtantes catellos celebrari potuit.

Nonnullos hic denique illuſtres viros patria *Melitenſes* relatu dignos, uti ſeſe memoriæ offerunt, indicabo, aliis provinciam integram relinquendo. Nobilitarunt igitur *Melitam* vitæ ſanctimonia, moribusque incorruptis S. Publius, quem Paulus Apoſt. primum Inſulæ Episcopum conſecravit. Fuerat idem inter ſuos Primas. Andreas Zuerep Ordinis S. Dominici, qui Syracuſis mccccxxviii. ubi eximiæ virtutis opinione aliquando vixerat, piè obdormiit. De eo Pirrus Antonius ejuſdem inſtituti; cujus idem meminit Pirrus, Netique editis vitæ in gradu eroico penitentis exemplis, illum floruiſſe tradit. Marcus N. & Antonius Tabat, ex Prædicatoribus etiam, qui in S. Citæ Panormitano

mitano cœnobio diversis temporibus, illustribus sanctimonie signis floruerunt, ubi mortales esse desierunt. Dominicus ex Minoribus de Observantia Neti diu ab innocentia morum, contemplatione, aliisque virtutibus clarus, ibique e vivis exemptus. Bonaventura ejusdem instituti, mox inter primos, Reformatis in Sicilia accensus, eorumdem promotor precipuus, Julianę religionis paupertatis, & penitentię speculum mundo denatus.

Dignitatibus, publicisque muniis perfunctos invenio Maurum Call Ordinis Minorum, qui Episcopum in patria primum egit, mox Catanensem Cathedralam moderandam suscepit. Floruit sub Martino, & Blanca. De quo Pirrus, Grossus alique. Balthassarem Cagliares Melitę Præsulem, literis, & virtutibus præditum, zelo ecclesiasticę disciplinę, atque immunitatis, prudentia demum insignem. Antonium Saeri Ordinis, Prædicatorum, doctrina, & moribus conspicuum, ad Vici Episcopatū elapso seculo assumptum. Salvatorem Imbrob Conventualis S. Joannis Ecclesię Priorem. Vivebat anno MDCXLII. Apud Pirrum in Chronologia Reg. Sic. inter Magnos Amiratos, seu Thalassiarcas Regni Henricum Pistorem de *Melita*, Marini Comitem, sub Friderico Cæsare lego; Meminit denique eruditissimus Franciscus Agius Dominici Xeberras, qui Cathedralis Ecclesię Archidiaconus, M. Magistri Theologus, & Episcopi sui Vicarius effulsit, tandemque Episcopus Epiphanius, & Soli Pontificii Assistens Præsul adlectus fuit.

Floruerunt ab ingenii præstantia, editisque operibus Matthæus Rispol, Orator, & Theologus summus, qui ex Pirro scripsit: *De Divinis Auxiliis*. Philippus Cagliola Minor Conventualis Siculæ sui ordinis provinciæ variis *Manifestationibus* Historiam accuratè edidit. Marius Pace Societ. Jesu, gravioribus disciplinis eruditus, & hi-

historicis notitiis plene imbutus, plura scripsit, typisque solum dedit de *Antiquitate Calatajeronis*. Pirro celebrantur Petrus Zereb Carmelita, insignis Ecclesiastes, & Bernardinus Bonit Societ: Jesu Theologus clarissimus. Dominicus Macri Sacerdos Romæ diu versatus Hicrolexicon Ecclesiasticum Italicè primum, mox Latine variis accessionibus auctum, eruditis quibusque probatū publici juris fecit. Franciscus Dominicus Bencini in Taurinensi publica Academia Studiorum Præfectus, eruditionis sacræ, & profanæ studiis paucis conferendus, de Philosophia scripsit, ac de *Encyclicis Epistolis* opus insigne edidit. Vivebat ætate nostra. Joannes Antonius Ciantar Græcè, & Latine eruditus, Musisque acceptus, *De Appulsu Divi Pauli Melitam* contra Ignatium Georgium paucis ab hinc librum vulgavit. Vincentius Lausi de *Siculis*, & *Melitenfibus Herbis*, quibus dignoscendis peritissimus erat, opusculum Botanicis acceptum Panormi typis tradidit. Dominicus Xeberras Epiphaniæ Episcopus, de quo supra, linguarum peritia paucis secundus; ad xv. enim idiomata novarat; Benedicto xiv. summe acceptus, Romæ dies clausit.

Antonium Bosium Romæ Subterraneæ, aliorumque operum authorem *Melitensem* fuisse in novissima *Bibliothecæ Siculæ* editione probant Mongitorius, & Serius, quamvis Romanis illum alii accenseant. Memorantur authoribus hisce ex *Melitenfibus* longe complures, qui a vulgatis libris sese commendarunt, quos in laudata Bibliotheca, quamprimum edenda consules.

Melitam hucusque descripsi, & qualē hodie demiramur, leviter adumbravi, idque solum superest, uti de iis agam, qui per varias ætates Insulæ dominium tenuere; quod est simul veterem illius historiam enarrare. Thucydides lib. 6. varios Siciliæ incolas memorat illis

illis verbis: *Phænices præterea circa omnem habitabant Siciliam, occupatis ad mare extremis partibus, parvisque insulis ei adjacentibus.* Stephanus: *Est & alia Melita insula Carthaginiensium colonia.* Diodorus lib. 5. de *Melita*: loquens: *Est autem hæc insula Phœnicum Colonia; qui quæ navigationes suas ad Oceanum, otia usque occidentale extenderent, refugium in hanc insulam, ob portuum commoditatem, & in alto mari situm, habebant.* Carthaginienses porro Græcis dicti sunt quoque Phœnices, & Latinis Pœni; haud dubium idcirco Stephanum *Phœnicum Coloniam Melitam* dixisse, dum illius incolas *Carthaginienses* appellavit. Cluverius his recitatis, Quinam Mortales *Melitam* ante Phœnices tenuerint, nihilominus ostendere conatur, illudque Homeri assumit Odyss. lib. 6. *At Minerva ibat ad Phæacum populum atque urbem, qui antea habitabant in spatiosa Hyperia prope Cyclopes, qui eos prædabantur;* atque Hyperiam, e conspectu Siciliæ, Cyclopora terræ, *Melitam* esse affirmant, in qua Phœnices habitabant olim, sed quum hi a Cyclopibus vexarentur, in Corcyram insulam migrarunt, quæ idcirco Phæacum urbs est appellata, eoque Minervam pervenisse Homerus tradit. At enim, quod Phæacum terra fuerit Corcyra dicta, non inficiar, id firmantibus Apollonii antiquo scholiaste, Eustathio, Plinio, Juvenale, ac præ cæteris ipso Thucydide lib. 1. quos omnes refert idem Cluverius. Quod verò Corcyræ incolæ Phæaces e *Melita*, Hyperia appellata, primum profecti fuerint, unde ex Apollonio eruat Cluverius, prorsus non dispicio. De Hyllo loquitur Apollonius, quæ formosa Melite peperit Herculi apud Phæaces; Sed Hercules ad domum Nausithei Regis in Macrim pervenisse, ut Bacchi cunabula veneraretur; ibique *Melitem* Najadem adamasse,

sc,

se, testatur Poeta. Num Domus Nausithei, & Macris apud Phæaces erit *Melita*, aut a *Melite* puella nomen habuit insula? Deinde Liburnici maris insulas memorans Apollonius, eas inter post Corcyram, *Melitam* Illyricanam reponit; quis autem nostram unquam ad Liburnicas pertinuisse insulas somniavit? Huc redit illud, quod de Hyperia loquens alibi dixi: lib. 8. Homerus Cyclopes naves minimè habuisse tradit, quo igitur pacto lib. 6. Phæaces *Melita* insulæ populos a Cyclopi- bus in Sicilia degentibus pulsos obtrudere posset? Id, inquit Cluverius, poetarum more usitatissimo fecit; at ex levi tantum fundamento, nota hac tam insignis Au- thor inuri non debet. Ceterò dum nego *Melitam* fuisse Hyperiam, ejusque primos incolas Phæaces a Cyclopi- bus, pulsos, non inde ante Phœnices insulam nostram cul- toribus destitutam affirmo.

Fortè igitur mortales alios ante Phœnices *Meli- tam* tenuisse incongruum non erit opinari. Post hos Græci, de quorum appulsu variant Scriptores: Scylax, qui altero pene sæculo post Græcorum in Sicili- am transitum vixit, suo tempore a Carthaginiensibus ha- bitatam innuit. Diodorus, cc. annis Scylace posterior: *Melita*, inquit lib. 5. portubus compluribus, hisque per- commodis instructa est, opibus abundans incolæ; vario- rum quippe operum artifices habet, inter quos excellant, qui lintea insigni subtilitate, & mollitie texunt. Domus illic sunt perpulchra, suggrundiis, & albaria opere magnificenter exornata. Colonia hæc est insula Phœni- cum.... Quæ causa fuit, uti incolæ mercatorum bene- ficio brevi, & opibus auferentur, & nomine inclaresce- rent. Diodorus sub Augusto scripsit, quo tempore jam *Melita* sub Romanis degebat. Quod ergo ait: Colonia hæc est insula Phœnicum, ostendit incolas adhuc Phœ-

nicio more viventes, originis suæ minime oblitos. Sed & Lycophron in Alexandra Græcorum quosdam a Troja capta, coloniam deduxisse *Melitam* tradit: *Alii Melitam insulam inhabitabunt, quam undique fluctus Sicanus prope Pachynum rigat.* Cui Thucydides opponitur scribens, Phœnices insulas hæc nostras circa Siciliam tenuisse ccccxlvi. annis, ampliusque, post Trojæ excidium Hinc Lycophron in Alexandra, quam inducit vaticinantem, id poeticè canit. Ut porro veteres Punicis literis inscriptos lapides, & columnas *Melitæ* inventas Fazellus evulgat, ita Græcè exaratos alios, & numismata Græcè literata habemus; Si veræ sunt Phalaridis Epistolæ, Græcè conceptas ad *Melitenfes* duas legimus. Summæ artis, & operis antiqui ornamenta complura *Melitense* Junonis templum tenuisse, Cicero notat. Nec enim operis, nec artis quidem fuisse Punicæ credenda, sed Græcæ. Ex quibus eruas Græcos sese in *Melitam* aliquando invexisse, ac Insulæ dominium usurpasse; Templâ, numos, cultu, & mare Græcanico fabricasse, quamvis nusquam Punicos insula abactos crediderim, quod ex Punico adhuc sermone, quem servant, facile evincitur, Pax ad Ægades insulas, primo Punico bello confecto, inter Romanos, & Pœnos inita, Siciliam, & Sardiniam illis asseruit, *Melitamque* jam tunc Siculæ provinciæ adnexam credere primum est. At bello ii. Punico exarscente, xli. anno post exitum primi, T. Sempronius Consul in *Melitam* insulam, quæ a Carthaginienfibus tenebatur, trajecit; Huic advenienti Gisconis filius præfectus presidii, cum militibus, opidumque cum insula traditur, *En Punicum presidium*, ait Cluverius, *cum præfecto, Romano traditur. A quibus hominibus, haud dubie a Græcis: nam de Pœnis id cogitare perquam ab-*

absurdum est. Silius lib. 14. ubi Siciliae populos, urbesque enumerat, quarum aliae Romanas partes, aliae Carthaginienfes sequebantur, *Melitam*, quoque illis accenset, uti de Gaulo dixi. *Romana petiit.*

Fiedera Callipolis, lapidosique Engion artus.

Hadranum, Hergentumque, simul telaeque superba Lanigera, Melita.

Hinc Socii postea *Melitenses* appellati sunt Populi Romani, uti Cicero Verr. v. scribit; nec dubium quod Graeci. Quid quod Battus ipse antiquissimus *Melita* Rex, Graecus etiam Cluverio, nec immerito, creditur? Refert hic Ovidii versus Fast. lib. 3. & Annae Didonis sororis fabulam a Poeta perscriptam; qua enarratur, ut domo pulsa a Mauro Jarba, ratem nata, *Melitam* petiit, ibique a Batto excepta est: mox vero subdit Battus fuisse Graecorum omnium nomen proprium, inter alios Suidas tradit in Lexico. Ovidius quum sciret Battum ex Thera insula Graecam coloniam in Africam deduxisse, jam ante expeditionem Trojanam, *Melitam* vero jam antiquissimis post bellum Trojanum temporibus a Graecis habitatam fuisse, Regem in hac fingit sub Troje excidium, quam adhuc Phoenices teneant, nomine Græco Battum, Ex quibus omnibus id concludo: Graecos incolas habuisse *Melitam*, jam inde a primo Graecorum trajectu in proximam insulam Siciliam; subindè Romanos, qui eam Siculae provinciae adjecerunt; cujus rei testimoniū Verris sunt facinora, & rapinae cum contra Diodorum *Melitensem*, tum in celeberrimo Junonis templo, quod omnibus donis, ornamentisque Prætor ille Siculus nudavit, tum denique ex illo Ciceronis Verr. 4. Dico te maximum pondus auri, argenti, oboris, purpure plurimam vestem *Melitensem* Syracusis exportasse. Huc facit Epigramma illud

Græcum mamoreo ingenti sepulchro appictum ab Joanne Quintino allatum. Α. ΚΑ. ΥΙΟΣ. ΚΥΡ. ΙΠΠΕΙΣ ΡΟΜΑΙΩΝ ΠΡΟΤΟΣ ΜΕΛΙΤΑΙΩΝ. Idest, uti Ego legendum puto: *L. Caii Filius, Quirina, Eques Romanorum, Primus Melitensium*. Veluti hic fuerit pro Republica *Melita* Præfectus.

Sub Romanis Imperatoribus silent quidem de *Melita* profani authores, sed ex sacris Apostolum Paulum ex tempestate eò appulsum clarissime colligunt. Divus enim Lucas, Pauli eo in itinere comes, qui Apostolorum Acta scribit, in Adria navigantem, ait, typhonico vento triduo agitatum continuo ratem, ad *Melitam* insulam demum salvis omnibus ejectam devenisse. Est in Adria Meleta insula, & hanc idcirco Apostoli naufragio nobilitatam nonnulli ex antiquis, & alii novissime vulgarunt. Sedenim Adriam ad mare usque Siculum austrinum, in quo nostra *Melita*, tunc extensum multa evincunt. Typhonici venti vis æque ad nostram jactare posse naves, invictè ostenditur; Vetera monumenta, & bene multa, necnon constans traditio id clamant; pervicaciter hinc alteri a nostra *Melita* id decus asseritur, Monumenta sunt ex nostris Cajetano, Abela, Fazello, & Agio Dithalassus, seu Bimaris, *Salmon* hodiè, Lucæ memoratus; sinus S. Pauli; ædes ejusdem, accolis *Telbachar*; altera sacra ædes Sancto Joanni dicata, in loco, ubi nautas, & incolas Apostolus baptizavit; *Talchareb* Specus, ex qua lapilli adversus venenatos morsus præsens remedium, merito, uti affirmant, Pauli; Puteus, seu fons ejusdem jussu enatus; S. denique Publius, qui hospitio excepit, *Melitensem* Episcopus I. a Paulo constitutus, cui alii successerunt. At hæc, quum fuerint novissime agitata, a libi in authoribus. quos recensui, delibanda, Ad insti-

stitutum redeo. Sub Byzantinis Imperatoribus apud Procopium mentio *Melitæ* occurrit, qui prodit Belisarium e Caucanis, Siciliæ portu, cum classe, ut contra Africam duceret, solvisse, & brevi *Melitam* appulsum, mediam inter Africam, & Siciliam, utique tunc ad Byzantinos spectantem, inde ad Africæ oppositum littus navigasse. Luxit insula sub Sarracenis ad plures annos, quibus Rogerius Comes devictis, in potestatem suâ illâ vindicavit anno mxc. Parata enim in portu *Rasacambri* classe, *Melitam* enavigans, suos, paucis obsistētibus, in terram exposuit, triduoque post urbem in deditionem, insulanosque in fidem accepit, Gayto Sarraceno *Melitæ* Principi libertatem, divitiâs, utque in sua superstitione deinceps viveret, concessit. Christiana demum sacra Gualterio Episcopo designato, restituit, Templum maximum instauravit, dotem cum in eadem insula, tum in Sicilia constituit.

Anno mxciii. Primus *Melitæ* Comes *Margaritus*, si-
ve *Martinus de Brundusio* Magnus Siciliæ Thalassiar-
cha sub Henrico Imperatore ex Siculis tabulis elu-
cet, cui *Guillelmus Grossus*, Regius quoque Amiratus,
successit, Hujus hæredem, & filiam duxit uxorem,
Henricus N: anno mclxv. unde *Nicolaus*. Carolo
Andagavense rerum in Sicilia potiente, *Melita* eidem
cessit; mox Petri Aragonensis jussu Manfredus Lan-
cea ad eam liberandam cum classe venit, commissio-
que cum Gallis navali prælio insignem de illis vi-
ctoriam retulit. Tunc *Rogero de Lauria Melitam* sub
clientelam Petrus dedit, quo deficiente Fridericus II.
Petri filius *Joanni* Infanti contulit, circa annum mcccxx.
qui Athenarum, & Neopatriæ Dux, Randatii Marchio,
& Menarum Comes etiam dicebatur. Joanni deceden-
ti *Fridericus* successit, quo paullo post patrem defuncto,

Petrus II. filio *Joanni* subdidit *Melitam*. Hic non diu antio mcccii. ætatis xiii. mortalis esse desit; *Melita* idcirco Regio demanio adiicitur. Per hæc tempora *Aloysius*, & *Joanna* Neapolitani Principes, qui *Messana* occupata, sese *Siciliæ* Reges etiam dicebant, *Angelon de Carolis* *Messanensem* Vicarium anno mcccvi. *Melita* Comitem constituerunt, qui tamen insulæ dominium nusquam est affecutus; *Alagonis* enim cesserat ejusdem Petri II. aut ejus filii *Ludovici* beneficio. *Luchinam* quippe *Atagonam Melita* Comitissam *Guillelmo Raymundo Montecateno* nuptam, insulam a parentibus acceptam dotis nomine marito detulisse invenio. *Fridericus* subinde III. Augustæ, & *Melillis* Dynastias *Montecateno* dedit, & sibi *Melitam* in commutationem vindicavit; *Mattheus* hinc *Guillelmi*, & *Luchinæ* filius anno mcccxv. & lxxii. ab eodem Principe commutationis hujusmodi literas novo privilegio firmas obtinuit. At *Fridericus Melitam* interim *Matthæo de Grua* primum; hinc *Rogero de Flores*, mox verò *Manfredo de Claremonte* circa annum mcccvi. attribuerat; tandemque post decennium *Guidoni Viginimillio*, Regio Vexillifero, a quo etiam revocavit; moriensque, anno mcccxxxvii. notho filio suo *Guillelmo* reliquit. Post hunc *Jacobus Alagona* accepit, anno ejusdem sæculi lxxx; qui decennio post in *Cataloniam* ad *Martinum*, & *Mariam* Reges nuntium transmisit suum, ut in eadem possessione confirmaretur. At quum illi in *Siciliam* adventantes, infestos sibi *Alagonas* experti, eos bonis omnibus spoliassent, *Raymundum Montecatenum* *Matthæi* filium de se optime meritum *Melita* Comitem dixerunt. Mox huic, uti in *Artalis Alagona* favorem Comitatu cederet, persuaserunt. *Artalis* namque *Acis* artem, & *Paternionis* opidum contra

Mar-

Martinum munita tenens, turbas fovebat, iisque tandem excedere promisserat, ubi *Melitam* accepisset, mox Regi suo Raymundus gerere cupiens, infida *Melitenſi* cum bonis ibi suis mobilibus, armis, & annis *ccccccc.* renunciavit. Demum Artale promissis minime stante, ad primæva jura redit, & *Melita* rursus sequenti anno potitur, Nec diu ipse quoque descens, amplissimis dynastiis, & *Melita* privatus, vita tandem excedit. Tunc Martinus datis *Catanæ* literis anno *ccccxcvii.* die *xxx.* Novembris Regio demanio, & Coronæ insulam aggregando, quod ab illis nullo usquam tempore disjungi possit, aut separari, mandavit. Huic statuto Alphonsus Rex subinde nequitiam stetit, & nostram *Melitam* Consalvo Monroi anno *cccccxviii.* vendidit. *Melitenſes* hinc solutis *xxx.* florenorum millibus, ab emptore sese redimunt, sicque ad antiquum Regium demanium revocantur, amplissimo privilegio, quod nulla deinceps ex causa dari, aut vendi *Melita* possit.

Anno *ccccclxx.* Turcarum classis *xviii.* armatorum millibus expositis, insulam non tantum vastavit, & veterem urbem dura obsidione aliquando pressit; Sed Apostoli Pauli, & Agathæ Virginis patrocinio, mirè tandem, barbaris infecta re abeuntibus, liberatur. Quæ sequentis sæculi anno *xxiv.* S. Joannis Jerosolymitani Equites Rhodum amisissent, Carolus V. Cæsar, & Siciliæ Rex, sexennio post *Melitam* nostram in firmum, ac nobile feudum illis attribuit, cum jure gladii; Episcopi tamen sibi, & successoribus, nominandi potestate reservata, & censu annuo unius accipitris constituto. Præerat ordini, qui & Rhodum strenuè propugnauerat, Philippus de Villers Lisleadamus, qui Regio accepto diplomate, Syracusis cum suis solvens

vens, *Melitam* delatus, Insulæ Princeps inauguratur; & suburbium maritimum primò incoluit, ubi S. Laurentii Ecclesiam, paræcialem Conventus sui ædem præcipuam constituit, arcem munivit, ac mœnia reparavit. Adfuit anno mdl. cum classe cxi. triremium Senen Turcarum Thalassiarca, & *Melitam* urbem veterem adortus, *Rabbato* potitus, rejectus tandem sedè discessit; At novo longeque potentiori apparatu, rursus mclxv. insulam Draguttus invadens, disijectis undique pagis, castellis, sacrisque ædibus, Suburbium in portu, & S. *Ermi* paulloante extructam arcem aggressus, vires exeruit omnes, uti in suam redigeret potestatem; sed ingenti animi virtute, pro focis, & aris cum civibus, tum religiosi Equites irritos ejusdem conatus reddidere. Sicula demum classe adveniente, sub Garzia Toledo Prorege Turcæ in fugam versi, ac pene omnes ad internicionem confecti sunt; Dragutto Duce cum paucis evadente; atque obsidionis apparatus, in victorum manibus relinquente. Reliqua ad *Melitam* spectantia apud Scriptores, qui de eadem inclyta sacra Militia scripserunt, consulenda.

Sed jam postremo de Veteribus Monumentis pauca, Lector, ad calcem hic rejecta excipiat. *Junonis Templum*, inquit Quintinus, non solum inter magna, sed etiam inter magnifica numerari potuisse arbitror, ex his quæ pauca durant, medio ferdè loco inter opidum, & Castellum (suburbium, hodiè Civitatem Victoriosam) Ruina sparsa apparet, & in multa jugera, fundamentis, & substructionibus templi bonam portus ejus partem occupantibus, longe etiam in mari, in quo indedicatū erat, intra clivum promontorii, in planicie undique a ventis, & præaliis rupibus defensa. Hodie ibi fossa est, mari pervia, quæ prædicta S. Angeli arx a subur-

bio

bio ad maiorem firmitatem separatur. Ad id templum piratarum classis sub Africæ Regis Massinissæ Præfecto appulit, dentesque eburneos ingentis magnitudinis ibi dicatos subripiens ad Massinissam deportavit; sed ubi facinus Rex ille agnovit, dentes remittere Punicis literis hac epigrapha inscriptos curavit: Regem Massinissam imprudenter accepisse, re cognita, reportandos, restituendosque iussisse, uti Cicero Verr. iv. & Valerius Maximus lib. i. cap. i. referunt. *Erat præterea, inquit ille, in eodem templo magna vis eboris, multa ornamenta, in quibus eburnea Victoria statua antiquo opere, & summa arte perfecta;* quibus tamen Verris avaritia non pepercit, fanumque illud, quod tanta religione semper fuit, expilavit. Herculis celebre aliud templum, ad austrinum insulæ latus situm, vicum habet sibi quoque adjunctum. *Herculani templi, ait idem Quintinus, immensa adhuc reliquiæ patent, circuitu in passus ter mille, & ultra, in eo insula angulo, quem ob argumenta loci, patria lingua, Euri portum nominant: Morsæ Siroc. Ima pars extat in plerisque lapidum longitudinis, crassitudinisque stupendæ.* Ibi hodie S. Gregorii Ecclesia, & turris specula haud procul. Subdunt, in eo fano Herculem dictum *Alexiacum*, seu malorum depulsores.

Erant præterea *Melita* Serapidis, Proserpinæ, Apollinisque templa, quorum judicari situs nequit. Id evincunt numismata, quæ passim ærea circumferuntur; in quorum uno Junonis facies, & remi latitudo cum inscriptione MEAITAIQN. Vidit haud ab simile Paruta. Extant apud Avercampum aliud cum Junonis vultu, quem modius exornat, & tripode, quod Apollinis insigne; secundum caput habet Herculis, & retro Equum; tertium figuram exhibet pileatam, seu mitratam, uti

T. P. P. II.

H

Ri-

Ridolfinus Venuti tradit, alis, pinnisque ad tergum, pedes, & coxendines, Isidicem referentem. Epigrapha in omnibus eadē est. Ingens marmoreū sepulchrum ex Quinzino memoravi, cū adscripto epigrammate, ubi vocē illam KYP Cluverius interpretatur: *Cyrenensis*. Ego vero *Quirinam* Romanam gentem, sive tribum indicare censui, motus, quod Græcis, quum litera Q. non sit, illius loco Latinum vocabulum exprimendo, K substitunt. Gualterius lapidem profert: *Cesbassion. Aug. R. Prae. Insularum. Melitae. Gauli. Columnas. Cum. Fastigiis. In. Parietibus. Templi. Deae. Proserpinae. Vetustate. Ruinam. Imminensibus... Restituit. Simul. Pilam. Inauravit*. Prodiit novissimē lapis alius in quibusdam deficiens, quem a Francisco Agio Canonico Gaulensi, viro eruditissimo restitutum exhibeo: *Municipi. Melitensis. Primus. Omnium. Aram. Idem. Aedem. Marmoream. Apollinis. Consecravit. Idem. Pro. Pronao. Columnas. IIII. Et. Parastates. Et. Podiam. Et. Pavimentum. Collocavit. In. Quod. Opus. Universum. Liberalitate. Sua. H. S. CXDCCXCC. Supra. Quod. Omnium. Melitensium. Desiderium. Obtulit. Operis. Conlatione D.D..* Alii nonnihil diversum protulere, sed Agii lectio præ ceteris arridet. Elapsis quoque annis ex Villa Abela, hodie Societ. Jesu, duplex Inscriptio in basi duplicis candelabri e marmore albo salino, uti Agius vocat, iisdem pene characteribus expressa Phœniciis, Græcisque; cuius in Cortonensis Academiae dissertationibus Tom. 1. diss. 2. ac Tom. 3. diss. 3. & apud Clariss. Gorium sit mentio defens. Alfab. Veter. Tusc. qui illius echtypon adamussim descriptum a celebri Antonio Lupo Soc. Jesu *Melita* Florentiam trasmissum accepit, deditque Græcam sub Punica exaratam hoc pacto:

ΔΙΟΝΥΣΙΟΣ ΚΑΙ ΣΑΡΑΠΙΩΝΟΙ
ΣΑΡΑΠΙΩΝΟΣ ΤΥΡΙΟΙ
ΗΡΑΚΛΕΙΑΡΧΗΓΕΤΕΙ.

Votum esse Dionysii, & Serapionis Tyrii, Herculi Archagetæ, Coloniae scilicet deductori, sive Navigantium Duci, videtur Claudio Guyot; quamvis Archagetæ nomen Apollini conveniat, cui in Tauromenitano litore statua apposita, navigantibus propitia. Punica porro ex Michaelis Fourmont lectione indicat: e Tyrii portu solvisse urinatores ad Corallium expiscandum, appulsofque, Lydam vastasse, seu occupasse urbem. Et Lydam tunc fortè ante primam Tyriorum coloniam *Melitam* vocatam suspicatur Fourmontius ab Lydo Meoniae Rege, Thyrreni fratre, qui in Italiam descendit. Videtis laudatas dissertationes Claudii Guyet, & Michaelis Fourmont. Hæc ex eo firmanur, quod paucis ab hinc annis Corallii piscatores in *Melitensem* pelagum delati, uberem, copiosamque marini hujus fructibus collectionem sunt nacti; quam olim piscationem Tyrii primi omnium adorti, insulam occuparunt. Enumeranda demum hic forent vetustatis monumenta, *Melita* detecta, quæ laudatus alibi Agius in dissert: 1. ad Punicum Melitense Vocabularium recenset. Sed illa idem Agius dabit in Historia, quam molitur. De *Melita* ceterò prout Lexici patitur angustia satis. Legendi Abela, Quintinus, Nidersted, Frescot, Giantar, aliique.

MENAE Civitas *Jucunda*, Veteribus *Menena*, *Menæum* subinde, vernaculè *Mineo*, Græcis MENAI, ex Bocharto a Punica voce *Mannim*, quæ Militum castra sonat, nomen sortita; Diodoro, Ptolemæo, Appollodoro, Stephano, Vibio, Ciceroni, & Plinio nota, occasum

sum respicit æstivum, editumque montem occupat, cuius sunt amplissimæ radices, ab Eryce amne, hodie S. Pauli, aliisque fluentis ablutæ. Originis tempus incertum, quod ex Diodori verbis colligo; hic enim lib. 12. scribit: *Athenis summum Magistratum gerente Philocho, in Sicilia Ducetius Siculorum Rex, genere apprimè nobilis, & opibus plurimum illa tempestate pol- lens Menenum urbem condidit, colonisque eo deductis finitimum agrum distribuit.* Subdit verò paullopost: *Ex publico igitur Siculorum arario magnis instructus opibus, Neas, quæ patria ejus erat, in æquum, & apertum campum transtulit, & prope sanctam Palicorum urbem præclaram extruxit.* Vox illa *Neas* legitur Cluverio *Menas*. Si *Menæ* igitur Ducetii patria, ante Ducetium *Menarum* extabat urbs, ubi ipse nobilibus ortus fuerat natalibus; Hinc Philocho Athenis Archonte, Olympiadis LXXXI. anno III. ante Christum Dominum cccclix. *Menæ* urbs a Ducetio ejusdem cive instaurata, & colonis aucta fuit, adeoque antea extabat, & Siculis civitatibus accensa, Siculos habuerat multo ante Ducetium authores. In æquum porro subjectum cæpum, ubi Palici Crateres, deductis & patria etiam colonis, Palicam condidit; Erycam, Trinaciam, aliasque Siculas urbes diù administravit, Quod si legitimam esse vocem *Neas*, & Netum Ducetii patriam velis, *Menas* verò aliud fuisse opidum a Nea; proinde eodem anno Palicam conditam, & Neam in æquum translatam campum adstruis, meæ de *Menarum* origine conjecturæ corruunt, & Ducetius patria Netinus *Menarum* author fuit. Diodori textus cætero ad Cluverii mentem accommodatus congruentius loqui videtur; nec de sua excellentia, & vetustate Neto quidquam detrahit, uti suo loco reponam. Vixit *Menarum* opidum

dum suis legibus, ac post Siculos habuit Græcos incolas, uti complures numi cum epigraphe literis Græcânicis expressa satis indicant, in quibus etiam quum Ceres, Mercurius, & Apollo occurrant, profanis hisce numinibus *Menas* olim aras, & templa posuisse, eorumque sub tutela fuisse, inde eruitur. Fanum idcirco Solis in arcis hodiernæ ambitu olim situm evulgant.

Christianis temporibus, sacris B. Agrippinæ Virginis, & Martyris exuviis decoratur, quas Divino natu eò Romanæ piissimæ feminæ Bassa, Paula, & Agathonica ex Urbe, ubi illa passa pro Christo fuerat, detulere. Excepit easdem Euprexia Matrona Menenina, condiditque in æde a se in Agrippinæ honorem extructa, ubi & alia Sanctorum corpora, qui sub Tertullo Siciliæ Præside Martyrii coronam *Menis* meruerunt; quo seque, & filiam Theogniam post mortem inferri iussit. De hac S. Agrippinæ Ecclesia multa referunt, quæ illis primis Christianæ fidei sæculis prorsus non conveniunt, nec exequi, sæviente persecutione, fuit fidelibus datum. Crypta, in qua sacra pignora latent, in magna est hodie religione, & superstructum nobile templum Canonicorum collegio decoratur, de quo inferius. Agrippina etenim ipsa Divæ tutelarior, & Patronæ titulo gaudet, opidi scutum Castello insidens exornat, & miris adhuc prodigiis contra malignos spiritus, uti olim, inclarescit. Sarracenis subinde posteriori ævo arcem invadere conantibus eandem Virginem evasisse terribilem, eosque aliquando in fugam vertisse tradunt; Sed *Menis* tandem fors eadem cum reliquis insulæ locis fuit, jugumque Sarracenicum sæculo Christi ix. subiit. In Urbani II. Diplomate Rogerii Comitæ ævo, *Mauroneum* confine esse Diœcesis Syracusanæ legi. *Indeque tandem Mauroneum ascendit ad flumen*

men de Catibaelfar. Erycis fluvius, qui & Calataphari, sub *Menis* cursum agit, uti dixi, & ubi is in Bufaritum amnem illabitur, Catamensem Paręciam a Syracusana dirimit; hinc in Diplomate *Mauroncum* pro *Menco* scriptum coniicio. Anno mclxviii. Alexander III. in aliis literis Ecclesias *Mence* ad Syracusanum, spectare Episcopum dicit. Sub Aragoniis regii Sanguinis Principibus opidum obnoxium, Joanni scilicet Infanti, qui *Minei* Comes audiebat, ad aliquot annos fuit. Friderico tamen III. qui *Menis* suas cum Constantia nuptias celebravit, ad *Demanium* spectabat, & *Reginali Camera* fuerat addictum. Gliscentibus hinc Siculos inter proceres dissidiis, Regiis partibus, ut plurimum adhæsit. Occupatum a Matthæo Moncada, ejusque fratribus Martini Regis ætate, mox restitutum legimus, tandemque anno mcccxcviii. in publicis Comitibus apud Syracusas coactis Regii juris effectum, & aliis cum opidis Reginæ usibus accensis annumeratum, qua sub clientela perseverat. Jam quod attinet ad situm, montibus sese offert innexum, in quorum cli-vo arx ex munitissimis pro superiori ætate surgebat; turres quippe illi erant in ambitu duodecim, triplex atrium, & in præcipuo, turris major octogona supra reliquas longe eminens, cujus supremæ concamerationes aulis, & conclavibus instruebantur omnimodam magnificentiam præferentibus. Moles undique quadris lapidibus cōpacta, cujus hodie post annum mdcxciii. ingentes reliquæ perseverant, celebremque olim abunde demonstrant; hinc in Caroli Andegavensis Regesto illius custodia Scutifero, & militibus x. committebatur. Quod Ducetium Siculorum Regem authorem habuerit vulgus opinatur; forte eodem in loco stabat, ubi Rex ille, uti conspicui situs, ad *Menarum* tuitionem muni-

men-

mentum excitaverat. Menibus opidum circumscriptum extantes adhuc illorum ruinae liquidò ostendunt, passim quippe, nedum rudera occurrunt, & portae visuntur veteres iv. olim integræ nunc perditæ, una excepta, decurrense seculo eleganter instaurata. Tribus constat regionibus Civitas, quæ a totidem sacris ædibus præcipuis, & paræcialibus, appellantur, mox recensendis; sed ima pars S. Augustini fundus vulgo dicitur. Sunt Ecclesiæ illæ sub S. Mariæ Majoris, S. Agrippinæ, & S. Petri titulo, singulæque post terremotum magnificentius restructæ, Canonico Collegio hodiè instruantur. De iis Pirrus Not. 2. lib. 3. scripserat: *Prima Parochialis ædes major S. Mariæ olim de Græcis, nunc Majoris, quæ maximam redolens antiquitatem, sed ædificiis, & bonis anno circiter mxxx. sub Clemente VII. aucta, & nobilitata est ab Antonio Buglione. 2. Parochialis, & Collegiata Ecclesia est S. Agrippinæ V. & M. Tactularis, & Patronæ urbis. Id templum antiquissimum ab anno salut. cclxiii. conditum fuit opibus nobilium seminarum Euprexie matris, & Theognie filie. & consecratum a B. Severino Episc. Catanensi anno cccxxxii. viii. Junii sub Imp. Constantino Magno; ibique ea die repositum est S. Agrippinæ corpus. 3. SS. Petri, & Pauli Apostolorum. Hæc ille, cujus idcirco verba retuli, quod inter eas Ecclesias de Primatu contentio viguit. Tradunt enim diù alternis vicibus per annum majoris munia paræcias tres obire solitas, quarum principalis Parochus Syracusanæ Ecclesiæ Decanus ab anno mcccxc. fuit constitutus. Quum verò Hieronymi Bononiæ Episcopi beneficio S. Agrippinæ ædes Canonicis choro addictis cohonestata, jura super cæteras sibi deberi affirmaret, & Dioecessani Antistitis, necnon Romani Pontificis decreto illa obtinisset, acriter*

ter duæ reliquæ id impugnantes, sæculi tandem xvii. initio, uti omnia ad pristinum revocarentur impetrarunt. Anno nihilominus mdcxiv. S. Mariæ Paræcia ab Antonio Capoblanco Collegialibus honoribus donatur; moxque S. Petro etiam eadem prærogativa accessit anno mdcxxx. ac jurgia subinde circa præcedentiam inter S. Mariæ & S. Agrippinæ alumnos exorta, inita conventionem, dirempta sunt. Decurrentis sæculi anno xli. Sedis Romanæ privilegio S. Agrippinæ primum, hinc S. Mariæ & S. Petri Canonici novis insignibus, ac vestibus decorantur, ac pristina idcirco dissentionum germina pullularunt. Res diù disceptata, Regis demum decreto, juxta olim firmatas conventiones, debitis honoribus unicuique paræciæ & Collegio attributis, anno mdccxlviii. composita remansit.

Sedet cætero S. Mariæ basilica ad boream, seu ortum æstivum sub arce, edito præ cæteris, hodieque infrequenti loco, ab anno mdcciii. elegantissimo schemate instaurata, decentique ornatu exulta, cui alumni xii. sub Præposito, & *Dignitates*, uti appellant, tres quotidie inserviunt. Ferunt, quod dum recentis ædis substructiones molirentur, in veteres parietes, operæ inciderunt, quorum suprema pars solo novissimo respondebat; vetus hinc, & primis forte Christianis temporibus, Ecclesia longe depreior esse oportuit. In eo facer ritus Dominica Palmarum ab antiquo tempore celebratur, Clero universo ac frequentissimo populo adstante. S. Agrippinæ supra cryptam, ubi Virginis corpus conditum, divitiis, & proventibus pro xiv. Canonicorum dote ab Joanne de Moles viro ditissimo aucta, editori, quoque in loco ad hybernium occasum fundata spectatur. Crypta profunda est, xx. enim, & amplius gradibus aditur, & veterem e lapide aram cum

cum loculamento ostentat. S. Petri demum præ cæteris compta, & ornata in urbe media assurgit, in qua sacræ supplicationes coguntur, & Alumni xii. sacris muniis intendunt. Ab hisce Pareciis singulæ urbis regiones, uti monui, denominatæ, publico foro respondent satis amplo, ubi Magistratus basilicâ, & magnâ viâ dirimuntur; continentque Ecclesias minores vi. Regularium domos iv. Sanctimonialium ædes duas, & Orphanotrophium. Claudit illa S. Agrippinæ Societatis Jesu Collegium Thomæ Guerrerii opibus a fundamentis erectum, ac pingui dote anno m^olxxxⁱ. auctum, cujus Ecclesia cum æris campani turri insignis, opido decorem conciliat; necnon S. Benedicti Vetus Virginum cœnobium situ conspicuum, in quo aliquando Sorores centum summa regularis observantiæ laude vivebant, eaque percepta Carolus V. Cæsar, dum in Sicilia ageret, largas illis elemosynas impertiit; ac S. Catharinæ ædem. In S. Petri regione, Puellarum, quæ parentibus orbatæ sunt, claustra spectantur, ubi dudum S. Joannis de Deo stabat conventus; ac S. Michaelis Archangeli Ecclesia. In S. Mariæ Majoris denique sedem habent Minores Conventuales circa annum m^occcl. constituti, situ, & ædificiis non ignobile asceterium incolentes; Minores item de Observantia, qui in S. Antonii Abbatis, ad jactum lapidis olim a pomerio, ab anno m^ocxx. degebant, subindeque in S. Mariæ de Odigitria prope portam ejusdem nominis, ædem occuparunt; Fratres de Mercede Reformati, quos in suam Ecclesiam S. Spiritus sodales sub elapsi sæculi exitum exceperunt, sed ab anno m^olxxxiv. Menis fundatos Pirrus dicit; præ cæteris autem Novum effulget sub S. Mariæ Angelorum titulo, & Benedictinis institutis monasterium ab anno m^olxxx. assumptis e Veteri Monia-

libus x. Joannis Baptistæ Jamlunæ viri pietate eximii, opera excitatum; minoresque S. Salvatoris, S. Margaritæ, S. Sebastiani, & S. Mariæ de Porta Ecclesiæ numerantur, in qua postrema celebris Menensibus, vicinisque accolis dies est festus cum nundinis. Extramœnia Minoribus Capuccinis ad primum lapidem locus contigit anno m̄dxc. S. Mariæ de Gratia nomine; sed in S. Viti sub *Rabato*, seu suburbio, situ depresso, non multo post transiere circa solititium æstivum, aptamque professioni domum hodie incolunt. Memorat Pirrus S. Joannis de Deo domum, quæ defecit; Canoniorum S. Augustini hospitium in S. Crucis æde, ejusdem ordinis Messanensi Monasterio subjectum; tum S. Benedicti Prioratum S. Joannis de Suburbio, & S. Spiritus, illiusque vestigia, & templum adhuc sua ætate superstes in *Menarum* agro ad pass. m. ii. alterius vero prope S. Agrippinæ integram ædiculam recenset. Sed de Sacris jam satis.

Meneninum Magistratum criminum Vindex, Jurati Patres IV. Syndicus, & Judices conflant; eademque urbi competunt privilegia, quibus reliquæ *Reginalis Camera* civitates gaudent. Jus habet in publicis Regni conventibus ferendi loco xxvi. suffragium, & gladii potestatem; Comarchiam constituit; quodque ad belli munia attinet, ab Instructore Calatajeronensi dudum pendebat, equites ix. pedites civ. sub signis cogebat; Lares sub Carolo V. Fazello teste 1631. numerabat; sequenti vero sæculo lar. 1336. incolis 5219. censebatur in Regiis libris, sed juxta Pirrum lar. 1766. civibus 6723. Anno denique m̄dcccxi. lar. 1314. incolis 5540; & novissime 6000. constare dicitur. Ruralis fertilitas, & agri amplitudo omnia tribuit, quæcumque non vitæ solum adjumento, sed delectationi Natura

tura largita est; Colles enim multa vite, oleis, & frugifera arbore vestiuntur; campi frumenti copiam insignem, omnisque generis frugem, olera, pascuaque pingua sufficiunt, sylvę demum venationem ministrant idoneam. Naphtię lacus, sive Palicinus, ad septentriones vicinum inficit aerem; alter ad orientem hybernum *Catellarius* appellatus in collibus, limosus licet, haud tamen insalubris, sed ingentis est profunditatis. Irriguet cæterum aquæ ad reliquas oras terras fecundant, arundineta per totam regionem celebratissima nutrienda, quorum unum in æqua planitie in veteribus chartis memoratur. *Menas* ortu suo in cælis decorarunt plures Sancti Martyres, qui sub Artullo Sicilię Præsidente, eò confugientes pro Christi nomine, xxiv. Augusti, vitam amiserunt ex Cajetano. Euprexia item matrona vidua, & Theognia ejus filia *Menis* natæ, de quibus jam dixi, Siculis Sanctorum fastis adscriptę ex Cajetano, Perdicaro, & aliis. Simon Buccerius Societatis Jesu Coadiutor, diu apud Chium insulam Christiana sacra populos, magno Martyrii desiderio docuit; Panormum tamen regressus summa vitę asperitate optatam pro Christo mortem compensavit. Decessit ibi nam vulgari pietatis opinione mxxvi. Ludovicus Buglio, eques primum S. Joannis, inde Societatis Sacerdos ad Sinenses Evangelii præco designatus, per annos xxv. in ea provincia desudavit; Sagittis aliquando appetitus, divinaque virtute illęsus, post labores innumeros, ac libros Sinica lingua supra lxxx. de Theologia, & sacris Christianorum ritibus editos, quibus sapientiores Satrapas, & Manderinos ad Christum traduxit, in aula Imperatoris, ii. Octobris; anno mdclxxxii. mortem lætus aspexit, regiōque funere est honoratus. De eo Montorius, Albertus, Aghilera, alique. Michael-Angelus.

de Porturo Capuccinus, omnium virtutum gloria ex
 Pirro clarus, obiit in patria mxcxxi. Vincentius Meli-
 gni Castrensis primum Episcopus, inde Hostunensis
 in Calabria designatus, Paulo V. Rom. Pont. ob vite
 merita, & doctrinę præstantiam charus, vivebat Pirri
 ætate; de quo Ughellus, Tafurus, & Nic. Coletti. Ni-
 colaus Ballard Syracusanę Ecclesię Decanus, sub Hie-
 ronymo Bononia Generalis Vicarius ejusdem fuit. An-
 tonius Flaminus, vulgo adscito nomine Biacander,
 Græcis & Latinis literis doctissimus, Poeta eximius,
 moribusque incorruptis satis clarus, Romę diu vixit,
 ubi summam de sua doctrina opinionem excitavit, me-
 rito a Pierio Valeriano omniū ætatis suę sapientissimus,
 a Lucio Marineo ingenii admirabilis, vitę integrę, &
 consuetudinis jucundissimę Vir appellatus. Obiit ibi-
 dem sæculo xvi. incunte inter libros humi stratos, quos
 & ipse humi stratus legebat, perpetuo oppressus som-
 no. Lucius Flaminus, quem idem Marineus, a scien-
 tia omnimoda inter publicos Salmanticę Professores
 commendat. Franciscus Bertucius Ordinis Minimo-
 rum Theologus, insignis Concionator inter sui evi pri-
 mos, & pietate illustris; memoratur Launojo, Pirro,
 Marracio, & aliis; edidit: *De Creatura supernaturali,*
ac de Conceptione Virginis. Joannes Baptista Gianluno,
 Theologus, & Astronomus celeberrimus, Minor Con-
 ventualis, de quo Pirrus, & Cagliola. Placidus Ni-
 gidus Sacerdos, Orator, & Teologus, præcipuo affectu
 in Deiparam clarus, scripsit *Mariologiam*, Theologi-
 cas nempe de Virgine Quæstiones, *In Sacram Scriptu-
 ram*, de *Eruditione Sacrorum Concionatorum*, aliaque;
 & MS. complura reliquit. Commendantur denique
 in Bibliot: Sicula inter Scriptores Alexander Palazo-
 lus Soc. Jesu; Franciscus Capuanus ejusdem instituti; Na-

talitius Muratorius Sacerdos ab arte oratoria. A poeti-
cis verò studiis Joannes Leonardus; Michael Amedeus;
& Michael Bontalucius. Ducetius hic locum habere
videtur, quem patria *Menensem* Cluverius, & alii faci-
unt, Diodoro urbis Conditor, aut, deducta colonia,
Instaurator. De eo in Historiis. Ducetii sepulchrum
paucis ad hinc, anno scilicet MCCCXVI. detectum evul-
gant sub mœnibus, ubi olim Munimentum de *Gallia*,
ad Hybernum occasum, unde ad Minorum Capuccino-
rum Monasterium est iter; idque ex loculi magnifi-
centia, annulo, lucerna, phialisque inibi asservatis de-
ducunt. At Ducetius post Calactam conditam in septen-
trionali insule littore, ibidem fato functus passim di-
citur; neque ad *Menenses* oras, quas sibi Syracusani
vindicaverant, usquam rediit; Loculus igitur alterius
viri principis dicendus. Eiusdem Ducetii caput refer-
re aliquot Numismata non inficior. Nam Conditori suo,
aut Instauratori; coloniæque Deductori a civibus id
honoris tributum sepissimæ legimus.

Sunt porro *Menarum* Numi huc usque detecti XII.
quorum duo ex argento, reliqui ex ære conflati; hos
inter duo ad Ducetium dubio procul spectant ærei;
nam vultus habent viriles, victa regia ornatos, & retro
currū, seu bigas cū inscriptione ΜΕΝΑΙΝΩΝ. & litera Π.
additur in uno sub bigæ equis, qua forte Palicam
a Ducetio etiam conditam indicare veteres volue-
runt; in altero, pone Caput litera E. quæ Erycem
designat veterem urbem, ad Ducetii dominium spectan-
tem, uti mox dicam; Tertius, caput referens nudum,
Ducetio quoque adscribitur; sed quid in averſa parte
pilæ tres superposito veluti baculo sibi velint, incer-
tum. Jam Argentei ad Cererem spectant, & Proserpi-
nam

nam; binas enim ostentant faces; quas in altero illorum figura muliebris manibus præfert, in altero cancellatim appositas videmus. Cereri tres alii ex ære, facibus cancellatis tribuuntur, sed pone unius caput aratri signum, & supra frontem spica, agri ubertatem designant. Epigrapha eadem est. Exhibent duo Mercurium stantem baculo innixum, cui serpens advolutus; caput verò laurea insignitum Apollinis esse videtur. Caput Apollinis quoque, cum lyra, & caput Mercurii cum pileo alato, & caduceo satis indicant, cujus honori duo reliqui fuerint cusi. Quod autem literis illis Græcis *Palica*, & *Erix* urbes, *Menis* conterminæ exprimantur, non incongruum puto; idcirco enim plurali numero *Mena* veniunt, quod scilicet tres olim urbes, veluti in unius societate coaluerint, & sub ejusdem Ducitæ regimine, eisdemque legibus vixerint; vix enim bis pass. x. inter sese dissidebant. Quarta addunt *Trinaciam*, sitamque credunt ad hybernum occasum in collibus, ubi hodie diruti opidi reliquæ visuntur *Camoti* agnominatæ; At enim *Trinacis* situm omnino incertum esse, & ad *Camotim* levî fundamento constitui alibi ostendam.

Menas Regii sanguinis principibus, titulo Comitatus, olim cessisse, jam supra innui. Hic eorum nomina recenseam. *Bartholomæus de Luci* Henrici Imper: consanguineus, de quo alibi. *Nos Bartholomæus de Luci Dei & Regia gratia Comes Paternionis, & Domini Regis consanguineus &c. donavimus filiæ nostræ Margaritæ, & heredibus suis in tenimento terræ nostræ Minei feudum unius militis, quod fuit quondam Henrici Marsillaro.* Scripta hæc sunt Anno mxcix. mense Januario, Indiæ. iii. Regnante Friderico Siciliæ Rege, subinde Imperatore. Id vero feudum Margari-
ta

ta constitutæ ab se apud Adranum S. Joannis domui hospitali Jerosol: attribuit, eodem anno. Habuit uxorem Bartholomæus Desideratam Gaufredi filiam; Hic Sylvestro Marficano Rogerii Comitis Nepote progenitus fuit. Manfredi Regis beneficio *Manfredus*, & *Fredericus Maleſta* anno mcccxlvi. *Menarum* Comites dicuntur. Ex quorum primo, & Jacoba de Bonifacio postumus *Manfredus II.* anno mcccxlvi. prodiit, Comitatu insignitus, ut publico instrumento apud Pirrum constat; & in alio etiam de anno mcccxxxv. *Menarum* Comes, Paternionis Dominus, Jacobæ matris jure, & Regius *Camerarius* appellatur. Hujus filia *Hilaria Maleſta* Petro de Vico Romanæ Urbis Præfesto uxor data, sibi *Menarum* Comitatum hæreditario jure vindicavit; an Hilarie hæredibus subinde cesserit, incertum; forte etiam ex ea proles nulla superfuit; *Fredericus* enim II. *Joanni Infanti* filio, Randatii Marchionis *Menas* attribuit; a cujus morte in Regis clientelam rediit, & Reginali *Camera*, uti ajunt, addicta remansit. *Claromontani*, qui sub Ludovico Rege, & *Frederico III.* Leontinos diù, & finitima opida usurparunt, nostrum quoque Comitatum invadere, ac pro libito administrare sunt ausi. Quibus a Martino Rege deficientibus *Raymundus Guillelmus Montecatinus* illorû bonis donatus, *Menas* pariter in potestatem accepit. Nec diù, & ipse deficiens opidum amisit; cujus aliquando arcis firmitate confisi *Raymundi* filii eidem Martino Regi obstitere, tandemque saniori consilio illa sese abditarunt. Nec mora idem Princeps in publico Regni totius confessu Syracûsis habito *Menas* opidis *Demanialibus* accensuit, & Reginali *Camera* restituit anno mcccxcviii. Habet Longidipis gradus xxxiii. xx. Latitudinis verò xxxvii. x.

MEN.

MENDÆ. Vetus opidum inter Palatiolum, & Nettum, haud parvi nominis; Stephano enim, & Apollodoro notum est. *Mendola* quoque a Littara, Pirro, & Fazello appellatum, & Sarracenis *Rahalbarenum*, cujus in diplomate Tancredi Syracusani Comitis, quo S. Luciae de Neto bona enumerat, anno mcm. habetur mentio. Prope erat Monasterium ejusdem S. Luciae, cujus notitiam dedi cum in Monastica Siciliae Historia, tum in hoc Lexico. Opidi extant vestigia in agro Netino, quem *Mendalam* appellant. *Juxta quod*, de Monasterio loquens Fazellus ait, *Mendola erat opidulum hodie jacens*. Pirrus de eodem Coenobio: *Inter latos agros, & alia eidem attributa datus est viculus Sarracenico nomine Rahalbarenis, necnon quidam villani, reliquias, spinor, opiduli, quod olim Mendulam dictum legimus*. In proximo monte Luciam Romanam Viduam, & Geminianum martyrium fecisse sub Diocletiano, eorumque corpora Maximam honorificè sepelisse, uti locis citatis innui, tradunt; Et si Luciam, & Geminianum Romæ passos rectius alii scribant. Illustrem ceterò *Mendam* appellant, quod in ea lxxv. pro Christi fide coronatos fuisse ex Cajetano constat. Mongitore Polycritum Historicum, Medicum, & Poetam antiquissimum ex Laertio, & Mandosio *Mendcum* dicit, quem in Agrigentorum castris aliquando meruisse affirmat, ac sub Dionysio Juniore floruisse. hodie Ibi Eremitarum est Domus.

MENDOLA Opidulum sub Northmannis. Vide *Menda*.

MENENSIS Fons. *Palicius* veteribus, *Menais* quoque, & *Menanixus*. *Menais*, scribit Vibius in Catalogo Fluminum, *Leontinorum*, quia tunc forte Leontinis subdebantur Menæ; per quam ejus loci juramentum.

ME.

MENETIDES Syracusarum portæ in Neapoli, ab ædificii robore ita Græcis denominata, inquit Fazellus, quæ Anapum fluvium respiciebant, Plutarcho in Dionē.

MERUSIUM olim agri Syracusani opidum apud Stephani Epitomatorem, hodie incerti omnino situs; *Merusiam opidulum*, ait ille, *authore Theopompo Philippi Rer. lib. 38. Incolæ ejus dicuntur Merusii. Distat autem locus a Syracusis stadia lxx. idest pass. m. fere viii. Merusiam* appellatam Dianam nonnulli perhibent, quia hic specialem cultum habuit.

MESEPE Casale in Platiensi agro, quod Henricus Policastrici Comes S. Mariæ Vallis Josaphat Monasterio anno mxciv. dono dedit cum adjacentibus terris.

MESOPOTAMIUM, Latinis *Interamne*, Opidum scilicet duos inter amnes, cujus *plaga* a Gela xx. removetur pass. m. In Antonini Itinerario: *Refugio Chalis xviii. Plaga Calvisianis viii. Plaga Mesopotamio xii. Cluverius inter Scaramin, seu S. Crucis fluvium, & Oanum, seu Frascolanum diruti opidi reliquias ex Fazello memorans, Mesopotamium ibi recognoscit. Ait ille Dec. p. lib. 5. cap. 1. Huic oræ intus ad pass. m. in colle ædis est quadrato structa lapide columnis subnixæ, quem Sterium Pictum advocant, Templum priscis præcellens. Subdit Cluverius: Illud igitur templum veteris Mesopotamii vestigium esse poterit. Steris Sarracenum fortasse nomen est, Siculis usurpatum, quod Palatium, seu Ædes Magna sonat; hinc Claromontanorum egregia ingensque domus Panormi olim Steris appellabatur.*

S. MICHAEL Opidum, *Consaria*, & Sarracenis *Thanzaria*, a Calatajerone hand procul, idest pass. m. vi. ad occasum hybernū. Ex Pirro *Casale Græcorum*, quod ibi olim gentis hujus ex Epiro profusa colonia sedem fixerit; uti adhuc ex incôlarum nominibus elucet; ab An-

T. P. P. II.

K

coni-

tonio Gravina anno mxxxiv. constructum, dicitur, nomenque a paræciali templo *S. Michaelis adeptum*, quod dudum, inquit idem Pirrus, *Gillorum fuerat fanum*. Nempe *Canzariæ* Feudum colonis frequens aliquando floruit, Gallorumque ætate id templum excitatum extitit; hinc in *S. Guillelmi Siclensis Eremitæ* gestis *Canzariæ* casalis memoria, ubi divus ille Panormo redux, ex longo itinere fessus, aliquando hæsit, & mira aliquot patravit, quorum extant adhuc monumenta. In tumulo igitur Agri *Canzariæ* ad ortum vergente, non leviter prono opidum sedet, in cuius suprema ora Major Ecclesia, de qua dixi, devotissima Christi Domini e cruce pendentis imagine decorata. *S. Mariæ Annunciatæ* ædes Carmelitanis addicta, qui paupertate pressi recesserunt. Ab anno mxxxii. pro Reformatis Siculæ Congregationis Augustinienfibus *S. Mariæ de Odigitria* Ecclesia cessit, sed hi quoque hodie defecere. Quatuor cætero minoris notæ sunt Ecclesiæ, ubi Divinis populi intendunt. Subsunt hi *Comarchiæ Calatajeronensi*, & Episcopo Syracusano, sub quo Parochus, & Vicarius sacrorum curam gerunt, sed civiles Magistratus Dynasta, juxta Regni leges annuos cõstituit, qui jure gladii gaudet, & in Comitibus votum inter Duces vii. profert. Aragonensibus in Sicilia regnantibus *Henricum de Altavilla Canzariæ* Dominum invenio in Regesto Friderici II. Sed in eodem *Gentilis de Padula Calatajeronensis*, ejusque hæres *Canzariæ*, & *Fabariæ* possessores dicuntur. Ex *Attardo de Padula* Guillelmi filio *Antonia*, & *Julia*; Illam Julianus de Timinia uxorem duxit, qui Martino Regi infensus, bonis privatur; Julia Joanni Aloyfio Marano uxor effecta *Raynerium* peperit, cui Martinus idem *Canzariæ* feudum anno mcccxcv. concessit. Hinc in Regesto de anno

no mcccviii. Raynerii Mirani hæredes illud clienta-
 ri jure sibi vindicabant. Margarita Raynerii filia *Fri-*
derico Perramuto nuptui data, *Militiam* genuit, quam
Perellius de Motyca Friddanis Baro anno mcccclxvii.
 uxorem tulit. Ex his *Agatha*, unde ad *Vassallum Gra-*
xina Canfaria devenit. Vassallum nunc filium *Agathæ*
 ex *Carolo Grazina* Jacobi filio, nunc maritum, suo
 more Philadel: Mugnos in Theatro Nob. evulgat, ex
 quo *Camilla* unica hæres, *Sancii* consanguinei conjux.
 Sedenim Sancius hic circa finem sæculi floruit; hinc
 alios intercessisse constat. Floruit quippe mxxxiv. *An-*
tonius, qui opidum in ejusdem *Canfariæ* collibus in-
 stauravit sub S. Michaelis vocabulo. *Sancius*, de quo
 dixi, Hieronymi Francofontis Marchionis, & Eleono-
 ræ Isfar filius fuit, qui cum *Camilla Hieronymum Mi-*
chaelem procreavit. Hujus & Antonia Joenia proles fuit
Joannes, primus S. Michaelis Dux a Pilippo iv. anno
 mcccxxv. renunciatus, qui *Joannam Bonanno* primis nu-
 ptiis sibi copulavit, cujus jure Linguægrossæ Princeps
 evasit, sed ea mortua liberis non susceptis, Lucretiæ
 Migliaccio adjunctus *Hieronymum Michaelem* II. ex
 ea tulit, qui Catharinam de Requesens uxorem ha-
 buit, & *Joannem* II. filium genuit. Fulsit hic Hiero-
 nymæ Xirottæ conjugis jure Montisvagi Princeps, &
 S. Elisabethæ Marchio, Regisque Catholici militiam
 sequutus, Hispanis Magnatibus accensus est; Mariti
 obiit anno mcccxxxvi. relictis *Hieronymo* III. Xaverio,
 & Michaelle etiam militiæ honoribus perfunctis, nec-
 non Joanne Cler. Reg. Episcopo Paçtensi. Ex Hiero-
 nymo, qui a Regio cubiculo, ex xii. Regni Viris, a-
 liisque muniis clarus, Catharinæ Moncadæ conjugii
 vinculis adstrictus, ad annum mcccii. vitam prostravit,
Joannes III. hodie S. Michaelis Dux ex Magnatibus

Hispaniarum &c. Vivit cum Eleonora Neapoli ex Ralhüttanæ Principibus uxore.

MICITE. Silio, sed ex Cluverio *Molyce*. Nulla est enim apud veteres *Micites* memoria.

MIDOLUS Feudum in Melillis agro, ubi Saccharum conficitur, & mellitæ cannæ proveniunt. Ibi olim Turris terræmotu mdcxciii. disiecta.

MILICHIUS Fons. Plinius alibi laudatus: *Syracusa cum fonte Arethusa; quamquam, & Temenitis, Archidemia, & Magæa, & Cyane & Milichie fontes in Syracusano potantur agro.* Cluverius sapore, & subtilitate omnes Syracusani agri præstare aquas fontem hunc affirmat, & nomen ei quæsitum putat a Melle quasi *suavis* sit, atque *mellitus*. Situm verò illius indicans sub Neapolis tractu, vulgo accolis *Pismotta*, calamo cespitavit. *Pismotta* enim ad Cyanem pertinet, ac longe a Neapoli distat.

MILILLIS Opidum. Vide *Melillis*.

MILITELLUS Opidum, quasi *Militum Tellus*; aliis *Melitellus*, nomen a Melle fumentibus, in Diocesî Syracusana, sub Comarchia, Militarique Præfectura Leontinensi, in colle sedet, qui ab occiduo sole lacui imminet Leontino, subestque eminentiori tumulo ex eadem celi regione a S. Cruce appellato. Pirrus *ascensu difficile, arduis, & saxosis collibus circumdatum* describit. Sedenim a septentrionibus humiles habet tumulos coli aptos, ab oriente, & austro post convallem amenissimam, arboribus convestitam, qui circumstant colles, lata planitie extenduntur, vinetis, oleis, gramine, pascuis, frugibusque ferendis aptissima. Occupabat olim collis latera ad radices usque, ubi aquarum fluentum, ab ortu, & meridie, uti cryptæ, arcis veteris vestigia, & domorum rudera evincunt, sed
bis

bis centum circiter ab hinc annis in ejusdem collis inæquali dorso, parumper ad meridiem prono, hodie affurgit, ad longitudinis gradum xxxviii. xxx. latitudinis verò xxxvii. x. De illius origine varia circūferuntur. Recens appellat Fazellus opidum, Pirrus Northmannis adscribit, Petrus Carrera genticus scriptor sub Marco Marcello milites quosdam post captas Syracusas, militiæ vacationum petentes, eo devectos, novæ coloniæ in agro Leontino ortum dedisse scribit, & nomen inde quæsitum a *Militibus* affirmat. Nec desunt, qui seris temporibus Romano inclinante imperio opidi originem assignant. Ego conjecturis agendo putaverim mortales circa *Militellum* suas habuisse se des antiquitus; quod ex frequentibus cryptis, loculis, & sepulchris, ubi lucernæ, lacrymarum phialæ, & fœtilia vasa deteguntur, & ex numis quoque Siculis, Consularibus, & Imperii in propinquiore agris passim erûtis, evinco. Defecit nonnihil sub Sarracenis; hinc circa annum mcllxxxvi. Casalis nomine nuncupatum, idem Carrera evulgat; sed novis mox incrementis effloruit, castrum cum Dynastæ ædibus in clivo, binasque paræciales Ecclesias habuit, & titulo Marchionatus meruit decorari. Castrum, seu Palatium jacet hodie, turpesque ab anno mdcxciii. ostentat ruinas, nec nisi ex turribus una superest, quæ paucis ab hinc instaurata, publico usui deputatur. Porta succedit adhuc integra, & aulæ amplissimæ parietes hanc excipiunt, in qua copiosam instruxerat Bibliothecam Franciscus Brancifortius. Ex quadruplici denique fornicum ordine; quo moles assurgebat, atque ex muris soliditate præcipuis, nonnisi aliquot ad aquilonem rudera, & substructiones remanent. Ex duabus Paræcialibus; Prima, & præcipua, seu Mater S. Nicolao Myrensi Episcopo

copo, & Patrono sacra contra Palatium ad austrum, diu stetit, cum æris campani insigni turri, veteri toti opido imminens, sed terræmotu labefactata, quum in ruinas abiisset, recentis opidi pene centro magnifica structura, elegantique fronte spectanda hodie sese offert, ubi clerus sub Parocho Divina decentissime celebrat; alterius vero S. Mariæ de Stella, Opidanorum Patronæ Principalis; nomine insignitæ, sub eodem palatio ad ortum æstivum, in valle, integri supersunt parietes, ad omnem elegantiam ab anno MDVI. constructi, uti inscriptio docet, cum pronao columnis suffulto, & porta, variis Sybillarum simulacris, uti ætas ferebat, singularique artificio concinnata. Hinc turris substructiones ad aquilonem, scala ad occasum, ad meridiem sinistra ala, uti appellant, perseverat, ubi sacra Synaxis ex veteri institutione peragitur, & prope hanc crypta in rupe impendente, quam a Spiritu Sæcto appellat, picturis, & loculamentis distincta, juxta Græcorum ritus, in cœmeterii usum, omnimodam redolens vetustatem conspicitur. Nova tamen S. Mariæ basilica in tumulo undique patens, circa hybernum occasum, fronte superbit eximia, ædificiis nobilitatur, nec vulgaris est ornamenti, imo præcipui, reliquas inter opidi moles. Sacellum in ea commendant, cum Dominici Natalis historia dimidii anaglyphi opera in argilla expressa. Huic etiam pars Cleri proprio sub Parocho addicta, sacris rite celebrandis intendit; Opidani enim promiscue juxta familias hisce Paræciis subduntur; nulli quippe sunt unius, aut alterius fines, nec discreti vici; minoresque, seu filiales Ecclesiæ, una excepta SS. Petri, & Pauli, extrema ad meridiem ora, sub S. Mariæ jurisdictione degente, S. Nicolai Paræciæ suffragantur, quas inter sub Divini Eucharistiæ Sacramēti

ti titulo nuper ædificata satis concinna effulget; tresque aliæ Laicorum sodalitatibus addictæ diutinquuntur: Purgantium scilicet Animarum sub S. Viti nomine, contra quam ædicula S. Sophiæ ruinosa, prima opidi, uti tradunt, atque a Græcis primis incolis instituta; S. Mariæ de Catena, cui adnexum S. Crucis templum ad v. circiter pass. circa occasum in collis plano vertice extructum, ubi Christi Domini a cruce pendentis simulacrum sacro Parasceves die frequenti populo, & totius cleri supplicatione devotissimè colitur; ac S. Angeli denique, cujus sodalibus sepelliendi pauperes cura inest.

S. Benedicti Monasterium sub Casinenfi Congregatione ejusque templum schemate, & ornamentis splendidissima, veluti totius opidi corona, ad aquilonem asurgunt. Fundavit, ac dote satis pingui auxit Joanna Austriaca Francisci Brancifortii uxor, in quo & Dynastarum sepulchrum, quod olim in S. Maria erat, idē Franciscus constituit, sacello addito, Infantis Jesu subinde imagine miris prodigiis clara decorato. S. Dominici Cœnobium ab anno mxcv. Joanne Baptista Barresio autore in S. Agathæ Ecclesia primum; hinc in S. Mariæ Annuntiata extra opidum, Joanne de Falco celebri ob vitæ sanctimoniam viro agente, coaluit; tandemque in frequentiori loco anno mxcxii. construitur. Minores S. Francisci fratres Conventuales extra opidum in æquo amenissimo ad ortum loco anno mcccxxv. coloniam statuerunt, quam F. Paulus Venetus subinde instauravit. In earum Ecclesia marmorei Dynastarum tumuli e S. Mariæ templo, quod anno mdcxvii. igne labefactum est, translati, uti in illud S. Benedicti Casinensium, quod adhuc imperfectum tunc erat, inferrentur. Errat hinc Cagliola eandem Ecclesiam Marchionum

num sepulturæ addictam afferens; Capuccinis S. Mariæ de Infirmis a Conventualibus haud procul, designata est: ædes, & Catherinæ Barresie anno m^olxxv. opibus extructæ sunt cellulæ. In ara majori eximia tabula, Paladini opus; in cæmeterio F. Blasii de Calatanixecta, morum pietate conspicui, corpus requiescit. S. Francisci de Paula in amplissima area ad aquilonem S. Mariæ Annunciatæ relictam a Dominicanis Ecclesiam anno m^odcxiii. habuerunt, nuper decentibus pro familia ædificiis auctam. Ad S. Leonardum in edito tumulo circa occasum incolunt Augustiniani Centuripinæ Reformationis ab anno m^odcxxxi. qui olim, iii. pass. m. inde procul, S. Michaelis Ecclesiam in regione *Gusar'a*, Andreæ de Guasto Ordinis fundatoris opera, anno m^olxxxviii. tenuerunt. Infirmorum denique domus cum adjuncta S. Antonii Ecclesia S. Joannis de Deo Hospitalarios fratres anno m^odcxxix. prope S. Mariæ de Stella excepit. Sacrarum Virginum Monasteria duo sunt: S. Joannis Baptiste in extrema ad hybernum occasum ora, quod ante annum m^occcc. originem recognoscit. In eo Agatha Barresia, Dynastæ Antonii Perii filia, perpetuæ Antistitis munus tenuit, ac Beatrix Landolina Nicolai Specialis uxor decessit, cujus annulos, aliaque monilia Moniales adhuc servant. Alterum S. Agathæ ex conflatis piorum eleemosynis anno m^odl. coauluit, auxitque ædificiis Carolus Carassa Buteræ Princeps sub elapsi sæculi finem.

Est *Militelli* Ecclesiastici fori iudex Episcopi Vicarius; Civicus Magistratus juxta insulæ leges a Principe delectus populo moderatur. Dynastæ vices Gubernator substinet. Opidi insigne Militem præfert hasta, et clypeo ornatum. Jus Gladii penes Marchionem, qui sextum in comitijs locum occupat. Lares sub Carolo V. erant

erant 1923. incolæ 3730. Pirri ævo 1789. animæ 6103. in Regiis vero libris lar: 1492. incolas 5594. invenio. Anno MDCCXIII. lar. 1690. animæ 6416. & novissimè 6695. computantur. Ager fecundissimus omnia ad vitam necessaria suppeditat; Oletis namque, vineis, fegetibus, pascuis, & fructibus abundat, adeoque vicinis, ac remotis oleum præcipuum sufficit. Mala citrina, & aurea, & Summach fruticem ingenti quæstu præbet. Per circumjacentem regionem montana ostrea, conchilia, echini, turbinati, & coctæ occurrant, nedum rupibus hærentia, uti alibi per insulam, sed terris in aperto campo adeo immixta, uti potius aggesta, quam equoris olim reliquiæ videantur. Tulit opidum illustres viros Petrum Carretii Poetam, & Historicum eximium, editisque operibus literario orbi notissimum. Obiit Messanæ fenex anno MDCLVII. Eum laudant Pirrus, Grossus, Vigintimilius, Ansalonius, & Labeus. Petrum de Angelis, & Baldanzam, qui Romæ diu vixit ab ingenii felicitate, & gravioribus literis commendatus. De eo Mongitore. Ignatium Gastonum. Hic Militelli ortus, & sacris undis Catanæ ablutus, Catinensis audit; quumque Juris prudentiæ operam navasset, emensis omnium honorum gradibus, S. R. Conscientiæ demum Præses evasit; variis ingenii, & profundæ doctrinæ monumentis inclauit, dièque postremum Panormi invenit. Laudat idem Mongitore Sebastianum Ragusam; Ægidium Tutinum Ordinis Prædic: S. T. M. eloquentissimum Ecclesiastem; Alphium Ursum Medicum, & Poetam; Joannem Baptistam Rubeum Medicum, & Philosophum; Marium Taurellum J. U. Doctorem, & Poetam non inglorium; Michaelem Ingastrum ex Minimis S. Franci de Paula Theologum, Ecclesiastem, & S. Tribunalis Quæsit: fidei Censorem; Qui omnes editis in lucem operibus

claruere. De Francisco Brancifortio Marchione inferiori. Vivit hodie Nicolaus Interlandus ex Principibus Bellaprimæ, qui variis dignitatibus auctus, Generalis Vicarius, S. Mariæ de Menis Præpositus, Prælati Domesticis Apostolicis accensus effulget.

Superest Opidi Dominos ex ordine percernere. Occurrunt igitur primi *Alaymus*, & *Lanfrancus Leontini*, sive de *Sancto Basilio*, quos anno *MLXXI.* a Rogerio Comite *Militelli*, Oxinæ, & Yhadræ castellis donatos Mugnos affirmat. Hos excepsisse *Alaymum de S. Basilio* satis in Siculis annalibus clarum non dubito, qui infœliciter periit sub Jacobo Rege. Idem Rex anno *MCCXII.* *Bonifacio Camerana* castrum attribuit, cui *Joannes* filius successit; quamvis inter Bonifacium, & Joannem Mugnos idem *Obertum* reponat. Joannis donatione *Abbas Barresius*, ex Maria Sorore Nepos, anno *MCCCVIII.* *Miliello* potitur, qui Petrapretiam etiam tenuit, unde in Censu Friderici II. ejusdem seculi anno circiter *XX.* *Abbas Petrapretie*, & *Militelli* Dominus dicitur. Ex Abbone *Matheus*, unde *Joannes*, qui duobus auctus filiis, Abbone, & Blasco hujus nominis primo, illi Petrapretiam, *Blasco Militellum* designavit. Post Blascum *Antonellus* sufficitur, Regis Martini beneficio anno *MCCCXIII.* confirmatus. Sed huic a morte Blasci Abbas avunculus litem intenderat, sibi *Militellum* deberi postulans, moriensque Artali, & Hugonetto filiis jus suum commiserat, qui causa excidere. Antonellus idcirco in Martini literis *Militelli* castro, veluti ad Curiam devoluto, donatur. sed mox idem, quum Regi infensus evasisset, Regno exulavit, revocatusque anno *MCCCVII.* jussus aliquando *Militello* abesse, in gratiam tandem receptus est. Hinc sequenti anno in Censu ejus fit mentio, quem

& Bu-

& Bucherio donatum quòque invenio. Duxit primis nuptiis Catharinam Specialem, secundis vero Luciam Montapertam, ex quibus *Blasum II.* Ludovicum, aliosque suscepit. Patre mortuo Blasus *Militellum*, & ab Ludovico fratrem, aliisque Pigadacim, & Randasium casalia habuit, de quibus suo loco. Ex conjugē porro Eleonora Speciali, Nicolai Proregis filia *Antonium Perium*, Nicolaum, Aloysium, & alios genuit, & huic ultimo Pigadacim, & Randasium attribuit, meruitque speciali Privilegio a Rege Alphonso mccccxlv. confirmari. Ejus in marmoreo splendido tumulo extat elogium, a Gualterio in Siculas tabulas relatum. *Antonius Perius* cum Aldonsa Santapace improles, ad secundas cum Damiata Moncada convolvit nuptias, quæ ipsi peperit Petrum Paulum, Joannem Baptistam aliosque septem. De Aldonsæ miserabili casu rumor adhuc in vulgus personat. Obiit *Perius* sæculo xvi. ineunte; ex cujus filiis primus *Petrus Paulus* Margaritæ, Statellæ adjunctus prole caruit. Hinc ab ejus morte *Joannes Baptista* obtinuit. Hic cum Elisabetha Brancifortia primum, eaque defuncta cum Beatrice, Vigintimillia matrimonio contracto, *Antonium*, Nicolaum, & Blasum, binasque feminas tulit, decessitque morbo ob animi moerorem contracto in arce maritima Panormitana, insimulatus, quod Pirruchii Joenii Catanensis consanguinei fugæ consuluerit, uti Fazellus tradit. Ejus Primogenitus *Antonius III.* Catharinam Specialem sibi copulavit, ex qua Carolo, Vincentio, & aliis procreatis, mundo quadriennio post patrem eximitur, Messanæ in S. Dominici sepultus. Ex *Carolo*, & Belladama Brancifortia Vincentius, Catharina, ac tres aliæ oriuntur. Obiit *Carolus* mdlvii. Dynastiam idcirco *Vincentius* assecutus, primus Mi-

Mitelli. Marchio, Rege volente, anno mdcxiv. est salu-
tus. Mox cum Dorothea Barresia Petrapretiae Domi-
na, Joannis Brancifortii nuper vidua, celebrato ma-
trimonio, ipsis nuptialibus diebus, quum venationi in
magna procerum, & nobilium frequentia nimium in-
dulxisset, extremo morbo correptus, ætatis anno xvii.
diem clausit. Cadaver e Lycodia *Mitellum* dela-
tum nobili sepulchro cum inscriptione est tumulatum.
Post Vincentium igitur soror ejus major *Catharina*
Fabritio Brancifortio Mazareni Comiti ex dote Mar-
chionatū detulit; ex quibus *Franciscus*, cui mater *Mi-
litelli* jura ab anno mdciv. cesserat, Serenissimæ Joannæ
Austriacæ, Joannis Philippi II. fratris filia copulatus, ter-
tius *Militelli*. Marchio evasit. Fuit idem Petrapretiae
Princeps, florentique ætate ante patrem fato prære-
ptus Messanæ defecit; cujus loco Joanna uxor pro fi-
lia Margarita biennio administravit. Non hic omise-
rim ab anno mdcxxi. per publicas tabulas varios sibi
Militelli jura usurpasse, quamvis opidi dominium
penes Marchiones esset, tandemque Catharinę Bran-
cifortia cecidisse; ex qua Franciscus filius habuit. Hu-
jus porro cum Joanna Austriaca publicas nuptias Pa-
normi celebratas in Auctario ad Fazellum descripsi.
Laudant Franciscum ab eximia literarum peritia; hu-
manis enim scientiis, Matthesi cum primis, ac Philoso-
phia præditus effulsit, nec divinas ignoravit, Græcis-
que delectabatur, Militiæ quoque, & Mechanicæ stu-
diis addictissimus, divitem sibi bibliothecam congeffit,
qua *Mitellum*, ubi ortum habuerat, illustravit, &
typographiam, edendis Eruditorum libris, prope il-
lam instituit, complura denique ingenii sui monumen-
ta reliquit, quorum superest opusculum de *Amore*
Honesto Hispanico idiomate *Militelli* editum. Cele-
bran-

brantur adhuc ejus corporis vires; alearum quippe fasciculum utroque pollice diffringebat, equinum ser-
sum manibus primo conatu inflexum, mox in partes
dividebat. Jacet ejus corpus in S. Benedicti *Militelli*
una cum Catharina, & Flavia infantulis filiis, Vin-
centio fratre S. Mariæ Novæ lucis Abbate, & Anto-
nio nepote ex Margarita filia. Hæc Friderico Colum-
næ Paliani Principi nupsit, & a morte Fabritii Avi
Buteræ etiam Domina evasit; tandemque Romæ de-
cessit MDCLVIII. Joanna vero ejus mater Neapoli sæcu-
li ejusdem anno xxx. mortale exuerat, in S. Pauli pri-
mum, iade in S. Mariæ de Victoria, quam fundave-
rat, translata. De aliis *Militelli* Marchionibus ubi de
Butera.

MILLARIUM Casale, aliter *Millarinum*, quod
prope Leontinos Gerardus miles Ecclesiæ Syracusa-
næ attribuit, uti in suo Privilegio Tancredus Comes
testatur, cujus etiam meminit Alexander III. in sua
Bulla anno MCLXIX.

MILLIAS Fluvius, de quo Livius, vulgo. S. Ju-
fiani, uti Aretius, & Leander tradunt. Dicitur Sar-
racenicè *Taddeda*.

MILOCCA Turris circa Syracusanum portus oram
occiduam, a qua nam longe *Dascon* sinus, de quo Thu-
cydides. Non me latet universum portum Magnum
penes aliquot Scriptores *Dasconem* dici, quod tamen
ex Thucydidis & Stephani verbis non colligo. Vide
Dascon.

MINACHUS Fluentum ex Fazello, sive Tor-
rens, Scumę amni suas aquas inter Militellum, & Ly-
codiam adjungens; Scuma in S. Leonardum, sive Rei-
nam influit.

MINANTE Fluvius Catanensis agri, & Leonti-
ni

ni, aliter *Binante*. Sub Palaconia ad ortum varilis ex fontibus auctus, Calaxurę nempe, & Xarę, fundum. abluie amplissimum Calluram, cujus excipit aquas; mox illis Balneareę, & Sigonę quoque sibi adjunctis, haud procul a Bonvicino in S. Pauli, vulgo Gurnam Longam, illabitur.

MINEUM. Vide *Mena*.

MINERUÆ Templum celebre apud Syracusas veteres, in ea urbis parte, quę Orthygia dicebatur, ac superstes hodie integrum pene idem templum servat, Deiparę sacrum, & maximum. De eo Cicero in Verrem.

MIRABELLA. Oppidulum. Vide *Imbacaris*.

MIRANDA. Fluvius, Veteribus *Orineus*, & *Orines*, Sarracenis *Burgibellus*. Consule *Erineus*.

MISITELLUS. Lacus circa Pachyni oras, ubi complura priscę habitationis cernuntur cadavera in agro Burio.

MODICA Urbs. vide *Motyca*.

MOLINELLUS. Annis idem ac *S. Juliani*.

MONACHORUM Casale sub Menis, Monachis S. Marię de Gala ordinis S. Basilii ab Rogerio Rege olim attributum, unde nomen invenit. Novissimę fundus cum Ecclesia, prope quam Casalis, & Monasterii monumenta cernuntur, Rammaccę Principi ab Abbate sub censu annuo concessus, subditur.

MONGELINUM. Arx verus in Monte Gryphone constituta inter Menas, Aydonem, & Calatajeronem, celebris dudum, atque hodie deserta quidem, sed ædificiis pene integris spectatu dignissima, rotundo enim ingentis ambitus schemate in altum sese subrigens quadruplici concauratione confurgit, quarum ultima plumbeis laminis, uti tradunt, tegebatur. Porta sublicio ponte ad internum atrium aperiēbat aditum

tum, occurrebantque statim equilia spatiosa, cellæ vi-
nariæ, & ad servandam annonam officinæ, nec cister-
næ amplissimæ desiderabantur; scalæ denique & ipsæ
ad superna ducentes arcis, magnificentiæ respondebant.
An gens *Maleſta* olim habuerit, cui Menæ fuere at-
tributæ, & ante Maleſtas, *Bartholomæus de Luci*, qui
sub Suevis etiam Principibus Menas obtinuit, subdu-
bito; Sub Friderico quidem, a quo Maleſtæ defeſcere,
Blasæus de Lanca Ficaræ, Galatis, Longii & *Mon-
gelini* dominus dicitur. Ex eo *Conradus Lanca*, qui
Manfredo Claromonti minime adhærens, arce ab eo
privatur. Refert Fazellus dec. 2. lib. 9. cap. 5. quo pa-
cto ad Ludovicum Regem Arx demum devenit, a quo
frustra, Conradus, ut sibi redderetur, instantissime ex-
petiit; *Andræ* nihilominus *Claromontani* Manfredi
hæredis ditioni *Mongelinum* redditum invenio, a
cujus subinde defeſtione *Guillelmus Montecatinus* anno
mcccxi. Regis Martini decreto cum Menis tenuit.
Nec diu Raymundo etiam defeſcente, princeps idem
Henricum Statellam ob præſtitam strenuè operam in
Catanenſi contra Alagonios oppugnatione *Mongelini*
arce, fundiſque amplissimis illi adnexis donavit. Duos
ille habuit filios, quorum minori *Bartholomæo Mon-
gelinum* reliquit. Ex hoc *Joannes*, unde *Scipio*, cui *He-
ronymus* ſucceſſit; hunc vero excepit *Scipio II.* quo
ſine filiis mortuo, *Mangelinum* ad *Herculem* ex Fran-
ciſco Henrici primogenito genus repetentem, deve-
nit. Catanae Henrici hæredes ad ſeculi xvi. exitum
perſistere, auctique Inſpicæſundi Marchionatu, Pa-
normum demigrarunt, Montis Gryphonis Principes mox
dicti, & Villeauratæ; quem titulum novissime anno
mdccxl. Henricus Statella, & Maſtrilli, Franciſci fi-
lius obtinuit, & *Mongelini* Princeps eſt dictus. *Mon-*

gestinum cetero Magellam olim vetus opidum fuisse Fazellus, alique evulgant, de quo superius. Novum in Mongelino agro opidulum superiori seculo moliri ceptum, cujus spectantur initia haud contemnenda, vicinis adversantibus, progressum non habuit.

MONGIBELLIS. Tumulus apud Syracusas in extrema Epipolarum crepidine, olim ab Atheniensibus munitus; & ab Dionysio Tyranno menibus conclusus. Ibi Eurialus, & Labdalus veteres arces, de quibus actum.

MONS CLIMATIS. Tumulus inter Syracusas, & Sortinum opidum pass: x. viii. ab utrisque distitus, cum arce cognomine Fazello memorata. Spectabat ad *Guillelmum Montecatinum*, quo desciente, Martinus Rex *Conrado de Castello* Catanensi equiti dedit, qui in censu ejusdem Principis venit. *Nicolaus Specialis* subinde tenuit, ad cujus hæredes transiit.

MONS CRIMITIS. Vide *Lepor*.

MONS Gryphonis. Est in Mongelino agro, ubi arx, quam paullo superius descripsi.

MONS RUBRUS. Opidum hodie ad Motycæ Comitatum spectans, ab Dynastis olim Rubeis ejusdem instauratoribus nomen habuit; Mons Jahalinus enim, uti alibi scripsi, forte sub Northmannis, & *Lupia*, seu *Lupinam* Casale sub Aragonensibus dicebatur. Colli insidet ad ortum, & meridiem inclinato, duo interfluenta, quæ in unum a Monte Rubro appellatum coalescunt, & Dirillo sese immiscent. Sinistri porro aquæ copiosissime sunt, pluresque molas sub opido convolvunt, alterius, vero a fonte *Labrisi* ortum habent, de quibus infra. Veteris castelli rudera, opidique diruti monumenta sub novo jacent, quod ad supremum collis verticem, ubi S. Crucis ædes, se subrigit. Majus
paræ-

parçiale templum decentissimum circa austrum ab-
memoratis castelli reliquiis haud procul, ad Deiparæ,
in celum assumptæ honorem, Sacerdoti *Beneficiali* cu-
ram animarum habenti devinctum est; Fallitur hinc
Pirrus S. Nicolai Episcopi nomini sacrum illud evul-
gans. Carmelitarum vetus cœnobium S. Mariæ de
Spasmo, seu de Pietate circa eandem oram defecit,
ut & illud S. Francisci, quod utriusque redditus es-
sent exigui: de quibus idem Pirrus. Virginis autem
de Pietate statua perseverat, cum sacrorum ossium
capsula a Nicolao Dulci Nicosienfi Episcopo obsignata.
Illam etiam veluti peculiarem patronam sub eo ti-
tulo opidani venerantur, ac ritu præcipuo colunt.
Ad orientale latus ab anno mœcxlx. Minoribus stri-
ctioris observantiæ, vulgo Reformatis pia incolarum
religiō ædes excitavit, & congruis etiam subsidiiis,
S. Annæ Ecclesia attributa, illos auxit; sed opidi pe-
ne centrum sacrarum Virginum Monasterium occupat
vetustissimum sub S. Benedicti institutis, & Virginis
Annunciatæ nomine. S. Nicolai Ecclesia jacet, S. An-
tonii Abbatis, S. Joannis Baptistæ, quæ in extremo
ad ortum sedent tumulo, Dei cultum foveat.

Clauditur *Mors Rubrus* in Syracusana Diecesi,
& Calatajeione. si Comarchia, ejusque opidani sub Si-
cilenfi Præfecto militantes in equis sex, pedites xxxv.
proceedebant. Larum numerus sæculo xvi. erat 487.
animarum 2686. Sequenti lar. 671. animæ 2419. in
Regiis libris; sed Pirro 743. & 2593. sunt comput-
tati. Census hujus sæculi fuit lar. 616. incolarum 2210.
novissime 3861. Casale *Lupinum* in Friderici II. Re-
gesto *Russo Rubro* obnoxium dicitur, qui Henrici Ru-
bei filius. Ex Russo *Henricus II.* quo auctore Arx ex-
citata, ac novi inducti colodi; hinc *Mons Rubrus* ca-

T. P. P. II.

M

casale

fale est dictum; Henricusque illius passim conditor habetur. Fuit idem Aydonis Comes, duxitque in uxorem Luchinam ex Claromontanis, Friderici Motycæ Comitis filiam, & dotis nomine Favaram Terram accepit. Ejus denique in Siculis Annalibus celebre est nomen. Nec minori gloria alter *Henricus* senioris nepos floruit, qui & ipse opidum tenuit. Rebellasse circa sæculi xxv. finem *Montes Rubrenses* scribit in suo Capibrevio Lucas Barberius, & *Marietto de Alagona* idcirco castrum cessisse prodit, quo deficiente sub Martino Rege ad Bernardum Capreram delatum tandem asserit; Henrici Rubei de Messana Aydonis Comitis literas Randatii die x. Septembris mcccxxv. scriptas nihilominus legi, quibus in grati animi testimonium Castrum de Monte Rubro in Bernardum, ejusque heredes Henricus dominium transfert; id quod Martinus Rex suo calculo firmavit. Acceperat autem a Bernardo Rubens Militelli in Valle Demana opidum, uti idem Barberius alibi memorat; hinc plerisque scriptoribus mutua facta commutatio inter eosdem rectius dicitur. Bernardum *Joannes* filius excepit, qui *Ludovico de Perigliis* jura *Montis Rubri* vendidit; hujus idcirco primogenitus *Franciscus* Beatrici Barresie copulatus *Montis Rubri* dominus est dictus; cui *Joannes* Caprera litem intendit, opidumque soluta, quam acceperat a Ludovico, pecunia, anno mcccclv. ad se revocavit. Exinde, uti Comitatus Motycensis pars *Mons Rubrus* venit, illiusque administris, & Magistratibus paruit. Ejus est latitudinis gradus pene xxxvii. longitudinis vero xxxviii. Ager non angustus Jarratanensi conterminus, fertilitate aliis non decedit, frugesque, vites, oleas, cannabem abundanter nutrit, & aquis affluit. Marga in eo invenitur
alca-

alcalica virtute prædita; occurrunt in æolle aliquot vetustatis monumenta, sepulchra scilicet in saxo excisa, lateres, plumbæ glandes, lucernæ, & id genus alia, antiquæ habitationis indicia. Fluvius, de quo supra, tres habet fontes, *Curuletti*, & *Praelis*, qui circa autum scaturiunt, conjunctique *Cavandonis* fluentum excipiunt; Hoc vero e fonte *Lapriſu* & aquis *Pantani* coalescit; augetur subinde *Casalis Grandis* fontibus, & ad locum *Paratoris* Dirillo fluvio sese adjungit.

MORELLUS Fluvius, *Amurellus* ex fonte oritur sub Artesino, qui mons est medius insulæ Siciliæ, dilapsusque per vallem *Arborum*, *Calataxibettam*, Ennamque ad sinistram relinquit; aliis hinc auctus fluentis saleato cursu decurrens, e Catana Panormum iter habentibus obviis, non semel traicitur; tandemque inter *Calatanixettam*, & *Petrapretiam*, in loco angusto, qui *Caput Arſum* vocatur, ubi paullo post pons subrigitur magnificus, Salſo fluvio sese immiscet.

MORSENTIA. Vetus opidum, *Murgentia*, de qua inferius.

MORIELLA. Salina ad Pachynum. vide *Mariella*.

MOSTRAGIANUM. Casale olim in Melillis agro cum ædificiorum reliquiis. Templum ibi vetustissimum in S. Martyris Phocæ honorem, quod terremotu jecit; hujus est mentio in Actis Episcop: Syracus. ex Scobare.

MOTTA S. ANASTASIÆ. De ea in Valle Demana.

MOTYCA Urbs nobilis, opulenta, & frequens, vulgo *Populoſo*, vetusti, & amplissimi Comitatus Caput; *Motyca*, *Mutica*, & *Motuca* nonnullis, *Motica*

Siculo orē, & Sarracenorum ævo ad Martini usque tempora *Moac* appellata, a meridionali insulæ ora pass. u. vii. ac Pachyno promontorio xx. circiter diffidet. Ex *Motya* veteris urbis ad Pachynum ipsum reliquiis *Motycam* nostram ortum habuisse putant, Pausaniæ verbis innixi, verum quod Pausanias ingenti memoriæ lapsu *Motyam* ad Pachynum statuatur, quæ ad Lylibæum surgebat, jam omnibus est incomperito; hinc Fazelli errorem in notis ad ejusdem Decadem primam animadverti, qui portui Langobardo circa Pachynum hærentia urbis disiectæ rudera vestigia, veteris *Motycæ* fuisse opinatur *Motycæ* itaque author incertus, sed veteribus nomen dudum innotuit; hinc Ptolemæus *Motucam* Siciliæ urbē memorat, & fluviū ab ea decurrentem *Motucanū* dicit. Plinio inde lib. 3. cap. 8. *Motycenses* sunt opidani, & *Motyenses*, & in vetusto exemplari, Cluverio teste, *Muticenses*, quemadmodum apud Tullium Verr. 3. *Muticensis* celebratur ager, & *Muticenses* aratores a Verre vexati memorantur. Diodorus lib. 6. Dionem ab Heraclea iter Syracusas facientem Camerinenses, & Modinenses socios sibi adiunxisse scribit. Nullum autem subdit Cluverius, in Sicilia cuiquam memoratum est opidum Modina; Quumque Dion ex Diodoro in transitu Camarinenses assumpsisset, & post hos *Modineos*, non alii hi videntur esse, quam *Motycæi*, corruptusque locus ille historici est dicendus. Concludit demum idem Author: apud Silium lib. 14. illud legi: *Et Netum, & Mitice, pubesque liquentis Achei*. Illos nempe populos Poeta enumerat, qui auxiliis suis Rom. Consulem Marcellum Syracusas obsidentem iuvarunt. *Hic etiam*, ait, *corruptum vocabulum Mitice*, nulli alii unquam memorarum, corrigendum censeo in germanum *Mutycæ*.

Quod

Quod situs veteris idem fuerit, ac ejus, quæ modo superstes a me describitur, non ambigo; binas quippe occupat valles, collem intermedium ac supernam planitiem, utraque autem vallis amplissima sinuosis flexibus molles habet ascensus, & magni instar theatri duas aperit veluti civitates, torrentis alveo discretas, sed pontibus conjunctas. Collis verticem, qua respicit meridiem, arx occupat: cum turri, sed longe, ac latè vertex idem extenditur ad septemtriones in planitiem deviter acclivem, quæ civicis referta ædibus S. Joannis regio ab ejusdem Ecclesia appellatur. Arx itaque toti opido dominatur, muris amplissimis ingentis altitudinis ex imis collis radicibus munita. Porta ad occasum hodie, vetus enim ad aquilonem sita olim, obstructa, in late petentem arcem aditum aperit, occurruntque S. Mariæ Ecclesia, & S. Cathedrali, quarum prima parœcia erat sub Majore Sacerdote, ubi xiii. alii Divinis celebrandis officiis operam navabant. Aulæ porro laxiores ad Magistratus conventus institutæ, conclaves, officinæ, repositoria, armamentarium, equilia, cisternæ, carceres, qui extant, ex terræmotu sæpius memorato veterem magnificentiam amiserunt, quoddam nihilominus gentis Claromontanæ, cui moles adscribitur ædificii, memorandum exhibent specimen. Præter arcem turres complures celebrat Garassa, quarum nonnisi vestigia supersunt. S. Georgii princeps templum, quod ab eisdem Claromontanis fundatum Pirrus memorat, sed Northmannorum quoque ævo SS. Trinitatis de Mileto Monasterio suffraganeum veteres exhibent chartæ, anno mdciii. Alphonsus Enriquentius Comes instauravit, in vallis occidue sinistro latere sita editiori undique superbit, Canoniorum Collegio ab anno mcccxxi. instructum; sub quo

Inter quos B. Joannis Evangelistæ, S. Mariæ de Cate-
na, & S. Margaritæ, ubi Sacramenta incolis admi-
nistrantur. Ad eandem cæli plagam loco parumper
inclinato insignis S. Petri Apostoli basilica, jura pa-
recialia, & novissime Regis decreto æternis annis
majores etiam habens prærogativas, assurgit, anno
mxcvii. Canonicorum cætu sub Archipresbytero or-
nata, subditæque S. Mariæ de Auxilio, S. Salvatoris
& S. Pauli Ecclesias moderatur, ubi sacris populo con-
ferendis intenditur. Hujus porro & S. Georgii ædi-
ficia columnis subnixæ, prospectus, æris campani tur-
res, atria, sacella, sepulchra, picturæ, suppellex, or-
natus, mirè effulgent; Cives enim religiosa æmu-
latione ac studio illis promovendis intendunt. In
S. Mariæ de Bethelém, quæ decenter hodie extructa,
a Cisterciensibus Monachis de Terrana olim teneba-
tur, ab anno mxciv. Canonicorum quoque coaluit
collegium. Hæc sub arce ad austrum spectatur, ubi pu-
blici horologi opus. Ex ea veteri more supplicatio
Corporis Christi procedit.

In ipso torrentis alveo ponè medio Societatis
Collegium anno mxcxxi, Comitum, ac civium ere fun-
datum conspicitur, structura nobile, cui Clericorum
Seminarium sub Episcopi jurisdictione adjunctum.
Contra pons alveum conjungit; Alveus vulgo *Cava*
dicitur. Minoritanis tertii ordinis fratribus S. Joseph
Ecclesia ejusdem sæculi anno xiii. data est in vallis
superno latere occasum spectante supra S. Georgium;
Sed ubi vallis hæc aperitur circa septentrionem Mino-
res Conventuales ab anno mclxx. claustra habent de-
centissima, eorumque S. Sebastiano Mar. sacrum est tem-
plum. S. Dominici elegans cenobium anno lcccxi,
originem recognoscit, sedetque inter occasum, & cau-
rum

rum, a publico foro haud procul, ubi majoris, & minoris vallis fluenta in unum conveniunt, & ponte traiciuntur. Ad eandem plagam Augustinienses Eremitæ sub S. Marci titulo anno mcccxxii. constituti, & Carmelitæ, quorum fundationem antiquam Pirrus appellat, suas habent ædes sacras, congruisque gaudent domiciliis; Nec longe infirmorum abest hospitium, quod S. Spiritus in Saxia subjectum idem auctor evulgat, & S. Mariæ de Pietate titulo hodie insignitur. Minoritani Reformati sub S. Annæ nomine, conspicuo loco, ubi dexterum vallis latus ad ortum vergit, amplum ab anno mcccxxxix. incolunt monasterium. In tumulo ad extremam urbis oram circa occasum S. Mariæ de Gratia, cui singulari cultu Morycensis populus addictus festum celebrat cum nundinis, celebris Ecclesia subigitur. Prope hanc anno mcdclxx. claustrales a Teresianis relictas ædes Frates Mercenarii occuparunt, elegantioresque novissimè reddiderunt. Minores hinc Capuccini contra eisdem satis aptum, ac instituto respondentem, sæculi xvi. anno lxxii. publica impensa conditum, occupant locum. Circa superiorem ad ortum regionem post Castellum S. Philippi Nerii Presbyteris S. Theodori Mar. Ecclesia paucis ab hinc est attributa. Ubi quoque Carmelitæ Discalceati a S. Mariæ de Gratia plim migrantes, a S. Teresiæ auspiciis extructa domo, excepti. Eminent Minorum Observantium asceterium post S. Joannis, de qua dixi, Ecclesiam ad r. lapidem Friderici Enriquez, & Annæ Capreæ ejus uxoris opibus circa mcccclxxviii. fundatum, in cujus sacello nobile Deiparæ Virginis colitur simulacrum. *In eo*, inquit Pirrus, *studium est amplissimum.* Equitum denique S. Joannis Jerosolymitani Commenda antiquitate, & præstantia

stantia fugget. Seculo enim xiv. sub Martino, ejus est mentio, alteri apud Randatium adjuncta Messanensi Prioratui inter primas subest, & ab Ordinis presbyteris administratur. Nobilitant Opidum Sanctimonialium claustra numero ad sex. SS. Benedicti, & Scolasticae vetus. & illustre cum nobili templo in ima valle ad ortum. S. Marię de Commendata in collis latere occiduo recens, & SS. Nicolai & Erasmi anno mdcxxvi. in suprema regione edificatum, sub Benedictina regula. S. Teresię institutis subduntur S. Martini in eadem superiori opidi plaga anno mdcxli. & S. Francisci Xaverii, in vallis minoris latere, in quo puellę parentibus orbatę Pirri quoque, opera Petrę Chivelli custodiebantur, nunc Virgines ad professionem admittuntur Sextum denique Sancti Spiritus nomine insignitum, arctioris vitę studiis commendatur. S. Teresiam dudum sequebantur magistram, mox Carmelitarum preceptis illius alumnae parent, sed non idcirco ab antiquis moribus decedunt. His accensendum Virginum Gineceum, & nostra etate constituta Domus contra Collegium, in qua pie finię nobiles, vulgaresque, ut Deo perfecte inserviant, se recipiunt. Sunt filiales preterea Ecclesię xxi. circiter, unde equum de opidi amplitudine judicium liceat formare, quod privatę nobilium quoque civium edes majori ex parte ad omnem magnificentiam extructę exornant non tantum, sed inter mediterranea nulli forte secundum reddunt. Non hic preteream sacram Beatę Virginis ædem in collis dorso ad ortum, ubi ejusdem Deiparę colitur imago prodigiis clara, anno mdcxv. eo in loco detecta, ejus meminit Cajetanus. Syracusanę Diocesi *Motyca* addicitur, penditque Episcopo veluti prodote scutata m. In Nequā elaudatur

tur

tur Comarchia, & Siclensem provincialis militiæ Præfecturam agnoscebat. Stemma est illi Aquila arcem sinu complectens, Velleris aurei monili ornata. Magistratus Ecclesiasticus Episcopi vices gerens, sed ampliori potestate præditus; S. Georgii Præpositus, & S. Petri Archipresbyter pontificiis insignibus, & privilegiis gaudentes sunt Parochi. Civilis administratio penes Decuriones iv. & Sydicum, contra noxios vir nobilis jus dicit. His in foro non angusta est basilica. Ad Comitatus vero regimen Generalis Procurator assumitur. *Motyca* præterea Gubernator designatur, cui sub serico pallio, custodibus adiutibus cum Centurione assidendi jus, & omnimoda gladii potestas competit. Aerario administrando Rationum Magistri, Fisci Patronus, Quæstor, & Conservator delegantur; oræ maritimæ Portus Magister invigilat; Juri dicundo Magnæ Curie Consulares in lege periti, & Fiscus incumbunt, Appellationisque. & Tertiæ judicii tribunal aperitur; Logotheta, Magister Juratus, Ruris Quæstor, & Archiater ad se spectantia, obeunt munia. Eodem denique ritu *Motyca* ex privilegio res agitur, ac in Regni metropoli totius insulæ geruntur negotia; Idque Ludovicus Rex MCCCLVIII. Cluromontanis, Bernardo Capræ Martinus, demumque Carolus V. Heriquetiis concessit, firmavit. Cautum quoque Principesolvere, uti equestris dignitatis insignia retinerent, atque assequerentur, quotquot supremis Reipublicæ muniis destinari contingeret; hinc S. Joannis, & aliorum ordinum cruce, titulis primariis, & Dynastiis condecoratos innumeros recenset. Census fuit sub Carolo V. Iarium 3247. incolasque MDXCV. numerabat 15967. Sæculo sequen-

ti ex Pirro laribus 3586. capitibus 14443. constabat; sed ex Regiis libris MDCLII. lar. 3772. civibus 16098. Sæculi hujus XIII. lar. 4857. cives 18975. computabat; novissime 20498. Qui sane numerus supra ceteras populo refertam prodit.

Illud observatu dignum, quod anno MDLXXVI. urbs ad menses aliquot peste afflata, civium circiter ad M. VII. anno MDCCIX. ex epidemica lue supra VI. M. exanimatos cujusque conditionis indoluerit, neque idcirco a veteri sua decesserit frequentia. *Motycæ* ager fecundissimus accolæ ad vitæ commoda, & delicias necessaria sufficit; sed cannabis præcipue cultura rusticos occupat, cujus opera civibus inde ingentes questus pariunt. Ubi valles in æquam planitiem statim post urbem sese extendunt, solum insigni pinguedine, & fertilitate singulo quoque mense olera nova præbet, centuplumque annuatim suppeditat; Vineæ, olea, horti, fruteta, viridaria circa oram maritimam mirâ feracitate luxuriant, & suburbanis ædibus amenissima habentur. Pascuis vero lætissimis regio universa cujusque generis armenta nutrit, remque pecuariam locupletat; hinc boves, & muli *Motycenses* longe præ aliis in insula celebrantur. Nec saltus denique desunt ad idoneam, copiosamque venationem; nec fluviales desiderantur piscationes.

Motycam illustriorem cives reddidere cum vitæ, morumque integritate, tum dignitatibus, ac literarum peritiâ. Memorantur inter primos S. Deodata, quam tradunt martyrium Syracusis fecisse. Joannes Schifittus ex Ordine Minorum de Observ. qui eximiis clarus virtutibus Catanæ in Domino obdormiit, ubi corpus requiescit Didacus ejusdem instituti laicus, columbina simplicitate

titate, moribusque religiosis præditus, qui multa, suamque mortem ex Pirro prædixit. Franciscus Oliverius Societ. Jesu in Brasiliæ Regno Evangelii propagator, Theologus eximius, ac vitæ meritis illustrissimus - Didacus Ascensus Ord. S. Augustini, qui cum doctrina, tum eroicis virtutibus Matrici se commendavit; Episcopus idcirco designatus, dignitatem morte præreptus, non obtinuit. Placidus Caraffa S. Georgii Præpositus ab inculpabili vivendi genere notissimus. Petrus Cigala ex Prædicatoribus S. Theolog. Mag. nostris hisce diebus abunde doctrina imbutus, ob præclaras virtutes adhuc in omnium ore versatur. Panormi sancte decessit nonagenario major - Oratius Aretio, & Zacco primis militiæ muniis fungitur; Tribunus enim, Turmarumque Regis nostri Generalis Præfectus, vulgo *Brigancius*, ob rem apud Velitras egregie gestam hodie effulget, & Marchionis titulo decoratur - Carolus Janlongus Jurisconsultissimus Panormi diu floruit, ubi anno mdcx. dies clausit, relicto ingenii monumento sub titulo *Racemationum Juris*, de eo Pirrus, & Mongitore - Dominicus Oliverius humanis literis, Mechanicis, & Astronomicis artibus opido imbutus ex Mongitore - Hieronymus Rendaragus Societatis Jesu plura scripsit, quibus literariam sibi rempublicam obstrinxit, celebraturque ejus *Siculorum Scriptorum Bibliotheca*. Lazarus Cardona Sacerdos J. U. D. Commentaria eruditis probata edidit in Sannazari Poema de *Partu Virginis*. Placidus Caraffa junior diu Romæ in Sapientiæ Academia versatus, muniis in patria præcipuis perfunctus, *Mytycam Illustratam*, & *Siciliæ descriptionem* publici juris fecit. Franciscus Mataracius Philosophus, & Medicus eximius de *Lue Epidemica*

mica, quæ circa MDCCIX. *Motycam*, vexavit, opus prælo commisit. Regina Jurata nobilis Virgo, in S. Benedicti Monasterio votis obstricta, Poetrix disertissima anno MDCLXXXV. piissime e vita migravit. Extant ejus *Documenta ad vitam religioſe inſtituendam*, & Hieronyma Grimaldi; genere nobiliſſima, poeticis ſtudiis delectata, publicæ luci donavit *Matronam in Parnaso*. Laudant Pirrus, Mongitore, Caraffa, & Ragusa. Didacum Salemium Ordinis Minor. Fabium Aſcenſum Societatis Jeſu; Vincentium Ragusa ex Minor. Obſerv. & Albertum Leva Carmelitam, Eccleſiaſtes celeberrimos, & Petrum Sanmartinum, Joſephum Moncadam, Medicos, & Philoſophos eximios. Fabritium Portulevam, Joſephum Cœleſtem, Hyacinthum Salemium, Didacum Mataracium, Joſephum Denarum, qui omnes opusculis editis, artiſque peritiâ innotuerunt. Vivunt Cæſar Fiorviole, ideſt Xaverius Loreſſice Muſis acceptiſſimus, genere clarus, ſacra, & proſana eruditione conſpicuus, & Joannes Michael Galus Eques auratus, Comes Palatinus ab medicis lucubrationibus, *de Uſu, & Abusu Lactis* præſertim celebris. Sed unus præ omnibus celeberrimus Thomas Campailla numerum abſolvat, genere patricio natus, mentis acumine, linguę ſacundia, cœtri poetici ſeclitate nulli ſecundus; Recentiore quippe Philoſophiam, quam ſine magiſtro didicit, rhythmis Italicis ſumma facilitate explicavit; *de Motu Animalium*, deque aliis rebus, & naturę occultis arcanis, & proſa, & verſu ſcripſit. *Apocalypſin* S. Pauli, ubi de rebus agit Divinis, pari ingenii præſtantia vulgavit. Plura denique ad Medicinam, quam optime calluit, ac de Philoſophia miſta reliquit. Claruit Academiæ
Lon

Londinensis socius, aliisque litteratorum coetibus per Europam adscriptus, jureque alibi illum *Siculum Philosophum* appellavi. Mortalis esse desit anno mcccxi.

Primus *Motyca* Comes *Gualterius* genere Northmannus, in Grecia, & Epiro strenuam Rogerio Regi navavit operam, a quo eo Comitatu idcirco donatus creditur, Hinc *Gualterius* ab hac Dynastia de *Mobac* subinde est dictus, seu de *Motyca*. *Gualterii* filii *Gaufredus* Vallis Netinz sub Guillelmo II. Justitiarius, eidemque a secretis; *Raynaldus*, qui Templariorum militum domum apud Leontinos fundavit, *Aquinus* Regii exercitus in Apulia Dux; & *Gualterius*, Siciliae sub eodem Guillelmo Thalassiarcha, qui omnes de *Motyca* sunt appellati. Sed ex his *Gualterio Motyca* Comitatum obtigisse credunt. Mortuo Guillelmo Rege *Gualterius* Tancredo adhæsit, animum idcirco Henrici Cæsaris offendit, a quo bonis omnibus spoliatur. *Motyca* hinc gens nobilis de *Musca* obtinuit. *Riccardum de Musca* anno mcc. circiter memoratum invenio; cujus filia *Spes* Pauli de Cicala Cofanensis Comitis uxor dicitur. Huic ab Henrico *Motyca* in clientelam designatam, planum est opinari. Ejus filius *Fridericus Musca* Petrum Aragonensem, ad singulare certamen cum Carolo ineundum comitatus, ubi in Siciliam rediit, Neti Vallem rexit, quem *Manfredus* excepit filius. Hic Jacobi Regis partes secutus, Friderico II. insensus evasit, quumque Andegavensibus subinde adhesisset, paternis bonis excidit; ejusque soror *Livilla*, sive uti alii vocant, *Isabella Motyca* Domina evasit, quæ *Manfredo Claromontano* nupta, huic Comitatum, detulit. Nec desunt, qui eadem *Manfredo* ab Friderico Rege attributum illum perhibent. Effulsit Manfredus muniis, divitiis, rebus

que :

que domi, ac foris præclare gestis ad annum mcccx, quo circiter tempore vita excessit, *Motycæ* in S. Georgii principe templo sepultus ex Invegio. Fuit idem Marchis; Præfolicæ matris testamento Caccabi dominus, & Friderici Regis beneficio Ragusæ etiam Comes. Ab ejus morte ad se Dynastias revocasse Fridericum in Censu Baronum, alibi laudato, invenio. Ad Curiam quippe Ragusam, *Motycam*, Ispicæfundum, Siclim, Clarum montem, Caccabum, spectare lego. Manfredi enim filius *Joannes* puer adhuc cum Infante Petro educabatur, teste Surita, qui non diu Eques creatus, bonisque paternis adminitrandis adhibitus Eleonoræ Regis ex thoro damnato filiam in uxorem accepit. Legatus ad Ludovicum Cæsarem subinde missus, Marfici, Tricarici, S. Severini, & Marchiæ Anconitanæ Dominus creatur; Mox Regis animum offendit, & Roberti Andegavensis famulatu sese addixit, uti in Historiis. A morte subinde Friderici, regio Petri II. decreto ab omni absolutus libe *Motycæ* Comitatum, aliasque recepit ditiones, præter Caccabum Manfredi ex Claromontanis etiam, jam antea attributum. Anno mcccxxviii. navali bello commisso, Sicula classis sub *Joannis* ducatu disiecta, ac Joannes ipse captivus abducitur, qui pro libertate obtinenda ingentem pecuniæ vim Roberto Andegavensi solvere coactus, *Motycam* Henrico, & Manfredi consanguineis venum dedit, nec multo post absque prole e vivis excessit. *Manfredus* itaque II. cum emptionis jure, tum Manfredi I. testamento; fuit enim Joanne seniore genitus, Joannes autem Manfredi I. frater, cujus filios heredes hic dixerat; tum denique Ludovici Regis privilegio anno mcccxxiii. *Motycæ* Comes evasit, atque ex Matthia Aragonia

gonia uxore *Simonem* reliquit, qui Venetiæ Paliciæ copulatus, Regibus suis, fermè quoad vixit insensus, uti rebbellis habitus, Messanæ tandem prole orbatus anno mcccclvi. lucem amisit. Ejus loco *Fridericus* Infans *Motycæ* Comes audiit, ab anno mccccli. ad lx. quo *Fridericus Claromontanus* Simonis patruus, Siciliæ Justitiarius, obtinuit. Duxit hinc in uxorem Constantiam Moncadam, cum qua *Mattheum* procreavit, Nari, & Ragusæ subinde Dominum, Regni Senescalcum. Ex eo, & Jacobella Vigintimillia *Fridericus* infantili ætate præreptus, Agatha, & Constantia; Ad *Manfredum III.* idcirco Insulæ Thalassiararcham *Motycæ* Comitatus devenit, de cujus parente variant opinionibus scriptores; sed ex Invegio in *Sicula Chartagine* videtur Joannis I. ex *Manfredo I.* orti, filius fuisse, sed illegitimus. Celebre *Manfredi* hujus in Siculis annalibus nomen; diu enim Regiis exercitibus restitit, & Leontinos tenuit, Messanam administravit, Melitæ insulæ, Caccabi, Castrinovi, Bicarisi aliorumque opidorum comarcha evasit, tandemque *Friderici III.* privilegio, cui sese submiserat, *Motycæ* Comitatum anno mcccxxvii. obtinuit, & ab hujus morte unus ex Siciliæ Vicariis extitit. Tulit Euphemiæ Vigintimilliæ adjunctus *Andream* amplissimæ paternæ ditionis heredem, tresque alias filias progeniit, quarum unam, Constantiam scilicet *Ladislao* Neapolis Regi nuptui tradidit. *Andreas* Panormum moderandam suscepit, & Martino Regi insensus evadens, ejus jussu capitalem sententiam subiit, cum quo gens omnis Claromontana simul defecit.

Martini beneficio *Bernardus Caprera* anno mcccxxii. die v. Junii *Motycensis* Comes constitutus, idemque Siciliæ Thalassiararcha, in historiis satis illustris, quum

quum suis popularibus minime acceptus evaderet; nam alii Claromontanis, alii Regio *Demanio* subiici postulabant, domitis tandem seditionis authoribus, nactus sequenti mense possessionem, Giaratanam, & Montem Rubrum rursus Comitatu adiecit. Magister Justitiarius subinde decimoquinto sæculo ineunte factus aliquando eidem Martino infensus fuit, necnon Blanca Reginae a Martino relictæ. Mox Ferdinando, & Alfonso acceptus anno ejusdem sæculi xxiii. mortalis esse desiit, & Ragusæ in S. Georgio; uti mandaverat, est tumultus. Habuit ex Timbara Aragonia uxore *Joannem Bernardum*, quem dixit hæredem: Hic Violantæ de Prades Alcami, Caccabi, & Calatafimis in Sicilia Dominæ, adjunctus, Alphonso sese egregie commendavit ac varia ab eo privilegia obtinuit. Mox subditorum animos alienos expertus, Panormum Proregis jussu se contulit; reus ibi criminum actus, quod suos injustè vexarit, & regia aliquot jura usurpaverit, non levem pecuniæ vim promissa pendere cogitur; *Morycanis* ob apertam defectionem debitis penis interim affectis. Tunc Yhomisum, Giaratanam, & Inspecæfundum vendidit, & in paterna ditione confirmari exoravit. Genuit cum Violanta *Joannem*, I. quem Joannæ Ximeniæ Vicecomitis Carthaginæ filia anno mccccxviii. copulatum *Morycæ* Comitatu decoravit, mortuusque, Ragusæ in S. Georgio contra patris sepulchrum jacet. Anno mccccxvi. *Joannes* in possessionem inductus rexit ad lxxiv. relictisque ex uxore Ximenia *Joanne II. Anna* & *Isabella*, *Morycæ* vita functus, in S. Mariæ apud arcem sacello sepelli mandavit. Circa id tempus *Morycensis* populus contra Judæos imaginis Deiparæ Virginis con-

contemptores insurgens, trecentos sexaginta, ex illis promiscui sexus occidit; Prorex hinc Motycam veniens contra fontes vindictam sumpsit; sed multitudini pepercit. Nec diu anno mccccxxvii. ætate adhuc minor *Joannes* defecit, atque ad *Annam* sororem Comitatus devenit. Hanc tot bonorum heredem complures Regii etiam sanguinis Principes conjugem exoptarunt, sed *Fridericus Henriquetius* Aragoniæ Thassiararcha tandem, anno ejusdem sæculi lxxx, Joannis Regis voluntate, obtinuit. Egregiè hic suis populis consuluit, pleraque extant, ejus, atque uxoris *Anne* monumenta; & quum prole omnino carerent, *Annam Capreram* in Siciliæ ditionibus heredem, *Aloysio Henriquetio*, ad quem amplissimæ etiam in Hispania comarchiæ a *Friderici* patris morte spectabant, matrimonio adjunctam voluere, ac utriusque gentis Capreræ & Henriquetiæ Primatum instituere curarunt. Patrem habuit *Anna II.* nothum filium *Joannis I.* patri cognominem, matrem vero *Annam* Moncadam Ugonis Siciliæ Proregis sororem; *Aloysius* ex *Ferdinando Friderici* fratre ortum duxit. Horum nuptiales tabulas Methymnæ de Rosco sub die Aprilis. xxvi. anno mxxv. scriptas *Ferdinandus* Rex Catholicus ex certa scientia, deliberatè, & consulto die xiii. Junii probavit, legibusque supplendo, & impedimentis dispensando, de potestatis plenitudine firmavit. Hinc ubi senior *Anna*, & *Fridericus* vita cesserunt, *Anna* junior, & *Aloysius* Comitatus Motycensis possessionem in Sicilia sunt nacti, *Carolo V.* suis literis mxxxiii. rem confirmante. *Aloysius II.* illorum filius Comes est dictus anno mdlv. dum *Motycæ* ageret, reversusque in Hispaniam *Annam* de Mendo-

T. P. P. II.

O

21

za uxorem duxit, ex qua *Aloysium* hujus nominis III. suscepit. Hic Victoriz Columnę copulatus nonnisi anno mxcvi. dynastias assecutus, per quadriennium administravit; relictoque sub Conjugis tutela *Joanne Alphonso* filio, sæculo xvii. ineunte lucis usuram amisit. Victoria novo opido in Comitatus ditione condito nomen dedit. Fulsit *Joannes Alphonsus* Hispani exercitus supremus Imperator, Sicilię Prorex, Legatus ad Pontificem, aliisque præclaris muniis, tulitque ex *Aloysia Padilia Uzzedę* Ducis filia *Joannem Gasparę*, quem anno mxcvii. moriens heredem dixit. Hujus & *Elvirę de Toledo* filii *Joannes Thomas*, *Aloysius*, & *Teresia* fuere, quorum primus post patris obitum Comes constitutus, Philippo V. sæculi decurrentis initio insensus evadens, bonis omnibus, cum in Hispania, tum in Sicilia excidit, & patria extorris obiit. Hinc Comitatus diu sub eodem Rege stetit, per id etiam temporis, quo Dux Sabaudię regni potens fuit. Ad annum mcccix. Tunc enim *Paschalis Henriquetius* Marchio Alcagnitius ex *Aloysio* Joannis Thomę fratre, & *Teresia* Almanza genitus, ejusdem Philippi V. beneficio dynastiam obtinuit. Hunc sine filius vita defunctum *Miria* soror anno mcccxl. excepit, quę inviolato pudore in tumultum mox successit. *Miria Teresia* idcirco Alvarez de Toledo Ducis Albę filia, Joannis Gasparis Euriquetii pronepos mcccxlii. Comitatum est assequuta. Ex ea & N. de Sylva, Mendoza, Comite de Gualves, ex Ducibus Infantadi Ferdinandus prodiit Albę & Huefcar Dux, Carpii Marchio, Olivares, Montorei & *Mityca* Comes, hodie variis aliis titulis clarus in vivis agens.

MUCASSARUM Salina ad Pachynum; vide *Mucassarum*. MU-

MURAGELLUM Casale, aliter *Murghellum*, quod Friderico II. rerum potente ad *Nicolaum Lanciam* cum Giaratana, Oscina, & Ferula catris spectabat. Anno mccccviii. juris erat *Joannis Montecatini*, qui & Ferulam tenebat.

MURATORIS Casale ad Syracusanam spectans Ecclesiam.

MURGANTIA. Vetustissimum in orientali Sicilia ora opidum inter Catanam, & Leontinos, atque ex Cluverii mente haud procul Symethi ostio; sed juxta alios sub Leontinis circa hujus urbis emporium, quod hodiè *Anianis* dicitur, sitam, ubi Terias annis in mare influit. Celebratur Dionisio Alicarnasiensi; Justinò, Stephano, Diodoro, Straboni, Plinio, Silio, Ciceroni, ac Livio, apud quos *Margentium* quoque, & *Morgantium* appellatur. Urbis origo satis antiqua est, ut quæ Morgetibus adscribitur, insulæ post Sicanos cultoribus, *Morgetes* quippe, ait Cluverius, *gens Italica una cum Siculis ex Latio quondam profectis, hanc circa Symethum amnem oram ad Herbitam usque urbem possederunt, quorum tamen nomen nax in Siculorum titulum transiit.* Strabo hinc lib. 6. de veteri illa apud fretum Siculum Italia, sive Oenotria loquens scribit: *Antiochus totam istam regionem fuisse tradit. prius temporibus a Siculis habitatam. Postea temporis Morgetes ab Oenotris pulsos in Siciliam trajecisse. Nec defunt, qui Morgantium a Morgetibus nomen habere asserant.* Et rursus de variis Siciliæ incolis habet: *Manebant ad ea tempora, Siculi, Sicani, Morgetes, & alii nonnulli insulam incolentes, ac probabile est a Morgetibus Morgantium fuisse conditam, quæ urbs hodiè non extat.* Insignis ac munitissima erat Ducetii

Siculorum Regis evo; cujus autem generis, aut nationis ejus tunc incolæ, incertum. *In Sicilia*, inquit Diodorus, lib. II. *Ducetius Siculorum Rex Murgantiam, celebrem urbem infesto exercitu petiit, quâ expugnata gloriâ haud vulgarem inter populares adeptus est.* Syracusanorum odio subinde Agathoclem ea urbe extorem, *Murgentini* Patrię Prętores primo, mox Duces crearunt, Justino teste lib. 22. Nec diu factus ille Syracusanum Tyrannus, uti Diodorus lib. 19. meminit, adversum Herbitam expeditionem adornans, ex *Morgentina*, & aliis mediterraneis opidis milites conscripsit, adeoque tunc temporis Syracusanis parebat. Ubi Marcellus Romanus Consul classe in Siciliam venit, expugnatique post Hieronymi cędem Leontinis, exercitum inde Syracusas ducere pararet, *ad Murgantiam*, ait Livius lib. 4. dec. 3. *naves c. habebat, quoadaderent motus, ex cędibus tyrannorum orti Syracusis, quos eos ageret nova, atque insolita libertas, operiens.* In eam, ejusdem Marcelli jussu, frumenti magna vis, & commeatus omnis generis convectus erat; Hinc Himilcon Pęnus, proclito a *Murgantinis* Romano Pręsidio, illa potitur. Post profectiorem Marcelli, verba Livii sunt, *ex Sicilia ad Pęnos Murgentina desciderant terra, secuta sunt defectionem earum Hybla, & Magella, & ignobiliores quędam alie.* At Sicilię decretus Prętor M. Cornelius, civitates omnes, quę defecerant, ad deditiorem redigens, *ex his Murgantiam Hispanis militibus in Romano exercitu merentibus ex S. C. attribuit.* Bello Servili in Sicilia exardescente, uti expugnata difficilis urbs ab Diodoro lib. 36. describitur: *Magno igitur impetu*, inquit, *Servorum exercitus sub Salvio Duce, Mor-*
gan-

*gantinam munitam urbem repente adorti, variis; & continuis cum impressionibus oppugnant; nec tamen capiunt. Rursus vero Romanis hostibus victis, in ejus obfidionem incumbentes sedē inde abscedere sunt coacti; uti in Historiis dictum. Tullius Verr. 3. Herbitensem agrum, Ennensem, Assorinum, Agyrinehsem, & Murgantinum maxima ex parte relictum, Verris avaritia, memorat; Plinius quoque *Murgantinos* populos lib. 3. cap. 8. mediterraneis accenset; hinc quoniam sensu Strabo sit intelligendus, qui ante Plinium scripsit; *Ea urbs quondam fuit, quae hodie non est.* satis non dispicio. Petrus denique Diaconus seris temporibus Murgantiam a Sarracenis excisam prodit Christi saeculo viii. Fazellus p. Decad. lib. 3. *Morgetes Murgantie* conditores ex Ana deducit, & Strabonis verba recitat: *Morgetes Rheginos Brutiorum agros cum Siculis primum incoluerunt*, ex quibus non ex Asia, sed ex Latio, unde Siculi, *Morgetes* profectos potius deducitur. In eandem sententiam Aretius ante Fazellum a *Morgetibus Asiae* populis scripserat, *ut erecta, ita a Carthaginensibus postea deleta.* Quod autem Carthaginenses exciderint, non legi. Refert Paruta æreum Murgantie numisma, cum laureato Apollinis vultu in antica, & aquila serpentem ungue ferentē in postica. Pancratius novem hucusque collegit. Ex his duo in Catanensi Paternionio Museo asservantur, quorum unum Parutiano respondet; alterum argenteum formæ minimæ spicam exhibet erectam, & caput barbaturum. Inscriptio est MOPANTINON.*

Jam de situ contendit Cluverius, quod mediterranea *Murgantia* fuerit, & ad flumen Symethum, quod Teriam falso dicit Fazellus, & hodie *Jarretta*

appellatur. At enim alibi in Notis ad Fazellum eundem, ostendi fufius allucinari Cluverium; nam ad *Murgantiam*, uti vidimus ex Livio, *clafsem navium centum habebat Romanus*; Quamvis autem Symæthus maximus Siciliæ fit amnis, clafsis triremium minime est capax, uti ille tradit, qui & Symæthum trajecit, ejusque alveum, an vel unica triremis subire poffit, advertere debuit. Quod Plinius inter mediterraneos populos *Murgantinos* recenfeat, ac Diodorus ex *Morgantina*, & aliis mediterraneis conſcripſiſſe Agathoclem milites ſcribat, evincit ſane municipia habuiſſe *Murgantiam* in mediterraneis, aut prope littas ſitam poſſe Mediterraneis accenſeri. Fazellus, qui maritimam dixit, & ad eum locum, ubi Leontinorum fuit emporium, hoc pacto intelligendus, quod haud procul littore, & Leontino emporio ſurgebat. Murgus enim id littus & emporium contingit, ſervatque hac noſtra ætate nomen, quod ibi fuerit olim *Murgantia*; ſed ampliſſimè circum extenditur, adeoque *Murgantia* menia fere continua Leontinorum menibus non fuiſſent, quod male opponit Cluverius. Denique Via *Murgantiam* ducens apud Diodorum juxta Agyrium agrum, ubi Mago Penuſ caſtra poſuit, *Murgantiam* prope Chryſam & Symæthum, ubi ager ille erat, haud quidem poſitam evincit; ſed urbis celeberrimam innuit, a qua Via dicebatur. Sic Panormitanam, Catanenſem, Syracuſanam appellamus, quia ad has urbes præ aliis illuſtiores, deducunt; ſed nec Panormum, Catanam, aut Syracuſas prope idcirco conſtitutas arguimus. Quid quod Silius canit.

Non frondosæ Morgantia campis.
Absiſſus Mariæ infido.

Pla-

Planitiem quippe eam, per quam *Symethus* annis versus mare defluit, arboribus adhuc hodie *convestitam* male inducit Cluverius. Et si enim *frugifera*, frumentique ferax sit supra quam dici possit, arborem nutrit nullam. Contra Murgi ager collesque frondosi optime a nemoribus, oletis ac cujusque generis arboribus celebrantur.

MURGHELLUM Casale olim. Vide *Muragellum*.

MURGUS Turris in agro cognomine, ubi olim *Murgantia* prope Leontinum emporium in extremo Catanensi sinu.

MURRA Stagnum seu Salina, illius enim aquæ in salem ætate convertuntur circa Pachyni littora ad meridiem. *Bernardus de Caprera* Motycæ effectus Comes sub Martino ejus erat dominus.

MURRUM Casale in agro Agyrino, quod anno mcccix. Paganus de Parisio Hospitali S. Joannis Hierosolym: dedit.

MUSCARUM FUNDUS. Vide *Fundus Muscarum*.

MUTAXARUM Salina in ora Pachinensi, de qua Fazellus. Feudum ejusdem nominis, ubi Salina, juris erat sub Friderico II. *Nicolai de Lancea*. Martini vero ætate *Marinitti de Sortino*, uti ex illorum Censibus eruo.

MUTICA. *Motyca*, de qua supra.

MUXIMA Casale, quod *Guillelmus Vintimillius* cum Barcluno tenuit sub Friderico II. de *Barcluno* dixi. At enim quum in Capibrevio eundem Guillelmum Buxemæ & Barchini Dominum inveniam; hinc Muximæ & Barchunis vocabula corrupta esse in Regeſto subdubito pro Buxema, & Barchino.

MY.

MYLAS Fluvius, Millias alibi; Hoc nomine Livius appellat aut Marcellinum, aut Yhadedam seu S. Julianum amnes inter Megaras, & Leontinos decurrentes. Vide *S. Julianus*.

MYTHON Hieronis Hortus præ Syracusarum menibus, Latinis *Fabula*. Vide *Fabula*.





APHTIA. Palicorum crateres, & lacus. Vide *Palici*.

NASSON. *Ortygia*, V. Syracusanum pars. Vide de ea inferius.

NAUFRIA Turris *Manfria*, in ora meridionali.

NAUFRIUS Fluvius Buteræ ab opido, quod præterfluit, appellatus, Nanfria Fazello, a Terra-nova, seu Gela veteri, vi. pass. m. sibi ostium in Africano mari aperit; cuius apud veteres mentio nulla; unde Sarracenicæ appellationis Goltzio creditur. Ortum habet ex Fazello paullo infra Buteram.

NAUNIS Mons sibi soli constans, pass. m. n. procul Platia veteri, ubi prostrati opidi, sed Fazello ignoti, magnam extat cadaver. Ex Anton. Verso Fridericus Rex solo æquavit, quod ejusdem Dynasta Joannes Barresius ab officio defecerit. Alii cum Cluverio in eo olim *Nonymnam* stetisse credunt, de qua inferius.

NAUSTATHMUS Portus, Vindicaris Fazello hodie dictus. Loca enim describens post Elori fluminis fauces, ac Fundi Muscarum, & Porticelli stationes, salinasque Caudæ Lupi, & Ruvesti, hanc quandam efficere peninsulam ait: *ad ejus ostium Phœnicus portus est Proëmo, Naustathmus Plinio, Vindicaris hodie; Machavensis praeul dubio olim sinus, quem ejusdem nominis insula v. pass. circuitus progignit, quam illi ad austrum, africanque, ad tutelam naturæ objecti.* Advertit tamen Cluverius Ptolemæum Phœ-

T. P. P. II.

P

ni

nicum in tabula locasse propè Helorum opidum, & fluminis cognominis lævam ripam; Plinium verò *Nauſtathmum* inter Syracuſas, & Helori oſtium; hinc Phœnicum Ptolemæi, alium a Vindicarîs, & Plinii ſtationem ad Fontes Albos juxta Cæcypariſ fauces ſtatuendam judicat, uti ſupra adnotavi. Si verò ſubdit, *Plinium ſuſpiceris ordinem locorum tranſpoſuiſſe, quum portus iſte Nauſtathmus eſſet idem, qui nunc ſub Pachyno dicitur vulgo Vindicarîs, certe ipſum vocabulum Nauſtathmus non portum, ſed ſtationem tantum navium ſignificat*. Atenim ad Vindicarim parvus quidem, portus, non ſtatio aperitur. Eſt ad finitram portus oram Emporium frumenti cum turri, de quibus ſuo loco.

NEA, Netum urbs, de qua mox dicam. Petrus Carrera *Neam* Diodoro memoratam Ducetii patriam in campum ab eo tranſlatam aliam a Neto, & a Menis diverſam adſtruit; Nec Palicam inde vocatam, quam Ducetius idem condidit, ac quatuor idcirco diverſas inducit urbes *Neam*, Netum, Menas, & Palicam. Sed ejus nutant conjecturæ; nec Diodori verbis firmantur, quæ aut corrupta, aut nonnihil conſuſa putantur.

NEAPOLIS Veteris Syracuſarum urbis pars, qua ad agros, occaſum verſus, ſolemque occiduum æſtivum illa vergebat; ita appellata, quod noviffimè Tyche, Acradinæ, & Ortygiæ adjecta fuerit, & mœnibus munita. *Quarta Urbs*, ait Cicero, in Verr. *quia poſtrema edificata eſt, Neapolis nominatur, quam ad ſummam theatrum eſt maximum, præterea duo templa ſunt egregia Cereris alterum, alterum Liberæ; ſignumque Apollinis, qui Themenites vocatur, pulcherrimum &*

ma-

maximum . . Theatri rudera , gradusque lapidei adhuc extant, sed sana prorsus interiere. Indicat Thucydides lib. 6. ædificationis tempus, Olympiadis nempe, xci. annum ii. & causam: *Per eam hyemem*, inquit *Syracusani quoque murum ante urbem tota ea parte, qua spectat Epipolas, inclusa intra Themenite excitarunt; ne si forte male pugnassent, qua parte infirmior erat urbs, circumvallari possent.* Apollinis signum, Romam delatum, forte a M. Marcello, ex Svetonio discimus in Tiberio. Themenitis locus ignotus, quamvis veteris magnificentiæ vestigia per eandem urbis partem non pauca pedibus terantur.

NEETUM, *Netum*, vulgari nomine *Noto*, quod Sarracenicè ex Cascino *Eminens locus* significat, Urbs vetus, ac inter Siciliæ mediterraneas nulli secunda. *Nea*, uti innui, ac *Noa* juxta Cellarium, & si Bocharto credimus ex Phœnicia dialecto *Neve Eten*, arduo idest loco posita habitatio dicta, *Ingeniosa* titulo in Regiis libris decorata; a qua Vallis, ex tribus insulæ regionibus una, nomen habet; varios sortita est situs, hodieque ab anno mdcxciii. in kviter declivi planitie sedet. Ejus est mentio apud Diodorum lib. ii. & 23. Silium, Ptolemæum, Plinium, & Ciceronem, Siculisque civitatibus scriptores passim illam accensent, ante Ducetium, cujus esse patriam credunt. Stabat olim in molis vertice vi. circiter pass. ii. levi ascensu dissitæ, uti Fazellus ait, ab secundo urbis situ; ubi pyramis, & veteris circumquaque ædificiî monumenta spectantur. Ex hoc juxta eundem Fazellum Pirrum, aliosque Ducetius civis illam transulie istius collis plano jugo, ascensu difficilis, latera prærupta habentis, ac solo isthmo circumpositæ regioni ad-

juncti: Diodori verba, unde Fazellus, & alii id totum deducunt, hæc sunt lib. 11. *Ducetius Siculorum Princeps ex publico Siculorum ærario magnis instructus opibus, Neas, quæ patria ejus erat, in campum translulit, & juxta sanum Palicorum urbem insignem extruxit, quam ab dictis Diis Palicem nuncupavit.* Sedenim Cluverius eadem recitans, post illa Fazelli: *Sunt, qui parvum advertentes Neam Meneum esse scripserunt.* Subdit: *Sane ignarus Netinae urbis homo, si in campo eam quærere juberetur, ne ipsis quidem Netinis jurantibus hanc eam esse crediderit; adeo scilicet in rupè excelsa, ardua, & undequaque prærupta, ipsæ etiam Fazello teste, menia ejus sita sunt.* Mendosas hinc illas Diodori voces esse Neas, & corrigendas in Menas censet; uti superius retuli. Littara *De Rebus Netinis Urbis topographiam exhibens, Ducetio patriæ transplantationem persuasisse, ait, loci naturam præruptis, & editis undique rupibus, altissimisque vallibus, unde dulcissimi fontes emanant, muniti.* Quo novo delecto situ clariorem maris Jonii prospectû, & faciliorem ad oras maritimas descensum fuisse assecutum, ac tutiora insuper collis propugnacula, qui nisi ab isthmo [moles enim peninsulæ formam reddit] nulli tunc fuerat pervius. *Hic igitur, jecis prima Netinae urbis fundamenta Ducetius, ut qui Menas in edito loco struendas censuit, patriam in humili solo, & facile obsidionibus obnoxio non pateretur; sectis, quadratisque lapidibus eam præcinxit; quemadmodum vetustissima monumenta, & aliqua adhuc vestigia videntur ab Isthmo ad carcerem veterem... Forentia negotia in ea urbis parte agitabantur, quæ hodie via*
plana

plana nominatur, totaque fornicata deambulatur, ingentibus saxis fulta, & super præcipitem locum fundata. Patebat illic amplissimus circus, ubi theatra constructa, & gymnasia Philosophorum academique desertientia. Fazellum in rei testimonium, quædam literarum Græcarum fragmenta referre, subdit; Sed hæc Gymnasia ad corporum exercitationem instituta videntur evincere. Ad Christianorum tempestatem, & paullo ulterius locus ille fuit urbi præcipuus; nam vetustissimum templum Divo Joanni dictum habuit, in quo antiquæ religionis vestigiū baptismalis fons videbatur. Advenit æst urbs subinde prosperiori fato, populo fecundior, & ad meridiem largiter protensa in cordis figuram, duobus collibus quasi humeris innititur; ubi verò veteris opidi limitem fixerant extremum, ibidem modo est urbis meditullium; longior quidem, quam latior; patet enim circuitu circiter MMD. passibus, non paucioribus in longitudinem producta, inexpugnabili quidem situ admirabilis, sic ab Arcio Syracusano commendatur; sic a Fazello pluribus in locis describitur, sic a Leandro Bononiensi collaudatur. Huic naturali situs munimento addiderant veteres, & arces & mœnia, quæ paullo superius additis propugnaculis anno salutis MDXLII. fuerunt instaurata. Nostra enim ætate (idest MDXC.) mœnibus aliis, & publicis, privatisque ædificiis feliciter accrevit, adeo ut plures 3300. laribus habitet; & majora potest etiam sumere incrementa, si in reliqua molis parte, quæ ad occidentem, atque ad austram vergit, ædificatur. Enumerat subinde sacras ædes, majorem Divi Nicolai vetustissimam pene in centro constitutam; a qua non longe Magistratus basilica, & Societatis Collegium surgebat, quod Littaræ ævo non dum erat fundatum; Christi Domini
e Cru-

e Cruce pendentis, olim S. Mariz Virginis a Castro appellatam, Jordani, Comitibus Rogerii filii opus cum superba æris campani mole, S. Michaelis paracalem, Cisterciense S. Mariz de Arcu Cœnobium ab Isimbardo Rogerii Nepote conditum, Minorum Conventualium Divi Antonii Patavini incolatu contra isthmum ad n. pass. S. Dominici ornatissimum, sæculo xiv. institutum, Eremitarum S. Augustini; Carmelitarum; ac denique Capuccinorum ad extremam orientalem oram, ubi Manfredi Alagonæ olim steterat arx, sua ætate, translatum Conventum describit. Tum Sacrarum virginum cœnobia recenset, ac præ cæteris parvum S. Eliæ Ecclesiam celebrat exiguo sub loco quidem, sed immanibus quadratis saxis fundatam, quæ primis illis colonis, ut illinc Pachyni littora prospicerent, super impositis sine cimento molibus, veluti specula fuit; concluditque narrationem Arcis munitissimæ ad isthmum descriptione, sub qua duplex urbis porta, ab Jordano memorato cum Divi Georgii æde dudum constructæ, cui Petrus Infans majorem adjecit turrim. Crevit post delineatam a Littara topographiam urbs Collegio Societatis, uti innui, & adjuncto Clericorum Seminario; Minimorum Paulentium ædibus; S. Philippi Nerii Oratorio; Minorum de Reformatione, aliisque Sanctimonialium claustris a Rocco Pirro memoratis, ac paulo post, perpaucis prius de urbis progressu delibatis, fusiori calamo a me describendis.

Ex Siculis itaque Civitatibus *Nerum* quum esset, aliquando in aliarum societate propriis sub legibus vixit; Ast ubi auctis Syracusanorum rebus, Siculum, regnum passim deficere, & Ducetio mortuo Siculæ omnes urbes, Trinacia excepta, iisdem Syracusanis ad-
hære-

hære cepissent, *Netini* his sese addicere e re sua ducentes, Græcis legibus deinceps vivere. Romanis hinc cum Pēnis de Siciliæ imperio primum decertantibus, sub Hierone Syracusarum Rege *Netum* erat; adeoque hujus potestati obnoxium remansit ex pacis conditionibus inter Hieronem, & Romanos initæ. *Remiserunt ei*, inquit Diodorus, *uti Syracusas suo sub dominio possideret, & urbes illis subjectas: Agras, Leontinos, Megarenses, Eloros, Netinos, Tauromenitanos.* Obsidente mox easdem Syracusas Marcello Consule, suppetias huic tribuere, uti Silius canit, & inter fœderatas demum Reipublicæ recenseri meruit. *Cur Tauromenitanis* Act: 5. in Verrem agebat Cicero, *frumentum, cur Netinis imperasti, quarum civitatum utraque fœderata est.* Et postea: *Hæc Netinorum fœderata civitas publicè dicit.* Tunc porro *Netinos* iura sua contra Verris avaritiam defendisse, idem Tullius prodit, ac nedum frumenta, sed & pecunias, quas Prætor ille extorquere nitebatur, invicto animo negasse. Quonam tempore sacra Christiana susceperint incertum; at si vera sunt, & legitima SS. Lucie Viduæ & Geminiani Mart: acta, Mendæ, quod erat *Netini* agri opidum, complures Martyres Christo Domino testimonium sub Diocletiano principe dedere, & Geminianus ipse cum aliis palmam est assecutus. Quæ satis arguunt, tunc *Netum* ejusque fines jam veræ Religionis nedum colla subdidisse, sed incrementi plurimum eam ibi dedisse, perque Ecclesiæ agrum abundè excultum segetes maturasse. Quid quod ad proximas *Neti* oras S. Hilarion Eremitarum pater appulsus, vitæ institutum in illis partibus, alibi ignotum, propagavit? Hinc circa *Netum* adhuc hodie præclara hæc

vigent solitarii cultus studia, & loca quamplurima videntur Monachorum secessui destinata. Sarracenis post aliquot sæcula Siciliam occupantibus, *Notum* illis ex deditione cecidisse Littara & Pirrus tradunt, nusquam enim ob situs munitionem vi expugnatam urbem contendunt, *Notum* idcirco Barbaris dicta est, idest *Eminens*, obque ejus celebritatem una ex tribus Insulæ regionibus a *Neto* appellata. Perstitit sub Beneventi Syracusarum Principis dominio, quo, dum navali prælio cum Rogerio contendit, pereunte, uxore ejus cum liberis, & suæ gentis primoribus nonnulla Syracusis egressa *Netum*, veluti in tutiorem arcem confugit. Quumque sola hæc civitas reliquis jam vel vi captis, vel in fidem receptis, in Sicilia superesset, *Netinorum* præcipui, qui Christi fidem colebant, feminam hortantur, uti sibi ac suis provideret. Illa hinc omni destituta auxilio, in Africam ultro discessit, civesque missis ad Comitem Mylis agentem legatis, urbem dedidit. Gratulatus hic, quod bello, *Netina* arce accepta, finem imponeret, Jordanum filium eo destinavit, jussitque, uti validioribus propugnaculis, ad urbis verticem circa arcem excitatis, civium securitati provideret, & Christiana sacra instauraret. *Superest*, scribit Littara, *adhuc cum munitissima ægerum, & turriam serics, tum intra arcem, Divo Michaeli dicarum templum ingensibus lapidibus, & columnis mira arte erectum.* Rogerius ipse non diu post, Majorem ædem in urbe, & alteram in agro Lucie Viduæ Romanæ excitavit, ubi illa condita dicebatur, quam tamen morte præventus imperfectam reliquit. Tandem idcirco Syracusarum Comes Guilhelmo Comitis fratre prægnatus inchoato operi manum im-

imponens ab Episcopo Syracusano illam dicendam curavit, & S. Benedicti Monachis sub Gaufrido Pictaviensi attribuit, dote assignata, fundo scilicet amplissimo, & Saracenico Vico *Rahalbare*, quod vetusto Mendę opidulo inædificatum evulgant: *Tancredus* hinc, ejusque filius *Gaufredus* Montis Caveosi Comes, ex Sylvestro de Marfico natus, & Rogerii Nepos *Netum* cum aliquot Sicilię opidis tenuit; quod natura, arte, & populi frequentia quum esset munitissimum. Guillelmus Rex, Majonis suasu per iniuriam sibi vindicavit; dum autem regni potens esset Fridericus I. *Isimbardus de Monregia Neti* Dominus evasit, qui anno mcccii. Cisterciense S. Marię de Arcu Monasterium cum uxore Cara a fundamentis erectum dote auxit pinguißima, & Nicolao viro Sanctissimo commisit.

A cæde Gallorum varia *Neti* fortuna fuit; Roberto enim Caroli Andegavensis filio Ugolini Callaris illius præfecti prodicione, sæculo xiv. ineunte ad aliquot annos cecit. Ex Petro *Manfredus Luncea* anno mcccxii. *Neti* arce potiebatur. Verum in Friderici II. censu per id ferme tempus Russum Rubeum jura *Neti*, & Aidonis habere invenio. Idem porro Fridericus, qui aliquando sua præsentia *Netum* decoravit, ultimis tabulis *Guillelmum* filium *Netinorum* Ducem constituit; hic vero non diu post satis cedens, *Joannem* fratrem *Randatii* Ducem suum reliquit hæredem, a cujus morte amplissimas dynastias filius *Fridericus* assecutus fato inmaturo decessit; ad Regium hinc *Demarium* rursus *Netum* devenit, perstititque, variis licet per Palicios, Claramontanos, & Rubeos exagitatum turbis. A Petro II. & Ludovico libertatibus, & exemptionibus donatum, mox Friderico III. civis sui Joann-

T. P. P. II.

Q

nis

nis Landolinæ virtute, animique magnitudine, egregiam non semel navavit operam; Artali Alagonæ, qui Regias tuebatur partes, constanter adhæsit, ac sub Manfredi Alagonæ administratione diù fuit, ad Martini usque adventum, cui sese commendans, variis ab eo beneficiis & privilegiis condecorari meruit. Hinc ille anno mcccxcviii. publicis Regni Comitibus inibi celebratis, quod Syracusis in Concilio decreverat, uti inter Regias urbes computaretur, sanxit. Verum Alphonsus *Netino* Ducatu *Petrum Infantem* fratrem suum auctum voluit. Restitit aliquandiu populus, id contra jus actum asserens, sed æquis conditionibus res composita remansit. Dux *Netum* invisit, variis gratiis cumulavit, & turris Majoris, quam vulgus Magistram appellat, ad arcis tutelam author fuit; sed muralis tormenti ictu, quum apud Neapolim dimicans florenti ætate sublatus esset, rediit urbs nostra sub immediata Regum potestate. Sub idem tempus Nicolaus Spejalis celebris *Netinus* civis Siciliam pro Alphonso summa integritate administrabat, cujus opera novis privilegiis urbs affecta, aut veterum confirmatione cumulata, non exigua gloria res suas auxit; nobiles hinc familiæ passim, ultra veteres, ad eandem accurrentes frequentissimam reddidere. Tradunt tunc actum de Episcopali sede *Neti* fundanda, atque ad id Eugenii IV. Rom. Pont. Diploma emanatum fuisse, quod effectu caruit. Alphonsus porro, uti eisdem gauderet *Netum* prærogativis, quibus præcipuæ civitates fruebantur, inter alia indulserat; Regiosque Infantes *Netini* Ducis titulo deinceps donandos constituit. Hunc sequutus Joannes Rex gladii potestatem illius Prætoribus, novasque a vectigalibus immunitates concessit.

Fer-

Ferdinandus, quod multiplici eruditionis laude cives commendarentur, attendens, *Ingeniosissimę* urbis titulum attribuit. Nec reliquos subinde Principes minori liberalitate *Netum* extulisse, ejusque felicitati prospexisse ambigendum: sed variis nihilominus subjectum cladibus, famis, pestis, & terræmotibus vel maxime, non levi jacturæ patuit, cum anno MDXLII, tum MDXCIII, qui præ cæteris infestissimus illi accidit; totū quippe ingenti ruina die XI. Januarii concussum est adeo, uti alibi novum moliendum reliqui cives, ac Regni Consulares, supremo Regis etiam decreto, cogitarent. Veteris hinc civitatis hodie nonnisi quassata mœnia, & propugnacula, portæ montanæ fornix, & turris Magistræ, de qua dixi, primę substructiones supersunt; ex aliis urbanis, sacrisque ædibus scissi muri, acclinati parietes, fornices ruinosi, viæ ruderibus occupatæ, moles dirutæ inaccessæ, præruptæ, tristesque demum ruinæ videntur.

~~Hic~~ De novo deligendo situ variè disputatum ab anno enunciato elapso seculi xiii. ad mœcni. tandemque in feudo *Meti* (an sano consilio, hic non vacat discutere) opportuniori veluti loco, solum in parte superiori planum omnino, & æquum, leviter deinceps declive, & ad meridiem pronum, ubi humiles aliquot casæ passim creverant, angusti hares, tuguria, & lignæ Ecclesiæ surgebant, recentis urbis jaciendis fundamentis decretum est; quod acre gauderet temperato, uti dictitabant, quod ventis afflaretur saluberrimis, aspectus jucundissimi esset; inde enim subjectum mare & agri amenissimi deliciæ patebant. Hic igitur a maritima ora pass. m. iii. a *Neto* veteri v. m. ab *Assinari* fluminis ripis m. ad longitudinis gradum xxxviii, xl. rectis, amplisque viis *Netum* sedet,

ædificiis nobile, paucisque in Sicilia decedens. Ex prima sane, quæ extenditur ab ortu ad occasum, laxior via, post aliquot passus ingens ducit in forum, cujus australis lateris medium princeps templum Divo Nicolao sacrum tenet. Id adhuc imperfectum, Ecclesiastico Canonico cætu ab anno mdcix. decoratur; Caroli Giavanti Buxelli Baronis opera, & Pauli V. decreto. Sunt autem Alumni xiv. quibus iv. alios Roccus Pirrus suis sumptibus addidit, sub Præposito, urbis totius unico Parocho. Ibi S. Conradi Eremitæ corpus argenteis clausû thecis præcipuè colitur. Quod enim ad annos pene xl. *Netini* agri fuerit incola, & variis beneficiis cives devinxerit, Divus est tutelar, & si Patroni titulum S. Nicolaus præferat. Contra majorem Ecclesiam civilis consilii basilica respondet, magnificè molienda, uti ejus produnt initia, substructiones scilicet, scalæ, aulæque inferiores. Ad sinistrum, fori ejusdem latus insigne Monialium cænobium S. Salvatoris subrigitur, de quo inferius; reliquæ vero fori facies variis nobilium civium ædibus superbunt. Eamdem subinde procurenti oram forum venale se offert ab austro ad aquilonem latè protensum, cui quatuor amplè respondent viæ, omnes, æque splendidis procerum domibus, utrinque assurgentibus, spectatu dignæ; Has vero in fori centro magnificus e Ligustico marmore fons statuis decorus excipit. Hinc juxta soli indolem opidum elevatur, exceptitque superna ædificia æqua planities, quam viæ amplæ, & rectæ ad rectos etiam angulos pene totam dividunt, forumque illius medium Christi Domini e Cruce pendentis Ecclesia decorat, ob egregium, & multis prodigiis clarum ejusdem simulacrum frequentissima, & singulari cultu vicinis etiam populis celebris, De eo simulacro meminit Cajetanus & in S. Mariæ de Castro olim locatum

catum dicit. Collegium ibi Canonicum, Archidiacono, & XII. sociis instructum Eleonora Ponsleonis Terzanæ Dynastę conjugę stipem tribuente anno MDC. coa-
luit, & sacra incolis in eadem planitie habitantibus exhibentur. Sunt præterea per urbem reliquæ paræ-
ciæ tres S. Spiritus ad ortum, S. Michaelis ad occi-
duam, & S. Mariæ de Rotunda ad australem regionem
decenter extructæ, quæ antiquis in veteri opido ex-
stantibus respondent.

Jam sacrae religiosæ ædes, quæ urbi haud exigui
sunt ornamentum, hoc ordine dispositæ spectantur. So-
cietatis Jesu Ecclesiæ, Collegii, adjunctique Clerico-
rum Seminarii prospectus perpulchro concinno satis or-
dine inter utrumque forum ad septentriones obversus
assurgens, primas obtinet. Carolo Giavanti Buxelli
Domino, quem laudavi, anno MDCVI. Collegii funda-
tio adscribitur; Ephebeum XXIV. alendis alumniis de-
putatum elapsi sæculi medio Petrus Ragusia bonis suis
attributis, instituit. Ecclesiam novissime Joseph Anto-
nius Requesens Episcopus consecravit. S. Philippi Ne-
rrii Oratorium ejusdem sæculi anno XIV. sub S. Ca-
therinæ titulo, a Michaelē de Agnossa, & Antonino
de Castellis ortum recognoscit, situmque parumper
elevatum supra forum venale ad aquilonem occupat;
sub quo Clericorum infirmis ministrantium nuper e-
recta domus videtur, Rogerio, & Dominico Lando-
linis anno MDCCLII. authoribus. Humiliori loco meri-
diem versus S. Mariæ de Arcu Cisterciense Monaste-
rium inspectionem meretur, cum decentissima Ec-
clesia, in cujus Sacratio B. Nicolai primi Abbatis pe-
ne integrum colitur corpus. Illius author Isim bārdus
de Monregia; de quo Littara, Pirrus & Ego in Mona-
stica Siciliæ Historia. Deiparæ Annunciatę templum
S. Do-

S. Dominici ascetis attributum fastigiato opere ad austrum in foro venali assurgit, cui cœnobium publicis ordinis studiis destinatum adhæret. Extabat sæculo xiv, virosque omni ætate protulit celeberrimos; Et in eadem regione paullo infra, fratrum S. Mariæ Montis Carmeli, strictioris nunc observantiæ, uti appellant, ædes conspiciuntur, cum adnexa Deiparæ de Gratia Ecclesia. Hæ dudum ad II. veteris *Neti* lapidem ante annum mccccxiii. sitæ, intra mœnia subinde, ob Virginis ejusdem imaginem in pariete depictam celebres habebantur. Sed urbem adveni ad ortum Minorum Conventualium se offert Conventus, cum area, & lapideo Immaculatæ Dominæ nostræ simulacro basi insidente, qui ædificiorum cultu antiquo minime deccedit, amplo, & vetusto, *ubi Nobilissimus quisque*, inquit Littara, *sepeliendum se mandabat*. Pirrus, ipso S. Francisco in vivis agente, anno mcccxxv. fundatum dicit, & Divi Antonii de Padua incolatu clarum, ejusque opera ab eo situ, ubi primum confedit, in opportuniorē locum translatum.

Nobilitatur præterea planities circa occasum Mirorū de Observantia S. Mariæ de Jesu titulo, insigni Cœnobio, quod anno mcccc. originē agnoscit; Illius olim Bibliothecam tota Italia celeberrimam Pirrus depredicat, & Virginis signum memorat pulcherrimum, quod extat. Ad ortum Minores Reformati degunt sæculo xvii. ineunte sub S. Antonini de Padua nomine instituti, quorum copiosæ satis familiæ capaces sunt. ædes. In eadem plaga Minimorum Conventus, cujus initia in annum mdcxiii. apud S. Mariæ de Auxilio Ecclesiam rejecit Pirrus, & transitum ad S. Bartholomæi Apost. templum in xvii. Hodie verò eodem gloriatur titulo, decenterque incolitur. In foro contra SS. Crucifixi Basilicam Fratres Hof-

Hospitalarii S. Martini nomine domum habent, ubi consueta pietatis officia infirmis præstant. Memoræ Pirrus Domum hospitalem antiquissimam tempore B. Conradi, sub S. Martini titulo, subindeque S. Maria de Rito, sub protectione Senatus Netini. Sed eam S. Martini Ecclesiam anno *MDLXXVII*. Carmelitæ habuerunt; hodie idcirco in hac, sub S. Joannis de Deo institutis, uti dixi, pio operi sit satis. Divi Augustini regulam profitentes erant olim Eremitæ, qui anno *MDLXXX*. inferiorem locum reliquere, & in collis vertice B. Virginis de Antro ædem frequentarunt. Nunc in nova urbe locum non habent. Theutonicorum denique Militum Hospitium sub Præceptore Sacræ Mansionis Panormi eodem Pirro teste extabat.

Pro sequiori sexu Constantia Regina Petri II. Uxor S. Mariæ Monasterium olim instituit, & alteri Syracusano, quod vulgo *de Monacabus* appellabant, unitum voluit. At ubi id fuerit, ac quidnam illi acciderit, Pirrus se nescire profitetur. Sub vocabulo S. Catharinæ aliud, ob loci angustias anno *MCCCL*. S. Salvatoris ædiculam sibi delegit, ac nomen sumpsit, inde in celeberrimum evasit; Nobilitate enim, vetustate, & opibus ceteris præstans, locum hodie occupat principem in majori nempe foro, fulgetque conspicuum ædificiorum amplitudine, ac alumnarum ex primaria ingenua gente numero, sub S. Benedicti institutis. Auxit fortunis suis Violanta Caramanna anno *MCCCCLIX*; Ejusdem regulæ & S. Claræ cultui ad fori angulum orientale, e conspectu S. Salvatoris, addictæ Moniales in sacris vivunt claustris, omnimodam quoque elegantiam præferentibus. Illorum author incertus; sed Ferdinandi Catholici ævo extabant, hic enim largis ele-

eleemofynis, uti fabricę repararentur, juvit, & annua pensione donavit mccccxciii. Vetus templum sacrauit Jacobus Humana Scutarensis Epifcopus; Antonio Caruso Inſpiceſundi Domino curante, cujus filia Albi-
ra ibidem Antiftes, largo ſumptu anno mdxiii. ædifi-
cia promovit. Hodiernam Eccleſiam vero nobili ſche-
mate conſtructam Joſeph Antonius Requeſens Dięce-
ſanus Pręful noviffimę dedicavit. A tergo Majoris Ba-
ſilicę recta protenditur via per ortum, & occidentem,
unde acclivitas incipit, totum dividens opidum. Ad
hujus vię angulum Montis Virginis Monafterium. .
S. Bernardi nomine inſignitam Eccleſiam habens, ac
ejuſdem regulę adſtrictas Sacras Virgines claudens af-
ſurgit, Eleonorę Zarbę Xuthini, & Tripis Domine o-
pibus ex teſtamento relictis anno mclxviii. conſtru-
ctum; cui aliud in S. Agathę honorem Benedictini
Ordinis videtur adnexum, ſuperne tamen regioni, ori-
entem verſus reſpondens, a Petro Ruſa Prępoſito,
& Parocho anno mdcxlii. fundatum. Utiumque decen-
tis formę ædificiis inſtruitur, & perfectioris vitę ſtu-
diis commendatur. Deiparę Aununciatę ſacrum, ſub
Abbatę novę nomenclatura, quintum, ad extremam
planitieꝝ oram circa ortum, Monafterium ſedet, quod
anno mxcviii. ſuis opibus Joannes, & Bernardus fra-
tres Urſi erigendum curarunt ſub S. Benedicti ordi-
ne. Sextum Divę Marię de Angelis in S. Thomę A-
poſtoli templo, Minorum regulam profitentes, Virgi-
nes ſine dote ingreſſę ex Pirro, colunt, quod in ar-
ea ejuſdem planitieꝝ congruis etiam ædificiis inſtru-
ctum Franciſcus Landolina & Rao noviffime proven-
tibus liberaliter auxit. Ad puellas pauperes parenti-
bus orbatas educandas, plureſque earum ſingulis annis
ho-

honestis viris locandas Parthenon consurgit eadem in regione, ubi hæc æqua primum extenditur. Id bonis sæpius laudati Caroli Giavanti anno MDXX. juxta Majus Templum in veteri *Neto* stabat, aliorumque nobilium legatis subinde crevit. Vivunt illæ sub Magistris ad S. Catherinæ Senensis præscripta, servatque Ecclesia S. Theodori Mart. titulum. S. Joseph denique Domus lapsis fœminis ad bonam frugem deducendis, collatis civium eleemosynis constructa, ad imas opidi australes radices locatur. Extat Mons Pietatis pro alendis pauperibus, ac dotandis Virginibus dives, aliisque religiosis operibus addictus. Extra opidum ad cc. circiter passus circa ortum, Minores Capuccini decens cœnobium inhabitant. De antiquo hæc Pirrus Capuccini anno MDLIII. abud *Netinos* sibi sedem delegerunt in S. Mariæ a Pietate templo; sed caligavit, & paucis subsistentis annis vaporibus mutatis domiciliis, eo loco sunt recepti, ubi Manfredi Alagonæ castrum jam vacuum squaliebat, qui fuit annus MDLXXXIV.

Filiales intra urbis septa Ecclesiæ, speciali nota dignæ sunt, S. Antonii Abbatis, ubi B. Aretii Mar. exuvie conduntur; S. Catherinæ V. M. in urbe pene media; S. Andreæ Apost. S. Petri Rosarum; & S. Elii Epist: in suprema regione; Animarum purgantium; & S. Petri Mar: in inferiori, quas omnes ferme Laicorum fœdalitates religiosè frequentant, Præest his, & Clero simul moderatur Syracusani Episcopi Vicarius, ad quem etiam in proximis opidis Abula, Xuthino, Cassaro, Palatiolo, Ferula, Buxemio, Rosolino, Balneis, & Inspecto fundo aliqua juris dicendi facultas spectat, veluti in *Netina* urbis comarchia conclusis.

T. P. P. II.

R

Hic nam omiserim: Eugenium IV. Episcopali honore, quod innui, *Netinam* Ecclesiam condecorandam anno mccccxxiii. censuisse, mox id ipsum Nicolaum V. anno ejusdem sæculi l. confirmasse. Hinc Alphonsus Rex, agente Raynaldo Sortino urbis legato, Abbatiae de Arcu proventus, aliusque fundos pro Ecclesiae dote anno sequenti designavit. Sed enim, quamvis Callistus III. post biennium omnia hæc rathababuerit, effectu nihilominus vacua, Syracusanis acriter repugnantibus, quod ad illorum Cantorem *Netina Præbenda* spectaret, remanserunt. Longe majori amplitudine patet porro civilis politiæ regimen. *Netinas* enim Regius procurator vulgo *Secretus* in Motycensi etiam Comitatu ac finitimis jus dicit; Magistratus, qui Curatoribus iv. & Syndico constat ex primaria nobilitate, quo ad publicæ salutis munia, ad Platiam & Ragusam usque, regioni præficitur, & belli urgente periculo indigenam ejusdem Comitatus militiam, & circumstantium opidorum habet concreditam; in publicis demum Comitibus loco xi. votum profert. Criminum Quæstor, & Patricius Juris Consultor habent sibi adsidentes, gaudet ille jure gladii, hic civiles, ruralesque causas cognoscit. Patricius Bajulo successit; hujus munus enim Martinus Rex anno mccccxi. ne civibus de se meritis oneri esset, antiquandum jussit.

Agri, camporumque ditissimum præ ceteris Siciliæ opidis est *Netum*; feuda quippe lxxviii. late patentia, fundosque xxii. suo territorio claudit, quod pass. m. lxx. per gyrum se explicat. Littoralis ejus ora xxx. & amplius pass. m. describitur, in qua Cætarie ex præcipuis ad ortum tres; sinus, seu Portus Vin-

Vindicari olim *Naustathmus* cum emporio, & castello; Pachynus cum arce, & Odysseus, *Marfa* hodie, de quibus loquimur singillatim propriis in locis; alięque minoris notę stationes videntur. Terrę frugum omnium feracissimę, ac pabuli divites, aquis copiosissimis ubique irrigantur, quę in perennes fluvios *Elorum*, *Aspnarum*, & *Orincum* agro *Netino* conclusos se exonerant. Lini abundantia idcirco, Cannabi, Olei, Vini, & Casei copia, vicinis, exterisque necessaria sufficiunt; fructibus varii generis, sed siliquis præcæteris undique consitę, amenissimę habentur; saltibus, nemoribusque largam suppeditant venationem, armenta, gregesque nutriunt. Celebriores inter fontes sunt *Buhutus* prope littus purgandi alvei virtute præditus; *Muxia* morbis cutaneis curandis aptissimus, & *Bumbellus*, ubi belzuantici lapilli generantur. Potissimum eidem ruri decus conciliant, nedum nobilium villę satis exultę, ac pomaria, sed insignes Eremitarum domus, quas inter hodie primas habet S. Marię de Scala pass. m. vii. circa occidentem ab urbe, nostrę hoc sæculo Hieronymi Tertii opera, ædificiis nobilis, & templo elegantissimo splendens, Carmelitis arctioris observantię alumnis ad professionem excipiendis addicta, unde ejusdem instituti *Provincia* appellatur. S. Conradi extra muros, ad iii. lapidem circa septentriones, loco ameniori in colle sita hodie; cujus sub Jesus, & Marię titulo elegans est Ecclesia. Huic vetustissima in valle horrida Eremitus adjungitur cum crypta ejusdem S. Conradi incolatu & prodigiis celeberrima. S. Joannis de Lardia tertia, ubi complures etiam solitaria vitę studiis intendunt, atque aquilonem versus assurgit. S. Calogeri, & huic

adnexa S. Mariæ de Victoria, quæ circa occasum æstivum sedet. S. Mariæ, sub nomine *Maritimæ* juxta littus, cujus originem nautis quibusdam Anglis ibi naufragium passis adscribunt. Denique S. Maria de Pietate veteris *Nesi* ruinis inædificata post mdcxiii. ubi S. Petri Mar. ædes stabat. Lares *Nesi* sub Carolo V. Fazelus 1818. recensuit. Sed irrepsisse in notas errorem bene suspicor; aliquot enim elapsis annis mdcxv. lares 3166. incolæ 13236. sunt computati. Circa sequentis sæculi medium focī 2977. capita 9884. in Regiis libris, sed ex Pirro 3046. 14416. Anno decurrentis sæculi xiii. lares 1958. cives 7464; novissime 10202. censi sunt.

Martyres lxxv. in Menda opidulo sub Diocletiano coronati *Nesini* passim creduntur, aut ex ejus finibus oriundi. Cetero inter illustres *Nesi* viros jure S. Conradum veluti agmen ducere cives gloriantur; Sanctus enim Anachoreta, quamvis Placentiam habuerit patriam, ad *Nesi* partes aliquando delatus, ejus in agro ad plures annos delituit, atque anno mcccii. in Domino obdormiens, urbis præcipuus tutelarior adoptari meruit. Illum præivit Beatus Guillelmus, qui *Nesino* in solo natus ex nobili Bucceria gente, Fridericum II. cujus erat familiaris a furenti apro inter venandum appetitum egregiè juvit; ingenti hinc plaga affectus, ubi Rex acceptum beneficium. rependere munifice cogitaret, non aliud ille quàm domunculas prope Crucifixi ædem, Sarracenicæ arcis reliquias postulavit, quo se recipiens inculpatam vitam exegit, ibique, uti ferunt, S. Conradum hospitio excepit. Siclim inde profectus in vili cellula ignotus diù latuit, donec innumeris clarus prodigiis animam Cælo redderet. B. Nicolaus Cisterciensis Monasterii de Arcu primus Abbas Northmannorum ævo vixit, optimi-
que

que pastoris opinione suos rexit. Ejus exuvie thecis inclusæ argenteis apud Netinos honori sunt. Antonius Tuanti a Mauris pro Christi fide combustus memoratur Cajetano in Siculo Martyrologio ad diem XIII. Januarii. B. Joannes Falcus Ordinis Prædicatorum diu Catanæ in S. Mariæ Grandis cœnobio, ubi professionem emiserat, vixit. Abſtinentia, humilitate, & contemplationis studio clarus ibidem defunctus, anno MDVII. prodigiis variis etiam post mortem innotuit. Bernardinus ex Minoribus Observantibus vitæ integritate, & animarum zelo innotuit, ac plurima loco & tempore remota prædixit. Claruit circa sæculi xv. exitum. Antonius ejusdem ordinis apud *Netinos* celebratur, qui puteum in agro Busulumone aperuit aquas hodie salutare emittentem. Conradus in S. Joannis de Lardia perfectissimus solitarius. Ludovicus a Domnis Capuccinus Siculam suorum provinciam ad plures annos sanctè administravit, a munere autem vacans terram ligone exercebat, ac vilissima quæque domus munia obibat; humilis, integer, sibi que austerus vixit, annoque MDLIV, Syracusis decessit. Brandanus Teranova Sacerdos in sacris locis per Siciliam, & Italiam visitandis integerrimam traduxit vitam, postque plurima Dei & pauperum obsequia in Montabbodo Senogaliensis Diœcesis opido piissime MDLVIII. obdormiit, magno ibi funere elatus. De Joanne Maria Minnito, & Hieronymo Isveglia inferius. Complures in *Netinis* Anachoresibus vitæ perfectione præcipuos vixisse palam est cunctis, & si alibi ex iis nonnulli ortum habuerint, quorum idcirco nomina tantum dabo. Conradus a *Neto*, Didacus Cannata, Petrus Gazzetti, Alphius a Melilli, Joannes Baptista a Mediolano, Joseph

seph Cicamus Hispanus: Ab his instituti discipuli pene innumeri leguntur, qui loca illa virtutibus illustrarunt, & Siciliam universam fama sanctitatis compleverunt. Novissimè piè, uti vixerat, decessit Hieronymus Tertius Netinus, qui primum Eremitæ S. Mariæ de Scala incola, populo & principibus viris ob vitæ innocentiam summè acceptus, subinde ad Carmelitas transiit, quos, ad firmandas in eodem de Scala solitario loco, ab se ædificiis reparato, sedes, traduxit. Celebrat Pirrus Mariam Carambola tertii Ordinis S. Dominici vitæ austeritate, puritatis amore, aliisque virtutibus insignem, & Thomasiæ Capella æque virtutibus, ac sanguine nobilem, cujus cadaver adhuc integrum in S. Claræ Monasterio ab anno mccccxxxiii. perdurare affirmat.

Præsules, Abbates, aliisque muniis, & dignitatibus insignes claruere: Matthæus Corsale ordinis Minorum eximius Theologus, suo dum præesset *Nerino* Monasterio, cum Guidone de Sancta Catanense, Orator ad Benedictum xiii. anno mcccclviii. Ludovici Regis nomine destinatus, ut hunc in Siciliæ jam inita post patris mortem possessione Pontifex confirmaret. Benedictus de Aquila sub Martino Cisterciensis de Arcu Cenobii Abbas. Raynaldus Montorus, & Landonina Ord. S. Dominici S. T. M. Hæreticæ pravitatis in Sicilia Quæstor; primus SS. *Cruciata* generalis Commissarius ab Alexandro VI. designatus. Episcopus Cepalædentis obiit, dum in Hispaniis pro Sicilia Legatum ageret anno mxxi. Scripsit de Naturalibus Reductionibus. Antonius Corsettus ob præclara in lucem edita opera Doctoris Excellentissimi titulo donatus, Melitenensis Episcopus, Romæ ad majora promovendus ve-

neno

neno sublatus MDIII. Jacobus Humana Episcopus Scutaren-
 sis S. Spiritus Calatanixettæ Abbas; dum pro
 Episcopo Syracusano Diecœsim iustraret Calatajeroni
 MEXVII. decessit. Nicolaus de Castellis Prior S. Mariæ
 de Burgitabus, Abbas S. Mariæ Montis Majoris cla-
 ruit MDXIV. Philippus de Barberiis genere nobilis, ex
 Prædicatorum familia de Rebus Fidei MCCCCLXXI. in
 Sicilia Quæstor. Joannes de Aurispa Abbas S. Phi-
 lippi de Grandis, & S. Mariæ de Roccadia, Romano
 Pontifici a Secretis, de quo inferius. Joseph de Bo-
 nasia ex Minoribus Conventualibus Sicularum amplis-
 simum ornamentum a Pirro appellatus, Siculam, & Ap-
 pulam suorum provinciam rexit, Assisi & Neapolis
 Rector fuit, ad Pium V. Ordinis Legatus, oblatas in-
 sulas recusavit, defecit Leontinis MDLXXV. egregius
 Ecclesiastes & Theologus. Clemens de Laurentio, &
 Macca, vir toto orbe doctrina & prudentia illustris-
 simus, elegans Concionator, sui ordinis Capuccinorum
 in Romana curia primum Procurator, indeque Ge-
 neralis Minister, Paulo V. & Urbano VIII. acceptus,
 Syracusis MDCXXX. mortalis esse desiit. Joannes Ma-
 ria Minniti ejusdem instituti, variis muniis clarus,
 vitæ autem austeritate admirabilis, totius Ordinis post
 Clementem regimen nactus, eo ad septemniun administrato,
 Neapolis innocentis vitæ opinione. MCCCXXI. in
 Domino obdormiit. Cujus cor in patriam suam trans-
 missum est. Conradus N. Syracusanus delectus pon-
 tifex, morte præreptus dignitatē non obtinuit; ejus
 meminit Cæsar Cajetanus in Catal. Epif. Syrac. Octa-
 vius Corsettus Philosophus, & Juris peritus inter e-
 ximios recensendus; litium osor acerrimus, & justitiæ
 cultor egregius, M. R. C. togam, altè de Divinis
 seu-

fentiens, sponte deposuit. Scripsit *Consilia Feudalia*, & *Quæstiones Forenses*, obiit m̄d̄lxxxvii. Hujus filius Petrus Corfettus Supremi Consilii in Hispania Regens, Consistorii, Regii Patrimonii, & M. R. C. Præses, tandemque Episcopus Cephalædensis multa edidit, sed præ aliis celebratur ejus *Idea Episcoporum*. Jacobus Corfettus Octavio etiam progenitus secundum Judex, inde M. R. C. Fisci Patronus, Juris peritia, & integritate celeberrimus. Hos jure *Netini* suis accensent. Roccus Pirrus S. Maria de Ambula Abbas, de quo suo loco, Carolus Impellizeri sanguine illustrissimus Philippo IV. primum a Sacello, m̄ox Mazaræ Episcopus m̄d̄cliv. vita excessit. Simon Impellizeri inter Regii etiam Sacelli alumnos adscriptus, hinc S. Lucie Abbas & Sicilia Major Capellanus, moribus & scientia illustris; floruit m̄d̄cccl. Apud Pirrum, & Littaram complures alii ex nomine laudantur Claustrales, qui supremis in Sicilia sui ordinis præfecturis decorati patriam nobilitarunt; consulendi hinc authores illi, dum alios recensere sæculi gradibus illustres aggredior. Præ cæteris vero Nicolaum Specialem summo loco natum ad difficillima quæque obeunda aptissimum, belli, ac pacis artibus imbutum. Fulsit Sicilia Prorox sub Alphonso, cui acceptissimus evasit, cujusque Legatus fuit. Mortale exiit *Neti* m̄ccccxlv. in S. Francisci æde tumultus. Hunc Sicula Historiæ authorẽ perperam credidit Pirrus, quum alius ab illo fuerit, uti dicemus. Joannes Landolina Siculis in annalibus sæpissime laudatus ob egregiam Friderico Regi præstitam operam. Vir fuit ingentis animi, variisque militiæ honoribus affectus; periit in insidiis ab hoste interceptus m̄ccclviii. Joannes Capellus sub Friderico II. armis, & consilio

cla-

rus, quem magnis extollit laudibus Littara. Nicolaus Specialis alter, sed vetustior Prorege Nicolao, ejusdem gentis, Friderici II. ad Pontificem Legatus, Siculę Historię Scriptor. Marcellus Pipi genere nobilis strenuus sub Alphonso Rege Miles & Dux, de quo idem Littara. Petrus Specialis Nicolai Proregis filius. Alcamı, Castellucci & Calatafimis Dominus, a Regiis Rationibus Magister. Joannes Mattheus alter ejusdem Nicolai filius, Sicilię Quęstor. Antonius Carusus Ispicefundı Dynasta, ab Regio ærario integerrimus Minister. Antonius Caramanna Regii in Sicilia Patrimonii Conservator, patrium S. Salvatoris Monialium Cęnobium cum uxore hæredem dixit mccccxxxix. Raynaldus Sortinus ad Alphonsum Regem, & Eugenium IV. Orator, de quo supra, de Episcopali throno in patria erigendo egit, & ad votum Pontificias, Regiasque literas obtinuit. Hos omnes, aliosque plurimis commendat laudibus Littara. Hieronymus Isveglia Matthesis scientia apprime imbutus, atque in jure consultissimus M. R. C. Judex, ac Regii Patrimonii Fiscı Patronus, moribus autem, christianisque virtutibus, necnon Divinis charismatibus adeo illustris, uti sæculi miraculum diceretur. Desiit Panormi vivere mdcix. Ejus vitam scripsit Petrus Tognoletus. Dominicus Landolina ingenii felicitàte paucis secundus, emensis in foro variis dignitatum gradibus, ad Regentis munus in Siculi Regis nostri aula evocatus, cam provinciam hodie Neapoli egregie illustrat, & S. Donati Ducis titulo gaudet.

Scriptores *Nesinos* atque a scientiis commendatos enumerant Littara, Pirrus, & Mongitore, ex quibus breviter hic præcipuos recenseo. F: Joannes Ricca S. T. M. Minorita, scripsit de Penitentia, uti An-

T. P. P. II.

S

ge-

gelus in Summa testatur. Floruit sub Martino Rege anno mcccxcvi. Nicolaus Specialis ab anno mccccxii. post Gallorum expulsionem ad mccccxxviii. Siculam edidit historiam, quam Petrus de Marca publici juris fecit. Idem Friderici II. ad Benedictum XII. Legatus inclaruit, uti ipse testatur. Meminit Ætnæ etiam incendii mccccxix, quod suis vidisse oculis affirmat. Pirrus memoriæ lapsu ad mccccxiv suos produxisse annales Nicolaum tradit, & cum altero Siciliae sub Alphonso, Piorege confundit, quod paullo ante adnotavi. Joannes Tamagninus Medicus & Astrologus clarissimus ob varia ab eo prædicta, ac miragelta, ob perspicuam, quam habebat de Astrorum influentia cognitionem a Littara commendatus. Decessit mccccxi. in cujus sepulchro egregium apud S. Nicolai princeps templum epigramma legit Pirrus, quod integrum refert. Joannes Aurispa vir omni scientiarum genere eruditus, Rhetor luculentus, & Poeta in Italia laureatus, Nicolao V. Rom. Pont. a Secretis, S. Philippi de Grandis primum Abbas, hinc S. Mariæ de Roccadia. Vivebat anno mccccxvii. Illum laudant Valla, Æneas Pius, Leander, Scanellus, Bergomensis & Siculi omnes, Panormita, Fazellus, Pirrus, Littara, Mongitore. Extant illius Epigrammata, Epistolarum opus, & Hierocli liber latinitate donatus. Littara circa eius obitum fallitur, quem in annum mccccxvi. male rejecit, uti Pirrus advertit. Antonius Caslarinus, aliis Gasparinus Orator egregius, Panormi primum publico stipendio, mox Constantinopoli Rethoricam docuit; Græcis enim & Latinis literis apprimè instructus inter præclaros sui ævi viros excellentissimus est habitus; Papiæ mox, Mediolani, ac tandem Januæ complures crudivit, ubi anno mccccxiv. civibus dis-

siden-

sidentibus, quum in ejus ædes irrumpere nonnulli ten-
 tarent, ipseque effugium per fenestram moliretur, in-
 genti in terram lapsu concidens, continuo expiravit.
 Vertit in Romanum sermonem Platonis libros de
 Republica, quod opus Alphonso Regi nuncupavit,
 pleraque alia ex Plutarcho & eodem Platone latina
 fecit. Scripsit Epistolarum libros iv. Orationes duas,
 alteram ad Philippū Mediolani Ducem, alteram ad Ja-
 nuensem Senatū. Laudatur passim. Joannes Mancu-
 sius, Medicus, & Poeta anno mccccxliv. in Italia il-
 lustris evasit; nam Senis *Angelinum* Poema ama-
 torium ingenti plussu cecinit, Leandro Aretino ma-
 xime probatum, aliaque ingeniosissimi vatis testimonia
 edidit. Paulus Mazonus U. J. præstantissimus Do-
 ctor, scripsit *de Feudis Consilium*, quod Joannes An-
 toni Cannerius laudat. Floruit Guillelmi Perni Syra-
 cusanus Juris consulti eximii ævo, eique commendatus
 vixit. Nicolaus Datus celeberrimus tota Sicilia Me-
 dicus, Philosophus, & Mathematicus, a Lucio Mari-
 neo egregiè laudatus, in ferendis de quovis morbo
 præfagiis mirus effulsit. Raynaldus Montorus, &
 Landolina, Antonius Corsetus, & Jacobus Humana E-
 piscopi, de quibus supra, a Mongitore merito ob edi-
 ta opera in Bibliotheca relati sæculo xv. floruerunt.
 De Antonii Corsetti Nepotibus supra etiam. Joannes
 Antonius Provincia Historicus, & Geographus nulli
 ætate sua secundus, a summo Pontifice in Hiberniam
 Legatus mittitur, deque insulæ hujus situ, & gentis
 moribus librum scripsit, Ferdinando Cuzæ Præregi
 dicatum. Andreas Barbatias de Bartholomæo inter
 celeberrimos Juris Cons. sub nomine *Andrea Siculi*
 venit; *Nesi* quidem natus, sed Messanensi civitate
 ob facultatis politicæ eruditionem donatus; plura

scripsit, quæ manibus legalis scientiæ candidatorum
 teruntur. Ejus meminit Nicolaus Tedeschi, suumque
 contrerraneum appellat. Joannes Lucas Barberius
 generis nobilitate clarus, Regius Consiliarius, juris-
 que consultissimus; publica Siciliæ Regni Tabularia,
 quæ ipsi patebant, omnia revolvit, atque ex iis *Capibrevia*
 congeffit, Vallis Neti scilicet, Demanæ, &
 Mazaræ, nec non Ecclesiastica, ubi omnia recenset
 Baronum feuda, eorumque possessores, ac *titulos*, uti
 ajunt, expendit; tum Abbantias, aliasque Prælaturas
 ad Regiam nominationem spectantes, earumque jura
 improbo sane labore, atque industria promit. Ejus
 meminere Lucius Marineus, Pinus, aliique. Antonius
 Vinutus de Agricultura opus concinnavit, atque
 de S. Conradi vita. Petrus Pipi Bonfalæ feudi domi-
 nus, Poeta fuit clarissimus, scripsitque *de Peste*, ac
de Æne incendio, quod Bellum appellat Divinum.
 Joannes Datus agri Frigintini dynasta, antiquita-
 tis studiosissimus a Fazello appellatus, in omnium
 temporum, regionumque historia versatus, de Gestis
 Maniacis uberrime disseruit. Sebastianus Isvegla, seu
 Vella, Juris Consultus, Blasci Lanceæ indicio, omni-
 um, quæ ad Feudales pertinent causas, peritissimus.
 Scripsit Consilia plurima, vixitque medio xvi. seculo.
 Joannes Profectus Medicus, & Poeta inter ce-
 lebres adscriptus, diù Neapoli Philosophiam, & Me-
 dicinam docuit, & Paulo III. cujus servandæ saluti ad-
 lectus fuit, opera sua, *Cantica* scilicet *de Verbo Dei*,
 & *Symposium de Vinis* dicavit. Sigysmundus Cappel-
 lus Bonfaluræ Dominus generis nobilitate, & litera-
 rum gloria clarus, Musis acceptus, sub Ferdinando &
 Carolo Regibus floruit, de quo Littara. Scripsit, Car-
 mina elegantia, & venustate præcipua, veterum ele-
 gis

gis comparanda - Joseph Scala Naturalis scientiæ & Medicæ præsertim facultatis callentissimus, Græcisque literis apprime instructus, in matura sublatus est morte anno ætatis xxv. a Christo nato MDLVI. scripsit de *Dialectica ac de Arte Medendi*. Joseph Scala posthumus, patre haud inferior, Mathesim, Medicinam, & Philosophiam eximiè coluit, magna que ex parte absque Magistro didicit, *Ephemerides* composuit, & in *Magnum Apologiam*. Obiit præpropere etiam fato MDLXXXV. - Michael Cassarinus *De verbo Dei* opus concinnavit mira subtilitate, ac facundia; fuit enim Theologiæ rerumque sacrarum peritissimus, adeo promptæ memoriæ, ut quidquid legeret, mente retineret. Decessit nonagenarius MDLXXXI. - Joannes Baptista Lartius humanis facultatibus, Philosophia, Medicina, & Jurisprudencia excultus, omnique eruditione solidaque doctrina imbutus; clauit anno MDXC. quo edidit de *Perfectionibus Humanae mentis* librum Simoni de Aragonia Cardinali dicatum. Archangelus Messana ex Minoribus de Observantia virtute, & doctrina conspicuus, de quo Pirrus, & Uvadingus. Hercules Pippi nulli in Mathesis scientia secundus, uti Littara testatur. Jacobus Ribaldus Episcopi Dalmatici vices Syracusis gessit. de *Vita, & Gestis S. Conradi* opus vulgavit. Hieronymus Puglisius de vita ejusdem Sancti, & de Judicio Universali Etrusco carmine scripsit. Vincentius Littara S. T. & J. U. Magister honesto loco natus, acre ingenium scientiis sacris, prophanisque addixit, in quibus mire excelluit. Viris Principibus ob morum elegantiam, & eruditionem acceptus, diu Panormi vixit, tandemque Agrigentum ab Episcopo Horosco accitus, uti juventuti præluceret, ibi mor-

tal

tale exiit anno mdcii. Edidit complura opuscula ad
 Grammaticam spectantia, de *Rebus Netinis* librum,
 & de S. Conradi vita, Poema *Conradiados* appellatum;
 reliquit mitam *Historiam Ennensem*, de *Aquila Panora-*
mitana, & de *Primatu ejusdem Ecclesiae*, aliaque in-
 numera, quæ Mongitorius commendat. Roccus Pirrus
 Littaræ discipulus inter doctissimos effulsit viros, va-
 riisque dignitatibus, & muniis decoratus enituit. Re-
 gius enim Philippi IV. Capellanus, Abbas S. Mariæ
 de Ambula, S. Petri de Palatio Canonicus, demum-
 que ut in Episcopum eligeretur sæpius oblatas. De
 Sacra Sicilia Historia meritissimus immortale sibi no-
 men peperit. Corpus deposuit septuagennario major
 mdc. Typis tradidit *Chronologiam Regum Siciliae, &*
Siciliam Sacram, sive *Ecclesiarum Notitias* libris iv.
 comprehensas. Quam adhuc ann. xv. esset. *Synoni-*
morum edidit opusculum. De eo innumeri agunt.
 Marianus de Laurentio Canonicus Netinus plures
 de *Rebus Muscis* tractatus in lucem emisit. Clemens
Netinus, & Joannes Maria ordinis Capuccinorum,
 Generales Ministri, ob vulgata opuscula Mongitori
 in Bibliot. memorantur. Idem laudat Bonaventuram
 Conochiellam Ord. Minimorum, Josephum Landolin-
 nam Societ. Jesu, Vincentium Paganum, Antonium
 Mazzone, & Raymundum Bonfilium ex Prædicatori-
 bus eximios Ecclesiastes, vulgatis operibus illustres;
 Marianum quoque Accardum Juriscons. eximium, &
 humanioribus scientis præditum, Raynaldum de Ami-
 go Musices peritum, Vincentium Ricciarellum poetica
 eruditione clarum, aliosque celebrat. Vincentius ve-
 ro Littari longe plures commendat doctrina egregios,
 quos novit, apud eundem videndos. Nostra hoc sæ-
 culo, Franciscus Landolina & Rizzari vir ab omnige-

na eruditione clarus, ac poeticis studiis adictissimus; sed moribus vel maxime incorruptis floruit. Catania, ubi ab ipsa juventute cum matre se contulerat, immortalis nominis fama relicta, anno mccccxiv. ætatis xxxi. decessit. Edidit complura Italica dramata, aliasque elucubrationes multas reliquit; Orlandus Sortinus Bosulumuni Dynasta tanta memoriæ felicitate, ingenii acumine, & sublimitate valuit, adeo humanis literis, Poesi præsertim, Divinis, & Philosophicis scientiis excelluit, uti passim naturæ miraculum appellaretur; de implexis rebus, ac cujusque scientiæ ambagibus interrogatus abunde satisfaciebat, Etrusco, & latino metro multa extempore dictabat prælo dignissima. Obiit quadragenarius, ultimus gentis suæ anno mcccx. Literarios illius labores frater germanus Societ. Jesu, Panormum, ut ederentur, secum detulit, cujus morte periire. Franciscus Landolina, & RAO Sacerdos genere illustrissimus, virtute nobilior, ingenio, & facundia promptus, memoria felix, moribus incorruptus, humanis, sed mathematicis præsertim, Divinisque scientiis abunde imbutus, suis, exterisque charus, lxxvii. ætatis in patria obiit mcccvi. Plura scripsit, quæ ante mortem vir humilitate præstans igni tradidit; supresso nomine *Synodum Syracusanam* sub Thoma Marino celebratam edidit, *Geographiam* ad puerorum captum accommodatam, *Dietæ divisionem perpetuam*, & alia edidit.

Refert Philippus Paruta Neti numisma vetus, in cujus antica facie Herculis prosoma cum clava, leonina pelle, & globulo, in postica vero Leo sedens cum clava conspicitur; inscriptio habet NE. Apud Gualterium in Siculis Tabulis hæc lego: *Neti in plano S. Joannis super ingressum antri in vivo lapide,*

ΕΠΙ ΓΥΜΝΑΣΙΑΡ.....

ΑΡΙΣΤΙΩΝΟΣ ΤΟΥ ΑΓΑΘ..

ΦΙΛΙΣΤΙΩΝΩΣ ΤΟΥ ΕΠΙΚΡΑΤ

ΝΕΑΝΙΣΚΟΙ ΙΕΡΟΝΕΙΟ.

Explicat idem author: *Sub Gymnasiarcho Aristione Agath .. filio Philistionis Epicrat Juniores Jeronei ..* Fazellus eundem referens lapidem, illius explanationem male conceptam expendit.

S. NICOLAI Antrum apud Syracusas, ingens, & testudinatum, Neapolis ambitu conclusum, multorum manibus excisum; inde enim ad ædificia molienda lapides suppeditabant, uti de aliis Lapidinis dixi. *Latumiæ*, inquit Aretius, *sub terra carceres .. In has, si qui publicè custodiendi erant, etiam ex aliis opidis deducebantur .. Sunt adhuc quinque insignes omnes carentes testudine præter quam una ad meridiem conversa, Syracusanis antrum S. Nicolai appellata; ubi carcer ille, qui a Dionysio factus est. Alterum huic abheret antrum Grotta, che favella hodie dicitur, cujus alibi memini. In area ante os antri, quæ etiam sub terra est, pyramis subrigitur, seu lapidea præcisa undique moles, columnæ instar, ubi excubias egisse custodes tradunt.*

S. NICOLAI Opidum de Tribus Fontibus, cujus est mentio in antiquis chartis, & Pontificiis diplomatis Syracusanæ Ecclesiæ parœciam enumerantibus. Quo autem nomine hodie veniat incertum. Melilli sub Majori Ecclesia, quæ S. Nicolai titulo gaudet, paucis ab hinc fodientes, aquarum ductus & fontes detexerunt. Alibi, quod sciã, intra ejusdem diœcesis fines Sacræ primariæ ædes S. Nicolao dicatæ id forte indici-

um

um non habent. Milillim idcirco, vetus certe opidum, eo *S. Nicolai de Tribus Fontibus* vocabulo indigitari, conjecturis agendo putaverim.

NIXEMUM, Uulgi, vocabulo *Niscemis*, atque a celebri Deiparæ imagine, & incolarum cultu erga eamdem *S. Mariæ de Niscemi*, unde illius opidani *Sannariates* Siculis dicti. Erequens est oppidum pari intervallo: XII. pass. M. ab Galatajone, & Terranova distitum, sedetque in alto colle, cuius verticem læta, ac patens undique planities extendit; longe ac latè idcirco per quatuor celi cardines, circumpositas regiones, ac vicinum Africum prospicit mare, aere saluberrimo gaudet, ventisque levissimis afflatur. Vetus olim ibi itetisse opidum, ingentes ruinæ, substructionesque passim detectæ produnt, cuius omnino periit nomen; ad multa enim jugera, cum in collis lateribus, tum in subiectis sepulchra immanium etiam corporum occurrunt, cuiusque metalli numismata, fistilia vasa, lucernæ, phialæ, ac non unum desossum est tessellatum pavementum cum epigraphæ: *Alba*, quin & in vasis ipsis inscriptum legitur: *Vilius*. Templi quoque vestigia, Siculo ore *Cresuicia* meridiem versus ad pass. M. MCC. circiter, Arcisque rudera ad Septentriones pass. M. distita spectantur, vulgo *Castellana*; quæ sane omnia priscos incoluisse mortales collis iuga ac latera, aperte, uti dicebam, indicant. Cætero XVI. seculo exeunte, quum rusticus quidam *Andreas de Arma*, de bove deperdito sollicitus, hunc ante dumetum, sub quo fons emanabat, de genu flexum comperisset, ac rem contra ordinem miratus, vepribus, dissipatis, Dei Genitricis imaginem invenisset, colonis circumpositis de eventu edoctis, author fuit, uti col-

latis eleemosynis: ædes supra fontem excitaretur, ubi primum tabula locata. Fama autem vicinos pervadente, mirisque compluribus erga fideles, eò cum votis confluentes, Virginis ope patratis, opportuna Dynastis Brancifortis sese obtulit occasio, homines congregandi; Collis enim, agerque late procurrens eorum juris erat. Joseph itaque Fabritii Buteræ Principis filius, secundo loco natus, Philippo IV. *Nimemfis* Principatus insignibus anno mdcxxvii. obtentis; ceptum opus eo provexit, uti brevi sub S. *Maria de Nixemi* titulo opidum non inelegans, & copiosum, latis, rectisque viis, amplissimo foro, decentibusque ædificiis in plano collis vertice coalesceret, quingentis circiter passibus ab ædícula Virginis, unde religiosa imago translata est, quæ in majori Ecclesia decentissime, ara splendida instituta, locum habuit. Hæc sub S. Mariæ de Odigitria nomine, nobili, & magnifica structura in foro ad austrum exurgit, nuperrime, corrogata populi pecunia, anno mdcxlv. tria intra lustra nempe, ad summum fastigium perducta; atque octennio post ab Episcopo Francisco Testa sacris de more cæremoniis oleo inuncta, quæ nobili etiam supellectile, elegantique ornatu interno, lapideo prospectu, ac turri superbit. Minores aliæ Ecclesiæ quatuor; sed inter eas spectatu digna contra majorem in eodem foro, Christo e Cruce pendenti sacra. Ad cc. circiter passus in collis latere circa occasum Minorum de Reformatione Cenobium sub S. Mariæ nomine paucis ab hinc annis extructum, ab ædícula supra memorata, de *Aqua Sancta*, ac de *Nemore* dicta, haud procul. In hac vero fons perseverat, & aqua salutaris Deiparæ intercessionem habetur, quæ sub eo

ti-

titulo præcipua est Opidanis. Patrona, festum illi diem summa circumjacentium populorum frequentia celebrantibus

Uxoris Catherinæ jure possidet hodie Opidum Hercules Michael Brancifortius, sed Principatus titulum ab anno MDC LXI. *Vitalis Valguarnera Renellæ* Dux assecutus, ad hæredem *Vitalem II.* transmisit. *Minto, ac mero imperio*, uti appellant, Dominus gaudet, ac Magistratus annuos designat. Calatajeronensi Comarchiæ opidani subduntur, quorum erant lares medio elapso sæculo 156. capita 568. Anno MDCCLXIII. lares 666. animæ 2613. Novissime 3861. recensentur. Diæcesis Syracusanæ finibus *Nixemum* clauditur; Parochia spiritualis cura committitur; fori Ecclesiastici jura Episcopi Vicarius administrat. Agro fertilissimo utitur, unde nedum incolæ & vicini, sed remotiores frugum omnium copiam, olera, legumina, vina, fructus, oleum, mel percipiunt; pascuis vero lætissimis rem pecuariam in eo locupletari vel maxime prædicant, nemoribus & sylvis venationem jucundam pariter, & utilem suppeditari, nec lacus deest ad collis radices in fundo Costæ frigida ab omni genera piscium copia laudatus; hinc Marogli fluminis, de quo dixi, aquæ, æstate quidem salsedine infectæ, hyeme omnino dulces, illum præterlabentes fecundiorum reddunt; qua soli ubertate passim illecti coloni complures eo accurrentes; maximis in dies incrementis opidum nobilitant, quod ad XXXVIII. longitudinis pene jacet, & XXXVII. latitudinis gradū minutis aliquot vix excedit.

NISSORIA latissimus fundus, hodie ad Montecatinos pertinet, in quo dudum Casale ejusdem nominis, ac novum subinde moliri ceptum nostris hisce diebus,

medium inter Agyrium, Assorum, & Leonfortem, am-
 nissimo loco, publicæque viæ, qua Catana Panórum
 itur, impositum. In eo saltus & nemora ad venationem
 aptissimæ; vineæ, olea, ac terræ frumenti feracissi-
 mæ, prata pingui gramine vestita, pecudibus, ar-
 mentisque pabulum præbentia gratissimum, omnia,
 denique ad colonorum cominodum ac felicitatem in-
 venies. Salso fluvio, qui ad orientem currit, ortum-
 que prope Nicossiam habet, abluetur, aliisque fontibus
 secundatur. Petra Serlonis, vulgo *Sarni* circa ejus fi-
 nes subrigitur; de qua alibi. *Nissoria* olim dominus
 Virgilius ille celebris apud Historicos, qui per sum-
 mum nefas Catanam patriam suam prodidit, & Ro-
 berti Andegavensis partes secutus a Friderico II. de-
 fecit. Hinc *Raynaldo de Sano*, datis Ennæ literis mcccxcix
 Rex idem Feudum concessit. Huic filii *Joannes*, &
Nicolaus subrogati; Nicolaus absque prole decedens
Nicolaum nepotem hæredem dixit, cui *Raynaldus* fi-
 lius successit ab Rege Ludovico confirmatus. Hic *Mat-
 thæum de Alexio* consanguineum post se suffecit, qui
 Friderici III. privilegio munitus possessionem iniit.
 Sub Martino Principe varios habuit dynastas, quos
 recensere longum esset; tandemque ad *Joannem Mar-
 chissam*, uti cum Barberius appellat, *Nissoria* devenit;
 sed in ejusdem Martini censu anno mcccvm. *Thomas
 Marchissæ* sancti dominus dicitur, Perstitit eidem
 Marchissæ genti obnoxiam ad seculum usque vii. su-
 præ. quæ deficiente, *Montecatini* parit; hodieque
 ad Franciscum Rodericum Paternionis Principem Ca-
 meratæ Ducem pertinet; qui uti dixi, novum casa-
 le molitur.

NOMÆ Diódorus lib. ii. cap. 90. hæc habet:
 Vol-

Volco Syracusanorum Dux, expeditione suscepta, Ducetium circa Nomas castrametatum effendit, & collatis inde signis, quum multi utrinque occumberent, vix tandem vi Syracusanorum Siculi ad fugam adiguntur ... At Ducetius opibus suis illa pugna fractis, quum milites eum partim deferrent, partim insidias molirentur, ad extremam desperationem adigitur. Tandem, ubi huc rem deductam vidit, noctu fuga arrepta, Syracusas citato equi cursu advolat, & obscura adhuc nocte in forum sese transferens ad aras se prostermit. Ex his clarè deducitur Nomas haud procul Syracusis fuisse. Silius lib. 14. canit: *Comitata Nomais venit Amasira viris. Amastra ad latus Septentrionale stetit, hodie Misiretta, uti alibi dicam. An Nomas apud Diodorum irrepsit pro Menas aut Neas? Urbs enim Sicula esse oportuit, ex qua Syracusas iter erat, quod citato equo noctis non integræ spatio confici poterat. In meis ad Fazellum notis ex hoc ipso brevi inter Nomas & Syracusas itinere deduxi Neas Siculam esse urbem, circa quam Ducetius castrametatus.*

NONYMNA Opidum perantiquum memoratur Stephani Epitomatori ex Philisti historiis. *Nonymnu*, inquit, *Opidum Siciliae; opidanus inde Nonymnus auctore Philisto.* De situ ejus urbis nihil certi habeo; nisi quod locus hodie est vulgari vocabulò *Nouni*. De eo Fazellus, cujus retuli paullo superius verba, & hic repetere non gravabor: *Naunus e Platia veteri ad pass. m. n. sequitur, Collis sibi soli constans, ad cujus verticem opidi prostrati quidem, sed adhuc ignoti, magnum cadaver teritur.* Subdit Cluverius, cui Chiarandantis adhæret: *Has Nonymæ urbis reliquias esse, ex vocabulorum similitudine conicere tantum datur.*

OA-



ANUS fluvijs, vulgo *Frascularis*, oritur in collibus Ragusanis ex fonte *Passolato*, emensisque p. m. vii. inter Hipparim amnem, & promontorium *Rasacaramim*, sive *Scaramim*, in meridionali Sicilia ora ostium aperit. Passus Siclensis appellatur locus, ubi trajectum habet.

De eo antiquissimus Pindarus & Scholiastes, ubi de Camerina, prope quam Oanus fuit: *O urbis Conseruatricæ Pallas celebrat lucum sacrum tuum, Flumenque Oanam, patriamque Paludem. Canit*, inquiunt Scholia, *amnem Oanum & patriam paludem Camarinam.*

OCHULA Opidulum, *Aquila, Alvila, Locuta, & Albila.* Occhiola vulgari voce olim, hodie *Gran-Michele*, de quo dixi, & vetus forte *Echetla*, in collis crepidine omnino ardui, & prærupti ab occasu æstivo, qua regione Menensis æquus ager sese extendit, ab aliis vero celi partibus nonnihil declivis, sed cautibus asperrimi, sedebat ante annum mdcxiii, cum arce in supremo clivo undique inaccessa, quo circa in Regiis libris *Morta* dicebatur. Pari autem distantia a Menis, Calatajeronne, & Lycodia locus abest; & Menas quidem ab ortu, Calatajeronne ab occasu, Lycodiamque ab austro spectabat. Ejus hodie perstant ruinæ; anno quippe enunciato terræmotu concussam & prostratam *Ochutam* in ameniorem proximum campum ad ortum hybernæ Carolus Carafæ ejus Dynasta transtulit *Gran-Michele* appellatum. Foci ex Pirro 447. opidani 1767. adnotabantur, sed in Regiis censibus foci 530. incolæ 1665. Subdebatur quo

quo ad Militiæ munera Leontino Præfecto, & sub Catanae Ieronensi Comarchia computabatur.

Alchila, seu *Alota* (his enim nominibus in Regiis libris *Ochulam* distinctam lego) dominus *Leo de Sancta Stefano* sub Friderico II. erat, cujus hæres Martino Regi insensu castrum amisit, quo *Joannes de Cruillas* anno mcccxcvii. donatus, mox gratum Regi suo facturum illi renunciavit. Ugo hinc & *Calcerandus de Sancta pace* cum Lycodia, & Lacu Leontinensi *Alchilam* in clientelam acceperunt. A Sancta paciis *Brancifortii*, & *Caraffa* ad aliquod tempus tenuit. Vide de Lycodiæ & Buteræ Dynastiis.

OCHULA Unus ex fontibus amnis, qui *Fazello Symethus*, *Erica Cluverio*, *Gurna longa*, & *S. Paulus* circa ostia vocabatur, hodieque in magnum Catanae fluvium illabitur. Erumpit *Ochula* fons, ad collis radices, cui opidum cognomine insidebat; dilapsusque aliorum fontium aquis sibi adjunctis, Menense auget fluentum, quod vulgus Calataliarum, & veteres *Eriam* dixerunt.

OCULUS CILICÆ fons aquæ dulcissimæ mediis maris fluctibus a conspectu *Arethuse* in portu Syracusano exiliens. Vide *Cilicæ Oculum*.

ODEGRILLUM Casale, *Dirillum* ad fluminis ejusdem nominis crepidines in tumultu dudum situm, a *Biscaris* opido haud procul, quod ex illius reliquiis incrementa habuisse contendunt. *Motycensis Comitatus* erat membrum, & in *Martini Regis* literis, quibus *Bernardum de Caprera* Comitem constituit, memoratur. In eodem tumultu perstat hodie Ecclesia ruralis cum ædibus & horreis ad colonorum usum. *Fazellus* *Alaymum de Leontino* sub *Petro Arago-*

gonensii ejusque filiis Bucherii, Palatioli, & Oldorigi dominum vulgavit, nempe, uti conjecto, *Odegrilli*. Frederico II. rerum potiente *Orlandus de Milla* Panormitanus pro *Odegrillo* Regi sacramentum dixit, uti in ejusdem Censu,

ODYSSEUM Promontorium, *Ulyssum* ab Ulyssis appulsu, vulgo *Marfa*, de quo satis dictum, ubi de *Edissa* portu apud Tullium memorato, & de *Marsa*; hoc enim nomine vulgo venit. Illud Lycophron in *Alexandra* celebrat, dum canit,

Sisyphi filii iugosum Promontorium.

Ulysses enim Sisyphi filium fuisse tradunt, inquit Scholiastes. Aretius *Odyssum* ad portum Palorum male locavit, uti dicam.

ODYSSEA vetus Urbs ad portum cognominem sita. Rudera, reliquiarumque meminit Fazellus, & Ego supra ubi de *Castellatio*; illa enim hodie ita appellant. Vide etiam *Hecases Fanum*, & *Hecabes Cynosapium*, ad eundem portum sita.

OGNINA Statio, ac promontorium post Syracusarum portum Pachynum versus. Vide *Lognina*, Ptolomæo *Longum* Promontorium.

OLCADA. Statio in portu majori Syracusano, Vulgo *Rinella* juxta Mirabellam, qui ex Diodoro eruit. Bonannus de Navi oneraria in eo portu, loquutum Diodorum affirmat, quam Græcè historicus ΟΑΧΑΣ appellavit.

OLYMPIUM Opidulum in ora Syracusani portus, a celebri ejusdem nominis templo dictum. Aretius: *Olympi Fanum Jovis* xii. pass. ab *Syraculis* cum opido *Olympico*, everso nunc, e parvo tumulo *Anapum* respicit; ubi Athenienses, multis post annis deinde Romani,

mani, ut *Thucydides*, & *Livius* scripserunt, castra posuere, cujus adhuc extant columna. Tumulum appellavit *Diodorus* lib. 13. *Polichnam*, quasi parvam civitatulam, quæ, ait *Fazellus*, veluti loco, & natura munito & idoneo, *Athenienses* olim, & *Romani* deinde ob obsidionis commoditatem, castra ponere consueverant. Verba *Diodori* sunt. Tum *Athenienses* cum parte copiarum locum portui imminentem occupant, *Polichna*, quam vocant, communita. *Jovis* etiam templum eidem muro includunt. Scribit subinde *Historicus* lib. 15. *Amilcarem* *Carthaginiensem* loca etiam circa *Olympium* occupasse, ad *Syracusas* vallo cingendas. Templum porro *Jovis* memoratur etiam *Plutarcho* in *Nicia*, *Livio*, & *Valerio Maximo*, quorum ille: *Propinquum erat Jovis Olympii sanum, quod capere, quia multa ibi aurea, atque argentea erant dona, cupiebant Athenienses*. Perstant hodie ejus fani haud procul dextera *Anapi* fluminis ripa in via, qua ad *Pachynum* itur, columnæ prægrandes, & locus a *Columnis* appellatur; passimque alia quadratorum lapidum fragmenta occurrunt; unde universi templi magnitudo colligere datur. Perperam tradunt *Scipionem* *Romanum* *Consulem* amictum aureum *Hieron* *Syracusarum Regi*, *Carthagine* expugnata, restituisse, quo templi hujus egregium *Jovis* simulacrum tegebatur, a *Carthaginiensibus* olim sublatum, quum *Hiero* longe ante *Scipionem* vixerit. Non inficior pallium illud aureum *Hieronem* *Jovi* forte consecrasse, quod *Dionysius* iniecto statuæ laneo panno detraxit, uti *Valerius Max.* est author; Peni hinc illud sibi usurpare nequiverant, minusque *Scipio* *Syracusanis* restituere. Aliud quidem *Jovis Olympii* templum in *Acradina* fuisse extructum ab *Hierone* juniore tradunt,

T. P P II.

U

ubi

ubi pulcherrimum Numinis simulacrum. Fazellus id *Urion* Græce dictum vulgavit; Bonannus vero, quum Græcis *Urion* finium esse Præsidem ex Brodeo in *Miscellaneis* eruat, Jovem *Urion* illum esse, qui in Olympio ad Anapum colebatur, adstruit.

ORINEUS fluvius, *Orinis* etiam dictus, & Thucydidi *Erineus*, hodiè *Miranda*, Sarracenis olim *Burgibellus*. Consule *Erineus*.

ORTYGiA Insula, quinta Syracusarum pars, quæ & *Nassos*, una hodie superstes, ac veteribus celebrata, quod prima omnium incolis frequens, & Corinthiorum colonia, Archia Duce, aucta. Thucydides lib. 6. *Syracusas Archias inhabitavit, ejectis prius ex insula Siculis*. Siculi nempe primi eam insulam tenebant, unde illos Archias suis cum Corinthiis adveniēns, ejecit. Ante Siculos Sicani forte colebant; Siculi enim relicta a Sicanis loca occuparunt; Sicani autem juxta ea, quæ alibi dixi, gens indigena, originem ab Iberis trahentes, & a Sicano Rege nomen adepti, alios & Græcos præsertim longe præcellerant. Fazellus *Ortygiam* ex Nicandro *Homothermam* dictam asserit; pauloque post diluvium Ætolos ex opido *Ortygia* profectos, omnium primos illam inhabitasse, nomenque ab eorum patria indidisse, tradit. *Licet sint*, subdit, *qui a Diana, cui eam sacrificavit Antiquitas, Ortygiam vocatam scribunt*. Cluverius a celebri in ea fonte id vocabulum natum prodidit, sed non alius ibi fons præter *Arethusam*. *Ortygia*, porro, verba sunt Scholastici Pindari ex Ibyco, *quum antea esset insula, postea per aggerem continenti adnexa peninsula facta est*. At Strabonis & Tullii ætate, ponte aliis urbis partibus adungebatur. *Ortygia ponte cum continenti conjungitur*, scripsit ille lib. 6. & Tullius Verr.

vi. Per-

vi. *Portus habet Syracusa prope in edificatione, aspectuque urbis inclusos, qui quum diversos inter se aditus habent, in exitu conjunguntur, & confluant. Eorum conjunctione pars opidi, quæ appellatur. Insula mari disjuncta angusto, ponte rursus adjungitur, & continetur. Iterum aggere peninsula effecta ab Thucydidis Scholiaste inducitur: In peninsula jacet Syracusarum urbs, hinc magno portu, illinc altero mari isthmum conscientibus; perduravitque ad sæculum usque proxime elapsum, & ejus annum lxxxiii. quo Lignensis Principis Siciliæ Proregis jussu bina fossa excavata, aquis undique circumflua, in insulam denuo evasit, duplici tamen ponte instructam. In ea dudum hæc videbantur memoratu digna. Fons Arethusæ, de quo uberius supra, Minervæ templum, quod sacris Christianis perpuratum Princeps est hodie Ecclesia; Templum Dianæ, cujus pauca vestigia in regione Rasalibra Aretii ævo perstabant; Arx, & ea ingens, a Dionysio Tyranno olim extructa, ex qua insula ipsa nomen quoque assumebat; ejusdem Dionysii domus magnifica illi adhærens; ambo Timoleontis jussu solo æquatæ; Hieronis domus, & Romanorum ævo Prætorium, aliaque a Mirabella, Bonanno, Fazello, & Cluverio fuscè descripta. De *Ortygia* rursus, ubi de Syracusis.*

OXINIS Arx vetus, & casale, collis jugo imponebantur inter Militellum, & Francofontem, cujus radices fluentum *Agatupis* vulgo dictum alluit. Superfunt reliquæ, & substructiones; cryptæ nempe, & integrum arcis vestigium; Fazelli enim ætate hæc extabat. Tenuit Alaymus Leontinus ex donatione Rogerii Regis, indeque *Lanfrancus*, aliusque *Alaymus*, qui sub Aragonensibus vivebat. In Friderici II. censu

Okinis dominus *Nicolaus Lanca* dicitur; subinde ad *Alagonis* transiit; hinc sub Martino anno mcccclviii. juris erat *Rogerii Passaneti*, ejusque uxoris *Violante Alagonæ*. Sub clientela aliquando gentis *Brancifortie* stetit, a qua *Antonius Bonajutus* emit; Catanensi subinde *S. Clare* Monasterio attributum cessit; novissime circa elapsi sæculi finem *Villarmosæ* dynastis ex nobili *Tedeschia* familia ejusdem urbis; hodieque *Petrus Thedeschi* possidet.





ACHYNI PORTUS. Vide *Langbardum*.

PACHYNUS, Promontorium, orientale Siciliæ latus cum Peloro definiens, incolis *Caput Passarum*. Pro tenditur in Siculum, seu Jonium, Africumque mare; & Græciam, si ve Peloponnesum, a quo ecce pass.

μ. distat, prospiciens, meridionalem quoque plagam attingit. Speculam olim habebat turrim; hodie arcem muris prominentem; longe quippe ac late bis pass. μ. ad austrum in mare effusum, atque ibi paulisper depressum ad sinistram curvato littore se flectit; peninsulamque efficit, ubi ad ortum procurrit. Peninsula hæc oc. passibus in circuitu patet, aspera, & salebro sa, altisque prærupta cautibus. Unde illud Virgilii *Æneid.* 3.

Hinc altas cautes, projectaque saxa Pachyni Radimus

Et Ovidius *Metam.* 5. ait *Caput inde Pachyni*

Respicit Jonias protensis rupibus iras.

Isthmus angustissimus xx. vix pass. brumali tempore maris fluctibus utrinque sese obviantibus, sæpillime obruitur. Unde Nonnius Dionysius lib. 13. *Insulare solum* Pachynum appellat, & Lycophron in *Alexan. Scopulum insulare* dicit. In hac peninsula Arx elapso sæculo excitata munitissima; muralibus tormentis, Præfecto, & militibus instruitur ad Afros coercendos pyratas, & proximas insulæ oras tuendas, ubi etiam pro noxiis carceres habentur. Ad *Pachynum* Apollinis Libystini celebre templum, seu Refugium, de quo

su-

supra. Quod *Myta* ibidem fuerit, depravatus, amanuensius vitio, Pausaniæ locus Fazello imposuit, uti alibi dictum.

PALAGONIA. Opidum, *Paliconia* ex Palicæ vetustissimæ urbis reliquiis ortum juxta nonnullos habuit, quod in agro, ubi hæc olim sita, proximo exurgat: Pirrus cum Fazello recens dixit, sed Episcopo Syracusano attributum vulgavit; diploma hinc Alexandri III. Ecclesias *Palagonia* ad Syracusanam Diocœsim pertinere innuit. Sedet contra occidentum æstivum solem in declivi sub colle, qui a *Cruce* dicitur, de quo alibi; Ampla hinc area circa opidi oras sternitur, cum lapideo labro, quod aquas sub Famæ statua exilientes recipit; & basi insuper marmorea, cui S. Febroniz V. M. simulachrum insidet, veluti præcipue, & tutelaræ patronæ. Ad ejusdem aræ australe latus princeps parochiale templum B. Apostolo Petro dicatum, fatisque excultum consurgit, nec inde proculstant Dynastæ ædes decentissimæ. Contra fontem Christi Domini e Cruce pendentis Ecclesia Sacramentis etiam populo administrandis adiecta; Ad aquilonem denique S. Antonii de Padua Minoritarum arctioris reformationis cœnobium ab anno mdcxci. ædificatum, quod Pirrus Carmelitanis attribuit. Extra S. Febroniz ædicula græcanicis picturis veterum more ornata, cui Eremitarum cellulæ adhærent. Intra pomerium minores aliæ Ecclesiæ vi. incolarum fovendæ pietati patent. Degunt *Palagonenses* sub clientela nobilissimæ *Gravina* gentis, quæ variis titulis commendatur, & nostri opidi Princeps in publico Regni totius Conventu xxxi. votum profert, annuos illius magistratus designat, gaudetque gladii potestate.

La

Lares in Caroli Cæsaris censu 300, capita anno mxcv. computabantur 10419. Medio elapso sæculo foci 427, capita 1579. Anno mcccxi. foci 816. animæ 1886, quæ diebus hisce nostris 1419. Parocho, sive Beneficialium animarum cura inuncta, Episcopi Syracusani Vicario in Clericos iurisdicendi facultas commissa est. Ab Leontinorum Præfecto, sive Instructori, quæ ad militiam spectant, administrantur, cujus urbis in Comarchia etiam venit. Latitudo demum est xxxvi. xv. Longitudo xxxviii. xxx. designatur. Regiones in eo de Saraceno, & de Tribus fontibus vetustatis adhuc varias servant reliquias; S. Joannis Ecclesia ad pass. m. antiquitatem quoque omnimodam præfert.

Ad Dynastas quod attinet, jam supra indicatum ab Rogerio Comite *Palagoniam* Syracusanæ Ecclesiæ concessam, ad hujus diocesim pertinuisse. Unde ad *Franciscum de Palagonia* devenit. Hunc in meo ad Fazellum Auctario, aliorum relatu, eidem opido nomen dedisse affirmavi; nunc melius re perpenſa, Franciscum ab opido, cui præerat, potius fuisse appellatum dico. *Rogerus Lauria* Hispanus Talassiarcha, qui sub Jacobo vixit, *Palagonia* donatus, a Friderico Jacobi fratre, & successore deficiens, opidum amisit, quod *Blasus Alagona* obtinuit, & filia *Violanta Rogerii Passaneti* uxori attribuit; *Passanetus* idcirco anno mcccxx. eidem Friderico Regi pro casali *Palagoniæ*, & aliis sui juris sacramentum dixit. Sed Regis animus mox offendit; *Philippus Viginimilius* Francisci senioris filius obtinuit, & hujus hæres subinde *Philippus* alter. Sed Passaneti in Principis gratiam receptis, ad hos rursus opidulum devenisse puto, ob illorum quippe a Martino I. descensionem, hic *Beringorium Cruillam* anno mcccxcir. *Ubertinum* mox de *Græa* Rationum Magistrum *Palagoniæ* dominos constituit.

fituit; quibus refigantibus, *Calcerando Samminiato* concessit. Contra hunc Vigintimillius jus suum ex-
pire anno mcccxvi. conatus, causa excidit; hinc fe-
quentis sæculi anno viii. Calcerandus in censu ejus-
dem Martini se beneficiarium pro *Palagonia* profes-
sus est; Mox *Jacobo Gravina* indicto pretio illam
vendidit, qui, ut sibi ac suis caveret, a Riccardello,
sive Rogeriello Passaneto, Rogerii & Violantæ filio,
de quibus dixi, rata haberi, quæ Calcerandus gesse-
rat, accuravit.

Fuit *Pinus* (sic enim vulgo appellabatur *Jacobus*, contracto ex *Jacopino* vocabulo, perperamque Baronus in *Amphitb. Nob.* veluti duos *Pinum*, & *Jacobum* induxit) Regi a secretis, ejusque consanguineus, illustrissimæ gentis suæ apud Catanenses caput, rebusque domi, ac foris præclarè gestis notissimus, filiumque & hæredem *Carolum* habuit; unde *Hieronymus*, quem excepit *Joannes*; ex Joanne natus *Hieronymus II.* Hic ducta in uxorem *Contissa Moncada*, & *Cruillas* Francofontis dominus evasit, & Marchio, genuitque ex ea *Ferdinandum*, aliosque filios habuit cum Eleonora Isfar Corilles; gessit Proregis vices in Valle Netina, ac variis præfecturis se commendavit: Ex Ferdinando, & Beatrice Joenia complures nati, Hieronymus nempe, qui ad Minores Capuccinos Dei Spiritu ductus transit; *Laurentius*, qui sine prole decessit, & tertio loco *Berengarius*, seu *Berlingherus*. Feliciæ Gravinæ adjunctus, ex qua *Ludovicum* suscepit, primum *Palagonia* Principem, Philippi IV. privilegio anno mdcxxx. designatum. Florenti hinc ætate decessit; ejus frater germanus *Ignatius* idcirco obtinuit; Calatravæ Eques, cui filius ex *Æmilia Agliata* procreatus successit *Ferdinandus*; huncque *Ignatius* procreavit.

tius Sebastianus hæres eî subsecutus, quem ille cum Constantia Amato conjuge genuerat. *Ignatius* primis nuptiis Anna Maria Bonanno ex principibus Roccæ. Floridæ sibi copulata. *Ferdinandum Franciscum* accepit, virum variis titulis commendatum. Fulsit enim, Velleris aurei Eques, Victorii Sabaudicæ Ducis, & Caroli III. Bourbonii Regis Aulicus ex XII. Regni Curatoribus, iterum Panormi Prætor, ex Magnatibus Hispaniarum, Supremi Consilii Siculi Neapoli Præses. Quibus in munis prudentiam quammaximam dexteritati eximie adjunctam patefecit. Post eum *Ignatius Sebastianus II.* sufficitur, matre Anna Maria Luchesia natuſ. Hic patriæ Prætor difficillimis sane temporibus, quum scilicet, Messana, ejusque finibus peste afflatis, omnia timerentur; quocirca, voti causa, ære suo Sanctæ Rosaliæ Virgini statuum e marmore in Templi Principis aerea Panormi dicavit, S. Januarii Cruce insignitus, ac Serenissimæ Amaliæ Reginae Majordomus elaruit, habuitque ex Margarita Agliata *Ferdinandum Franciscum II.* anno MDCCXLVII. *Palagonia* principem vocatum, qui cum Maria Joachima Cajetana Rahalmuti Comitissa nuptias celebravit. Hodie prole destitutus vivit. An *Palagonia* Panterga fuerit, mox videbimus.

PALATIOLOM Opidum non infrequens in colle contra Buxemium, valle, & fluento, intermediis, ad ortum hybernum & meridiem sitam, prono quidem solo sedet, adeo tamen leniter acclivi, uti majori ex parte planis viis constratum videatur. In antiquis cartis *Placcolum*, vulgari nomine *Palazolys* dicitur. Quod *Acræ* olim fuerit, Fazellus, & Bonatus invictè, contra ac sentit Claverius, sustinent, &

alibi Ego illis adhærens latius expendi; prominet enim illi a meridie tumulus exelis, asperisque rupibus constans, ad v. circiter passus, cuius vertex æqua planitie extenditur, ambitus pass. m. *Acraemon* appellatus, & nomen idcirco adhuc hodie servans. Aditum illi præbet, ab ortu, & septemtrionibus angustum adjuncta moles, ardua & ipsa, circa occasum vero difficilis admodum ascensus via etiam patet. Latus orientale Cryptas exhibet, in quibus veterum sepulchra, in saxo excisa, illis non absimilia, quæ Syracusis, in S. Joannis, seu Pelopiis antiquissimis antris spectantur; e suprema autem area aspectus est, undique jucundissimus; nedum enim Augustæ portus, Megaræ sinus, Syracusana ora ad Pachynū usque veluti, sub oculis habentur, sed & ultra id promontoriū ad Terranovā, Africum mare, australeque Siciliæ littus eminens spectandū se præbet. Sub ejusdem aræ ingressum Minores Observantes Cenobium dudum habuere, de quo inferius, S. Mariæ de Palatio vocabulum referens, quod illi inditum tradunt ab elegantissima Hieronis domo; hinc vetus Græca inscriptio in superliminari ad cenobii peristylum: ΙΕΡΩΝ, aliarumque characterum vestigia longa ætate corrosa, rudera, eaque ingentia, molis non vulgaris quadri lapides, & profundissimus limpidæ fluvialis aquæ puteus, nec non in eo subterraneæ viæ cuniculorum instar, ad proximum subjectum flumen, ducentes, vulgari famæ fidem adstruunt. Sed illud potissimum, quod *Acra* hic fuerint, evincit, quod per *Palatiolum* adhuc hodie rectum & compendiosum ad Gelam & Camarinam a Syracusis sit iter, a Dione olim dubio procul arreptum, contra Dionysium Tyrannum cum suorum manu ducente; quo quidem in itin-

ne-

nere illum *Acras* tenuisse veteres Historici produnt. Hinc Leontini, qui Epipolas pro Dionysio tuebantur, de patria solliciti, ne ab Dione occuparetur ad sua redire; E *Palatiolo* enim facilis est ad Leontinos, obuiusque excursus.

Quum porro *Patiuri* opidi, ex Aretio, meminerit Ptolemæus, hujus loco *Palatiolum* surrexisse inconsulto ille tradit, qui *Acras*, ad Claromontem statuerat. Atenim nullum hujus nominis fuisse opidum olim in Sicilia Cluverius advertit; & *Patiurum* pro *Paropo* apud Geographum irreplisse tradit. *Paropus* autem alibi situs. De Erbesso cogitat idem Cluverius; nam Erbesus a speluncis nomen fortitur, & apud *Palatiolum* magnam esse specuum multitudinem constat. Verum jam supra ad Pantalicanam Erbesi situs cum Fazzello designatus. Sed ad recens opidum redeamus, quod ab Hieronis Palatio in Acremonte posito dictum *Palatiolum* nonnulli perhibent. Princeps in eo templum. Parœcialia jura habens, cum *Beneficiali* sive Archipresbytero infra collis latera æquiori situ constructum S. Nicolai titulum præfert, quod Bartholomæus Episcopus Syracusanus anno mcccxv. sacro linivit oleo. Memorat Pirrus S. Martini Ecclesiam præcipuam habuisse olim dignitatem, sed hæc hodie nulla est, passimque creditur sacram fuisse Castellæ ædem, cui majoris titulus appingebatur. Subrigitur cetero S. Nicolai in declivi circa inferiores radices ad ortum, ibi enim frequentior tunc erat civium incolatus; ampla est & magnifica cum tholo, quam a latere large patens area ambit. Ab ea non procul Fratrum Prædicatorum Cœnobium in extremo ejusdem areæ, S. Pauli Ecclesiæ adhærens, ubi forum venale inferius, sta-

mam opidi oram in ortum sodalium insuper sunt cętus; minores demum Ecclesię reliquę ad quinque enumerantur. His, totique clero Syracusani Episcopi Vicarius jus dicit. Civibus per quatuor regiones S. Pauli, S. Michaelis, S. Sebastiani, & S. Antonii, juxta enarratas supra Ecclesias divisus, Magistratus Regni legibus respondens, a Dynasta designatus pręst; qui in Civili Basilica decentissimę, eleganterque constructa publica munia exercet. Opidi stemma Castellum exhibet, sive Palatium. Id olim in Acręmontis vertice extabat, ruinis hodie undique patet. Censentur nunc lares 1410. incolę 5937. Sub Carolo Cęsare 853. 5151. erāt. Sęculo xvii. 1324. 5136. decurrentis anno xiii. 1410. 5609. Clauditur in Bidenensi Comarchia, & sub Calatajeronis militari Pręfecto degebat.

Quisnam *Palatiolum* Northmannis insulam regentibus tenuerit, me latet; quum proximum Buxemii opidum Gauzeidi Comitis Ragusę, Rogerii filii, heredibus subjectum cum aliis circa positis legamus, haud inani conjectura, nostrum quoque ad illos pertinuisse pronum est opinari. Sub Friderico Imper. & Sicilię Rege *Albertum Pallavicinum Palatioli* dominum invenio, mox *Peregrinum de Balos*. Primis Aragonensium temporibus *Alaymus de Leontino*, cum Bucherio, & Odogrillo tenebat; Inde *Guillelmus de Castellar* affecurus, filiis reliquit, qui in Friderici II. censu anno circiter vcccxx. beneficiales pro eadem opido sese professi sunt. Ex his ad *Alagonas* transit, *Mattheusque* ejusdem gentis, Martino regni potente, *Palatioli* Dynasta dicebatur. Ex eo & Bartholomęa Montaperto *Matthęucius*, vulgo *Mazziotta*, Blascus, & Joannottus, qui cum patre proscripti,

pti, Eleonora, & *Berengaria* prodierunt. Huic postremæ, quæ & *Berlingheria*, Alberti Capocii Regi a cubiculo uxori, mater Bartholomæa *Palatiolum* donavit. Verum Martinus id opidum, Bibinum, & Bibinellum seuda *Pontio de Incensa* ob strenuam sibi navatam operam anno mcccxiij. concessit. Hic in Hispaniis mortem obiit, *Frazzinia* unica filia hærede relicta, quæ in Siciliam remeare quum recusasset, juribus suis cedens, florenorum millia viij. a Rege accepit, *Jacobo Campolo* Regni Quæstore summam supeditante, qui sæculi xiv. anno ultimo in opidi dominium idcirco immissus est.

Quum vero Bernardo Capreræ *Campolus* adhæsisset, seque in opido & arce contra Regios milites munire constituisset, auxiliares illi copias Bernardus, *Bombardam*, & *pulverem de Bombarda*, uti mistum loquitur, misit. Tunc *Joanni Bardaxino Palatiolum* Martinus attribuit. Caprera in Regis gratiam recepto, *Campolus*, Capreræ interventu, defectionis penas evasit. Sed illi litem intendit *Eleonora Alagona*, *Mazziottæ* filia, si Mugno credimus, & anno mcccv. in judicio obtinuit, *Albarusque* de Heredia ejus maritus *Palatioli* Baro est appellatus, ac in censu Martini de anno mcccviij. Sacramentum dixit; sed eo mortuo, secundis nuptiis *Eleonora Petro Ledesma* Regio Falconario copulata, in hunc jura sua transtulit, obiensque donationem confirmavit, quam *Alphonfus*, & *Joannes Siciliae* Reges ratam subinde habuere, uti in Capibrevio Barberius tradit. In *Sicilia Nobili* eximii viri *Francisci Emanuelis* par. 2. lego ex *Petro Ledesma*, & *Eleonora Alagona Berengariam*, *Albaro Heredia* nuptam ortum habuisse, quibus

bus idcirco opidum obtigit. Sed *Albarum* longe ante *Palatiolo* potitum, ex Regiis libris jam supra adnotavi. Mugnos ex Eleonora Berengariam, Capotio nuptam, ex his Eleonoram, Heredia uxorem prodiisse scribit, quibus sine prole decedentibus, Petrus Ledesma obtinuit; hinc Andreas Alagona, Blasci, aut Joannetti filius. Barberius post Ledesmam *Andream Alagonam* veluti legitimum hæredem susceptum tradit; laudatusque Emanuel anno mccccclxxix. ab eodem *Andrea* initam possessionem refert, quod *Berengaria* prole caruerit. Fuit Andree uxor Elisabetha Santapace Pontio II. Lycodie Dinatę orta, ex quibus *Artalis*, & Belladama. Hęc Nicolao Melchiori Brancifortio conjuncta dotis nomine amplissimum Tavis feudum, a matre acceptum ei detulit; *Artalis* N. Bonajuto copulatus *Palatiolū* patris hereditate accepit; unde *Vincencia* prodiit, e cujus manibus *Mattheus Luchesi* Suttasari Dynasta opidum vindicavit, quod obnoxium, ob es alienum exolutum, illud haberet; anno hinc mclii. *Palatioli* Baro est appellatus. At non diū *Franciscus Santapace* Buterę Princeps pretio numerato illud suę adjecit ditioni; moriensque *Camille* filię ex illegitimo thoro susceptę cum Licodia reliquit. Duxit hęc primis nuptiis *Guttierram Velasquez*, qui anno mdcxxii. primus *Palatioli* Princeps Philippi IV. Regis privilegio renunciatur. Quumque ex hoc conjugio nullus superesset, & Guttierras diem suum Lycodię clausisset, cum *Mutio Ruffo* ad secundas *Camilla* nuptias convolvit, tulitque filium *Vincencium*. Hic Joannam Ruffo sibi adjunxit, cui Scilla, Sinopolis alięque in Calabria Dynastię obtigerunt, genuitque cum ea *Franciscum*, *Fabritium*, & *Tiberium Josephum*. Ille ju-

ri-

ribus suis cecit, alter celebs obiit; *Tiberius* ex *Agatha* Brancifortia uxore *Guillelmum* suscepit anno MDC-
xxxiv. *Palatioli* Principem appellatum. Hujus & *Sil-*
vię de Morra filius *Carolus Antonius Sinopolis* Co-
mes, *Caroli Regis* *Aulicus* vivit, qui cum *Teresia*;
Favar de Strada *Guillelmum Antonium* procreavit,
ex *Avi*, ac patris renunciatione nostri opidi princí-
patu & dominio donatum. Luce etiam hic fruitur una
cum *Lucretia Riggio* ex *Campifloridi* principibus con-
juge prole dives.

Ex *Palatiolensibus* Viri illustres memorant ut *Paul-*
us Bonus Minor Reformatus, qui primum inter *Ob-*
servantes non vulgari morum innocentia vixit, subinde
strictioris vitę desiderio ad Reformationē transiit, hanc-
que pene intermortuam in *Sicilia* instauravit. Piissime
in Domino obdormiit *Agrigenti* anno MD. . . De eo *Caje-*
tanus in *Idea*, *Aprile* & alii. *Bernardus Maria* de *Jesu*
Carmelita *Excalceatus*, humanis scientiis sacras adjun-
xit, & sui admirationem excitavit. In *Mystica Theo-*
logia versatissimus *Animarum* in via perfectionis se-
dulus moderator, consilio, & prudentia plurimum va-
luit; *Gradus* omnes in sua Religione emensus, *Gene-*
ralis Procurator in *Romana Curia* claruit. *Panormi*
anno MDCXCV. non levi pietatis opinione mortuus. Re-
liquit ingenii sui monumenta, de quibus *Mongitore*.
Bartholomęus *Ordinis Eremitarum S. Augustini* vir-
tutibus illustris, de quo *Cajetanus*, & *Pirrus*. Inter se-
minas *Hieronyma Scalza* floruit *Tertii ordinis S. Do-*
minici morum candore, & vitę perfectione clarissima
Obiit die vii. Septembris MCCCXXII. in patrio cenobio
tumulata. Ejus meminit *Pirrus*.

Palatioli latitudo gradum XXXVII. xxx. exęquat;
lon-

longitudo xxxviii. xxxv. Ager quamvis angustus omnia ad vitę necessaria, atque ad delicias suppeditat, fontibus scatet, venationi aptissimus censetur.

PALICA Urbs vetus, hodie vix cognita ex ruinis, quę juxta lacum, seu Craterem *Palicorum*, & in proximo tumulo spectantur. Illius conditor Ducetius Siculorum Rex passim traditur Olympiadis lxxxii. anno iii. ante Christum Dominum ccccliii. Diodorus lib. ii. *Quum Lysicrates Athenis Reipublicę præflet. Ducetius Siculorum Princeps ex publico ærario magnis instructus opibus urbem Neas, quę patria ejus erat, in æquum & apertum campum translulit, & juxta fanum Palicorum urbem præclaram extruxit, quam a Diis jam dictis Palicen nuncupavit.* Et paullo post. *Ducetius itaque cum Palicam a se conditam muro egregio cinxisset, agros circumjacentes divisit, quę propter soli ubertatem, tum incolarum multitudine brevi miram in modum crevit.* Quandonam porro defecerit, aut qua ex causa non aperit, subditque tantum: *Non diuturna tamen fuit illa felicitas; diruta enim, ad hoc usque tempus deserta, & irreparata mansit.* Aratur hodie totus circa lacum campus; in proximo tumulo exigua substructionum vestigia manent, testarumque copia, quę veteris ædificii, ubi occurrunt, indubitata indicia præbent. Consule Fazellum.

PALICORUM Fanum, ac Lacus. Utrumque describit Diodorus lib. xi. qui ex Cluverio & aliis xii. quamvis in quibusdam rem supra verum efferat, neque iis, quę hodie experimur, saltem concordat, uti adnotabo. Ait igitur: *Fannm hoc tum antiquitate, tum religiosa veneratione, quod multa in eo rara, & stupenda eveniant, ceteris longe præferendum esse di-*

T. P. P. II.

Y

Ali-

Elitanti. Ac primo Crateres in illo existunt, amplitudine quidem non ita valli, sed qui ex profunditate inenarrabili scintillas ingentes eructant, lebetum naturam referentes, vi ignea astantium, unde fervens aqua ebullit: Scintillæ hujusmodi nostra ætate, minime exiliunt; crater præcipuus unus est circa meridianam lacu oram, sed alii minores non pauci sunt, ebullientis quoque lebetis instar. An aqua porro subsultans fervorem habuerit, incertum dicit Historicus, quum nemo contingere fuerit ausus, exaltationemque illam a Divina quadam necessitate provenire, falsa opinione sibi veteres persuaderent, sed sulphuris odorem præbere tradit, atque ingentem horrendumque rumorem edere. Atenim experientia constat, calorem nullum inesse lacui; Sulphureum vero terrumque odorem emittere, qui proxime accedunt, ultro fatentur; rumor nec ingens, nec horrendus exauditur, sed qualis passim lebes edit. Tum, prosequitur, quod longe admirabilius, humor ille neque super effunditur, neque subsidit, sed perpetuo agitatæ motu, stupenda profluxus vi, in altum se extollit. Alibi in ejusdem naturæ crateribus id etiam evenire passim experimur, veluti in Salinis prope Paternionem. Quum ergo tam Divina Sacrarium illud Maestas obtineat, sanctissima illic jaramenta præstantur, & repentina Numinis vindicta pejerantibus incambit; nonnulli enim oculis capiti delubro excedunt. Ingens ergo religio loci efficit, uti arduis intrigati controversiis, quando superioris potentie injuria præmuntur, juri tandem jurandi interposita religione, exitum causæ inveniant. Fanum denique hoc per aliquod tempus inviolatissimum est Asylum, quod sævis calamitate oppres-
sis

fis, præsertim vero Dominos inclementes nat̃is, pluri-
um auxilia præbet; nec qui illuc confugerint, illos
per vim heris abducere non licet; sed inviolat̃i illic
tandiu permanent, dum per benignos arbitros Domini
persuasi, fide securitatis juramento confirmata, illis re-
cõciliantur. Nec ullus memoriæ proditus invenitur,
qui datam servis fidem violaverit. Situm vero est hoc
templum in campo amēnissimo, & Deorum majestate
dignum; porticibus atque aliis diversoriis magnificè e-
xornatum. Polemon lib. de Admirab. Sicil. Fluminib-
us, apud Macrobiū lib. 5. Satur. cap. 19. enucleati-
us jurisjurandi explicat ritum: Palici, qui dicuntur ab
incolis, pro diis indigenis habentur. Horum fratres
sunt Crateres humi depressi. Ad eos accedere, q̃i ve-
l̃int, ab omni scelere, atque contagione munda sint...
Aqua eorum est turbida, ac colore similima albæ il-
luvic̃i, quæ humi sita est. Ea egeritur voragine asiu-
ante, strepitumque edente, quales sunt gargar̃es sarsuin
ebullientium aquarum. Sed & profunditatem horum,
craterum ajunt esse infinitam, ita, ut si boves inci-
dant, vel asini bijugi in id præcipitentur, vel vacca in-
filiant, nusquam appareant. Ceterum jusjurandam hic
Siculis est maximum, quo se purgant, qui aliquo cri-
mine accusantur. Qũi id juriurandum exigunt, tabel-
lam tenentes prædicant juraturis, de quibus rebus
jusjurandum exactari sint, qui jurat ramum vibrans,
fertoque redimitus, & discinctus, simplici tunicâ in-
ductus, ac manu contingens craterem, verba præcantis
sequens juriurandum peragit. Quod si verè ac bona fi-
de in prædicta verba jurat, illæsus atque incolumis do-
num discedit; sin verò pejeret, ante ipsos Deos expirat.
Quum autem hæc fiunt fidei jassores dant, qũi Sacer-

dotibus solvant expiationem, si quid novi eveniat piaculo obnoxiiis. Cetero circa hunc lacum Paliceni inhabitant urbem, diis cognominem, Palicem. Apud Stephanum denique ita scriptum: *Palica opidum Siciliae. Theophilus autem descrip. Sicil. lib. xi. Palicinum ait esse fontem, ac prope eum templum Palicorum, qui duo sunt genii, quos Æschylus in Æna Tragedia filios facit Jovis, ac Thaliæ Vulcani filia. Silenus verò lib. ii. Æna Oceani filia & Vulcani. Dictos autem Palicos ajunt, quod quum mortui essent, rursus ad mortales redierint. Est autem fons quidam apud Palicos in Sicilia amplitudine decalinus; Is aquam eijcit ad altitudinem vi. cubitorum, tanta copia, uti spectantes putent campum cum omnem inundaturam; ac rursus in se redit. Est ibidem & sanctum iusjurandum; quippe is, qui jârat & quæ jurat, tabella inscripta in aquam immittit; quod si bona fide jurat, tabella innatat, sin vero pejeret, submergitur; atque evanescit, ipse autem comburitur. Similia habet Aristoteles lib. de Mirandis. Ea porro ipsis veterum verbis expressi, ut iis fides habeatur; haud enim est dubium, vel falsa magna ex parte esse, aut ope dæmonis, ut cæcos falleret Æthnicos perpatrata. Sed & fabula Palicorum, hujusmodi est Servio super illud Virgilii: *Pinguis ubi et placabilis ara Palici. Ænam nympham, veluti quidam volunt Thaliam, Jupiter quum vitiaisset, & secisset gravidam, timens Junonem, ipsam puellam terræ commendavit, & illic enixa est. Partus eius postea, quum de terra erupisset, duo pueri Palici dicti sunt, quasi iterum venientes. Hi primo humanis hostiis placabantur, postea quibusdam sacris mitigati sunt, & eorum immutata Sacrificia. Inde ergo: Placabilis ara.**

Ma-

Macrobius quoque in Saturnalibus de eadem fabula libro citato. *In Sicilia Symethus fluvijs est, juxta hunc nymp̃ha Thalia compressa, Jovis gr̃avida, metu Junonis optavit, ut sibi terra dehisceret. Factū est; Sed ubi venit tempus maturitatis infantum, quos alvo illa gestaverat, reclusa terra est; & duo infantes de alvo Thaliæ progressi emerferunt, appellatique sunt Palici, quoniam prius in terram mersi, denuo deinde re versi sunt. Nec longe inde lacus breves sunt. Et post aliqua de templo, & jurejurando, necnon de vindicta pejerantium. Hæc res ita religionem fratrum commendabat, ut Crateræ quidem implacabiles, Palici autem placabiles vocarentur. Nec sine divinatione esse Palicorum templum; Nam quum Siciliam sterilis annus arefecisset, divino Palicorum responso admoniti Siculi Heroi cuidam (Hic Adranus creditur, uti alibi dicam) certum sacrificium celebraverunt, & revertis ubertas, qua gratia Siculi omne genus frugum congefferunt in aram Palicorum, ex qua ubertate ara ipsa pinguis vocata est. Advertit idem Macrobius Crateres a Siculis Dellos appellari. Nonnulli ex antiquis Meneninum fontem, quod a Menis bis pass. m. distat, dixere. Naf̃tia hodie ab eruditis, Punico fortasse nomine, & Namf̃etia vulgo vocatur. Et si alii id nomen veteribus usurpatum dicant: Plinius enim Eph̃ñtiam sua ætate appellatum testatur. Notat Fazellus ævo suo, quum aliquando Sicilia ariditate laboraret, stagnum exaruisse, e cujus crateribus ventis solum furentibus, pulvis tantum efflabatur. Id aliis quoque temporibus accidisse tradunt. Aquas fornacula distillatas nigrum oleum, pingue, ac foetidum reddidisse, qui experti sunt, affirmant. Halitus sulphurei, ubi exitum*

tum non inveniunt, terram circa vicinia concutiunt, sepe vero per aerem diffusi brutis infesti accidunt, quorum aliquot veluti vi attracta ad lacus marginem usque delata, post membrorum concussionem viribus destituuntur, & intereunt. Proximo in agro Favarotta persæpe iidem halitus circa aerem imagines rerum efformant, itin erantes, equites, rusticos soli cultores, armenta, caulas, pastores, aliaque his similia representant. *Palicos* in Paternionis, olim Hyblæ majoris, & in Adrani finibus constituunt nonnulli, quia juxta Symæthum illos Virgilius posuerit; Et Symæthus fluvius ille est, qui *Magnus* vulgo, ad utriusque opidi oras decurrit, uti suo loco expendam. Reliqua de *Palicis* apud Fazellum invenies.

PALORUM PORTUS. Navium statio est ad Pachynum promontorium veteribus innominata; male hinc Aretius cum portu Ulyssis, seu Odysseo, confundit, qui hodie Marsa dicitur, & post hanc nostram succedit ad australem oram. Contra *Palorum* portum, Fazelli ætate *Alga* appellatum, jacet Currentum insula, de qua dixi. Dirutæ urbis vestigia ad II. pass. M. intra mediterranea spectantur, perperam ab eodem Fazello Motyæ credita.

PALUS LEONTINENSIS. Consule *Leontina Palus*.

PANCALIS Tumulus supra Leontinos, quem veteres *Hieropolim* dixerunt. Alibi Ego quorundam opinionioni adhærens *Hieropolim* Tironis verticem esse scripsi, qui *Pancali* subjacet; hinc Aretius: *Urbi Leontinorum altus imminet collis Hieropolis nomine*. Memoratur etiam Cajetano in Vitis SS. Siculor; qui profundas illi subjacere valles, ac prærupta ardua latera esse

esse testatur, ab occidua præsertim celi plaga. Gualterius plumbeas glandes inscriptas affert, ibidem effossas, unde olim mortalibus frequentem fuisse locum merito arguimus. Goltzius quoque illius meminit. Vide *Hieropolis*. Philadelphus Mugnos de *Raptu Proserpine* fol. 51. more suo fabulatur, & in colle Polyphemum Gigantem nuptias cum Galathea celebrasse scribit. *Pancalis* feudum juris erat *Antonii Specialis* sub Martino Rege, hodie possidet gens Francica.

S. PANCRATII Casale olim, tertio lapide a Motyca, de quo Carassa. Ibi ædes magna, antiqua, quadratis lapidibus tota, cum fornice, maximo labore extructa, parastitis columnis subnixa, eidemque S. Episcopo consecrata. Prope vetustissimi Monasterii vestigia, substructionesque spectantur, quod olim Ordinis S. Benedicti fuisse tradunt. Juris est hodie ager Majoris Ecclesiæ Motycensis.

PANTAGIAS Fluvius, *Pörcarus* hodie, & *Brucæ*, *Pantachus* Ptolemæo, qui inter Taurum promontorium, seu S. Crucis, & Catanam optime statuit. Celebris est Poetis Virgilio, Ovidio, Silio, Claudiano, & Historicis Thucydidi, Plinio, ac Vibio. Quorum primus de Ænea loquens ipsius ore lib. III. canit: *Vivo prætervehor ostia saxo Pantagiæ*. Ostium quippe amnis hujus in Brucæ emporio, seu canali, quod alibi descripsi, ad utramque ripam rupes habet vivas ad xx. ferme cubitos altitudinis editas; miscenturque illius aquæ maris undis per spatium m. circiter pass. ubi stagnant, & parvorum navigiorum stationem efficiunt. Silius verò lib. XIV. *facilem superavi gurgite parvo Pantagiam* describit; ubi enim pluvialibus aquis minime auctus decurrit, alveum habet, qui traici perquam
fa-

faciliter potest. At Claudianus de *Raptu Proserp.* lib. 2. *saxa rotantem Pantagiam* vulgavit; hyeme namque vicinorum collium Leontinensium, & Porcariae, quibus subjacet, torrentibus, imbrisque auctus, tanta vi dilabitur, uti saxa quamplura secum trahat, delapsuque suo ingentem sonitum reddat; unde & Pantagias dictus, veluti fragorem, sive strepitum edens.

Hinc Servius ad Virgilii locum *Hic fluvius*, ait, *Sicilia*, quum plenus fuisset, implebat sonitu totam pene insulam, unde, & Pantagias dictus est, quasi ubique sonans. Fabulam mox indicat, quam Fazellus recitavit. *Hic postea*, subdens, quum Cereri quaerenti filiam obsterperes, tacere jussus est numinis voluntate. Cluverius grammaticorum nugamenta, putidisque fabulas dicit hujusmodi etymologias, dictumque Pantagiam vulgavit, quod omnia secum trahat, devehatque. Oritur porro in agro Porcaria, de quo jam supra dixi, inter Leontinos, & Augustam ex fonte, cui nomen hodie *Alviri*, sex ferme pass. n. ab ostio recedente. In fundo autem Gisiræ margines egressus, agris suffunditur. Ostreas ad fauces fert sapidissimas. Aquæ sulphureæ fontes, ibi etiam excipit, cujus bullæ albicantes supernatare videntur, necnon rivos sibi adjungit, qui belzuarticos lapides progignunt. Supra hunc fluvium Lamis Megarensis Trotilum construxit, de quo suo loco dicemus. *Pantagias* ad oppositum litus in Catanensem sinum circa septemtriones illabitur.

PANTALICA Urbs hodie deserta, in rupe undique præcisa, & speluncis repleta pene innumeris, fluminibus cincta, & natura munitissima, inter Leontinos, ac vetus Netum, contra Sortinum sita; Olim,
Er-

Erbeſſum, quemadmodum ſupra docui. Extabat Chriſti Domini ſæculo tertio. In ejus hodie ambitu ſola urbis porta, quæ *Ferulam* ducit, ab hac enim v. paſſ. m. diſſidet; arx diſiecta, & ædes ſacra, recentis tamen ſtructuræ, majori ex parte proſtrate ſpectantur. His exceptis nihil niſi olea, cryptæ, dumi, aliaque aperti agri ſpecimina ſeſe oculis offerunt. Conſule Fazellũ.

PANTANELLA. Palus *Lyſimelia*, quã alibi deſcripſi.

PANTANUS SALSUS. Vide *Leontina Palus*.

PANTERGA Opidum ad Syracuſaram perti-
nens Dioceſim, memoratum idcirco in Pontificiis di-
plomatibus hanc deſcribentibus, Fazello eſt *Targia*,
cujus nominis turris hodie in agro poſt Scalam Græ-
cam ſub veteri Thyca, & Epipolis ſeptemitiones ver-
ſus. Aliis Palagonia. Carrera ſub Rogerio Comite, e-
juſque filio Sortinum *Paniergam* appellari teſtatur.
Mem. Iſlor. Catan. lib. 2. cap. 5. n. 15. idque ex ve-
teribus cartis eruit. Sortinum aliunde recentis eſſe
nominis conſtat, ſed vetuſtiſſimæ originis, quod ſuo
loco oſtendam. Anno ceterum mclx, in literis Gauſfre-
di, quibus Prioratui S. Joannis Baptiſtæ de Meſſana
Ordinis Jerofol: bona aliquot clargitur, illud lego:
Piacuit Domino noſtro invictiſſimo Regi Rogerio mihi
Gauſfredo Olivario, filiam Henrici de Buglio, Galga-
nam nomine, cum Panterga, & Scordia, uxorem dare.
Idem Fazellus, qui *Pentargiam* appellat, a Rogerio
Comite, quod ab eo præter fidem deſceviſſet, opidum
funditus deletum tradit, & in historiis confirmat. Vi-
de *Sortinum*.

PARADISUS Fons apud Syracuſas, ſub tumulo
Taratati, qua hic meridiem ſpectat.

PASSANETUM Vetus Caſale in agro Leonti-
T. P. P. II. Z no

no, haud procul Bideno, amplissimi fundi hodie ejusdem nominis turris, uti vocant. *Rogerus Passanetus* ejusque filii tenuerunt; Martini vero I. ævo *Henrici Starella* juris erat. Nunc ad *Michaellem Platamonem* Belmurgi Ducem pertinet. In Capibrevio post *Passaneti* Comitis descensionem Martinum Regem *Berengario Cruillas* mcccxcii. attribuisse lego sub censu annuo *Chirotecarum de Comuscio*. Vendidit Berengarius *Jacobo Campulo* Regni Quæstori, hic vero *Henrico Starella*, quem juxta Barberium excepit *Riccardus*. Alibi lego, sub id tempus *Blasum Passaneti* Dynastam *Alphonso* Regi Neapolim eunti se comitem addidisse. Ex *Riccardo Catharina*, quæ *Gaspari Viginimillio* nuptui tradita. Horum filius *Sigismundus*, unde *Joannellus* prodiit, qui anno mdx. *Passaneti* Dominus dicitur; hujus progenies Catanzæ perstitit ad sæculum xvii, quo ad *Canizarios* Feudum devenit, hinc ad *Platamones*.

PASSARELLUM novissimæ originis, elapsi nempe sæculi lxxvii. conditum opidulum, Villauri aliter appellatum, in extremo Vallis Netinæ confinio, collum occupat plana juga inter Leonfortem, & Alimenam, austrumque respicit. Illius author *Joannes Baptista Santonufrius*, & *Grimaldi*. Unica ejus Ecclesia Parochialis S. Joanni Baptistæ sacra; subestque Archiepiscopo Messanenſi. Dominum hodie opidani recognoscunt *Josephum Galletti* ex Marchionibus S. Marinæ, Verbimcaudi Dynastam, qui Margaritam Joannis Baptistæ filiam, uxorem duxit; gaudetque cum in agro Passarello, tum in aliis Artisinæ, Artisinellæ Mancipa, Canalis &c. jure gladii. Erant *Passarelli* lares 53. capita 176. ex censu habito sæculi hujus anno xiii.

PAS-

PASSARUM Promontorium, vulgo *Caput Passarum*, Cluverio *Passalo*. Vide *Pachynus*.

PASSUS FERRI. Fluvius *Eryces*, *Gurna-longa* *S. Pauli*; his enim & aliis nominibus, juxta decursum, quem peragit, appellatur, & sub *Ramacca* opidulo, *Passus Ferri* dicitur, seu *Trajectus ferri*, a quo non longe *Pons Ferri* esse oportuit, ejus est mentio in Alexandri Rom. Pon. diplomate, quo fines Syracusanæ Diœcesis describit.

PASSUS LATUS. Fons *Oani* fluminis, seu *Frascolaris* in montibus *Ragusanis*.

PASSUS PIRAINUS, hodie *Feudum*, dudum *Bellus Mons* *Casale*, & antiquis forte temporibus opidum, ignoti tamen nominis. Alibi Ego *Belmontem* nostris diebus *Belmontinum* appellatum tradidit quæ duo sine fundi diversis, quamvis haud procul siti, eodæque in agro; & *Belmontinus* a *Belmonte* longe majoris ambitus, nomen habeat. Collem *Passus Pirainus* complectitur, cujus in vertice antiqui opidi cadaver, substructiones nempe, laterum, testarumque fragmenta, non angusto tractu videntur; quin & sepulchra circa latera occurrunt. Collis ipse *Bel mons* appellatur, quo nomine *Casale* in Regiis libris adnotatum venit; neque immerito; ex ejus enim summitate aspectus est per *Catanensem* planitiem jucundissimus. Eodem vocabulo donatur Fluvius, quem aliter *Cinnorum* appellatum, & *Pass Piraini* *Feudum* abluere diximus.

PASSUS SYRACUSARUM. *Marecllinus* fluvius, ita dictus, quod in via, qua *Syracusas* itur, trajectum habet, hyberno tempore difficilè; alveumque saxis innumeris oblitum magno impetu aquarum vi revolutis, quæ equis etiam valentibus offensionis potissimum sunt.

PATORUM Verus opidum ex *Aretio*, qui ad

Palatiolum illud constituit, Cluverius lib. 2. cap. 12. *Apud Ptolemaum*, inquit, *opidum inter Himeræ ostium & Ennam, longe propius tamen hanc, est Patiorus. Id ego vocabulum corruptum esse omnino suspicor a germano Paropus. De Paropo autem scripserat, quod circa Thermas Himerenses situm opidum fuerit, concluditque: Aretius immensum erravi Patiorum Ptolemæi interpretatus opidum nunc Palatiolum, xxiv. millia a Syracusis distans.*

S. PAULI Fluvius idem ac *Gurnalonga*, de quo in superioribus satis dixi, & olim *Eryces* appellabatur. Est, S. Pauli pons in agro Catanensi ante Symetnum opere arcuato supra *Galicim*. De eo etiam supra.

PELOPIÆ Crÿptæ, seu Viæ Cœmeteriales, vulgo a S. Joanne appellatæ, quas etiam descripsi.

PENTAPYLUM. Syracusarum vetus & celebre ædificium, quinas habens portas, uti ipsum indicat nomen, in Acradina, unde in Insulam, seu Ortygiam cives se recipiebant. Ita Cluverius & Bonannus. Perperam Fazellus Horologium illustre & excelsum fuisse tradit ex Plutarcho, opusque Dionysii Majoris dicit. Fuit in *Pentapylo* Horologium, cuius Plutarchus meminit in Dione, ex quo idem Dion concionem ad populum habuit, ateniim *Pantapylum* alia erat ab Horologio machina. Aretius male in Thyca statuit: *Juxta Epipolas ait, locus erat, cui Pentaphilum nomen, ubi illustre Dionysii horologium fuit.*

PENTARGIA Opidum a Rogerio Comite delictum. Consule *Panterga*.

PERGUSA Lacus sub Enna, *Pergus* etiam appellatus, pass. m. v. ab ea urbe refugit, ac tria circiter ambitu continet. Celebris est Poetis, Claudiano

sci-

scilicet lib. 4. ubi de Proserpinæ raptu agens Ennæ collem describit, subditque de *Pergusa*.

*Haud procul inde lacus, (Pergum dixere Sicani)
Panditur, & nemorum frondoso margine cintus
Vicinis pallefcit aquis.*

Ovidio Metam. lib. 5.

*Haud procul Ennæis lacus a menibus altus,
Nomine Pergusa.*

*Sylva coronat aquas, cingens latus omne....
Frigora dant rami, varios humus humida flores.*

Quæ sanæ opacæ arbores circa lacum, an olim fuerint, an poetarum licentia confictæ, certò affirmare non ausim; vinetis enim hodie circumquaque ambitur, & colitur, quæ loco amenitatem conciliant. An prope lacum quoque Proserpina rapta, uti laudati Ovidius, & Claudianus innuunt, Diodoro, & Tullio repugnantibus, qui in planitie prope urbem alta, & undique prærupta, id accidisse affirmant, nec decernere velim, quum Historico potius & Oratori, quam Poetis deferre equum puto. Cluverius lapsos Ciceronem, & Diodorum tradit; sed Ennæ collem ipse non vidit, in quo extra urbem æquata agri planities cum aquis perennibus. Ceterò profert Paruta argenteum numisma, quod Eruditi *Pergusa* lacui attribuunt, in cuius antica facie Cereris caput cum spicis, & arboris ramusculo circa extrema colli; in postica vero Victoria supra anphoram sedens videtur, quæ dextra coronam præfert, & sub amphora undè exprimuntur; est denique inscriptio ΠΕΡ. *Piscibus* lacus certe, sed colubris scatet ex Cluverio, qui Fazellum sequitur, subditque hic, *quod lino molliendo sit accommodus.* Verum hodie paucisque ab hinc an nis, tanta copia

anguillis præsertim suppeditat, aliosque pisciculos, uti apud Ennam, & vicinia largissimus eorundē sit quæritus.

PETRAPERTIA Opidum supra Flumen Salsum, olim Hinteram ad austrum, vetustæ originis quidem, sed appellatione Græcorum, aut Sarracenorum tempora vix excedens: Castri sane molitio antiquissima, uti ædificia ostentant. Auxit Matthæus Barrelius primus ejusdem Marchio anno MDXX. ornavitque postmodum Principatus titulo, LXIV. ejusdem sæculi Philippus II. Rex, unde in Regni Comitibus tertium tenet locum Dynastia, qui opidanorum regimen Præfecto ab se designato committit, Magistratus deligit, & vitæ ac mortis potestate gaudet. Sedet Arx in collis clivo, cujus latera occupat opidum, austrum ortumque respiciens. Ad radices uberrimæ, ac limpidissimæ aquæ ex æneis fistulis in subjectum vivarium profluentes agrum subinde irrigant, olerum cujusque generis, arboribusque frugiferis secundum. Arcis ædificia satis commodum, & amplum Dominis præbent domicilium. Aulæ enim sunt in eo laxiores, multiplici testudinato opere; in imis vero locis custodiæ & carceres, veluti cavæ in lapide excisæ noxiis coercendis destinatæ. Porta ad aquilonem arcis ædibus subjacet, unde ad Mazaræ vallem est iter; rudera, & quidem ingentia prope cernuntur, de quibus inferius dicam. Lares sub Carolo V. 354. Petrapertia numerabat, incolas circa sæculi finē 2044. Pirri ævo focos 645. opidanos 2404. Sed in Regiis libris sæculi XVII. foci 577. animæ 2250. adnotantur. Anno MDCCXIII. lares 1351. incolæ 5310, & in novissimo censu 5500. Catanensis Episcopi jurat, quo ad sacra recognoscit, qui suum ibi delegat Vices gerentem. Comarchia Platienſi comprehenditur, & Cal-

latajeronis militiæ Rectorem recognoscit, æquites v. pedites xvii. sub signis educens. Unica porro est opidi Paræcia sub Archipresbytero, aliarum Ecclesiarum Mater, S. Mariæ de Stella dicata, *jussu & forsais*, uti Epigrapha ad valvas docet, *Illustris Herois Matthæi Barresii, primi hujus cognominis Marchionis*, extructa haud procul Castello, occidentem respiciens oram. Ad majorem ejusdem aram B. Virginis in cælum assumptę elegantissima videtur tabula; post illam in sarcophago e marmore Ligustico Barresiæ Eleonorę ejusdem Matthæi matris anno mdx. demortuæ, & filiarum conduntur exuviæ cum epigramate; hinc in medio Choro ingens viridis Cimilianii lapidis alius extat tumulus, Dorotheæ Barresiæ & Sanctapace cum epithaphio, & alius denique e marmore Petri Baresii primi Principis, postremique ejus gentis Dynastæ non inelegans in eodem templo spectatur. Alia Deiparæ Ecclesia sub S. Mariæ de Cava titulo, cujus impoliti operis signum casu, uti ajunt, inventum, patris prodigiis est clarum, ad ii. pass. m. ab opido surgit, cui xviii. kalen. Septembris incolę solemne festum veluti Patronæ principalis cum nundinis celebrant. Divæ Matris etiam ab Angelo nunciatæ Prædicatorum Cœnobium extra opidum olim anno mdxli. laudatus Matthæus fundavit; unde ob cœli inclementiam ex noxiis subjecti amnis vaporibus, in S. Rocci aream translatus, stipem ad nova ædificia Antonella Matthæi vidua largiter suppeditante. Minorum, quos dicunt Reformatos, recens quoque est Domicilium S. Mariæ de Angelis appellatum ab anno mdcxxxvi.

Induxit olim Augustinienses Centuripinę Reformationis Marius Ferraguto, qui tamen post aliquot annos

nos abjerunt. Novissime Tertiū ordinis S. Francisci familia conluit ab anno mdc. qui S. Mariæ de Auxilio dicatam ædem decenti cœnobio adjunctam habent. Decem in opido sunt Ecclesiæ, in quibus quinæ Laicorum sodalitates, extra opidum vero cum tutelaribus S. Mariæ de Cava quinque assurgunt. *Petraperthensis* agri fertilitas tanta est, uti paucis per insulam decedere passim credatur, pascuis enim ad pecudum armenta nutrienda abundat; segetibus cujusque generis aptissimus, vineis, frugiferisque arboribus luxuriat. Circa arcem & sub ea ingentes ædificiorum ruinæ spectantur, nec inde procul veterum sepulchra frequentissime occurrunt, quæ quidem vestigia, cujus olim opidi fuerint, incertum. *Calloniana*, de quibus Antonini Itinerarium, hic stetisse Cluverius, & alii ex nostris cum Brierio autumantur. Marius Niger *Petram* antiquis historicis memoratam, favente adhuc nomine, collocat. Sed *Calloniana* & *Petram* alibi ego statuo.

Dynastiarum series ab Rogerii Comitis ævo juxta Fazellum deducitur, quorum *Abbo* primus recensetur; huic enim attributa ab eodem Comite *Petraperthæ*. Nâsi, Capitis Orlandi, Castaniæ, Randaculi, Franzani, S. Mariæ, & Summantini casalia tradunt. Ex eo & Ademira Averfani Comitis filia *Joannes*, Rogerius, & Bernardus profluerunt. *Joannes* autem ducta in uxorem Albira ex Comitibus Avenelli *Abbonem* II. Henricum, & Matthæum genuit. *Abbo* ad sacra aliquando Jerosolymorum loca invifenda contendens in piratas incidit, utque in libertatem se assereret, ab Amato Cœnobii S. Mariæ Vallis Josaphat Abbate anno mcccxxii. quatuor tarenorum millia mutuo accepit. Idem ab Friderico II. Imperat. Siciliæ Rege Castrorum,

rum, terrarumque confirmationem exoravit, & Rahal-
mutum, Summantinum, aliaque casalia sibi quæsit.
Abboni *Matthæus* filius successit, qui Rodulphum,
Vallis Josaphat Abbatem Amati successorem in qua-
rundem *Petrapretiensis* agri terrarum possessionem,
quas ejus pater Monasterio in vadimonium obtulerat,
anno mcccxxvii. immisit. Hic quoque ab Rege pater-
na jura firmata obtinuit. *Joannes* Matthæum excepit,
qui sub Jacobo Aragonio egregie meruit. Hunc se-
quutus Sicilia excedentem, Friderici II. Regis indi-
gnatione incurrit, bonisque idcirco anno mcccxi. spo-
liatur, in quorum possessionem *Petrus Henricus de*
Verge inductus est: Verum *Abbo III.* ex Joanne proge-
nitus Eleonoræ Regine opera, cujus honoris filiam, seu
Pedissequam Riccam Martinam sibi desponderat, in Re-
gis gratiam restitutus, *Petrapretiam* assequitur; quam
Henricus anno mcccxx. dimiserat. Jam *Abbo*, uti hæres *Jo-*
annis Camerani Avunculi, Castri & Opidi Militelli ju-
ra in agro Eleoptino, viii. ejusdem sæculi anno vindi-
caverat, moxque Comitum Casale, ubi Barrafranca
hodie, pretio dominis exsoluto anno xxx. sibi com-
paravit, plenusque dierum vita excessit. Ex Abbone
Matthæus, ex quo *Joannes II. Ludovici Regis auli-*
cus & Siculi exercitus apud Catanam Vicarius; Hic
ex Marchisia Alagona Blasci filia *Abbonem*, & Blas-
cum suscepit, moriensque primo *Petrapretiam*, alteri
Militellum designavit. Confirmatus ille Martini Regis
privilegio, incunte sæculo xv. mortalis esse desiit.
De Blasco jam dixi. Post *Abbonem Artalis* succeditur,
quem *Joannem* quoque in Censu ejusdem Martini de
anno mcccvi. appellatum video. De Hugonetto
Artalis fratre epi ubi de Barrafranca, & Comicino.

Artali anno mccccxxvi. *Joannes Antonius* successor datur; Hic Bernardum fratrem habuit, quem Thomasi-um Fazellus appellavit; amboſque ætate ſua ſuperſti-tes ex errore dixit. Forte ex Petro Ranſano gentis Barreſiæ genealogiam excribens, Dynaſtas Ranſani ævo extantes, uti ille recensuit; ſibi tempore æquales conſcitanter protulit, furtumque ſuum detexit. Fuit Jo-annis Antonii uxor Catharina Martino Vigintimillio olim nupta, quæ Fontis murati Dominatum primo ma-rito indulgente tenuit, eoque mortuo, in filium *Joannē Antonium II.* ex Barreſio genitum anno mccccxxi. tranſmiſit. Patri hic præjacto anno ſucceſſerat, duxit-que mox primis nuptiis Lauream, ex Nicolao Subtili progenitam, ſecundis vero Iſabellam Joā: Melchio-ris Branciſortii Mazarinenſis Comitis filiam. Ex Lau-rea *Matthæum III.* procreavit, quem decad. 1. lib. 10. cap. 2. idem Fazellus ſibi ſynchronum appellat.

Hic Carolo Cæſare indulgentē, primus *Petrappreſiæ* Marchio appellatus, et Barraſrancę conditor, ex An-tonella Valguarnera *Guillelmū* & Beatricem filios ha-buit. Hæc Joanni Valguarneræ Comiti Aſſoreniſi nu-ppiſit, Guillelmus patri nonnihil inſenſus evaſit, quum-que aliquando ad menſam cum Pontio Lycodiæ Mar-chione, uxoreque ejus, & filia aſſideret, forma vir-ginis captus, hanc in ſponſam ſibi poſtulavit. Annu-it Pontius, dummodo Matthæi voluntas accederet, quam egre ab ſene, tandem *Guillelmus* extorſit, op-tatiſque nuptiis potitus, Velleris Aurei Eques claru-it, ac poſt patrem inſelici fato periit, relictis *Petro*, *Virginia*, & *Dorothea*. Hæc Joanni Branciſortio co-pulatur, Virginia Francisco Campulo, *Petrus* hono-rum hæres remaſit. Eluxit in eo eximia morum ho-

nestas viro principe digna, ingeniumque, quod a natura acceperat, scientiis excoluit, sed Mathesim, præcipuè dilexit, & Astronomiæ studiis est delectatus. Hinc sibi ab ictu fulminis cavendum, persuasum ab ipsa juventute habuerat, cæloque tonante ad imas arcis suæ caveas descendebat. Anno tandè MDLXXI. quum iter ad Mazarinum pararet, turbatum advertens aerem, equo desiliens, domum regressus, mugientibus mox tonitribus, de genu flexus ante Christi Domini e cruce pendentis imaginem, velut jam moriturus veniam, cum lachrymis implorans, ignita sagitta percussus interiit: Imum hodie conclave, ubi casus evenit, in fornice foramen præferens, & fulminis vestigia, ostendunt. Primus ipse ab Rege Philippo II. anno MDLXIV. *Petræpretia* Princeps est dictus, Velleris Aurei Eques, Messanæ Strategus, & supremus Siculæ Militiæ Imperator claruit, totique Siciliæ ob virtutem innotuit. Habuit uxorem Juliam Moncadam ex Hadriani Comitibus ortam, absque prole; postremus idcirco gentis suæ Dynasta. *Dorothea* porro Joannis Brancifortii, uti innuit, uxor post fratrem suffecta, *Fabritium* peperit; sed Joanne amisso, cum Vincentio Barresio Militelli Marchione nuptias celebravit; eoque etiam ante consensum thalamum mortuo, cum Joanne Zunica Neapolis Prorege tertio sese adjunxit, subindeque Matriti vixit, & Philippi III. Infantis curæ admota, plenissimè tanto muneri fecit satis. Magnatibus ibidem accensa, post tot emensos gradus ad unicum filium *Fabritium* in Siciliam rediens, fato tandem in patria functa est anno MDXCI. ætatis LVIII. Nobili marmoreo tumulo & epigrammate honorata, de quo jam supra. *Fabritius* idem deinceps, ejusque hæredes *Petræ*

pretia Principes claruere, nostrisque diebus *Salvator Brancifortius*, Michaelis, & Catharinæ Buterensium Principum unicus filius hac Dynastia & titulo gaudet. Egit Siciliae Regni nomine apud Carolum Regem Legatum, & Netinæ Vallis Legionis Tribunus vivit. Primis nuptiis Mariam Rosaliam Materni avi filiam duxit; ex qua Stephanum & Catharinam in infantia defunctos; secundis vero Mariam Annam Pignatelli ex Ducibus Montis-leonis sibi copulavit, & cum ea Herculem Michaellem obtinuit. Jacet *Petrapretia* inter Platiam, & Calatanixectam sub gradu longitudinis xxxvii. xlii. latitudinis xxvii. xlii.

PETRA SERLONIS, vulgo *Petra de Sarno*, ad sinistram Salsi fluminis orientalis sub Agyræ montibus sita. Est ingens, enormisque altitudinis rupes, a *Serlone* Rogerii Comititis Nepote appellata, qui quum in Sarracenorum insidias incurrisset, paucosque socios majori ex parte amisisset, in hanc evadens rupem strenue aliquando se defendit; telisque tandem confossus gloriose occubuit. Ad ejus radices caulas pastores habent.

PETRA TAGLIATA in fundo, quem a Fessima dicunt, Arx est supra firmum lapidem Fazello, & aliis memorata, ponte rupi proximæ adjuncta; Juris erat *Perronis de Joenio*, veluti pars Aydonensis Dynastiae. Hodie ad Galatis Principem spectat.

S. PETRI Caput post Ficalli litus, a quo Motycana ora auspiciu habet.

S. PETRI DE TRIMILIA, olim ordinis S. Benedicti Monasterium cum casali in agro Syracusano, ab eaque urbe pass. m. iii. distitum. Est hodie Episcopi suburbanum sub Taracati ad austrum, seu sub mole,

Ie, cui olim Neapolis & Thyca insidebant. Ibi uberrimi aquarum fontes, vineta, viridaria, aliaque ad rurales delicias oblectamenta occurrunt. Veteris Monasterii non levia extant vestigia, & Ecclesia surgit adhuc decens, & commoda; Novas conspicuas ædes concinnandas jussit ad religiosum secessum Thomas Marinus Episcopus. Hic *S. Petri de Bajas* Cœnobium, quod Germanus Episcopus sæculo .iv. construxit; cujus & meminit S. Gregorius Papa Epif. 34. lib. 6. stetisse, Pirrus tradit. In Donatione Tancredis Comitis habes Monasterium *S. Petri de Trimilia*, et in Alexandri III. diplomate *Casale Trimiliæ* memoratur.

PHALARIUM Castellum prope Gelam, hodie Terramnovam in colle, seu promontorio ab Ecnomo veteri etiam Castello prope Leocatam pass. m. v. distitum ex Cluverio, & a *Falconara* recenti arce pass. m. ii. Nomen habuit a celebri Agrigenti Tyranno Phalaride, quem illius dicunt conditorem. Meminit ejusdem Diodorus, hodieque jacet. Nec desunt, qui ubi nunc *Falconara* sedet, *Phalarium* stetisse conjectant.

S. PHILIPPUS. DE AGYRA. Vide *Agyrium*.

S. PHILIPPUS. Vallis in agro Motycensi. Ibi innumere crypte, ubi veteres habitabant, tum tristes etiam ædificiorum reliquie, & columnarum fragmenta spectantur, ignoti hodie opidi vestigia.

PHILOSOPHIANA GELENSIUM, Cluverio Platia, hodie celebre opidum, quod ad *Gela* fluminis fontes situm. Ejus est mentio in Romano & Antonini Itinerario; ubi sic perscriptum: *Catina Agrigentum mansionibus nunc institutis m. pass. xci. sic: Capitanianis xxiiii. Philosophianis xxi. Callonianis xxi. Corconianis xxii. Agrigentam xiii.* Et in alio: *Catina, Capitania*

niana xxiii. *Gelsenium Philosophianis* xxi. *Petilianis*, xxviii. *Agrigentum* xviii. Consule infra, ubi de *Platia*.

PHOCEAS Castellum Leontinorum vetus, incerti situs in ejusdem agro, quod Leontini patria, exules occuparunt, De eo dixi, ubi de *Leontinis*.

PHŒNICUS PORTUS prope Pachynum in orientali plaga, Ptolemæo memoratus, hodie *Vindicaris*, olim Plinio *Naustatbmus*. Cluverius ejusdem nominis urbem & amnem ex Dori memorat; hic enim apud Stephanum *Phenicantem* amnem, unde urbs cognominis, enumerat, cum aliis insulæ civitatibus.

PIEDACIS Casale vetus in agro Leontino, quod cum *Randasino*, & *Xirumi* juris erat *Andreae Rubei* sub Friderico II. Dum Martinus Regni potens esset, *Damianus Rubeus* illius dicitur dominus, qui & *Randasinum*, *Xirumim*, *Realusium*, & *Calluram* in eodem Leontino agro possidebat. *Damiani* heredes feruntur *Aloysius*, *Joannes*, & *Blasas Barresii*, *Militelli* Comites, unde horum successores. Jacet hodie, sed adhuc reliquias servat, Ecclesiæ scilicet substructiones, ædiumque parietinas. Ecclesia autem nuper instaurata, sub S. Petri nomine: diu devinctos fiduciaria mancipatione hos habuit fundos *Piedacim* scilicet & *Randasinum* S. Xaverii Societatis Jesu *Panormitana* Domus; huic porro pretio exsoluto, Hercules Michael Brancifortius hodiernus *Militelli* Marchio eosdem nuper redhibendos curavit.

PIPINUS Fons Erycis amnis sub Menis.

PIRATARUM Statio post Elori fluminis fauces. Vide *Fundus Mustarum*.

PISMA, ET PISIMOTTA celeberrimi nominis fontes & lacus, antiquis *Gyanes* ad Anapi fluminis dex-

dexteram in agro Syracusani portus, unde uberrimæ erumpentes aquæ amnem conficiunt, in Anapum se exonerantem. Vide *Cyane*.

PIXOTTUS statio in meridionali littore inter *Puzalli*, seu *Ficalli* arcem, & *Siclenfis* fluminis ostia, cui prope est alia, quæ *Samuel*, ex *Fazello* appellatur.

PIZZUTA Turris, ut vocabulum est vulgare, idest *Acuta*, in agro *Netino*, post *Affinarum* seu *Falconaram* in humili tumulo, undique idcirco conspicua, orbicularis, ex quadris lapidibus compacta, solida, & in acutum desinens, adeout rectius dici possit *Pyramis*; quam post partem de *Atheniensibus* victoriam, deque *Nicia* eorum Duce, ad eundem fluvium, *Syracusani* subrigendam sanxerunt. Distat ab ejusdem amnis ostio pass. m. ii. ab *Elorinæ* urbis ruderibus pass. m. a maris ora, & statione, quam etiam *Pizzutæ* appellant, m. Scio *Carusium* tradere: *Pyramidem* hanc ab *Hippocrate* *Gele* Tyranno, quod ibi *Syracusanos* fuderit, fuisse erectam. Verum enim vero, quisnam sibi persuasum habebit: *Syracusanum* populum late per eandem oram diu dominantem, & *Gelam* ipsam subiectam habentem, permisisse, uti monumentum in perennem *Syracusani* nominis ignominiam seris temporibus perstaret? Solo dubio-procul equassent, statimac regione potiti, victricia in eam arma inferrent. A quo enim tunc ipsis timendum esset? Ibi ad *Kal. Junias* diem festum idem populus celebrabat, quod *Aretius* adnotavit.

PLAGÆ CALVISIANIS, MESOPOTAMIO; PLAGEREO, sive *Cymbæ*. *Antonini* Iter sic habet: *Ab Agrigento per maritima loca Syracusis m. pass. cxxxiii. Dædalio xviii. Plintis v. Refugio Chalis xviii. Pla-*

Plaga Mesopotamio XII. *Plagareo*, sive *Cymbæ* XXIII. *Refugium Apolline* XX. *Plaga Syracusis* XXXII. *Plagas*, & *Refugia* intelligi debere, tradit Cluverius, mansiones, seu stationes in littore, ad eorum opidorum, quorum recenset nomina, agrum spectantes. *Dædalium* igitur ex eodem intelligitur Castellum a Dædalo extructum; *Plintis* sumitur pro Phintia, de qua alibi dicam. *Refugium Chalis* pro statione Gele proxima; *Calvisiana*, quum id sit opidum juxta Cluverium ad Hipparis fontes, vulgari nomine *Comisus*, litus agri Comisani, seu Yhomisani erit *Plaga Calvisiana*, de Mesopotamio alibi statui, quod mansio inter Hipparim, & Oanum fluvios parum inter se diffidentes, fuerit; Latine enim *Mesopotamio* sonat *Interamnium*, idest inter duos amnes. *Plageræ* sive *Cymbæ* demum Hyblæ Heræ litus creditur Cluverio; in Regio enim exemplari ejusdem Itinerarii, & in aliis pro *Cymbæ* legit Surita: Hyblæ. At illud hic rursus moneo, quod supra adverti, ex Itinerariis nempe, quæ amanuentionum vitio mendis statent innumeris, vix posse legitimos locorum situs deprehendi, ubi potissimum corrupta sunt nomina. Laudandus quidem Cluverius, quæ hæc emendare studuit, sed aliquando res illi minus feliciter cessit.

PLATIA mediterraneum illustre Opidum ad latitudinis gradum XXXVII. XX. longitudinis vero XXXV. ac media idcirco ferme Sicilia positum, acclivem occupat molem, ad cujus radices Gele fluminis fontes erumpunt; hæc autem editis aliis collibus amœnissimis, & *Armerino* præ cæteris adeo cingitur, uti tumuli speciem præferat. *Platium* nonnullis dicitur, *Platæa* & *Plutia*. Stetit quidem vetus civitas in eodem *Armerino*, mi-

alios secutus appellavi; nam recens XII. sæculum non
 excedit. Regionis verò circumpositæ tanta est jucundi-
 tas, & gratia, uti ex Cluverio Herci montes ab
 hinc sese extendere ad Pelorum usque credantur; Re-
 giis idcirco in libris *Opulentissima* Civitatis titulum
Platia meruit, quin & *Plusiam* dictam volunt Scri-
 ptores gentici a ΠΛΟΥΤΟΣ quod Græcum nomen
 Latinis *Opulentiam* significat. Vetus hinc stemina fi-
 gura erat virilis galeata, Amaltheæ cornu sinistra,
 dextra ramum viride præferens. Jam de antiqua ori-
 gine, non una est eorundem scriptorum opinio. Quod
 Gela fuerit olim mediterranea, sive Barbara, ad Ge-
 læ nempe fluminis scaturiginem, antequam Gelam,
 prope litus Rhodii, aliq̃ue ex Græcis condiderint,
 nonnulli tradunt. A Boeotis excitatam, alii evulgant,
 qui patria aliquando extorres facti, quum sedes sibi
 quærerent in Sicilia, *Platæam* coluere. Boetorum quip-
 pe urbs præcipua, *Platæa* fuit, quam Thebani, Astæo
 Athenis principatum obtinente, totam præter Deo-
 rum templa exciderunt, civibus inde ejectis, uti
 Pausanias lib. 9. rettatur. Hæc Boeotorum colonia *Ver-
 sus*, *Alegambus* & *Chiagrandanus* Gelam mediterraneam
 auctâ evulgant, mutatoque nomine *Platæam* appellatam
 adtribuunt. *Plusia* subinde opportuno vocabulo ob loci, &
 agri præstantiam vocari cepit, cujus meminisse Tullium
 in Verr. 3. passim historici scribunt; hinc Clariss. Pa-
 tinus Colonix numisma in Hadriani Cæsaris honorem
 cusum cum epigraphe PLV. nostræ Siculæ *Plutia*
 adscribit, quamvis nulla inter Colonias *Pluticæ* mentio
 usquam eluceat. Tullii porro verba hæc sunt: *Enna
 mediterranea maxime est. Coge, ut ad aquam tibi fru-
 mentum Ennenses metiantur, vel Plusiam, vel Ale-
 sam, vel Catinam, loca inter se maxime diversa, eodem*
T. P. P. II.

B b

die,

die, quo iusseris, deportabunt. Ad quæ Cluverius: *Hic quia opidum Sicilia erat, vulgari vocabulo Piazza dictum, xv. circiter millia ab Enna versus meridiem distans, hoc ipsum Plutiam esse Ciceronis, nonnulli nostri sæculi coniecerunt geographi. Verum non adverterunt illi, ad aquam deportandum fuisse frumentum, quod longe alienum est à Platiæ situ, ut quæ in celsioribus atque aridis, nisi quæ fontes scatunt, locis posita est. Concluditque post multa, tria Siciliæ voluisse littora, atque maria innuere Ciceronem, Africum, Siculum, & Etruscum, ac tria item loca nominare ad Etruscum Alefam, ad Siculum Catanam, ad Africum Phintiam, cujus vocabulum facile in Tullii exemplaribus corrumpi potuit in Plutiam. Hæc ego retuli, non eo animo, quod quidquam celebri Civitati velim honoris, aut vetustatis detrahere, sed eximii scriptoris conjecturas lectori æquissimo exhibendo, rem illius iudicio subiicere. Non enim desunt apud Chiarandani, qui Cluverii convellunt, exufflantque rationes. Denique recentiores proferunt numos, in quibus inscriptum: *Plutia olim Platiæ*, eorumque unum adhuc asservatum Cives ostendunt, veluti insigne monumentum; Cæterò nostræ urbis populos suppetias Marcello Rom: Consuli cum aliis Siciliæ detulisse etiam affirmant, quamvis apud Silium, qui omnes singillatim recenset, sub quo veniant nomine, non constat.*

Seris temporibus, Northmannorum virtute à Saracenorum tyrannide insula vindicata, *Platiæ* nomen revixit. Complures enim ex Rogerii Comitis sociis, e Langombardiæ partibus sub ejus signis militantes, vacationem petiisse tradunt, quibus *Armerinus* mons inha-

inhabitandus est, datus; illius enim verticem, lata plati-
tines extendit, latera, ac radices, necnon circumstan-
tes valles, & colles tanta soli ubertate, totque deliciis
luxuriabant, uti alia per totam Siciliam regio ameni-
or vix inveniri poterat; opportunus, idcirco locus
novis colonis adeo visus, sicut brevi, aliis confluenti-
bus ejusdem nationis militibus, in justum evaderet o-
pidum. Ferunt alii, quod nondum subactis, atque ex
infidelium manibus ereptis Enna, Butera, aliisque,
munitissimis opidis, de *Armerino* colle, & opido in
eo pene derelicto restituendo, Rogerius cogitaverit,
uti in ipso securum perflugium, contra hostes ducens,
haberet, ac Langonbardis custodiendum tribuerit, qui
sedes ibi suas postmodum statuerant. Hos inter *Placi-
tini* memorantur, qui *Platie* nomen novo indidisse,
opido a *Placentia* dicuntur. Denique non desunt, qui
Platiam Sarracenorum ævo adhuc perstantem indu-
cunt, victoribus Rogerii armis inter primas cecidisse,
eamque veluti securo loco sitam, Comitem subinde,
contra hostium incursus novis munitionibus tutiorem
redditam, strenuis suis militibus sedem designasse. Tunc
Rogerius idem acceptum, uti ferunt, a Nicolao II. Ro-
mano Pontifice vexillum sericum, cum Deiparæ ima-
gine, in perenne erga commilitones dilectionis suæ
argumentum, eorum urbi dono dedit, quod ad hanc
usque ætatem religiosissime cives custodiunt, seque
eidem Virgini sub ipsis ortus sui initiis hujusmodi
tessera addictos prostentur, a qua vicissim innu-
meris beneficiis, & gratiis, veluti singulari Patrona,
non semel affecti gloriantur. Quum porro Guillelmus
hujus nominis primus impotenti dominatu, atque in-
signi avaritia Siculorum animos offendisset, proceres-

que complures in eum conjurassent, quorum agmen Rogerius Sclavus ducebat; hunc, sociosque aliquando *Platienses* excipientes, Regis iram incenderunt, ejusque animum adeo offendere, uti hic coacto exercitu, majori ex parte Sarracenorum, ad *Platiæ* excidium illos immiserit. Regi primū occurrisse tradunt Alexandrum Bajulum Vezelli filium, qui Patris merita et sua recensens, ne immeritam urbem tam grandi supplicio afficeret, pene ab irato Principe impetraverat; gregarii tamen milites præda allekti, tumultum excitantes ad vindictam ruebant: Hinc Electus Syracusanus & Sylvester Marsici Comes, uti Falcandus innuit, destrui urbem non oportere ob paucorum scelera, maxime quod omnes ex ea proditores aufugerant, aliisque rationibus Regi persuadere conati, egredium a sententia illum avertere; ubi impetrasse visi sunt; ac Rex ipse ab urbis excidio se temperaturum spondisset, militari nihilominus licentia irruens exercitus, igne, ac ferro *Platiā* absumsit; devastavit, civesque hac illac effugere compulsi sunt. Nec diu eodem Guillelmo superstiti, ac laudati jam Alexandri Bajuli opera, qui primus inter *Platienses* erat, in altero tumultu, nonnisi pass. m. n. circiter ad occidentem dissito, nova urbs moliri cepta, in quam cives revocati, arcem, mœnia, turres, suarumque larium ædificia, e veteri patria, Regio urgente decreto, lapidibus translatis, ornamentisque traductis, nobiliori schemate posuere. Id alii accidisse sub Guillelmo II. injustæ everisionis miseratione permoto, rectius consignant.

Quam porro habitandam susceperunt, occiduum primum fuit regio, hinc reliquæ; mox Castellinæ subur-

burbium circa vetus castellum, cujus extant ad S. Francisci cenobium reliquiae, addiderunt; sed præcipuam patrialem Ecclesiam Sancto Martino Episcopo sacram voluere. Deinceps suos erga Principes sese præ cæteris *Platienses* commendarunt, cujus rei inligne præbent monumentum Siculi Annales; Roberto enim Duci, Caroli Andagavenſis filio, *Platiam* summis viribus, ad S. Georgii oram & ubi Castellina, ac Patris Sancti frequens ædificiis regio hodie extenditur, positis castris, obsidenti, fortiter cives restitisse, ac sub Guillelmi Calcerandi, Palmeriique Abbatis ducatu hostes turpiter fugatos a suis finibus exegisse, perhibent. Friderico II. Aragonense *Platię* procerum concilium convocatum produnt, ut Jacobi Regis Legati, communi Sicularum consensu, congruo cum responso in Aragoniam remitterentur. Saccæ hæc comitia coacta Carusius perperam scribit. Joannem hinc Infantem Randatii ducem adversus Palacios arma moventem egregie adjuvisse tradunt. Tunc temporis, dum anno mcccxlvi. sæva lues insulam vexaret universam, & *Platiam* quoque afflatam in vastitatem adduceret, faustam imaginis Deiparæ in celebri Rogerii Comitis vexillo depictæ inventionem evenisse vetus traditio docet. Illam profugi cives olim in veteri patria inter rudera occultaverant; sed qui locum sciebant, nusquam ad suos reduces, aut longinquis in partibus fato cedentes, ignotam omnino, obscuramque posteris latebram reliquerant. Quum igitur pius Sacerdos *Joannes Candilia*, patriæ suæ ærunas enuntiatio anno defleret, opportunumque a benignissima Virgine, & Patrona auxilium efflagitaret, eadem in somnis illum admonuit, ac diu conquistam,

op-

optatamque sui iconem in veteris *Platiae* occulto loco delitescentem ostendit. Catanam ille ad Episcopum contendit, ejusque venia sollempni civium suorum supplicatione indicta, designatum in vetustae urbis parietinis latibulum invenit; Vexillum post annos CLXXXIV. integrum, illesumque offendit, atque, uti ferunt, ardentem adhuc lampadem simul reperit. *Tunc sacrum illud linteum sericum, in quo Virgo erat depicta, inquit Pirrus, lignee tabula infixum variis decoratum ornamentis ad novam Platiam translulere.* Exinde ab omni contagiosa lue libera evasit civitas, quæ voti causa, templum in tumuli vertice dicavit, eique supra alias Ecclesias primatum attribuit. Jam turbis aliquando, & factionibus Palicorum, Claramontanorum, aliorumque Dynastarum, qui totam insulam diversabant, immixtos *Platenses* legimus; exulesque cives ex improvise patria potitos, Adamonum Capicinum illius pro Ludovico præfectum ad fugam capiendam adegisse. Sed in Friderici III. tandem partes concedentes, ejusque in gratiam recepti, hunc diu intra mœnia soserunt, a quo variis sunt privilegiis & gratiis affecti. Martino regni potente, rursus abducti iis adhæferre, qui Regio nomini insensu, arces, & opida occupabant. Verum Nicolai Brancifortii civis suasionibus ad mentem revocati, rebelles ejecerunt, eundemque Principem liberalissimum experti, quum in dies nova populi accessione crevissent, sæculo xv. incunte, aliud ad meridianam oram suburbium amplissimum excitarunt, recentemque dixere civitatem, ad veteris discrimen, quæ mœnibus præcirca. Alphonsi denique Regis ævo Petrus Infans ejus frater *Platia* cum Neto donatus, illi aliquando præfuit; quo mortuo ad *Damanium* urbs

rediit, ac concinnando in meliorem formam Patronæ Virginis templo, tota incubuit.

At potiora habuit Ecclesia hæc anno *MDXVII*. incrementa, quo novis beneficiis Deiparæ intercessionique *Platienses* devincti, magnifico molimine illam sub nomine Assumptionis fastigiatam voluere, Bonfilia Calaxibetta, nobilis ac piæ matronæ fortunis potissimum aduti, quas insigni plane magnificentia Marcus Trigona, & Laurea de Asaro uxor circa ejusdem sæculi exitum cumularunt, dote pro Collegio Canonico satis pingui designata. Clementis itaque *VIII*. decreto anno *MDCII*. Romæ emanato, Alumnis *XXIV*. nec non *IV*. dignitatibus, uti vocant, & his postremis cum animarum cura delectis, sacer. famulatus, & prodigiøsæ Imaginis cultus quotidie est commissus; quibus alii *V*. adjuncti, ac *XII*. inferiores, seu secundarii etiam insigniti, chori, & altaris munia obeuntes superadditi. Virginis porro Icon multis ex auro lapillisque pretiosis effulgens ornamentis, insigni ferculo in ara maxima satis divite custoditur, civibus nedum, sed exteris etiam in summa veneratione habita. Æris campani turris, quæ templum adeuntibus ab occasu dextrorsum occurrit, decus non vulgare conciliat; magnitudine enim, elegantia, & artificio undique superbit, ac primas in tota regione habet. Molis universæ ejusdem templi externus prospectus ad ortum, circa majorem absidē ad arduam celsitudinem, juxta loci naturā subrigitur; ab occasu vero ubi portæ, atque ex aliis plagis spectatu etiam dignissimus; tholus magnificus; culeus interior splendidus; sacella decentissima; suppellex opima; tota denique talis citra dubium censenda, quæ cum insignioribus insulæ universæ sacris ædibus comparetur. Unica est paræcia, cui sex aliæ suffragan-

gantur, S. Martini scilicet, quæ uti dixi præcipua dudum fuit opidi, & novæ jam descriptæ locum, cessit, & S. Nicolai ad occasum; S. Stephani ad ortum; S. Mariæ de Odigitria ad austrum; S. Venerandæ ad aquilonem & S. Philippi de Agyrio, in quibus omnibus ab designatis per Episcopum Catanensem presbyteris, sacramentis populo ministrandis navatur opera. Sed circa extremas occiduas oras Christi Domini e cruce pendentis insigne simulacrum in S. Dominicæ Ecclesia est *Platiensibus* quoque in singulari veneratione, piis enim populi supplicationibus qualibet feria vi. per annum dudum frequentabatur; religiosa hinc pietas Matthæi Calaxibette illam XII. Canonicoꝝ cetu ibi instituto, sub Præposito, anno MDCXXV. frequentiore reddidit, ultimis tabulis mandavit. Quumque opus dilatum esset, Andreas Rīgus Catanensis Episcopus xcvi. exequendum iussit.

Pirrus de *Platiæ* Religiosis ædibus: *Societas Jesu*, inquit, *Domus professa ab anno MDCIII. excitata a P. Jacobo de Dominicis Præposito Provinciali, post annum MDCXIV. ære publico Collegium institutum est, sub vocabulo S. Ignatii, & S. Mariæ de Conceptione.* Splendet hodiæ ædificiis, ac medium pene occupat in latere meridionali; unde ad princeps templum ascensus patet. *Clerici Regulares*, prosequitur ille, *Theatini nuncupati anno MDCIX. in templo Sacramentali S. Laurentii recepti sunt;* sed cura paræcialis ex hac Ecclesia ad illam S. Stephani translata est. Loco eidem S. Mariæ de *Gurgite nigro* olim nomen fuit, ob aquæ sulphurææ fontem, quæ perit; hinc a *Patre Sancto* vocabulum illi appictum, quod vir sanctimonia clarus ædis ejusdem S. Laurentii incola fuerit; & solitaria m, ubi vitam egerit. *Æqua* ante hanc lata planities extenditur, nundinis ce-

lebrādis destinata, quæ ad xviii. Octobris diē, Regis Martini privilegio, sūma totius regionis frequētia habētur.

Casinenſium Monachorū S. Mariæ de Fundrone Monalterium in venali ubiſo foro, & S. Rocchi Eccleſia hodie dum conſpicuum, Ennenſem olim agrum ejuſdem nominis occupabat; quumque diu ibi ſteſiſſet anno mdcxxii. una cum Deiparæ marmorea eleganti ſtatua tranſlatum eſt, de quo in ſuperioribus actum. Illius Abbas inter Proceres Eccleſiaſticos votum proſert. S. Gregorii Prioratum in agro Belix ad iii. lapidem ſtatuit Bartholomæus Farinatus, ſuiſque S. Benediſti Monachis attribuit, qui brevi deſecerunt; ſubditur hinc hodie Majoris Catanenſis Eccleſiæ *Capitulum*; Celebrior S. Andreæ Eccleſia cum adnexo Canonicoꝝ Regularium S. Auguſtini cœnobio, ad jaſtum balliæ circa aquilonem extra muros. Author perperam Simon Rogerii filius a nonnullis vulgatur, quum alter Simon fuerit Policaſtri, & Buteræ Comes, ejuſdem Rogerii ex Flandrina filia Ne-
pos, anno mxcviii. Prior habet in Comitibz locum, & a Rege nominatur, qua dignitate Joannes Filingeri nunc gaudet. Deſeciſſe Canonicoꝝ obſequium in hoc templo ab anno circiter ſeſquimilleſimo teſtatur Pirrus, quod in crucis formam aſſurgens, ad aram minorem S. Agathæ V. M. antiquam elegantiffimam tabulam habet. Sed Canonicoꝝ ædes undique ruinoſæ veteris cœnobii vixdum veſtigia ſervant. Prædicatorum fratrum familia tertium ex Siculis habet ab anno mcccxxii. *Platæ* Monalterium, B. Reginaldo S. Dominici ſocio authore, quem idem Patriarcha Romæ degens in Siciliam tranſmiſit. Hic diu egit, vitæque meritis, ac prodigiis innotuit F. Vincentius

T. P. P. II.

C c

Py-

Pythoria, summis laudibus ab Ordinis Chronistis commendatus, qui S. Vincentii Ferrerii voce, medius gladio divisus, flammisque assatus, ad vivos fuit traductus. Occupat locum leviter acclivem, cui vallis a meridie subest, novisque hoc ævo ædificiis concinnatum vidimus; Habet ejusdem S. Vincentii Sodalitium adnexum, cujus in Ecclesia egregia Divi tabula conspicitur; Deiparæ quoque a *Gratia* prodigiis illustrem iconem servat, pluresque alumnos sanctimonia, & doctrina illustres fovit, de quibus suo loco. Ab anno mcccxviii. ex *Vodango* locum habuit Platæ Minorum Conventualium colonia, quæ circa aquilonarem urbis plagam in collis crepidine satis amplum, conspicuumque, cū epistylilio cœnodiū, & Ecclesiam elegantissimam sibi constituit sub S. Francisci titulo. *Cagliola*, foundationis annum mcccxi. recognoscit: *Ex cœnobii tabulis* ait, *Franciscanus ordo ad arcem hujus civitatis coloniam firmavit anno mcccxi. Ingruentibus inde tot Regum certaminibus, a Martino in eum, in quo nunc degunt, translati sunt fratres, proventu trium nummorum aureorum in subsidium assignato. Hic floruit B. Simon Aymonis, quem Aumonum alii vocant, cujus caput in sacrario veneratur.* Verum hæc de prima foundatione ad arcem *Cagliola* relatio minime cum iis cohæret, quæ passim cives tradunt. Boenim loci, ubi nunc illud sedet, veterem stetit arcem, affirmant. Martini itaque tempore, uti coniecto, novæ arci condendæ situm Minores Fratres cesserunt, ipsi vero, ubi vetus surgebat, se recepere. Superest illi ab orientem idcirco suburbium, & porta a Castellina dicuntur. S. Mariæ de Jesu eorumdem Minorum de Reformatione nunc, dudum de Observantia, vetus Cō-

ven-

ventus est, ad pass. m. ab opido, circa occidentum solem æstivum. Illius promotor B. Matthæus de Agrigento, vir innocentia morum notissimus, anno mccccxviii, qui plures in Sicilia ejusdem ordinis instituit, ex *Chiarandano*. At Pirrus *Platensem* inter Matthæi foundationes non recenset, Ordinisque Annales annum mccccli. decernunt. In eo ob situs asperitatem seculi monachi illi recipiebant, qui perfectioris vitæ propositum expetebant; donec Bonaventura de Agrigento etiam, & Paulus a Palatiolo Reformationis legibus in Sicilia secundum, illud mclxxvii. subdiderunt, Silio V. Rom. Pont. id post aliquot annos probante. Quum vero in ædicula S. Petri nomine, extra orientalem portam ad passus circiter c. Virginis imago variis prodigiis commendata coleretur, ac dudum Regulares S. Augustini Canonici, quibus Ecclesiæ cura inerat, defecissent, iisdem Minoribus Observantibus *Platensis* Senatus illam commisit, ac insigni cenobium addidit, quod tertium subinde anno mclxxxviii. in provincia Reformatis cessit, suorum academia, celebri bibliotheca, novisque ædificiis nobiliter evaluit. Capuccinis denique locus est datus mclxxii. qui *Turris Renda* primum, hodieque Verus Capuccinorum domus dicitur, extra ad aquilonem, sed aeris gravitate obnoxium, ubi illi fratres cognovissent, mutatis domiciliis, ad australem plagam, & S. Hippoliti planitiem p. pass. ab urbe, valle intermedia, se contulere mclxxxii. Locum, aquarum decursum, viretumque Joanne Philippo Jacio concedente. Habent e conspectu magnam, potioreque urbis partem, decenter juxta instituta degunt, sed aquarum in horto receptaculum, quod itagnum appellant, visu est non indignum. Car-

melitarum Conventus, & Ecclesia sub S. Alberti hodie invocatione ab anno mcccxxii. foundationem cognoscunt. Cellam in peristyllo ostendunt, in qua vir ille sanctus aliquando vixisse creditur. Atenim traditio hæc cum iis, quæ Pirrus refert ex Ægydio, minime congruit. *Carmelitana familia, ait, sub invocatione D. Alberti primum Platiæ habuit Cynobium anno 1332. ob miraculum, quod idem Albertus ostendit, adversus quosdam, qui suam imaginem depictam deleere conabantur. Tunc enim quidam hydropicus diu in lecto jacens, Divinitus sanitatem adeptus est, & in foro publico causam D. Alberti defendit. Si hujus igitur miraculi occasione cénobii institutio promotæ, jam ante Albertus ad cælos evolaverat, ejusque incolæ esse non potuit. Sedet in tumulo ad orientem æstivum, unde totius pene urbis amenissimus est aspectus; nostra ætate variis civium ædibus circumpositis, multo frequentius redditum. S. Augustini Eremitæ circa mdlh. ubi nunc Monialium SS. Trinitatis est claustrum, sedem fixerunt; indeque mdcv. ad inferiores plagas septentrionales, ubi domus erat hospitalis, nova Ecclesia piorum elemosynis a fundamentis excitata, decentique domo adjuncta, migrarunt, qui locus hodie satis est pervius. Ejusdem ordinis Fratres Centuripinæ reformationis extra urbem in solitaria *Pulari* regione, sub S. Mariæ de Nive titulo constituti, prope Castellum superioris sæculi medio, eodem servato nomine, coaluerunt.*

Monialium sub S. Benedicti regula antiquissimum Monasterium S. Joannis Evangelistæ in area *Parris sancti* anno mccclxi. Florentiæ Caldæræ divitiis constructum, viget hodie splendidum cum ædifici-

ciis, tum alumnarum numero, quæ Pirri ævo cxi. erant, tum denique arctiori vivendi genere. Alterum SS. Trinitati dicatum Gratiana Velardita, in hospitalibus ædibus, quas Mater erexerat, primo instituit, ibique sorores aggregavit, iisque accensa religiose vixit; circa superiores regiones inter majus templum, & arcem postea translatum. Tertium Benedictini ordinis S. Agathæ patrocínio, & nomine gloriatur, sedetque ab arce haud procul, aliis æque nobilitate, & præstantia comparandum. Condidit, dotavitque anno mdxl. Constantia Columba, ac primæ illustrarunt perfectæ vitæ exemplis Julia Cagno, Tesbia Cremona, & Vincentia Bruno, quas Pirrus egregiè commendat. S. Claræ nomine, & institutis præ omnibus tempore & vetustate eminens, sæpius memoratum. *Patris sancti* forum insidet, decentissimè structum anno enim mcccxi. Guillelmi Caldareræ Bisaræ Dynastæ opera, & opibus ortum habuit, ingenuasque, ac virtute præcipuas alumnas semper fovit. De S. Annæ Claustro hæc Pirrus: *S. Annæ Monasterium, quod congregatio S. Brigittæ nuncupatur, ubi nobiles mulieres educantur, donec nubant.* At Chiarandanus rem sic describit: anno scilicet mdcxvi. nobiles piæ Virgines Petri Calaxibettæ filias paternam domum excipiendis mulieribus, sese sæculi tumultu proripientibus, destinasse; quibuscum ipsæ aliquandiu religiosis operibus intentæ vixerunt. Hinc Andree Trigone opera, & Hieronymæ Rivarolæ nobilis matronæ divitiis, S. Annæ Ecclesiam ædibus proximam in ampliorem formam fuisse redactam, tandemque sub S. Francisci regulam cœnobium coaluisse in orientali collis latere sub principe Ecclesia. Verum anno mdcxliii. Urbano VIII.

in.

indulgent, S. Augustini institutis sese Moniales addixere, sub quibus hodie arctissime vivunt. Puellis, quę parentibus sunt destitute, Joannes Sambuchella domum statuit, sub exitum sæculi xvi. prope Ecclesiam S. Marię, quę de *Orsanis* titulum idcirco habuit. Eandem Marcus Trigona cum uxore anno postmodum mdcviii. bonis auxit, & ampliorem reddidit. La-
pſis Mulieribus Gaspar Paraninsus Societ. Jesu, col-
latis civium elemosynis, edes designavit. Hospitalis domus pro egrotis S. Jacobi de Spada & de Alto pas-
ſu jura olim cognoscebat, variosque situs mutavit, ho-
die vero in aquilonari Majoris templi area conspicitur. Illius curam Nobiles Albi sodales, in S. Marię de
Angelis degentes, summa pietate gerunt, ad quos et-
iam *Monis* administratio spectat, in subsidium pau-
perum constituti. Sacrę Militię Jerosolymitanę vetus
& insignis Ecclesia ad extremas in ortum opidi ora-
menibus inedicata S. Joannis de Caldarella titulum
refert, authoresque nobiles viros ejusdem gentis ipso
vocabulo prodit. Habet apud Leontinos, Ennam, &
Leocatham subjectas *Commendas*, annuosque proventus
scut: mc. Est & alia in agro *Scaransi* S. Joseph *Cam-*
menda Dario Barbarino anno mdcxxviii. fundatore,
quę *Capellani* confertur. Jam Minores, Ecclesias su-
pra xxx. idem Chiarandanus enumerat, quarum co-
plures Laicorum sodalitatibus addietę, variis per ur-
bem locis dispositę, illi non vulgaris sunt ornamentis
ac decoris.

Arx in meridiem crepidinĩ insidet collis, sed a-
ream habet spatiosam, cui ample civium edes adun-
guntur, necnon diversę ex religiosis familiis adherent
domus, de quibus dixi. Illam præterita męnia, ope-
raque

raque veterum more sepiunt, ac turreſ iv. altitudi-
 ne inſignes muniunt in quadrum poſite. Conclavia,
 aulaſque compleſtebatur triplici fornicum ordine; aſt
 hodie pro noxiis carceres integri ſuperſunt, reliqua
 omnia vix uſui eſſe poſſunt. Eccleſię adminiſtrandę
 Rex Sacerdotem cum ſtipendio deſtinabat. Ex opidi
 muris, ac turribus pauce ſuperſunt reliquię; ſed por-
 te *Catalana* ſub arce ad aſtrum, *Taccara* ad eam-
 dem oram venali foro reſpondens, *Caſtellina* ad ſep-
 tentriones, ubi ejuſdem nominis regio, adhuc per-
 ſtant. Porta S. Joannis recens eſt, reliquę minoris ſunt
 notę. Publici Conſilii baſilica elegans in foro, quę
 videatur eſt digna; Pro Diçeſano Episcopo eđes ſa-
 tis ampla ſuperbit; Nobilium civium magnificentia
 in eđificiis tanta elucet, uti nulli ex cęteris inſulę
 etiam primariis urbibus *Platia* hac in parte decedat.
 Eſt in ea Magiſtratus civilis ex primaria gente, De-
 curionibus iv. Syndico, & Preſecto Criminum coale-
 ſcens, quibus publice annonę, ararii, & ſanitatıs cu-
 ra committitur; Preſecto autem juſ gladii competit.
Armorum Dux, ita appellant, & *Magiſter Juratus*
 finitimis in regionibus juſ dicunt, cuique muneri pro-
 prium. Occupat *Platia* in Comitibus locum xxiii. ejuſque
 teſſeram in parma argentea tænia verticalis, ſeu palus
 efformat. Sub Comarchia *Platia* opida ſex claudun-
 tur, ſed ejus indigena militia Calatãjeronis dudum
 Inſtructorĩ parebat, ſub cujuſ ſignis equites xlvii. pe-
 dites cvi. educebat. Cenuſ ſub Carolo Cęſare lar.
 1364; incolarum anno mxcv. 1664. quo tamen fo-
 ci 3934. ſunt computati. Seculi ſequentis medio foci
 3761. animę 13641. Ex Pirro foci 3991. incolę 10080.
 Anno mcccxxi. lares 2424. incolę 9634. qui noviffi-
 me

mè 11791. *Ager Platiensis* pascuis lætissimus, colonis non illiberalis, naturæ muneribus affluenter dives, perpetuo virore oculos refovens, talis omnino est, uti nulli alteri in Sicilia secundus censeatur. Piniferis enim collibus passim scatet; Campis undique irriguis, ubi frequentissima sunt populeta, & omnis generis arbores; saltibus, nemoribus, & sylvis jucundam, utilemque venationem suppeditantibus constat; prata Corylibus, sive Avellanis longo ordine confita, vinetis, oleisque referta aperit; Civium denique Nobilium suburbanis, in quibus neque elegantiam, neque id omne, quod ad delicias pertinet, desideres, jucundo spectaculo distinguitur. De fontibus fluminum, qui in eodẽ agro sunt, de Gele, scilicet capite *Ghiozzo*, & *Buffarisi* in loco *Muliano*, alibi dixi. In colle *Aliano* Eremita sedet; & in *Rosmano* altera non infrequens; ad caput *Beliæ*, quæ spatiosa est planities, S. Gregorii Prioratus, cujus supra memini. S. Mariæ de Nuce Ecclesiâ in eadem *Beliæ* regione ingenti populi frequentia & vicinis, etiam & finitimis opidis celebris cum nundinis habetur. Novissime post annum mdcxcii. quo Siciliæ insula terremotu, universa concussa est, voti causa *Platienses* Beatæ Virgini tutelari Ecclesiâ in tumulo ad ortum hybernæ extra urbem dedicarunt, magnifice extructam, quam a *Terremotu* appellatam voluerunt. Enumerat denique *Chiarandanus* Municipia, vulgo *Casalia*, quæ *Platiæ* territorio concludebantur: *Nauvim* in monte ejusdem nominis, ubi olim ex Cluverio *Nimima* vetus opidum, *Casale Sarracenorum*, *Rambaldum*, *Condronum*, inde *Fundrè*; *Alianum*, ubi hodie Eremita constructa, *Polinum*, seu S. Barbaræ, *Reubiatum*, *Rebuzinum*, *Marcii Montana*, *Rosmannum*, ubi quo-

quoque Eremitarum Domus, & *Philosophiana* hodie *Sophiana* in Antonini veteri Itinerario memorata. Hæc diebus nostris jacent, atque ex solis ruinis cognoscuntur.

Naturæ dotibus civium excellentia respondet, quorum nomina ex ordine recenseo: Joannes Candleria Sacerdos, cujus jam memini. Vincentius Coniglius Ordinis Prædicatorum in Sacris Scripturis apprime versatus, quas publicè explicavit, solitudinis amore ductus, Aydonum proximum Patriæ opidum se conferens, ad annos L. sanctis operibus intentus vitam ibi traduxit. Senex in patriam reversus piissimè decessit MDCXL. Jacobus Brunus ejusdem instituti magna humilitate, & charitate suorum famulatui addictus perpetuo vixit, nullo docente literas calluit, a columbina simplicitate maxime commendatus anno MD. obiit. Hieronymus Coltreris morum innocentia, & in Deiparam pietate clarus, suum S. Dominici Cœnobium ad plures annos optime moderatus, dulcissimum ejusdem Virginis nomen proferens, lætus mortē aspexit MDCXXII. Seraphinus Soldanus ejusdem Ordinis, amore assequendi Martyrium, diu apud Turcas in Græcia, Christianis ibi degentibus juvandis insudavit. Dum aliquando cuiusdam confessionem exciperet, ob odium fidei occisus in Domino obdormiit. Jacobus Cagnus zelo animarum clarus, aliisque virtutibus notissimus, honorum osor, omnibus charus, piè uti vixerat, sæculo valedixit in patria. De his Dominicane familiæ illustribus viris agunt Pirrus, Cajetanus, Versus, Chiarandanus & Apriles. Memorantur eidem *Cajetano* Augustinus Calaxibetta Sacerdos Capuccinus vitæ integritate conspicuus, *qui sue sanctitatis indicia*, uti Pirrus

T. P. P. II.

D d

rus

rus ait, *complura reliquit*. Vincentius ejusdem ordinis laicus, summa humilitate, sui contemptu, & assidue orationis studio clarus, qui Deiparæ apparitione morti proximus, post relatam de maligno spiritu victoriam, dignatus, placidissime e vivis excessit *MDLXVIII*. Angelus ex Minoribus Observantibus, qui in S. Mariæ de Jesu *MDCVIII*. vitæ innocentissimæ finem invenit; Quos etiam laudat idem Pirrus. Versatur adhuc in omnium ore Andreas Trigona, quem ad frugem meliorem Franciscus Morales piissimus Sacerdos, & Canonicus revocavit. Apud veteres Capuccinos sanctioris vitæ tyrocinium Andreas posuit; pauperibus egrotis hinc eximia charitate ministravit, sacrasque Virgines in S. Annæ Monasterio subinde egregie juvit; demum *MDCCXVII*. non levi sanctimoniam opinionem animam cælo reddidit. De eo Chiarandanus, & Versus qui Antonium Rendam, Nicolaum Sagium ordinis Minorum; Christophorum Calaxibettam Monachum, Casinensem, Antonium, & Hieronymum ejusdem illustri familiæ, Honuphrium Cascium Sacerdotem, Petrum Barberinum S. Andreæ Priorem, Ludovicum Martinum ex Reformatis, ob vitæ merita & non vulgares virtutes summis laudibus extollunt. Emmanuel Calaxibetta Cler: Regul: Teatinus, zelo animarum accensus in orientalem Iberiam expediri postulavit; sed variis ex causis præpeditus, Matriti sublitit, ubi eximiæ probitatis edidit exempla, ibique piè decessit *MDCLXXIII*. Prosper denique Intorcetta Societ: Jesu. Hic Sinicam sacram expeditionem expetiit, atque anno *MDCLXI*. celebris Martini Martinii socius adscitus, obtinuit, quam provinciam, Evangelium disseminando, ac pro Christi nomine plurima invicto animo perferendo, ad an-

nos xl. egregie gessit. Supremam denique senectutem
 nactus, piisque laboribus consumptus mxcxi. ibidem
 decessit. De quo Mongitorius, Aghilera, alique fusi-
 us agunt. Ex seminis insignes fuere Archangela
 Tirdora tertii ordinis Minorum admirabilis patien-
 tiæ in diutina infirmitate, contemplationi assidue ita
 vacans, uti Puerum Jesum nocte Nativitatis suis in
 ulnis recipere, & Dominicæ passionis particeps esse
 meruerit; signis demum illutris mxcxiii. ad celos
 transit, Margaritha Calaxibetta, cujus meminit Ca-
 jetanus, & Pirrus, Tertiaria Capuccinorum, humilita-
 te, abstinentia & contemplationis studiis apud omnes
 commendata. Obiit miraculis a Domino in morte
 honorata, Seraphica Trigona in S. Joannis Monaste-
 rio religionem professa, innocentissimæ vitæ Virgo,
 abstinentiæ admirabilis, & contemplationis assidue,
 in qua Divina patiebatur, ætatis anno xxii. summū
 perfectionis apicem attingere visa, ad celestem Spon-
 sum evolavit mxcxix. De qua Pirrus. Catharina a
 S. Philippo, genere nobilis, prima in S. Annæ Ceno-
 bio professionem emisit, mirisque virtutibus effulgit,
 humilitate præsertim, patientia, atque in Deum, &
 proximum charitate. Obiit piissimè mclxxxvi. die
 quā prædixerat. Agnes Triolo in eodem S. Annæ Mo-
 nasterio diu sororibus virtutum exemplis præluxit,
 domesticis obsequiis ministravit, vivamque in se Jesu
 Christi imaginem, acceptis etiam divinitus stigmatis,
 expresse. Prope Octuagenaria mxcxi. obiit, cujus vi-
 tam novissimè Nicolaus Coltraro edidit.

A dignitatibus, supremisque gradibus cum Eccle-
 siæ, tum sæculi, *Placientes*, commendantur: Rogerius
 Ordinis Minorum S. T. Magister Friderico III. a sa-

cris Confessionibus, Basorensis in Perfide Episcopus, inde Mazara in Sicilia, floruit anno mcccclxxxiii. Antonius a S. Philippo Ordinis Prædicat. S. T. M. æque doctus, ac pius Jurium Apostolicæ sedis in Sicilia, collector anno mcccclxxxiii. Bartholomæus a Platia, Minor Conventualis, Legatus a Messanensibus ad Carolum Andegavensem missus, de quo eximia Maurolycus enarrat. *Versus & Chiarandanus* Scipionem Rebibam S. R. C. Cardinalem, ejusque Nepotes Joannem Dominicum Rebibam Cotronæ, & Catanæ subinde Episcopum, Luciumque Prosperum Bovenfi Ecclesiæ Præpositum *Platienses* ortu faciunt. Ego ex iis, quæ suis in scriptis illi proferunt, *Platia* saltem oriundos putaverim, alii enim ex nostris e S. Marci opido fuisse communiter affirmant. Quod Ubertinus de Corleone *Platiensis* etiam ex nobili gente Calaxibetta de Corleone appellata, dicendus sit, evulgant, sed alii contendunt. Fulsit autem ille inter Minores fratres, sui que ordinis gradus omnes assecutus, Paëtensis tandem Præsul evasit. Nicolaus Porta Ordinis S. Domini scientia, & vitæ integritate præcipuus, Antonii Alexandrini, qui fuit Pius V. in studiis sodalis, ab eo Romam, ut ad Palatii Apostolici Magisterium promoveretur, evocatus, ætatē se confectum professus, gradum ultrò oblatum præ humilitate recusavit, mortemque in patria expectavit mclxxvii. Bartholomæus a S. Fausto, Pirrus cognomine, Congregationis S. Bernardi Floriacensis, Generalis Visitator, totiusque Sabaudia Penitentiarius, ab eximia ingenii felicitate, editis operibus, & virtutum præstantia commendatus, de quo inferius. Josephus Boccadesuoco Clericus Regularis Teatinus, vir apprimè doctus, & Ecclesiastes di-

differtissimus, Abbas SS. Petri, & Pauli de Italia; mox ad Mazarensem sedem vocatus anno MDCLXXXV. dignitatem respuit, & pie, uti viverat, privatos intra lares obiit. De eo Silos, Mongitorius, & Cottonus. Mathæus Trigona gentis suæ splendor, Syracusanus Episcopus, disciplinæ Ecclesiasticæ sedulus promotor, post aliquot optimi regiminis annos muneri nuncium remittens Archiepiscopus Iconii, & Sacræ Mansionis Panormitanæ fit Abbas. Decessit in patria MDCLIII. morbo, & ætate confectus. Alexander Bajulus sub Guilhelmo, de quo supra. Alexāder Torres Māfredi Regis Miles ejusdem lateri adhærens occubuit in celebri pugna, qua Carolus Andegavensis ad Beneventum illum fudit, & confecit. Antonius Papè vir strenuus, & Regis Jacobi amicitia honoratus, quocum Catana degens familiariter egit, uti Athanasius ab Aci tradit. Rogerius Caldarrera Friderico III. in primis charus, ab eoque singularibus gratiis affectus. Joannes Calaxibetta Reginae Aulicus sub eodem Friderico clauit. Nicolaus Brancifortius, Mazarini Dynasta, Martino Regi apprime acceptus, ejus copiis præfuit, in cujus fidem & clientelam conterraneos suos adducere curavit, Graculiati arce idcirco donatus. Henricus Aydonus Azolinæ dominus, eidem Martino fidem suam egregiè probavit, variisque privilegiis decorari ab eo meruit. Andreas Trigona Regius in Sicilia Quæstor. Vincentius Gergenti post emensos honorum gradus, Regii Ærarii Præses, brevi vixit. Joannes Affannatus M. R. C. Judex, a Regiis rationibus subinde Magister. Joseph Triolus in eadem R. M. C. quartum sedit. Simon Calaxibetta & ipse supremi illius senatus Judex clauit medio elapso sæculo. Joseph Calaxibetta Juris

Con-

Consultissimus, literisque pollitioribus satis ornatus, in aulis Prætorii & Consistorii sedet, Bellicus Auditor Generalis MDCLXXV. Desiderius Sanphilippus S. Joannis Eques, primus *Gruttarum* Dux, consilio, & prudentia Panormi plurimum valuit.

Literis denique & scientia, atque ab ingenii fe-
tibus illustres fuere: Michael de *Platia* Minor de Ob-
servantia, qui Siciliæ Regum res gestas ab excessu
FridERICI II. ad annum MCCCXLII. simplici stylo com-
plexus est. Opus mitum ab eruditis asservatur. Jo-
annes Antonius Trigona summus Jurisconf. Mariani
Soccini discipulus, in Patavino gymnasio publicus Le-
gum interpres, edidit *Singularia*, floruitque MDXL. Sci-
pio Trigona U. J. D. eminentissimus, & in Aca-
demia Parisiensi, ac Valentina publicus per annos XXV.
Legum Professor, *Commentaria in Petrum Philip: Cor-
neum Perusinum super Codd. & Diggest.* edidit MDLIII.
Antonius Pirrus ab anno MDXX. generalis Siciliæ Ar-
chiater, apud Carolum V. magna valuit opinione. O-
biit MDXXXII. Franciscus Cagnus Medicus, & Philoso-
phus per Italiam celebris, Theologicis etiam & Poe-
ticiis studiis delectabatur, in Patavino Lyceo ad plu-
res annos Medicinam docuit, opusque *Theorematum
Physicorum Arist.* vulgavit MDLXXI. Joannes Francis-
cus Assorus Medicus & Mathematicus insignis Comi-
ti de Alba Proregi apprime charus, scripsit *Patriæ
Historiam*, floruitque MDLXXXVII. Joannes Philippus Bo-
nus Philosophia & Medicina insigniter excultus, ac
poetica laude floruit; In Patavino gymnasio easdem
facultates publico honorario conductus docuit & Lau-
reati Poetæ honores meruit. *De Concordantiis Phi-
losophiæ & Medicæ* MDLXXXIII. libros edidit. Francis-
cus

aus Niger Astrologus, Philosophus clarissimus, & Me-
 dicus, eodem mortis genere in Sicilia sub Ætna an-
 no MDCXXXVIII. periit, quo Plinius in Campania; dum
 propius scilicet incendii cursum specularetur, fumo
 suffocatus. Joseph Seydi (Hieronymum vocat Mon-
 gitore) Medicus & de antiquitate benemeritissimus;
Ejus mssum de Antiqua Platia & Translatione B.
Maria Virginis, inquit Pirrus, *apud Doct. Med. Anto-*
niuta Pizutum Platiensē omnium scientiarum peritia,
etiam hystoria præclarum legi. Antonius Versus Mu-
 sicis peritus, & in patriæ historiis insignitur versatus,
 plures vulgavit libros ad Musicam spectantes, MDCXX.
 mssam Platiæ historiam reliquit. Bartholomæus Pir-
 rus, a S. Fausto appellatus, Cisterciensis Monachus, de
 quo supra, typis dedit *De votis Religiosorum, de Clau-*
sura, Speculum Confessorum, de Horis Canonicis, de
Theologia Morali, de Sacris Indulgentiis, & Jubileo
 Vivebat MDCXXXVI. quo ætatis LXV. magna opinione
 virtutis vita excessit Neapoli. Martinus N. ludrica-
 poesi clarus laudatur ab Alderano, & Mongitore.
 Franciscus Inguardiolo Theologus & Concionator ce-
 leberrimus, & in Jure Pontificio consultissimus, Com-
 mendatur eidem Mongitorio. Franciscus Previ Soc.
 Jesu, in quo absolutissimi viri virtutes omnes mira-
 biliter effulsere. Messanæ denatus MCLXX. ab eodem
 Mongitore laudatur. Franciscus Maria Spinellus Cler.
 Regul. Teatinus inter primarios Divini verbi præ-
 cones locum sibi comparavit. Claruit anno MDCXXXIX.
 Hieronymus Montaltus Philos. & Medic. Doctor Pata-
 vii inclaruit; vulgavit *de Homine Sano* librum MDC-
 XXXII. Franciscus Intorcetta Soc. Jesu Theologus, Car-
 dinali Camillo Astallio Catan. Episc. a Sacris Con-
 fes-

fessionibus, ejusque successoribus acceptus, Panormi
 obiit MDCXXXII. Carolus Trigona ejusdem Societatis
 Morum Theologiam supra annos xxx. professus est pu-
 blice; Messanensi, Syracusano, Catanensi, & Liparen-
 si Præsulibus a consiliis, senex decessit MDCCIII. Em-
 manuel Calaxibetta, Prosper Intorcetta, & Josephus
 Boccadesuoco, alibi laudati, inter Scriptores Siculos ju-
 re a Mongitorio relati sunt. Marcus Alegambius Mi-
 nor Reformatus Philosophiæ, Theologiæ, ac Juris utri-
 usque scientia insignis, scripsit, Patriæ Historiam, ex
 Chiarandano & Mongitore anno MDCXLVII. Joseph
 Politius Societ. Jesu omnigena doctrina excultus Sa-
 cras, & Naturales Scientias Panormi diu docuit, ubi
 absolutissimum Philosophiæ cursum viris doctis appri-
 me probatum, typis tradidit. Obiit MDXCI. Joannes
 Paulus Chiarandanus ejusdem Societ. sacris & hu-
 manis literis imbutus, Historiam urbis suæ publici
 juris fecit anno MDCLIV. decessit decurrentis sæculi
 anno 1. octogenario major. Dominicus Bandini pro-
 vinciam Siculam Societ. Jesu optime rexit, Ecclesia-
 stes eximius, & Theologus edidit *Rectorem Politicum
 Christianum, & Consiliarium*. Floruit hoc sæculo. Ves-
 pasianus Trigona Societ. Jesu suppresso nomine scri-
 psit *Pro voto de Immaculata Deiparæ Conceptione*. Pro-
 vinciam administravit, & Romæ hodie inter primos
 magna nominis fama dies agit. Philippus Arena Soc.
 Jesu Mathesis ad plures annos Panormi interpret, de
 Optica bene meritus, Microscopium invenit, cujus
 docuit usum, singularissimi artificii, ac plura alia mo-
 litur. Vivit. Celebrat Chiarandanus sepissime lau-
 datus, inter Juristas Didacum Alarcon, Franciscum
 Gueli, quem a poeticiis cantionibus commendat etiam

am

tiam *Sanclemente*. Franciscum Barberinum poetam quoque disertissimum, Joannem Mar. Lagnusa, Joannem Franciscum Trigonam, Matthæum Spinellum. Inter Medicos & Philosophos Sebastianum Tischeram per annos xviii. Perusii publicum Professorē, Vincentium Jaci, Joannem & Matthæum Triolum, Joannem Thomam Galaxibettam, Franciscum Capizium, aliosque aliis scientiis imbutos; Quos apud eundem consulē.

PLEMMYRIUM Promontorium & Castellum ad portus Syracusani fauces contra Ortygiam, cui parva obiacet insula *Castellacium* appellatur. Dicitur hodie *Marsa Oliveris*, ob celebrem lapicidiam memorata, unde per universam orientalem Sicilię plagam lapides ad ædificiorum, templorumque ornatum passim deportantur. Virgilius *Æneid.* 3. Undosum *Plemmyrium*, quia maris fluctibus tunditur, vulgavit; natus hinc inter Grammaticos error, quod insula, aut fluvius fuerit. *Plemmyria* enim Grecis inundatio est. Atque Thucydides rectius describit lib. 7. *Nicia vero communiendum videbatur Plemmyrium; quod est promontorium ex adverso urbis in magnum portum prominens, faucesque coercens; quo munito, faciliorem fore receptum commeatus, aliarumque necessariorum rerum.* Qualis porro munitio fuerit, seu Castellum in promontorio excitatum prodit idem Historicus: *Gyppus tota nocte cunctum pedestre agmen duxit; ut eodem tempore ipse a terra muros in Plemmyria adiretur, & naves a mari.* Et paullo post. *Interim dum Athenienses, qui erant in Plemmyria, ad mare descendissent, & ad pugnam navalem intenti essent, Gyppus prima luce repente muros adoritur, ac primum*

T. P. II.

E c

c tri-

tribus maximum caput, dein & minores duos. Tri-
plici circumdatum muro Plemmyrii castellum innuit;
nam ibi pecuniam Athenienses, quæ ingens erat, re-
positam habebant. Athenienses, prosequitur ille, extra-
dis hostilibus naufragiis, Navali enim bello victores
fuerunt, ac posito trophæo in parva insula, quæ ante
Plemmyrium sita est, in sua castra rediere. Syracusa-
ni vero tribus potiti muris totidem trophæa statue-
runt, & e duobus muris posterius captis, alterum diru-
ere; reliquos præsidio imposito tuebantur. Locus ca-
stelli haud procul ab extimo promontorii excursu,
paullo elevatior, vestigia adhuc veteris structuræ ser-
vabat Cluverii ætate.

PLUTIA. Vide *Platia*.

PLUTONIA SPECUS apud Ennam, per quam
 Plutonium ad Proserpinam ex vicino prato flores le-
 gentem rapiendam exiisse veteres fabulantur. Abrup-
 tis faxis tota hodie oppleta est, os ad aquilonem e-
 tiam nunc patet.

POLICHNA Opidulum in Syracusano olim agro
 circa Jovis Olympii templum. Diodorus lib. 13. *Athe-*
nienses. cum parte copiarum locum portui imminentem
occupant: Polichnâ; quam vocant, communita. Jovis
etiam templum eidem muro includunt, ita, uti ex u-
traque parte Syracusas obsiderent. Et lib. 14. Castel-
lum vocat: Dionysius simul & castra, & castella op-
pugnare instituerat. Itaque percussis re subita Bar-
baris, castellum, cui Polichnæ nomen, vi expugnant. Clu-
verius, eo vocabulo opidulum denotari advertit.

POLINUM Vetus Casale in territorio *Platiæ*.
 Fjus in Censu Martini de anno mccccviii. fit mentio.
 Spectat hodie Polinus ager ad Bonannos Calataje-
 ronenses.

POLYPHEMI SEDES ad Anapum. Gigantis hujus antrum fuisse sub Ætna alibi ostendam, contra ac sentit Cluverius, qui in Eryce monte prope Drepanum illud statuit. Atenim Theocritus Idyllo. 7. eundem ad Anapum Syracusani portus amnem sedem, quoque habuisse tradit his verbis: *Nam pastorem illum olim ad Anapum fortem Polyphemum, qui in montibus saxa torquebat, tale nectar movit, ubi per stabula pedibus saltaret?*

POLYZELUM Villa apud Syracusas, situs incerti, inter Cacyparim amnem, & Erineum fluviū dubio procul statuenda: De fuga Atheniensis exercitus loquens Plutarchus in Nicia ait: *Prima luce Syracusani occurrerunt; saltus obsederunt, vada fluviorum Cacyparis, nempe & Erinei, munierunt muris, pontes rescinderunt, uti nullus esset Atheniensibus reliktus locus sine dimicatione progrediendi; & paullopost Captus est Demosthenes, & manus, cui ille præerat, ad Polyzellum villam, inter dimicandum & resistendum circumventa..... Sublinuit tamen illam noctem Nicias, aliis cum suorum copiis Demosthenem progressus, & postero die processit inter hostium tela ad Asinaram usque amnem.* Nominis hoc accepisse Villam a Polyzelo Hieronis Regis fratre, optime conjectat Cluverius, cujus meminit Pindarus in Scholiis Olymp. Ode. 2. qui vel conditor, vel saltem dominus villæ fuit.

PONTESIA Casale ad Syracusanam spectans Ecclesiam, de quo Trancredi Syrac. Comititis loquitur Privilegium anno mciiv.

PORCARUS Fluvius, vide *Pantagias*. Dicitur etiam *Bruca*.

PORRORUM Insulæ, seu Scopuli tres, bis m. pass: post Pachynum promontorium, ejusdem littori meridionali objacentes, contra *Busaidunis* fluenti fauces, & *Murra*, sive *Circiæ* cuspidem.

PORTICELLUS. Statio circa orientale Pachyni littus post Atellari, seu Abyssi fluminis ostium.

PORTILUM Opidum ex Aretio, quod Lamis Megarensis condidit, *Trotilum* Thucydidis, Nostris *Curcuracis*. Sed omnia Aretius invertit. Trotilus enim a Pantagiæ ostio haud procul, uti docebo; *Curcuracium* sub Melilli stetit, quod supra adverti.

PORTUS PALORUM. Vide *Palorum Portus* ad Pachynum.

PRIANA, Fons idem ac *Diana*, de quo dixi.

PRIMUS, Fons ad Sortinum, seu Xuthinum opidum, unde ejusdem nominis fluvius, qui in Anapum illabitur.

PRIMUS SOL. Aliter *Provisor*. Ager est post Symæthum amnem, in quo S. Pauli fluvius decurrit. Pons ibi hodie celebris a S. Agatha appellatus, ad trajectum, quotiescumque hyberno tempore ejusdem fluminis aquæ late ipsi agro affunduntur.

PRISA Fluvius, Gela scilicet juxta Terrānovam ita appellatus, de quo superius dixi.

PRUNORUM Fons, seu Puteus juxta Motycam, unde fluvius *Motycanus* ortum ducit. De eo actum; ubi de *Fluvio Sicilensi*.


PULCHRA FŒMINA. Aquæductus ad agrum Syracusanum, unde aquæ a Sortino, seu Xutino illabuntur. De eo Fazellus.

PUZZALLUS. Statio & Arx, alio nomine *Alpafallus* in littore australi, cujus alibi nemini.

PY-

PYRAMIS. Aliter *Turris Acuta*, Siculo ore *Pizzuta* in Netino Territorio inter Assinarum, & Elorum fluvios. Vide *Pizzuta*.

PYRAMIS. vulgo *Aguglia*, unde latissimus fertilisque ager *Bigenis* post *Cantaram* amnem, seu *Alabum*, nomen sortitur. *Agulia Planities* aliter, in mediterraneis contra Tapsum, seu *Magnisim* peninsulam. Quadrata est moles ex lapidibus etiam compacta, cujus major superna constructio ex terræmotus succussionibus *MDCCXIII.* in ruinam abiit. Authores Syracusanos, post relatam ab Atheniensibus victoriam, dubio præcul agnoscit; & si nonnullis alio forte tempore subiecta creditur.





ACCASSEM *Casale*, *Zotica* subinde, ac tandem *Judica* appellatum de *Zotica* rursus.

RACHAMEMUM. *Casale*, quod anno mcccxx. circiter juris erat Bernardi de *Montalto* Bucheris Domini, & mcccxxv. ad Joannē de Cruyllas spectabat.

RACULMET. Vide *Riesum*.

RAGUSA Opidum nobile ad *Motycensem* hodie Comitatum spectans, ejusque potior pars, a *Pirro* & *Fazello*, ingens, agrorumque *Camarinesium* dives appellatum, ditissimis, conspicuisque familiis splendidum, in arduo sedet colle ad austrum, ortum, occasumque, cujus abluit radices *Hirminius*, qui & *Ruguse* fluvius hodie idcirco dicitur. *Hybla* minor, sive *Heræa*, & *Hera Cluverio*, *Vigintimillio*, *Carreræ*, & *Mazaræ* creditur, & ob *Lucinæ* cultum veteris superstitionis *Deæ* apud incolas memoratur; adeoque longe ante Christum Dominum ortum habuisse, & nomen subinde sub *Sarracenis* immutasse passim traditur. Nec desunt, qui a *Raguseis* conditoribus appellant; quamvis nulli in *Siciliam* *Ragusei* usquam appulsi in historiis dicantur. Duas est hodie in partes civitas discreta, quarum inferior *Ragusa*, altera supremum occupans collis, *Cosentia*, & nova appellatur. Ibi enim *Cosentini* dudum patria extorres, coloniam statuerunt, uti de *Leontinis* tradunt, ubi regio est *Cosentia* appellata. Inter utramque autem *Scala* perquam lata juxta rupis indolem ad passus m. & amplius extensa assurgit, quam sacræ aliquot ædes, uti & ci-

civium per intervalla ambiunt. Arcem ingens *saxea* moles substat, in occasum, ab ortu, & meridie venter adhærentem civitati, circa alias vero regiones ad profundam usque vallem, vulgari voce *Cavani*, undique præruptam, quæ variis munimentis & turribus ad quatuor angulos olim instructa, firmior præ ceteris insulæ habebatur, atque ob situm expugnatum difficilis; nunc vero post annum *mocxiii.* terræmotu disiecta, præter substructiones, imosque fornices, ubi noxii detinentur, ruinis undique patet; ex quibus tamen ejus adhuc magnificentia & insignis elucet amplitudo; Mœnium reliquæ alicubi etiam spectantur, maxime prope Capuccinorum Conventum.

Majus templum S. Gregorio Martyri dicatum Claromontanis Pirrus adscribit; Northmannis Ego assigno, Rogerio scilicet Comiti, aut ejus ex Ereburgog filio Gaufrido, qui pulsus Barbaris *Ragusæ* Comes a patre mox renunciatus, sacra munificenter restituit; extant hinc S. Georgii vetus Ecclesia, nonnisi *Gaufrido* ascribenda. Huic nova successit a Claromontanis in urbis veteris pene centro, haud procul ab arce excitata, ædificiis, prospectu, atque interno ornatu olim decora; sepulchro Bernardi, & Joannis Capreræ illustris; post terræmotum decenter primum concinnata, subinde non minori elegantia cum ornatissima fronte extrui cœpta; Canonico demum collegio paucis; ab hinc anno *mocccxx.* insignita, cujus Præpositus veteris ejusdem civitatis est Parochus. Post hanc S. Thomæ Apostoli sacra ædes surgit, in qua Divina etiam administrantur. Jam in nova, quæ *Cosentia* vocabulo venit, insignis parochialis S. Joannis Baptistæ titulo Ecclesia primatum diu in una, & altera sibi deberi contendit, tandemque proprios intra fines jura exercere sua,

sua, & nulli alteri subici obtinuit, ab eo præsertim tempore, quo de secernenda veteri a nova civitate, circa decurrentis sæculi initia actum est; rebusque civilibus integris, parochias discretas, ne locus deinceps jurgiis daretur, Syracusanus Episcopus voluit. Fulget & ipsa nobili structura, columnis fusiulta, prospectu ex albo lapide eximia, suo sub Sacerdote, cui clerus sacris operanti, muniisque Ecclesiasticis intendenti frequentissimus adest. Habet eadem regio superior S. Nicolai ædem, ubi sacris etiam administrandis opera navatur. Sed & utrique Parochiæ S. Georgii scilicet & S. Joannis tres & viginti filiales subduntur, quas inter memoratu dignæ S. Mariæ vetustissima, de Scala nuncupata, quia circa eandem sedet, S. Veneræ V. & M. in clivo, S. Mariæ de Odigitria, Purgantium Animarum, S. Jacobi Apost; alięque laicis sodalibus addictę.

Instituit sub S. Benedicti regula laudatus Gaudfredus Comes Prioratum anno mxx. illumque Monachis Cathedralis Catanensis Ecclesiæ attribuit, sub S. Mariæ de Nova, seu de Monacho nomine, cujus hodie jura ad Catanę Canonicos spectant; Ecclesiæ vero Minoribus tertii Ordinis fratribus fuit concessa. Ascetis porro S. Dominici, Vincentii de Pistoja viri pietate eximii opera, cenobium ab anno mxi. S. Vincentii Ferrerii titulo non inelegans constructum est, ubi primus ab austro in opidum aditus patet, quod hodie resectum. Minores Conventuales longe antiquiores, ac Pirrus ex Uvadipgo constituit; Divo enim Antonino apud Siculos agenti anno mcccxxv. illos *Ragusa* incolas Conventus tabulæ evincunt. Ecclesiā S. Francisco sacram vetustæ & recentis structurę cele-

celeberrimam prodit Cagliola, cæterisque hac in regione non secundam; Sacrarium ornatissimum, vas-
 sis argenteis, & supellectile dives; *Conventum vastum
 & officinis variis fulcitum*, eximiis denique sodali-
 bus instructum dicit. Surgit circa aquilonem in tu-
 mulo. Reformati in S. Mariæ de Jesu decentissimo Mo-
 nasterio ab anno MDXXXVI. degunt ad ortum, prope
 veterem opidi portam supra vallem. Capuccinorum
 domus S. Agathæ titulo, extra, MDXXXVII. uti Annales
 perhibent, statuitur; inde juxta mœnia civitatis trans-
 lata anno MDXX. ex Pirro, prima ad meridiem occur-
 rit, cujus templum satis celebre Nativitatis Domini
 iconè exornatur. S. Mariæ de Carmelo antiquum Co-
 nobium prope *Cisentiam* situ conspicuum, ædificiis
 nobile anno MDLX. ortum recognoscit. S. Augustini re-
 cens est, ait Pirrus, anno scilicet MDXXXI. fundatum;
 post terræmotum in S. Theodori fratres sese recepe-
 runt; novissime resectis ædibus ad pristinum sub S.
 Georgio locum reversi sunt. Minores denique Tertii
 Ordinis dudum S. Antonii Ecclesiam infrequenti situ
 colebant; Canonicis mox Citanensis Ecclesiæ annu-
 entibus, S. Mariæ de Nova MDXX. acceperunt, a foro
 publico haud procul, & intermissum ibi Divinum sa-
 mulatum, Hyacintho Battaglia ejusdem instituti rem-
 promovente, instaurarunt. Monialium Claustra tria
 vigent hodie apud *Ragusam*: S. Mariæ Vallis Viridis
 sub Carmelitano ordine vetustum, in ea, quæ opidum
 adcurrentibus obvia sit area, contra S. Dominicum. No-
 vum alterum in foro, S. Joseph titulo, a Carolo Ga-
 vanto Buxelli domino MDXC. fundatum Benedictinæ
 regulæ adstrictum; utrumque ædificiis, elegantique
 templo spectabile, & monasticæ disciplinæ speculum.

Tertium S. Mariæ de Gratia olim puellis orfanis educandis addictum, alumni subinde frequens; quæ ad S. Terefiæ præscripta arctiori vivendi genere distinguuntur. Domus Hospitalis ad infirmos fovendos prope forum de Arcubus, piorum eleemosynis, bonisque aucta, Ecclesiæ S. Mariæ adhæret; Mons Pietatis sedula civium cura administratur. S. Joannis Jerosol. Commendam Blandano Aretio Equite MDCXXVI. authore; & Cisterciensium Monachorum hospitium Rocca-diensi Cenobio suffraganeum memorat Pirrus.

Triplex venale forum civibus aperitur. Primum & sitis amplum inferius, ubi Magistratus basilica non ineligans, & alia, quæ decorem illi conciliant, ædificia; aliud ab Arcubus, seu ab antiquis opere arcuato conspicuis substructionibus vocabulum fortitur; postremum apud *Cosentiam* ad S. Joannis templum, undique patens comptis ædibus ambitur; ex his enim, quæ ad privatos & nobiles varia per urbis loca spectant, magnifice atque ad multam elegantiam non pauca extructæ conspiciuntur. Suggestus denique lapideus insigni artificio elaboratus in ampla Sanctæ Mariæ de Scalà area conspicuus extat, de quo varia, & incerta traduntur. Magistratum porro ex Juratis Patribus, Syndico, & Præfecto coalescentem Comes annum designat; Clero Pro-Episcopo Syracusano Sacerdos moderatur; Sacris Parochi intendunt. Subditur civitas quo ad indigenæ militiæ munia Siclensi Instructori, eique pedites cxx, equites lxx. dudum subministrabat, & Netinæ Comarchiæ finibus comprehenditur. Aquilam rubra Cruce pectus signatam in scuto ostentat, amplissimoque agro, supra quam credi queat, frugum secundo gaudet. Sub Friderico enim III. Fundos xx. Equitibus, uti dicunt, xxviii. obnoxios, claudebat.

Colles hinc, qui circa surgunt, multa vite, oleis, arboribusque amœnissimi, fontes ad horum radices uberissimi ac perennes; valles cannabe, legumine, oleribus refertæ oculos adeo oblectant, uti Montes inibi Heræos veteribus celebratos ex nostris complures recognoscant. In planitie ceterò, lapidosa quidem, ad multa pass. u. extensa, latissimè, quod supra collum vertices procurrat, patenti, arbor sanè nulla, sed graminen omni ferme tempore virescens pinquissimis pascuis cujusvis generis armenta, gregesque nutrit, unde quæstus ingens incolis provenit. Ibi media via jucundo spectaculo videre est centum circiter puteos brevissimo terræ tractu in lapide excavatos, a quibus locus denominatur, frigidam aquam, limpidamque præbentes. Erant sub Carolo V. *Ragusæ* foci 3247. incolæ vero in Censu de anno mxcv computabantur 8937. Sequentis sæculi medio in Regiis libris lares 2475. animæ 8732. Sed ex Pirro lar. 2353. animæ 14443. in quo postremo numero lapsus apparet. Anno mdcxiii. lares 2382. incolæ 8863. novissimè 12104.

Primum *Ragusæ* Dominum Rogerius Comes *Gaufridum* filium secundo loco ex *Adelaide* susceptum constituit; alter enim *Gaufridus* Comitis primogenitus ex *Eremburga*, cujus meminit *Malaterra*, quum affectus esset valetudinis, uxore virgine relicta, diem obierat suum. *Gaufridus* ex *Regalia* conjugè *Bartholomæus*, *Sylvester*, & *Gotofredus*, sive *Robertus* nati sunt. Primus patri successit, moxque sine hærede vita defunctus est; tertius improles etiam obiit. *Sylvester* hinc *Ragusæ* Dominus, *Marsici* & *Cauperfani* Comes salutat, sub *Guillelmo I.* Regni negotiis præfuit. Ex hoc *Guillelmus*, qui se *Marsici* tantum Comitem, &

Ragusa Dominum appellat; nullamque cum uxore, Stephana prolem reliquit, illum idcirco Sylvester Bern. Gaufridi junioris filius excepit; & in diploma de anno MEXCIV, quod Pirrus in Syracus. Eccles. notitia retulit: *Sylvester Bern. Comes Ragusa Comit. Guillelmi ex fratre nepos* subscribit. Gaufridus namque Sylvestro Marficano, secundo loco genitus Montis Caveosi in Calabria, Neti, Sclafani, & Catalanix; in Sicilia Comitatus tenuit, quos amisit. Guillelmo enim Regi insensus, dum insula excederet, Majonis fraudibus in Messanenfi freto interceptus, oculisque privatus in carcere tandem misere occubuit. Filius itaque Sylvester bonis paternis caruit, sed in avunculi Guillelmi ditione, *Ragusa* dominatu successit. Suevis, Gallisque Siciliam tenentibus sub Regis immediata potestate *Ragusam* perdurasse perhibent. Ab Andegavensi Carolo enim sub custodia Henrico de Sancto Stephano datam solummodo *Ragusam* invenio. At Petrus Aragonensis Joanni Præfiliò concessit, quem Marchisæ Præfiliò patrem pronum est credere. Marchisæ quippe filius, *Manfredus Claromontanus*, ab Jacobo Rege, Petri filio *Ragusam* accepit, quam forte Joannes ejus avus minime fuerat; repugnantibus Opidanis, assecutus. Horum porro tanta fuit pervicacia, uti erecto ad arcem Gallorum vexillo, Guillelmo Estendardo Caroli Marescallo, cum Buteræ, Palatioli, & Cassari populis se dederint; nec nisi magnis viribus expugnati, tandem sub jugo colla submiserint, quod Maurolycus literis consignavit. Tunc *Ragusa*, uti Comitatus Motycensis pars, computata; Manfredus enim Isabellam Muscam sibi desponsaverat, cujus jure Motycæ Comes evasit. Manfredo Joannes filius

suc-

successit; sicque deinceps alii utramque Dynastiam tenuerunt. *Est Ragusa* a Motyca distantia pass. m. iv. sed difficilis prorsus itineris; quoad celi vero regiones latitudo grad: xxxvi. xlv. longitudo grad: xxxviii. xxv. computatur. Sedet Baro in Comitibus loco xxi.

Illustres viri celebrantur Vitus a *Ragusa* ex Minoribus Capuccinis laicus, qui moribus præditus incorruptis, contemplationis studiis adeo inhæsit, uti Divina sæpissime pati, variisque donis & charismatis imbui meruerit. Pio tandem fine Lycodiæ anno m. d. c. lxxii. quievit; ubi illius corpus asservatur. Nicolaus Ursus Societatis Jesu Sacerdos, vita, & moribus illustrissimus, ab ipsa infantia ad virtutem comparatus, & ad vitæ exitum sibi semper constans ejusdem sectator. Scripsit de illo elogium Emmanuel Aguilera, qui Nicolaum veluti publicæ privatæque virtutis exemplum, & purioris imaginem disciplinæ posteris commendat. Julius Thomasius Lapedusæ, Palmæ, & Montisclari Dynasta, Christianorum equitum speculum, eximia in Deum religione, in Virginem, Sanctosque pietate, munificentia in pauperes, in educandis filiis cura, adeo commendatus, uti admirationem non vulgarem excitavit; dignus, qui Josepho Thomasio S. R. C. Cardinali, & Mariæ Crucifixæ, filiis præluxisse sanctioris vitæ exemplis, monitisque salutaribus, omnium ore prædicetur. Extant ejus gesta typis edita. Ascen-
tius Guerrerus, vir Græcis & Latinis literis doctissimus, quibus Franciscum Barberinum postea Urbanum VIII. imbuat; ab eodem S. Mariæ in Cosmedin de Urbe Canonicus primum, subinde Castelletanus in Neapolis Regno Episc. renunciatus. Sebastianus Ugolinus, quem perperam Pirrus Siclensem dicit, Academiæ Com-
plu-

plutenſis in Hiſpania Alumnus; Philippo III. a Sacello, S. Mariæ de Burgitabus Prior, & S. Anſtaſiæ Caſtelliboni Abbas, vir apprime doctus, a Pirro, Mongitore, & aliis congruis laudibus exornatus. Joannes Antonius Joppulus Juris-Conſult. eximius, cauſarumque patronus elegantiffimus, emenſis omnibus in ſoro gradibus, Regii Ærarii Præſes inauguratur, Cifari de Inſula Dux ſubinde Caroli II. Regis beneficio anno **MDCCIII.** fulſit, deceſſitque **MDCCII.** Joſeph Michael Marquet Sacerdos æque doctus, ac pius, apud Hiſpanos ab eruditione celebratus, Conſtantiniani Ord. Eques & Cancellarius, a Philippo IV. Hiſtoriographi ſui munere donatus, plura edidit, quæ refert Mongitorius in Biblior. Vitas nempe Rom. Pontificum, Annalesq; ejusdem Philippi, a quo Episcopus designatus, morte præreptus honores aſſequi meritos haud poruit. Theodorus Belles Medice artis peritiſſimus, clari generis ſplendorem virtute ſuperavit; in Patavino gymnaſio Antefignatus ad plures annos diſcipulos ibi inſtituit, ubi & deceſſit. In Aphoriſm. Hippocratis commentaria edidit teſte Mongitore. Antonius de Michael S. T. & J. U. Doctor, patria *Ruguſanus*, Siclenſis Archipreſbyter, Prothonotarius Apoſtolicus, & Syracuſanæ Eccleſiæ Canonicus, ab editis operibus a Mongitore & Pitro laudatus, miſtam de Eccleſia Syracuſana ejusque Episcopis Hiſtoriam reliquit. Carolus Belleus Minorita Conventualis Vir Doctrina clariffimus, Catanæ, Senis, & Patavii in publico Athenæo graviores diſciplinæ profeſſus eſt. De eo Mongitore in Biblior. Obiit Patavii **MDLXXX.** Carolus Thomas genere nobiliſſimus, primus Palmæ opidulum in Sicilia fundavit, & Ducis titulo enituit; ſæculo mox renunciâns, Clericorum

Re-

Regularium institutum amplexus, religiosę perfectionis strenuus emulador, sacras scientias professus, longe clarior evasit: Romę diu vixit viris principibus S. R. C. Cardinalibus, & Summo Pontifici charus, ibique mortale deposuit anno MDCLXXV. Plura edidit ad Theologiam spectantia, & ad fovendam pietatem aptissima. Ejus extat vita typis data. Joannes Antonius Canne-
tius a Pirro Claramontanis adscriptus, *Ragusę* ortus ab aliis dicitur, uti *Mongitorius* tradit: de eo ubi de Claramonte. Joannes Baptista Hodierna Palnę opidi Archipresbyter, morum præstantia illustris; ob Mathe-
sis peritiam celeberrimum sibi nomen adscivit, famam-
que per universam Europam eximiam ab editis præ-
sertim operibus est assecutus. Astronomorum Coryphe-
us hinc a Caramuele meruit appellari, nec minoribus
laudibus a Borello, Boccono, Maggio, Redi, Etmulle-
ro justis estimatoribus commendatus, Palmę obiit MD-
CLX. Scripsit primus Syderum *Mediceorum* Effeme-
rides; Tres in Stellis fixis novas observavit; Muscę
oculum & Viperę dentem accuratę examinavit; alia-
que ingenii subtilissimi monumenta conpluribus opus-
culis cum editis, tum mstis orbi literario communica-
vit. Illorum habes catalogum penes *Mongitorem*, adeo
copiosum, uti incredibile pene censeatur, unum homi-
nem curę animarum strenuę addictum, tot tantaque,
talı felicitate, ac diligentia LXIII. ætatis anno vix e-
mensō, exarare potuisse. Joannes Antonius Sclafanus
alii Scrofanus, Medicus, & Philosophus, Joanne Bapti-
sta Hodierna Magistro Mathesim professus est, Musis
etiam vacavit. Scripsit de Medicina; fuit denique
Comitatus Motycensis Archiater. Vivit Panormi Na-
talis Battaglia Siclęnsis Parochus moribus gravissimis,
egre-

egregiisque præditus, Theologicis, & Canonicis disciplinis apprime imbutus.

RAGUSÆ Fluvius Vide *Hirminius*. Vulgo dicitur etiam *Mauli*, & Eruditis *Magonis* a *Magone* Penorum Duce. Non longe ab Opido ponte trahiebatur vetusto, ac celebri, qui paucis ab hinc aliqua sui parte disiectus, nondum adhuc est reparatus.

RAHALBARANUM. Vide *Mendę*.

RAHALBASIL Casale in agro Ennensi ad S. Marię de Aydone Prioratum spectans, qui juris est Ecclesię Catanensis.

RAHALBUTUM. Frequens hodie opidum, & locuples, ex Cluverio in primis Siciliae urbibus clarum, vetusque *Amaselum* creditum, idest ex hujus ruinis exortum, in montibus sedet, quorum abluit radices Salsus fluvius ab eodem opido nomen assecutus. Fazellus, & Pirrus, qui *Rayhalbutum* appellant, Sarracenicę originis dicunt, *Rayhal* enim Casale, & *Buth*, aut ejus, qui casalis dominium habebat, aut loci vocabulum innuisse putant. In Rogerii literis *Busbaze* habemus scriptum. Aretius ex civium opinione, ab ædicula, quam nunc, ait, demonstrant, a quodam Rege voto dicata, veluti Regale votum vocari affirmat. *Rahal* alii hospitium significare tradunt, estque e Catana Panormum euntibus id opidum prima statio. De fundatione autem vetusta multa nihilominus occurrunt. Aretius & Maurolycus de *Alceo* cogitant; *Alceos* namque, scribit ille, Centuripi proximos populos multi constituant; Sed enim *Alceum* nulli ex veteribus natum; nisi forte *Aliciam* velint illi intelligere, a qua ortum duxisse *Rahalbutum* Ferrarius docuit. At hæc in Aquilonari insulę plaga, quam longissime sita stetit.

Ric-

Ricciolius *Ergentium* putat, quod Ptolemæus inter Cætanipias, Agyrium & Menas locat. Verum Cluverius prope Aydonum *Sergentii* reliquias videri, ubi *Cittadella*, rectius opinatur. Idem Cluverius cum Vigintimillio *Symethum* opidum ad Rahalbutum statuit, quin *Amaselum* apud Diodorum non esse nisi *Symethum* corrupto vocabulo adstruit; Id tamen durum Carreræ videtur, quod nulla inter *Symethum*, & *Amaselum* vocis proportio appareat. *Xinaeth* aliunde in Tancredi Regis diplomate Casale in via, quæ tendit Leontinos, situm dicitur, nostris etiam diebus *Symethum* vocatum in colle, ubi jacet. Firmum idcirco tenui meo iudicio: *Amaselum* a *Symetho* diversum ibi olim stetisse, ubi hodie *Rahalbutum*. Cetero Rogerii ævo Sarracenicum Casale *Butaah* ibi erat, quod idem Comes, Roberto Messanensi Episcopo ab omni alia potestate liberum attribuit; eoque hinc titulo Messanenses hodie Archiepiscopos Comites appellant, illisque amplissimus ager obnoxius fructus pendit; & si Citanensis Parochiæ finibus claudatur, contra ac Rogerius decreverat. *Si contingerit*, en diplomatæ verba, *in pferum Casale ipsum a Christianis habitari, & Ecclesias in eo, & eas pertinentiis construi; Ecclesie ipsæ soli Messanensi Episcopo subjaceant.* Sarracenis porro in editioribus collis, *Fundi de Monte* appellati, partibus habitatio erat, ubi adhuc ædificiorum reliquie non leves; quibus Christiani succedere, uti S. Mariæ de Auxilio Ecclesia, olim Opidanorum Patronæ, & in elivo S. Calogeri sacra ædes, quam majorem totius opidi dudum fuisse deprædicant, satis testantur. Illic, & Christi Domini e cruce pendentis adhuc hodie imaginem multis prodigiis claram *Rahalbutani* colunt.

T. P. P. II.

G g

Id

Id subinde opidum anno mcccxi. Centuripini a Friderico Cæsare descientes funditus incendio vastarunt; Manfredus autem Friderici filius proximo anno instaurandum curavit, atque in declivi ejusdem collis latere, æquiorè delecto solo, statuit. Quo sane ex tempore longe majoribus coaluit incrementis, atque ob agri fecunditatem mediterraneum frumenti emporium, Fazello, & Pirro testibus, evasit.

Via igitur satis patens, ab occatu ad ortum inæqualis *Rabalburum* dividit, quam privatæ civium ædes amplæ, & elegantes exornant. Sacra autem ædificia præ cæteris ad omnem magnificentiam excitata visu prorsus digna sunt; quæ inter majus parochiale templum S. Basilio sacrum effulget. In eo S. Viti Martyris reliquiæ divite argentea arca conclusæ; nomen hinc ab hoc opidi singulari Patrono passim illud accipit, cujus festum ingenti frequentia, & nundinis die x. Augusti celebratur. Est enim apud indigenas, vicinosque, & longinquos etiam populos, erga eundem Divum specialis religio, quod mira contra venenatos rabidorum canum morsus illius passim virtus habeatur. Surgit ædes ad æstivum occasum in tumulo circa opidi aquilonares plagas, cum æris campani insigni turre prope fores ad ortum; sed magnificentiori schemate paucis ab hinc illa moliri cepta supremam expectat manum. Parochialis altera S. Mariæ de Cruce titulo, opidi pene centrum occupat, ante cujus portam, quæ antiquitatis vestigia sectatur, arca patet. Memorat Pirrus S. Mariæ de Conceptione Abbatialem Ecclesiam Juliæ Garagozzo divitiis fundatam, & Urbani VIII. Rom. Pont. decreto anno mdcxxx. firmatam, cujus Rector cum presbyteris inservientibus Se-
di

di Apostolicæ subduntur, vigetque hodie splendida. Surgit contra hanc insignie Societatis Jesu Collegium xxv. circiter ab hinc anno institutum, ædificiis nobile, congruo censu instructum, quod longe ante designatum. Celebre hinc ad eandem occidentalem oram S. Augustini Cœnobium frequenti situ spectandum se præbet, peristylis, sacra æde, sacellis, aliisque ornamentis excultum, quod ab anno mcccc. originem recognoscit. Ante sæculum xv. fundatam vulgant Carmelitarum domum, ad *Rabaibuti* supremas circa hybernum ortum crepidines, sub Deiparæ, Ordinis tutelaris, nomine, quæ nec aliis religiosis ædibus decedit, nec exigui decoris est opido, cultuque præcipuo a civibus frequentatur. S. Dominici familia, cujus claustra decentissima, & Ecclesia æquè elegans ad æstivum orientem solem spectantur, anno mdxlvii. in regione Saracena coaluit, hodieque non levia suscipit incrementa, nam laxiori ante templi fores novissime constrata area, australis ædificii prospectus insignior evasit. Augustinienſis Centuripinæ Reformationis ejusdem author Andreas Guastus extra opidum, circa meridiem ad pass. m. humiles casus, & Ecclesiam S. Antonii titulo anno mclxxx. condidit, ubi ipse in Domino piissime obdormiens corpus deposuit. Nunc in meliorem formam domiciliis reparatis, fratres commodè degunt. Minores demum Capuccini extra opidum primo mclxxxv. sedem fixerunt, ubi S. Viti Ecclesia, & fons, cujus aquæ salutes; inde intra pomerium in declivi ad occasum venerunt. Ferunt porro vulgo de fonte S. Viti, quod ibi pius juvenis aliquando, quum e patrio solo in alienas terras se conferret, cuidam puero manum canis dentibus recisam restituerit. Scio in S

Mart. vita apud Cajetanum de peregrinatione ejus per Siciliam prorsus nihil memorari; nam e patria Selinunte Angeli monitu, navi in Lucaniam evalisse, ibi dicitur. *Eos igitur Angelus ad mare quum adduxisset, inquirunt acta, & Cajetanus animadvertit: Locus huiusmodi procul Urbe Mazara ad meridiem, ipso in littore ædes est Dion Vito dedicata.* Verum enimvero sunt, qui acta huiusmodi confusa, ac forte de duobus Christi Domini athletis ejusdem nominis conflata esse affirmant; uti Bollandiæ admonent. Quamvis autem de peregrinatione non constet, traditiones etiam aliis in Ecclesiis circa illam passim vigent, quas Ughellus Ital. Sac. tom. 7. & *Rebalbutanorum* vel maxime, non improbat.

Jam medio penè opido tria Sanctimonialium Monasteria haud multum inter se diffita in conspectu ponuntur, quæ singularem præferunt elegantiam. Vetus præ aliis S. Mariæ de Gratia, ubi S. Benedicti regula servatur, situ parumper elato, edificiis nobile, & templo magnifico decorum, arctissimæ, ac religiosæ vitæ studiis commendatur. Area, & quidem ampla, quæ ante ipsum sternitur, aliud excipit S. Mariæ de Angelis nomine insigne, cujus author Ambrosius Testai piissimus ex ordine S. Augustini asceta, sub ejusdem S. Doctoris institutis sacras Virgines MDXXV. collegit, & ad monasticam vitam comparavit. Hujus Ecclesia septemtriones prospectans ornatissima, uti & claustra satis commoda. Ad S. Crucis forum tertium denique S. Joannis Baptistæ titulo, & S. Augustini regulis addictum occurrit, Angelæ Gritti ingenuæ sceminae divitiis, & opera, in S. Lucie regione circa MDLXXXVI. excitatum, pari celebritate, & religioso cul-

tu cum aliis contendit. At sacra ædes præ omnibus aliis opidi totius comptior surgit. Filiales reliquæ *Rahalbuti* Ecclesiæ octo recensentur, quas inter eminent S. Sebastiani Mart: Purgantium Animarum, & S. Antonii de Patavio, in quibus Laicorum sodalitates coalescunt. Jam publici consilii domus contra majus templum, luci undique pervia, & magnificè constructa publico adjungitur foro, quod insignes civium ædes ambiunt. Est Magistratus electio penes Regios Ministros, Archiepiscopus vero Messanenensis, suis tuendis juribus ex illis aliquot constituit. Jus gladii ad supremos Regni Consulares spectat; sed id suis præcessoribus concessum adstruunt Archiepiscopi. Militiæ Agyrensem Præfecturam cives subibant, peditesque dudum LXXVI. equites VIII. sub signis procedebant; Eandem quoque Comarchiam agnoscunt, & Aquilam, in cujus pectore Deiparæ Virginis de Auxilio imago pingitur, in scuto ostentant. Clerus Catanensis Episcopi potestati obnoxius, ejusdem Vicario subditur, quod ab initio adverti. Census sub Carolo V. lares exhibuit 1058. animasque 3772. Anno MDCLII. lar. 1518. incolas 3872. novissime 5894. De Agro amplissimo frugum cujusque generis divite, & inter primos totius insulæ fertile, dixisse sufficiat, quod veluti frumenti mediterraneum emporium, uti innui, passim a Scriptoribus celebratur: nec Baccho aliunde ingratus, nec venationibus, perdicum vel maxime, alteri est secundus; Nemoribus denique, aquis, pascuis, aliisque bonis scatet.

Celebrat Bonaventura Attardus in Monachatu Siciliæ *Rahalbuti* civem Ambrosium Testai, qui eximiam literarum peritiam cum pari in Deum pietate con-

conjunct; ideo ex Errera, & Torello Augustinienſis Ordinis Chroniſtis inter ejuſdem præcipuos viros recensetur, ejuſque exuviæ a conterraneis in veneratione haberi dicuntur. Commendant quoque Clementiam in S. Mariæ de Angelis Monasterio ab eodem Ambrosio exceptam, quæ inter primas illius sacras Virgines sanctis moribus vixit, exemplisque suis aliis præluxit. Deceſſit ille MDCXXXIII. Clementia ad annum XI. ejuſdem ſæculi ſupervixit. Laudat idem Attardus Venerandam, & Claradeam in S. Mariæ de Angelis, & Leocadium in S. Joannis Baptiſtæ clauſtris Sanctimoniales, religioſæ vitæ perfectione, & virtutibus eximias deprædicat. Protulit inſuper *Rahalbatum* viros in arte Medica illuſtriſſimos Joannem Philippum Ingraffiam, & Marcum-Antonium Alaymum. Ille Patavii lauream adeptus, in Neapolitana Academia diu Medicinæ, & Anatomies publicus Profeſſor, ob egregiam doctrinam ſtatua vultus ejus referente, meruit a diſcipulis condecorari; Ingenii quippe vi nova quædam in arte invenit, multa illuſtravit, editisque operibus poſteris variè conſuluit. Hinc Philippi II. Hiſpan. Regis Archiater delectus, idem munus in Sicilia diu, ac difficillimis temporibus geſſit. Vixit annis LXX, deceſſitque MDCXXX. Marcus-Antonius Alaymus ad inſigne ſcientiæ ſaſtigium evectus, in Sicilia nedum, ſed per univerſam pene Europam ſummi Philoſophi, & Medici opinione inclaruit. Bononiam ad eandem facultates edocendas accerſitus, & Neapolitani Regni Archiater electus, munus utrumque, ut ſibi, ac Deo viveret, reſuſavit; non minus enim doctrinâ, quàm morum innocentia commendabatur. Deceſſit ſeptuagenario major MDCXLII. Memorantur Mongitori in Bibliotheca: Dominicus Campiſi Ordinis Prædicatorum. Si-

eris scientiis excultus, & musis non ingratus, Panor-
mi, ac Romæ præcipuis Academiis accensus, editif-
que opusculis poeticis clarus; Petrus Brachisius Græ-
matices professor, quam suis lucubrationibus illustra-
vit; & Petrus Macharonus Philosophus, & Medicus
non vulgaris, qui peste grassante anno mdcxxxix. peri-
tiam suam detexit, *Medica Responsa* vulgavit, & ad
annum mdcxxx. superstes fuit. Attardus rursus suos
laudat Joannem Matthæum Gualteri Oratorem, & Theo-
logum eximium, Melchiorem Testai Latinis, Græcis,
& Hebraicis literis doctum, aliosque. Lucis uxor gau-
det Epiphanius Guarneri Ordinis S. Basilii Abbas, in-
genii præstantiâ, ac memoriæ sceleritate paucis hodie
secundus, vir ingentis lectionis, in sacris Ecclesiæ san-
ctionibus, sæculorum omnium historiis, ac Theologi-
cis morum Quæstionibus apprime versatus; vitæ ve-
ro, atque animi candore præcipuus, & Regi idcirco,
ut ad Episcopatum promoveretur cum primis oblatum.
Opidi latitudo est grad: xxxvii. longitudo grad: xxx-
viii. xv.

RAHALCACCIA Syracusanæ Ecclesiæ olim Ca-
sale, in cujus agro fons celebris, & copiosus pass. m.
vi. ab urbe, de quo Fazellus. Anno mcccxx, ejus ce-
rat Dominus Joannes de Ricca ex concessione du-
dum facta ab Episcopis Syracusanis. Novissimè juris
erat Balduciæ nobilis gentis Syracusæ.

RAHALCHIDIA, & *Rahalbadi* ejusdem Epi-
scopatus Casalìa, quorum in suo diplomate anno m-
cxxxviii. meminit Alexander III. Rom. Pont.

RAHALMASSE, & *Rahalmessen* ad S. Joan-
nis Jerosolymitani Messanensem Prioratum spectantia
in Leontinis finibus casalia, supra lacum ad aquilonem
mc-

memorantur in Friderici Cæsaris literis anno mcccix. ubi ejusdem Prioratus bona enumerantur. Hodie Melitenses Agri vulgo audiunt.

RAHALMENIS Casale, aliter *Racamenis*, juris Joannis de Cruillas Francifontis Dynastæ sub Martino Rege.

RAHALMET, seu *Raculmet*. Vide Rieſium.

RAHALSESEN Casale cum amplissimis feudis, Galatajeronenſibus in S. Petri ditione ad meridiem, a Friderico II. anno mcccix. concessa n. Ibi ſuberum ſylvæ, aquarum rivuli, saltusque ad venandum aptiſſimi, pingua pascua, ac ſativæ cuſque generis frugum terræ.

RAMBALDUM Casale in agro Platię, de quo Chiarandanus.

RAMMACCA. Opidulum in collibus ſupra Catanzæ planitiem noviffimæ originis; ad ortum, & ſeptentriones ſedet, amplis, rectisque viis deſcriptum, cum æde parochiali Virgini Deiparæ nomini ſub titulo Nativitatis dicata, Dynaſtæ eleganti palatio, ac decentiſſimo Minorum Capuccinorum Cœnobio, quod circa meridiem ad jaſtum lapidis diſſidet; Parochia pene medium cum area, Palatium ſupremas oras occupat. *Rammaccam* porro agrum, vulgo ſeu lum juris olim fuiſſe invenio N. de *Cardona*, ſubinde *Riccardi de Paſſaneto*, ob cujus deſectionem anno mcccxc. circiter *Jorlandus de Moxca* tenuit, unde ad Gravinenſes devenit; ex quibus *Hieronymus Gravina* Paliconiæ Dominus anno mcccxc. primus *Rammacca* Baro inauguratur; Hunc excepit *Joannes* filius mdxvii. unde *Hieronymus*, primus Francifontis Marchio; ex quo *Oſtavius S. Michaelis* Dynaſta anno mdcxli. *Sanctus* hujus

hujus filius Principis insignia obtinuit MDCLXXXVIII. Caroli II. Regis privilegio. Sancio, & Rosalia Sarzano genitus *Octavius* inter XII. Regni vicos effulsit, hominesque congregare coepit, qui cum Anna Antonia Farina *Bernardum* procreavit, hodie a Regio cubiculo, dudum XII. Regni virum, prudentia, morumque gravitate conspicuum. Huic Stephana Bononia Octavium filium peperit, Mariæ Teresiæ Galletti virum. Distat *Rammacca* a Palagonia IV. circiter pass. m. solo gaudet secundo, quod novissime Bernardus Feudo Monachorum auxit, clauditur Catanensis parochiæ finibus, cujus Episcopus suum ibi Vicarium designat. Est in *Rammacca* agro Fons aquæ, bitumine infectæ, & sulphure.

RAMUNDINUS Lacus ad Pachynum, de quo Fazellus lib. 5. cap. 1.

RANDASINUM Casale. Vide Piedaci.

RANDASIS fluentum agri Netini in Elorum influens. Cephalis abundat, & anguillis, troctasque fere sapidissimas.

RASACARAMIS Statio in australi littore post Pachynum, ad S. Crucis fluminis ostia; aliter *Scaramis*. Est ibi ejusdem nominis Caput, congruitque nomen; nam Sarracenis *Rus* Caput significat. Vide *Cautona*, *Bucra*.

RAUBIUM, & *Raumbatium* Agri Platensis casalia, de quibus Chiarandanus, Versus, & Massa.

RAYANCINUS Statio ab Alpuſallo, seu Puzzaſſo pass. m. m. in ora meridionali, cujus Fazellus meminit lib. 5. cap. 1.

RECAMENUM Casale ad Gerardum Montaltum Bucherii Dominum spectans, in Regesto MCCCXX. memoratum.

T. P. P. II.

H h

RE-

REFUGIUM Apollinis, & Templum ad Pachynum. Consule *Apollinis Refugium*.

REFUGIUM CHALÆ. Vide *Chalæ Refugium*.

REINA Fluvius oritur ex fonte Gileppo, cuius aquæ Bucherium opidum interfluunt, & per Leontinos ad occasum agros, diversis fluentis auctus, decurrens, ab ea urbe haud procul Vivarii aquas excipit; ponte mox ab Ægrotis appellato trahitur; Hinc in Paludem vulgo *Pantanum* se exonerans, ibi stagnat; tandem in sinus Catanensis ora prope Aniunis emporium mari illabitur. Hunc veterem esse *Teriam* alibi ostendo.

REINDETGEBUNI. Casale, quod Ecclesiæ Syracusanæ dono dedit in agro Ragusæ Silvester Marfici Comes, *Rendetgrebin* alibi dictum. Juris dicebatur Simonis Januensis, subinde Mainitti de Sortino.

REND A Arx, seu Turris in mediterraneis supra Vindicaris portum ad Pachynum. De ea Fazellus lib. 10. cap. 2. Memorat Pirrus *Rendam* Syracusanæ Ecclesiæ Casale.

RIESIUM Opidum in agro ejusdem nominis sub Syracusana Diœcesi, circa elapsi sæculi medium ortum recognoscens, ex tenuibus nempe initiis, & mappalibus, opera & sumptibus Petri Altarivæ feudi dynastæ; alio hinc vocabulo *Altariva*, (ut olim *Rabalmet*) dicitur. Situs opidi in levi tumulo læta planitie extenso, ab ortu, meridie, & occasu vêtis afflato, ad septentriones vero colle assurgente, frigori minus obnoxio. Temperato hinc aere gaudent opidani, atque in dies augentur. Major Ecclesia anno MDCLVIII. ab eodem Petro edificata sub S. Mariæ de Catena titulo, ac decurrentis sæculi anno XXIV. a Bartolomæo de Monchajo
ma-

magnificentius extructa, quum majori ex parte corruisset, Blasii Vignoalis, qui dynastæ vices gerebat, opera subinde instauratur, ac sacro oleo de more Ecclesiæ a Mattheo Trigona Syracusano Episcopo mdcxlvii. inungitur, Sanctisque Martyribus Clementi, & Sabinæ dicatur. Huic duæ aliæ minores subduntur. Jam viæ rectæ sunt, incolæ decenter habitant, quorum numerus anno mdcxxii. fuit 2127. in focis 540. novissimè animæ 2514. computatæ. Ager oletis, vineis, pistaceis consitus, fruges abunde reddit, copiosasque suppeditat messes; absluitur meridionali Himera sive salso flumine, nec fontibus caret. Sulphuris minera præ ceteris in eo celebris habetur; unde non leves proveniunt dynastis redditus, quæstusque opidanis.

De *Riesi* Dominis habet Lucas Barberius: ex *Francisco Viginimillio*, celebri Jeraeensium Comite seniori, quinto loco natum fuisse *Philippum*, qui ducta in uxorem Constantia Abbate, *Antonio* tertio genito *Riesi*, ac *Chipullæ* seuda prope Buteram, Petraprætiæ, & *Mazarinum* assignavit. *Antonio* sine filiis deeedente, illius bona *Andriotta* ex fratre nepos assecutus, quum prole etiam careret, *Ingaflono de Castellar* legavit. Ortus hic fuerat ex *Hilaria* juniore, quæ ex altera seniori *Hilaria* *Philippi* filia processerat. *Ingaflonem* excepit *Eleonora* filia, quæ *Joanni Rois de Caluna* nupsit, *Ferdinando* Regi a Secretis. Hinc in *Martini* Regesto heredes *Philippi de Viginimillio pro pseudo Riesi, & Chipullæ* obnoxii dicuntur. Idem *Martinus Palmerio de Caro* anno mcccxcvii. nihilominus concesserat. Post *Joannem Rois* alii *Hispaniarum* proceres tenuere, quos inter *Joannem Herrea Muxiani* apud *Valentinos* dominum, *Riesi* Baronem in-

venio. Seculo xvii. *Petrus Altariva* obtinuit, cui *Didacus Moncayo* Coscoquelæ Marchio successit; *Didaco Bartholomæus* filius, & hujus unica hæres *Joanni Joachimo Pignatello* nuptui tradita, *Ricfim* dotis nomine contulit.

RINDIN, & *Rilmadalis* *Casalia*, juris Petri de *Motyca*, uti in censu mcccxx. *Reddini* feudi est mentia sub Martino, cujus dominus *Conradus Lancea* dicitur gemis de *Motyca* hæres.

RIZZI Turris inter Mauli fluminis fauces, & *Alfufalli* arcem ad oram insulæ maritimam australem.

ROCCADIA Monasterium in agro Leontino ad iii. olim pass. m. ab urbe, sub nomine S. Mariæ & Cisterciensi ordine, incertę foundationis alibi in Monasticis Siciliæ historiis dixi. Sed Northmannis Principibus illius originem adscribendam ex antiquis chartis nuper inventis didici. Antiqua Cœnobii ædificia jacent derelicta, quæ inter, triclinium memoratur, cujus fornicem palmę truncus e lapide eleganter elaboratus sustinebat, ramis vario artificio etiam interiori fornici faciem ornantibus. Hodie apud Caroleontinum degunt Monachi, uti alibi dixi. Abbas Fiduciarius in Comitibus locum xxx. inter primates obtinet, estque nunc Emmanuel Filingerius.

ROCCADIA parva Insula in sinu Megarensi, hodie ab Augusta appellato. Distat a littore post Tapsum peninsulam ab septentriones ad jactum lapidis; ejus est circuitus pass. xl.

ROSMANNUS Collis, ubi Eremitarum Domicilium, quod incolatu suo Joannes Sacerdos moribus, & vita insignis aliquando nobilitavit. Eremitæ Ecclesia Deiparæ Virgini sacra. Stabat dudum in collis australi latere


tere opidum Vberto de Scaloris obnoxium, ob cuius defectionem solo æquatum est. Rudera vetustioris passim quoque spectantur: *Rosmannus locus est*, inquit, Fazellus lib. 10; vi. *pass. m. ab Enna diffitus, ubi diruta urbis, arcisque sunt monumenta*. Occurrunt enim sæpissime Sepulchra, & in iis vasa, lucernæ, aliaque vete ris habitationis indicia. De Magella cogitat Cluverius, quam alibi stetisse docui. Vide *Magella*

ROSALINIS Opidum. inter Netum, & Jnspicæ fundum, ab hoc tribus circiter pass. m. distitum, origine recens; Venerabili Eucharistiæ Mysterio sacrum Princeps habet templum, ac decentem dynastæ domum. Sedet in levissimo declivi ad ortum, & meridiem in agro cognomine, & Syracusana comprehenditur Ecclesiastica comarchia. Prope S. Theodori crypta videtur, in qua vetus S. Crucis signum multis prodigiis celebre, ob id sæpissime, totius populi frequentia, in Opidum illatum. Præcipuam Patronam, opidani Deiparâ sine originali labe conceptam serventissimè colunt, sub cuius auspiciis in dies coalescunt; anno enim mæccxiii. focos 45. animas 191. numerabant, sed in ultima recensione ad 1538. excrevere Joannes Baptista Platamonius primus *Rosalinis* Baro recensetur, de quo satis in Historiis; floruit, enim, sub Alphonso Siciliæ Prorex. Ex eo *Antonias*, qui a Ferdinando Rege congregandi homines facultatem obtinuit, ex literis Hispali scriptis xv. Januarii mæccclxxxv. Id autem Netinis civibus noxium quum videretur, tunc quidem dilata res est; sed post elapsi sæculi medium fundatio novo Regis decreto firmata, & *Franciscus* Antonii abnepos, primus *Rosalinis* Princeps subinde mæclxxiii. inauguratus est, novæque hujus

jus dynastiæ author evasit. Ex eo & Euphemia Deodata *Antonius* prodiit, qui cum Constantia Requesens *Eleonoram* procreavit. Hæc *Francisco Moncada* Lardariæ Principi nupsit; Vnde *Listerius*. Ager amplissimos fundos complectitur, frugum, vini, olei, & aliorum fructuum feraces.

ROVETTUS Salina ad Pachynum in orientali plaga. Ampla quidem, & quæ peninsulam quamdam efficit, uti *Fazellus* scribit, & *Netino* territorio concluditur. Erat olim *Msinitta de Sortino* obnoxia, hodie ejusdem domina dicitur *Lucia Deodata & Landolina*. Quod *Machara* vetus urbs in ea peninsula fuerit idem *Fazellus* tradit. Vide *Machara*. Ego ignotæ urbis monumenta, ea, quæ in illa sunt rudera, aut *Ichanæ* censo.

RVGGIVS Fons Sortinensis fluenti, cujus aquæ Syracusæ usque per aquæductus magnificentissimos ab antiquis institutos derivantur.





AMBVCIS Cafale in Leontiuoter-
ritorio ad occafum cum turri , am-
pliffimus hodie ager fativus , cujus
in Friderici II. cenfu fit mentio,
& *Adolfi Mortillari* , ac *Nicolai*
de Lamia pro equali parte juris
effe dicitur . Sub Martino vero *Ge-*
rardus Sabuci poffidebat . Spectat

nunc ad *Alphium Antonium Calaxibettam* .

SALICIS Fons , unde Yhadeda , feu S . Julianus
fluvius ortum habet , p . m . fupra Leontinum ad austrum .

SALSUS FLUVIUS , Himera meridionalis , non-
nullis Gela , Valles Netinam , & Mazarienfem dividens ,
ad Nebrodem Montem , vulgo *Madoniam* caput egerit ,
ac fub Leocatæ mœnibus mari illabitur . De eo fufius
tom . II .

SAMVEL Fons cum altero S . Pauli lacum Cor-
ciuri pifcofum , haud procul ab ora australi , circa Hir-
minium , & Siclenfem fluvium gignens , de quo Areti-
us . Fazellus cum *Pixofta* confundit , ac ftationi proximæ
nomen mutuare affirmat .

SARRACINVM Cafale olim in agro Platienfi .

SARRACINVS Mons in eodem territorio .

SBRVFFAROLA Cryptæ in australi littore , ob
id appellatæ vulgi Siculi lingua , quod in eas regressi
fluctus maris , scopulis illifi , fpuma edita , ingentem red-
dunt fonitum , Fazello authore .

SCALA LILIORVM , & rectius *Scala de Gigia* ,
five Ogigis , uti Eruditi vocant , in agro Melillis ad col-
lium radices , ubi S . Cosmani fluenti caput eft . Ibi fre-
quentia fepulchra , unde non levis magnitudinis offa
paffim educuntur , quorum aliquot in Catanenfi S . Ni-
colai

colat. Musæo asservamus, & immanis stature hominum esse videntur. Cryptam quoque ostendunt satis amplam, cum ingenti hiatu ad ortum, quam veteres ab imis partibus adhibant, unde etiam ad superiorem patentem agrum ascendebant. Hic vero vulgariter *Maraglia* dicitur, quod rudera, substructiones, ac murorum reliquias, nec leves habeat, antiqui Magarensis, sive Hyblensis municipii cujuscumque monumenta. De his, aliisque paratum prælo opusculum Bartholomæus Albanus tenet, quod propediem lucem aspiciet.

SCALAMBRIS Statio in littore australi, alio nomine *Scaramis*, ubi olim vel *Caucana*, vel *Bucra*, uti alibi dixi. Vide *Rasfucaramis*. Ibi Turris est specula.

SCALPELLVS Mons in Agyrensi territorio ad meridiem, Chrysæ, vulgo Dictum amais ripis incumbens, in cujus vertice Eremitarum domus, qui vitam ibi piis operibus intentam agunt. Illius author Philippus Dulcetus Presbyter Agyrinus, moribus incorruptis præditus, ac Deiparæ cultui addictus. Post eum Mattheus Rotolo Calatajeronensis, Seraphinus a Francosonte, & Didacus a Sinagra, omnes ob eximiam pietate commendati, incoluerunt. In Pontificio Benedicti XI. diplomate, quo Monasterii S. Philippi de Agyrio bona enumerantur, Casalís de Scalpello fit mentio. Mons ad radices usque fruticibus convestitur, supremus tantum ejus tumulus coli aptus in longam planitiem distenditur, domesticisque arboribus confusus necessaria suppeditat.

SCICLIS vide *Sicilis*.

SCORDIA. In agro cognomine Opidum, ab Antonio Branciforte sub collibus, quibus insidet Militellus, humili tumulo, exacti Sæculi anno xxviii. inædificatum,

catum, a Leontinenſi lacu paſſ. circiter viii. circa ejusdem occaſum diſſitum, atque inſalubris idcirco aeris, Principatus prærogativa gaudet; quartus hinc, & vigefimus eſt illius dynaſtæ locus in Comitibus. Laribus cenſebatur ſæculo xvn. 210. incolis 520. decurrentis anno xiii. lar. 520. incolis 1632. & in noviffima luſtratione 2692. ac Leontinenſi comarchia compræhenditur. Vergit porro ad meridiem; vię ad rectos angulos omnino æquales, præcipuas cœli regiones reſpiciunt; Principis palatium amplum, & quadratum; Eccleſia præcipua unica parochialis S. Rocco dicata, Curioni ſubditur, ex inſtitutione Syracuſani Epifcopi, qui moderando clero ſuum deligit Vicarium. Divus idem eſt tutelaris, ſed præcipuo etiam in cultu eſt Deipara, ſub titulo de Roſario, ejusque tabula Angeli Caravacii opus, eximiæ artis ac pulchritudinis viſu digna cenſetur. Filiales Eccleſiæ tres S. Mariæ de Gratia, Montis Calvarii extra, et Purgantium manium, non inelegantis ſunt ſchematis; ſed Minorum de Reformatione cœnobium decentiſſimum cum Eccleſia S. Antonio Patavino nuncupata ad aquilonarem plagam ſplendet. Ibi Principum eſt ſepulchrum, elegans S. Annæ tabula Petri Rubens penicillo exarata aram exornat; in amplo eorum viridario crypta aquas emittit ſulphureas, quibus quandoque cum ſalutis proventu pro balneis utuntur. Orphanotrophium pro puellis, & Mons-Pietatis etiam ſpectatur, ad pauperum levamen, ex Joſephi Brancifortii, Antonii Nepotis inſtitutione. Agrum circumque ad meridiem, & ortum fontes copioſiſſime irriguum reddunt, & pæſcuis idcirco, ſegetibus, vineis, cannabe, arboribusque alendis aptiſſimum; perdices vero, ruſticolæ

fit, & Catharinam Brancifortiam ex ducibus S. Luciae primo, eaque mortua, Annam Naselli Aragoniae Principis filiam conjugem tulit, ex eaque *Hirculem* in Hieronymum, plerosque alios precreavit. Antonius hodie Rom. Pon. apud Venetos legatus, & SS. Trinitatis de Mansione Panormitana Abbas effulget; *Hercules* cum Beatrice Brancifortia adjunctus, a morte Nicolai Placidi Soceri Leonfortis Princeps etiam evasit, quod ex Blasco Brancifortio Tavis Domino recte descenderet. Ejus est filius primogenitus *Joseph*, n. Stephanæ Valguarneræ ex Aslari Dynastis copulatus, qui ad Regem Carolum nuper Regni Siciliæ legatum gessit.

SCUMA Fluvius, emergit sub Lycodiæ collibus ex fonte Nuciforo, auctusque Callaris, Minachi, Ciramiti aquis, Militelli agrum præterfluit, cujus etiam aquas recipit. Sub Francofonte in loco Barrifando molis frumentarias complures convolvit, divisusque sinistro ramo in lacum Leontinensem illabitur, dextero sese Reinæ amni in circiter pass. a Leontino conjungit. Vide *Reina*, & *Teria*.

SELLA ORLANDI. Ita incolis collis jugum appellatur, ad cujus latus vetustissima urbis dirutæ monumenta prope Aydonem spectantur, vulgi vocabulo *Citradella*. De ea Fazellus lib. 10. cap. 2.

SELMUM. Scopulus circa Melitam insulam, in portu S. Pauli, sed insulæ continenti angusto isthmo adjunctus. Dithalassius esse, cujus S. Lucas in Actis Ap. meminit, & ad quem S. Pauli navis allisa naufragium fecit, multis ostenditur ab eruditiss. Francisco Agius suis Apologeticis opusculis de eodem Naufragio, quod Melitæ Africanæ invictæ asserit.

SFRAMEZZANUS. Collis ad Sortinum undi-

que præcisus, incubens Fazelli ætate eidem opido ad-
austium, ad cuius radices uberissimi fontes duo magno
impetu exoriuntur, *Buttiglieria* vernacule vocati, qui
& ipsi statim fluvium efficiunt.

SERRAVALLIS Turris in agro ejusdem nominis, &
Menensi territorio. Castrum appellat Fazellus lib. 10.
Juris erat *Goffridi de Traſto* circa sæculum XIV. sequen-
tis anno VIII. dicitur *Joanni de Taranto* obnoxia. Quod
Goffridus de *Taranto* etiam diceretur, sub subito, at-
que amanuensis errore de *Traſto* sit appellatus. Ta-
ranta gens Catanæ florebat, *A Tarantis* porro ad
Scalambros Serravallis devenit, unde ad *Grimaldos*.
Obtinet hinc hodie Castrum, feudumque *Serravallis*
Henricus Princeps *Grimaldus* Motycanus, & Cata-
nensis Patricius.

SICA Suburbanum Syracusarum opidum, Thu-
cydidi memoratum. Sub Epipolis statuit Mirabella,
Aretius, & cum eo Goltzius ibi etiam recognoscunt,
atque eo in loco situm dicunt, qui hodie *Sinarchia*
est ager. Bonannus errorem apud Thucydidem irre-
pſisse tradit, Tychamque Historicum, quæ præcipua
Syracusarum erat pars, intellexisse affirmat.

SICLIS illustre Opidum, longe amenissimum,
ab Aretio, & recens, novique nominis, sed immeri-
to, uti ostendam, a Fazello, & Pirro appellatum, Mo-
tycensis Comitatus est pars, & ad hybernum sedet oc-
casum in collis latere, quem valles dividunt, vulgo
Cava, ab ortu in occidentem, redduntque veluti tri-
partitum. Et vallis quidem major a S. Venera dudum,
indeque S. Mariæ de Nova, angusta, & profunda in
supernis locis, plana & latior ad imas radices desinit,
altera S. Bartholomei nomine, austrum versus pluvio
tem-

tempore formidabilis evadit. His valles aliæ minores respondent, & variis idcirco tumulis veluti imposita civitas se offert, majori tamen ex parte leviter declivis, cum sacris tum civilibus ædificiis superbit. Eius est a Motyca pass. iv. m. distantia, ab australi insulæ littore m. iiii. Surgebat olim in ejusdem collis vertice, ubi ad annum mccc. perduravit. Spectantur hinc in supercilio Arcis triangularis, hodie *Castellucii*, vestigia, insignis vetustatis non obscurum argumentum; infra Arx altera, Major dicta, ex ruinis dignoscitur; hinc ex menibus supersunt rudera; ex portis una tantum, quæ ad Motycam ducebat, cum nomine perseverat. Sed cuniculares e summo ad imas vallēs viæ in vivo saxo per gradus ferro excisæ dignæ sunt præ cæteris, quæ memorentur; Quarum una ad majorem S. Mariæ de Nova deducit vallē unde in uberrimam aquarum scaturiginem gradatim quoque descensus patet; altera ad frumenti molas; ac tertia denique in subjectam aliam specum, ubi perennes sunt latices, dimittit. Hæ porro, uti triangularis turris, necnon alia monumenta, mortalium ingentis staturæ ossa, vasa, lucernæ, numismata, sepulchra, passim per alia montis latera, & in subjectis fundis defossa, de antiqua oppidi fundatione nos admonent; quamvis, & incertum sit tempus, nec signanter de nomine constet, uti inferius expendam.

Princeps Templum S. Apostolo, & Evangelistæ Matthæo sacrum, toti opido dominatur, & ad veterem illius situm olim spectabat; hinc Motycæ porta, cujus paullo ante memini, non longe surgit, ubi ardua incipit via ad eandem hodie Ecclesiam ducens; Hæc insigni Canonico Collegio ab anno mdc. Fran.

An-

Antonii Capoblanco Episcopi rescripto, mox Alexandri. VII. Rom. Pon. decreto MDCLVI decorata, Archipresbyteri, qui & Parochus est, inspectioni subest, ædificiis, prospectu, græis campani turri, omnique alio ornatu nobilis. Altera *Siclis* Parochia S. Mariæ de Platea titulo fulgens, medio sedet opido, proprio sub Curione, amplitudine, elegantia, columnarum nitore, populi frequentia, civium cultu, quod magis sit obvia, cum primis celebris. Collegialis est insuper S. Bartholomæi vetus ædes prima omnium anno scilicet MDCLII Innocentii X Rom. Pont. diplomate, eam adepta prerogativam, quæ loco editiori ad ortum hybernium, sub valle ejusdem nominis in conspectu ponitur. Sed nulli secunda circa majorem vallem, & orientis plagam S. Mariæ de Nova assurgit Ecclesia, cujus frons cum turri ad omnimodam magnificentiam splendet, internusque cultus æque decorus, dives, completusque nitet; aucta & ipsa Alumnorum XVI Collegio ab anno MDCLXXII, qui divino famulatu quotidie intendunt, ac pingues habent proventus. Quartum, denique Collegium in S. Mariæ de Consolatione coalescit Basilica, ejusdem sæculi anno XCIV constitutum, imminetque illa valli ad dexteram non ineleganter constructa. Ultra vallem S. Bartholomæi, ad austrum S. Joseph. pulchra Ecclesia, ubi Sacris populo administrandis Principis templi Parochus opportunam dat operam; ampla enim a septemtrionibus ad meridiem recta præcurrens via utriusque Parochiæ limes est, pro quo jurgia nihilominus vigent, adhuc sub judice.

Est in summa religione *Siclenfibus* S. Guillelmi crypta, ubi ille diu vixit, & ad cælos evolavit; pone Templum S. Mariæ de Nova in valle minori sita,

que

quæ ab eodem Divo nomen etiam sortitur. Corpus exanime, quum de sepultura orta esset contentio, plaustro impositum, boves ad illud adjuncti sine aliquo duce ad S. Matthei, per invia; & ardua loca deduxere, ubi colitur, & præcipui opidanorum Patroni prærogativa gaudet. De Guillelmi patria, & familia lis, etiam obstrepit; quod Netinus fuerit de gente Bucceria, jam supra statui; contendunt nihilominus solum ejus patrium *Siclim* fuisse, familiam Cusfitellam; passim tamen Scriptores Neto adjudicant. Non minori pietate Deiparam sub titulo de Milicia Cives colunt, vulgo de *Milici*. Fertur enim Rogerium Comitem haud procul *Sicli* ingentem Barbarorum manum protrivisse, Virginis Matris præsentì adjunctus auxilio, quæ equesuis, qui pauci erant, ac *Siclenfis* sociis, dum prælium urgeret, sese spectandam dedit. Equi signum in rei testimonium rupibus impressum ostendunt. Comes hinc in peculiaris patronæ suæ honorem, ac perenne beneficii monumentum Ecclesiam in loco ædificavit, quæ pass. m. circiter m. dissidens, circa æstivum occasum, ampliori schemate hodie surgit, civesque solemni nundinarum die indicto, & supplicatione publica quotannis instituta, cum equestri Virginis statua grati sese præbere student. Adjuncta Ecclesiæ Eremitarum domus est situæ per quam amano. Æris campani turris ex iis una dicitur, ad urbis custodiam destinatis.

Regulares familias omnes, *Siclis* fundatas, illa Conventualium Minorum tempore antecellit. Male Pirrus sub S. Antonino Paduano, & B. Guillelmi ævo sedem illos posuisse scribit; nam S. Antonius sæculo xii. Guillelmus xiv. in vivis agebant. Cagliola originis certum

annum mcccxi. designat; & S. Antoninum id forte cœnobium invisisse conjectat; unde titulum sumpsit. Quo B. etiam Guillelmus subinde exceptus; Petrus de-
 mum Ruvectus Ragusensis anno mxxiv instauravit. De
 Guillelmo alibi dixi; & nonnulla inferius subdere,
 non gravabor. Sedit in extrema occidentali ora post
 vallem. Carmelitis celebrior locus obtigit. Pirrus i-
 dem ab anno mcccxxxvi in S. Jacobi Intercisi, sub-
 inde in Divæ Annunciatæ constitutos affirmat, plures-
 que ex iis literarum peritia, & vitæ integritate illu-
 stres prodiisse memorat. In levi igitur tumultu, ampla cū
 area, ædes conspicuæ, & Ecclesia imponuntur publi-
 cæ respondentes foro; sed hæc nobiliori fori diebus
 hisce istaurari, cœpta inter primas sibi decus vindi-
 cabit. Vivunt fratres sub districto S. Mariæ de Scala
 instituto. Observantes Minoritani mclxxxviii. in S. Ma-
 riæ de Jesu ad hybernium occasū, non infrequenti regione
 ejusdem nominis incolunt. Tertii Ordinis ascetæ in
 eade S. Mariæ de Cruce editum collem ab anno mcl-
 xxi ex Pirro, Antonii Nicolosi opera occupant; publi-
 cæ græ adjuti: Bordonus autem xx. sæculi ejusdem an-
 num foundationis statuit, & primum idcirco in Sicilia
 Conventum evulgat. Augustinienses Eremitæ in S.
 Marci, hinc in S. Salvatoris Pirri ævo degebant, ho-
 die defecerunt. Vincentio Rubino ex Prædicatoribus
 agente, ejusdem Ordinis Cœnobium in annum mclvi.
 Pius Chronista reiiicit, *Sicenses* xvi. designant origi-
 nis. Tumulus ad ortum æstivum extra pomerium de-
 cens edificiū substat, cui idcirco S. Mariæ de Monte-
 ferrato titulus obvenit. S. Francisci de Paula fratres an-
 no mdcxxxi. S. Salvatoris Ecclesiam sibi compararunt,
 juxta quam domicilia statuantes ad regulæ præscriptum

vivunt; Subest locus Principi Ecclesiæ; inde enim ad hanc arduus ascensus incipit. Capuccini demum extra urbem ad austrum & circiter pass. elato solo, ædem olim Divæ Agrippinæ sacram tenuere, Francisco Majorana ejusdem Ordinis Siclense, vitæ innocentia conspicuo anno MDLXII. adlaborante. Ibi eximia Christi Domini e Cruce depositi icon, Philippi Paladini opus. Sub Capuccinis amplissima nundinarum area, de quibus infra. Prioratus S. Laurentii Ordinis S. Benedicti adjectum lapidis olim, S. Philippi Agyrensi Monasterio subiectus, hodie intra mœnia est, cujus Prior titulo SS. Philippi, et Laurentii titulo ab Agyrensi Abbate deligitur. De Societatis Jesu Collegio ad calcem verba distuli, uti Aguileræ utar loquendi formulis, qui ad annum MDCXXXI. illius initia referens. *Est Siclis, ait, elegantissima Civitas Sarracenorum sæculis longe vetustior, quæ ex Casmena Syracusanorum colonia vastitate ortum dūnisse perhibetur. Situm mox indicat, ægrique felicitatem, subditque: Cives educit ingenio præclaros, & bonarum artium cupidos, sed supra quam credi, aut dici potest, nativi soli studiosos. Et sane singularis hæc patriæ caritas condendo Siclensi Collegio adiutum patefecit. Josephus enim Micicheus eques Siclensis, ut patriæ gloriam augeret, ejusque civium utilitati consuleret, fundandi Collegii curam concepit, & ad exitum strenue perduxit. Nam bonorum suorum hæredem Societatem, ex asse scripsit, & Deipare sine labe conceptæ nuncupatum Templum voluit. Opus adjuvit. Hieronymus Riera anno MDCXLVIII, ex asse hæredem quoque Siclense Collegium nuncupans, cujus divitiis amplissima edificatio, ac magnifica Ecclesia cum*

T. P. P. II.

K k

ele-

eleganti facie instituta ad austrum, ubi area laxior sternebatur, in qua fons salientis aque perennis;

Sed Sanctimonialium Coenobia, quibus non vulgare opido decus conciliatur, me evocant. Horum primum titulo S. Mariæ Vallis Viridis, pervetutum, sub Canonicoꝝ S. Augustini institutis anno mdxv. ortum habuit; sed terremotu quassatum, Syraensano Episcopo annuente, in via cursus ad S. Michaelis anno mxcxiv. translatum magnificentius surrexit. Dicitur Abbatia Grandis, & ejusdem S. Archangeli nomine passim venit. Alterum S. Joannis Evangelistæ medio elapso sæculo ad Benedictini Ordinis perscripta Joannis de Stefano divitiis fundatum anno lxxxvii. ex celebri Parmensi Monasterio coloniam excepit, & ab eximia virginum in eo degentium vitæ integritate commendatum, a foro haud procul assurgit. Tertium ab Immaculato Deiparæ conceptu appellatum S. Tereisæ regulam proficitur. Constituit anno mclxx. Beatrix Giuca piissima femina ad forum Collegii. Quartum sub eodem instituto S. Claræ titulo gloriatur, quod ab anno mclx. erectum Franciscus Capoblanco Episcopus clausura, uti dicunt, subinde vallavit. Postremum S. Mariæ de Angelis puellis excipiendis dudum institutum, S. Francisci legibus hodie subditur, auctum Tereisæ Quincosæ Valentiniæ Matronæ bonis, xii. sæculi hujus anno Romani Pontificis decreto firmatur. Piis hisce locis Hospitalis domus ad egrotantium curam accensenda post S. Mariæ parochiam, ubi charitatis officia certatim eives exhibent. Parochialibus denique obnoxia Ecclesiæ, quas filiales vocant, supra viginti intra opidi septa enumerantur, earumque non paucæ laicorum sodalitatibus addictæ.

Ab

Ab una ex his S. Antonio Abbati nuncupata, media occidua regio nomen habet, quæ de *Schisuzzo* etiam vulgo dicitur.

Jam privata, & bene multæ nobilium ædes visu omnino digæ ornamentum quoque insigne opido conciliant; cuius stemma in parma cerulea leonem exhibet tres sibi e conspectu positos colles veluti salientem. Varia de ejus significatione scriptores gentici proferrunt, suorum traditionibus innixi, quæ hic expendere longum esset; Titulo hinc Victricis, & Inclytæ gaudere. *Siclim* perhibent ob victoriam de Sarracenis reportatam, de qua inferius. Supremus in ea Magistratus *Armorum Dux*, late patentis oræ maritimæ custodiam commissam habens; Decuriones, & criminum Questitor; ille ad nutum Regis, reliqui Comitibus arbitrio ad lecti. Supremus indigenæ militiæ Instructor pedites 673 equites 214. ex circum jacentibus populis sub signis educebat. *Politis Ecclesiastica Syracusani* Episcopi legato demandatur; Civilis ad Comitatus supremos consulares spectat, *Siclis* enim secundas in eo habet. Larium census sæculo xvi. 2665. incol. 11677. sequenti lares 2060. incolæ 7775. sed apud Pirum foci 2770. animæ 11074. adnotantur. Anno mcccxiii. foci 2633. capita 8886. novissime 11071. Locus in Comitibus *Stelenfis* Baroni xli. competit. Situs ad cœli adspæctum latitudinis gradum xxxvi. xxxv. longitudinis xxxv. i. i. xxv. colligit. Ager denique quum amplissime protensus, majori ex parte æquis, variis sit annibus pervius, irriguum quippe illum reddunt *Hirminius*, & *Morycaus*, fontesque perennes non pauci; frugum fertilissimus idcirco audit; Vina, oleum, cannabem, fructus, siliquas præsertim, pascua uberrime.

fert; pisces lacus, aptos venationi saltus claudit; greges, armenta nutrit; jucundissimus denique Africi maris late patentis adspectu habetur.

Viros a sanctis moribus, & pietate in Deum commendatos aluit, aut protulit *Sicilis*: S. Guillelmum anacoretam, qui ad plures annos, uti vidimus, in specu latuit, denique Aprilis iv. ætatis suæ lxxxv. Domini vero mccciv. animam purissimam Creatori reddidit. Ferunt S. Francisci tertium ordinem fuisse professum. Locatæ illius exuviæ primum in marmoreo sepulchro fuere, quod pro Motice Comite olim incisum evulgant, intra S. Nicolai Sacellum, hinc in arca argentea, demum in argenteo simulacro, quod per urbem quotannis circumfertur. Mariam Marsalam in coenobio Vallis Viridis Abbatissam sacratam ex iis, quæ perpetuæ fuere, in Sicilia ultimam, zelo Dei, omniumque virtutum genere admirabilem, de qua Pirrus. Mariam Cœciliam Sanctimoniam in Bepe-dictino patrio Monasterio morum puritate, & innocentia vitæ conspicuam, altissimæ contemplationis studio insignem, quæ Virginis, & cœlitum presentia sepiissime fuebatur, mortemque pretiosam anno hujus sæculi xv. fortita est. Jam muniis, & dignitatibus clari recensentur a gentilibus scriptoribus: Joannes Tuccia genere nobilis, scientia; & meritis illustrior, fuit Episcopus Tribunicensis in Illyride regione, floruitque anno mdxv. Vincentius Bonincontrus Ordinis Prædicatorum Episcopus primum Amalphitanus Pauli v. cujus erat familiaris, beneficio, indeque Agrigentinus. Hunc Pirrus Panormitanum appellavit. Conradus Bonincontrus Vincentii diu Vicarius, & Abbas Potentinus. Lucius Crescimannus Melitæ Eques, & Balivus, ejusdem sa-
cræ

cræ Militiæ ad Innocentium XIII. Legatus. Franciscus Manente, & Franciscus Melphi in Regiæ supremæ curiæ subfelliis ob merita, & doctrinam collocati. Scriptores celebrantur: Franciscus Carrera Societatis Jesu, qui humanas literas suis ad plures annos ingenti fructu tradidit, Poesim latinam mire excoluit, & *Pantheon Siculum*, ubi de Sanctis Insulæ hominibus agit, eruditè acceptum vulgavit. Panormi finem vitæ invenit MDCLXXXIII. Josephus Mazara ejusdem Societatis acerrimi, & feracissimi ingenii, miræ memoriæ, quod enim oculis semel in libris percurrit, omnino, ut nihil excideret, retinuit, auditamque orationem, utcumque prolixam, nulla verborum immutatione, e vestigio reddidit. Aménioribus literis severiores disciplinas adjunxit; Messanæ hinc in publica Academia sacris tradendis scientiæ admotus, cumulatissime muneri satisfecit, & Senatui ejusdem urbis acceptissimus evasit. Neti tandem fato occupatus immature, periit MDCLXXI. Plura edidit, sed ejus Annales Siciliæ ab eruditè considerantur: opus eximium, sed scriptoris morte interpellatum. Marianus Perellus, Sacerdos Ordinis Hierosolymitani, eruditione clarus, de Patriæ veteribus monumentis optime meritus, quam Casmenæ reliquiis auctam mordicus defendit, opusculo typis commissio. Vitam quoque S. Guillelmi edidit; florebat MDCCXXX. Franciscus Cavallo Medicus primum excellentissimus, Minoribus subinde Capuccinis accensus, illustrium virorum in Europa famam equavit, a Mantuæ duce, hinc ab Anna Hispaniarum Regina, a Leopoldo Cæsare, aliisque supremis dynastis maximi factus. De Rebus medicis, ac de Herbis volumina edidit; ubi chimicæ artis, qua præ cæteris excelluit, miravul-

vulgavit. Laudant Pirrus, & Mongitore Seraphinum Carusum S. T. Magistrum, qui Concilio Tridentino interfuit ex ordine Carmelitano, Joannem la Plana SS. Laurentii, & Philippi Priorem, qui de *Grammatica*, & *Lanam Poetarum* scripsit. Antonium Michaellem, cujus extat *B. Guillelmi vita*. Baltasarem Mazara Societatis Jesu, Franciscum Siculensem Minoritam, Michaellem Calvum ex Tertio Ordine, Franciscum Bonum Sacerdotem, Calogera Campaillam, & Jacobum Bonincontrum doctrina clarissimos, eximiosque Oratores. Julium Xifo, seu Isidorum Spinello Capucinum, Hieronymum Rosa, Vincentium Celeste, Ignatium Mazara editis historicis, ac poeticis opusculis illustres; Joannem demum Panormum J. U. doctorem Apostol. Protonotarium variis extra Siciliam honoribus cohortitatum, scientiaque praeipuum. Sebastianum Ugolium inter *Siculenses* male Pirrus enumerat; fuit enim Ragusanus, uti dixi. Vivit Antonius Cario- ti Patrie Archipresbyter, Eruſem poesi ac philologicis studiis, humanis, divinisque scientiis addictus. Ejus prodiit *Parnassus Lauretanus*, expectantque historiae amatores uberrimas *Siculis*, olim *Casinenae* notitias, quas praelo paratas habet.

Hic tandem promissis faciam satis, ac de *Siculis* vetustate, quam a *Siculo* appellatam volunt, mea proferam. Aretius enim primus de *Siculo* meminit: *Annis*, inquit, *Attycensis*, ubi *Sicilim* longe amantissimum opidum, quod *Siculum* tunc dictum puto, adit, sese in palatas effundit. Hinc Joannes la Plana de *Siculo* Rege canit.

A Siculo Sicilis, mea patria, Rege superbit.
Claverius subinde de *Casmena* apud *Sicilim* cogi-
tavit.

tavit. *Hinc Casmenas fuisse divinaverim; ubi nunc nobile, atque amenum in primis conspicitur opidum vulgari vocabulo Sicali dictum.* Alios post Cluverium ejusdem fuisse mentis non inficior; Nec enim ad Carerę censionem attendendum; qui Christiani Arabi de fonte juxta *Xiclis castellum orationis tantum tempore aquis redundante; verba* expendens, perperam eruit Northmannorum ævo *Siclim* vix extitisse. Triangularem itaque arcem, vias cuniculares, gigantum ossa, aliaque vetustatis monumenta, de quibus dixi, certa quidem præbere vetustatis indicia affirmo; sed tempus inde foundationis, aut nomen ex illis colligi vix poterit. De Herculis idcirco per *Siclim* transitu, quum hic Sicilię promontoria inviseret, quod numismatum ope, & urbis veteris scuto evincere conantur, quid proferam non habeo. De Agro Siculo contra *Æolias* insulas Thucydidi memorato, minus audeam judicium ferre. *Æolias* quippe insulas, hodie *Liparitanas* appellatas invenio ab *Æolo* illarum Rege, & *Pelorum* versus *Sicilię* obiacentes esse constat. *Milichium* sanum, ludosque prope *Dianę* fontem memorant, quę circa hæc loca mortales incoluisse arguunt. Sic *Camerinę* celebris urbis, olim *Hyperię* propinquitas; sic *Phęacum* terrę nostris vicinę; sic *Cocalli* regiæ *Camicus* idiplum evincunt; De nomine vero, aut tempore signanter innunt nihil. Heros hic stetisse montes *Scriptores* aliquot ex nostris opinarunt, alii, nec minoris quidem notę, alibi statuere; Ego non inanibus quorundam conjecturis & autoritate fretus; ubi mons *Maro* assurgit; hodie *Madonia*, locandos opinor. *Daphnis*, *Mercurius* ad Heros pertinent, quocirca ad varios in *Sicilia* colles, uti varia authorum opinandi de illorum situ, sunt placi-

placita. Cudendis demum monetis destinata a Marcello Consule *Siclim*, subindeque ab Græcis Imperatoribus in variis numismatis cum typo S C L. se legere affirmant. At enimvero hanc solam latuisse Eruditis officinam, ubi es percussus, Romanis, Græcisque Siciliam moderantibus, in animum quis unquam induxerit? Id igitur censeo *Siclim* ex vetustis insule olim effloruisse; originis ævum, vocabulumque latere, nec certi aliquid posse expiscari,

SICLIS FLUVIUS Ptolemæo Motucanus, qui supra Motycam ortum habet ex Puteo Prunorum, & *Siclensis*, quod ejusdem urbis fines, & agrum alluit, paullo antequam mari sese adjungat, lacum auget, quem magnum appellant, illumque piscosum reddit. Hinc ostium sibi inter Hirminium, Aynlucateq; fontem, & Horreorum stationem, ubi olim emporium, aperit.

SIMONELLUM fluentum in Melillis agro, quod anno mœxciii. colle ob terræ concussionem subsidente cursum mutare coactus est; vallemque occupans, lacum inde stagnantibus aquis produxit, qui hodie perseverat.

S. SOPHIA Crypta prope Ferulam opidum, ab incolatu ejusdem virginis celebris; diu enim, uti ferunt, dies ibi illa produxit, quæ in summa adhuc religione habetur.

SOPHIANA. Locus in agro Platię, olim Philosophiana *Gelensum* in Romano itinere memorata, ad Gelę fluminis fontes. Alexander in Rom. Pon. fines Syracusanę Diocesis describens S. Vincentii casale nominat, juxta *Sophianam*.

SORTINUM aliis *Xuthinum*, & Maurolyco, Bonfilio, Littarę olim *Xuthia*, cujus meminit Stephanus

nus; hinc Leontinum agrum, qui ex Diodoro Xuthius ab Æoli filio Xutho dicebatur, ad *Sortinum* usque ab austro protractum credunt. Sed Petro Carere *Pentarga* Northmannorum eyo, sive *Panterga* appellabatur, quod supra adnotavi. In montis vertice late extenso hodie situm opidum, cunctis cœli regionibus patens, ab Syraculis pass. m. xxii, a Leontinis in Septemtriones xiv, inter Melillim, Ferulam, & Cassaram, a quibus pass. m. vii. distat. Olim in ejusdem collis latere circa ortum hybernium stabat, unde ex terremoto mœxciii penitus quassatum prudenti consilio in opportuniorem translatus est locus. Veteres inter ruinas Arx, quæ anno etiam mœxlii. ex alia soli concussione magna ex parte corruerat, magnificentię adhuc signa in ipsis substructionibus servat. Novum rectis, amplisque viis divisum saluberrimi est aeris. Ex illis præcipue in mediam octogonam incidunt areæ, quæ fonte magnifico cum cœtris, & Famę simulacro decoratur. Princeps Templum in S. Joannis Evangelistæ honorem amplo pronao, aliisque adjunctis, fronte elegantissima, ac aliis ornamentis splendidum, *Populi Religione Erectum* Epigrapha declarat, cui laxior planities respondet, Ab illo haud procul circa meridiem Dynastę assurgit palatium visu non indignum. S. Sophiæ Patrônæ gdes præcipua, ubi olim sacra populus percipiebat, foro medio respondet, contra quam Deiparæ Annunciatæ Ecclesia subrigitur, ubi summa religione illi colitur ejusdem Virginis tabula, quæ anno mœlviii. sub *Sortino* veteri aquarum illuvie è loco divulsa; Syracusas usque undarum globis innatans, mirabiliter asportata, indeque ad opidum reducta dicitur, uti Cajetanus, & Pirrus enarrant. Per reliquas

hinc regiones septem alię decenter extructę videntur, quas filiales appellant, ac laici sodales frequenti cultu celebres reddunt. In his omnibus Archipresbyter paręcialia exercet munia, sedisque Syracusanę Pro Episcopo jus dicere competit.

Domus *Sortini* habent Religiosę Ordinis de Monte Carmelo, Minoritarum Conventualium, & Capuccinorum familię. Hi postremi loco parum declivi ad ortum hybernum obtinent situm, amplumque occupant Conventum, quod *sue antiquitatis jure*, inquit Pirrus, *in provincia Syracusana primas obtinet.* Annales in annum MDLVI. foundationem reiciunt. Minores fratres olim extra ab anno MDLV. adjuncto S. Petri templo claustra incolebant, nunc circa æstivum ortum cum eleganti Ecclesia ad opidi extremā degunt. Oppositę regioni Carmelitę insident, ad hybernum scilicet occasum, cum S. Viti Ecclesia, *cujus dies festus celebris est apud Sortinenses*, ex Pirro, *ob ejus reliquias, & quia ibi S. Martyr aliquando adfuisse traditur.* Sanctimonialium in opido veteri cœnobia duo, S. Benedicti unum MDLXXXV. Petri Cajetani dynastę sumptibus extructum, Joanne Horosco Syracusano Episcopo concedente; alterum Montis Virginis Ordinis S. Bernardi Cęsaris Cajetani primi Marchionis divitiis MDC. conditum, ubi ejusdem tres filię, alięque subinde ejusdem sanguinis sacrum susceperę velamen. In novo ex duobus unum coaluit, S. Benedicti Montis Virginis titulo sub Cisterciensi regula, & habitu, cujus templum magnificę molitionis ultimam expectat manum. Virgines ibi alumnę perfectioris vitę studiis inherent. Deiparę denique Collegium nuper Josephi Blundi Sacerdotis opera ad Sancti Antonii

tonii Abbatis Ecclesiam pro sequiori sexu institui co-
 ptum, brevi absolutum iri piorum collatis subsidiis,
 cives confidunt. Circa collis latus cum celebri S. So-
 phiæ V. M. *Sortinentium* Tutelaris memoria locus est.
 Hac enim Virgo, uti tradunt, a paterna imperiali
 domo aufugiens, ad Siciliæ litus prope Syracusas na-
 vi delata haud, procul inde Pantalicam prope *Sorti-*
num venit, atque in antro delituit, quod adhuc ejus
 servat nomen. Ibi tandem agnita a Siciliæ Præfecto
 ad patrem Byzanzium deducta pro fidei puritate
 martyrium subiit. Habes hæc in Actis penes Cajeta-
 num, Ferrerium, & Pirrum. Hodie piis exercitationi-
 bus spiritus, ac secessui a sæculi curis, ad civium com-
 modum ædes ibi constructæ videntur aptissimæ.

Civilis opidi politia penes Cassari Principes ex-
 illustrissima Caietana gentæ, qui *Sortini* Marchiones au-
 diunt, & in publico Regni Consilio sedem xvii. oc-
 cupant. Hi magistratus constituent annuos juxta patri-
 as leges, & gladii jura exercent. Subduntur opidani
 Syracusanæ comarchiæ, & Præfecto militari Leontinen-
 si pedites 75. equites 4. suppeditabant. Censebantur
 sæculo xvi. in laribus 1157. capita 5697. sequentis an-
 no lxx. foci 1555. animæ 6036. sunt numeratæ; ex Pir-
 ro vero lar: 1868. animæ 6835. Anno demum mccc-
 xiii. foci 1166. incolæ 4663. hodie 5147. veniunt com-
 putati. Jam quum amnes circumquaque montem, ubi
 opidum sedet, irriguum reddant, valles propterea am-
 plissimas illius ager claudit multa arbore convestitas,
 oleribus, pascuis, ac frugibus foecundas. Fons vero e
 vertice erumpens *Guccianus*, aliis sibi adjunctis rivulis
 ex Argenteo, & Rugio latice. perennem statim flui-
 um parit, qui per xx ferme milliaria Syracusas us-

que ductuum insigni opere, quos veteres in vivo saxo, montibus etiam perforatis, moliti sunt, ad triticeas molas agitandas, partim deducitur; partim terris affunditur, quas fecundat; Anapumque demum notabiliter auget. Olea cetero, vineæ, pomaria, horti, alvearia nulli alteri ex vicinis secundum eundem agrum reddunt; sed præcipuam opidani operam in pulveris pyriti confectione collocant. Illustres viri *Sortinum* habuere patriam Josephus Cajetanus Societ. Jesu genere, & pietate clarissimus, qui xxiii. ætatis anno mundo renunciavit, morum innocentiam ad vitæ exitum servavit, quem xxxi. vix emenso, Messanæ invenit vulgâris æræ mdc. Egregia illius gesta libro peculiari continentur. Laudant quoque illum Albertus, & Aguilera. Alphonsus de Dominicis Ordinis S. Joannis Jerosol. ejusque Ecclesiæ Prior, vitæ candore, ac scientia eximius; floruit mdcxxxvi. Commendatur denique Mongitori in Bibliot. Vincentius Spineus, qui vitam S. Sophiæ V. M. edidit. Sed ad opidi dynastias descendo, ac de varia illius fortuna simul nonnulla proferam.

Northmannis Siciliam regentibus altum de Sortino silentium fuisse perhibet Carolus Neapolis in suo eruditissimo opere pro Petro Cajetano Cassari Principe. At si Carreræ deferimus autumnanti *Pantergam*, tunc fuisse *Sortinum* appellatum, quod sibi perspectum esse ex variis veterum scriptis affirmat, *Panterga* mentio est in Urbani II. Rom. Pont. diplomate de anno mxciii. Quamvis Pirrus *Panterga* nomine Palagoniam ibi intelligat. Robertus Parisius aliunde *Sortini* Dominus anno mdcxxxvi. sub Rogerio Rege se offert. Constantia subinde Regina Henrici Cæsaris uxor *Gual-*

terio

terio, aliis *Arnoldo de Motya*, cujus patrem, quod Tancredo Regi adhæssisset, bonis omnibus Henricus idem spoliaverat, *Sortinum* concessit, cui *Perellus* id est *Petrus* filius subrogatus. Hic ab Joanne Procida socius in celebri illa contra Gallos conjuratione adfectus, cædis illorum apud Syracusas author fuit, & a Petro idcirco Aragonensi summis honoribus, ac ejusdem urbis præfectura affectus dicitur. Meruit sub Jacobo, & Friderico Petri filiis, atque in hujus censu anno mcccxx. pro *Sortino* aliisque casalibus, & feudis sacramentum dixit. Id actum credit laudatus Neapolis sub Jacobo mcccxvi; At enim male Censum prædictum illius editor Bartholomæus Muscia in annum illum reponit, uti ad calcem hujus operis lectorem monitum faciam, ac multis evincam. Ex *Perello Fridericus*, qui Petro II Regi sese probavit, eoque supersite sine legitima prole mortem appetiit. Hinc inter Franciscum ex thoro damnato ortum, et *Perellum* juniorem Friderici fratris filium de successione valida orta est contentio, tandemque hic secundus obtinuit. Tunc *Sortinum* inter opida, quæ Regias partes tuebantur, computatum lego. Franciscus, quem & *Chichum* Siculo more appellat Simeon de Platia, Claramontanis mox adhæsit, & *Sortinum* invadendum cogitavit. Verum *Perellus* Artalis Alagonæ suppetiis adjutus, illius elusit conatus, quin & ipsum acie devictum ad *Sortini* arcem captivum destinavit, ubi post dies aliquot *Perelli* uxor laqueo suffocatum, præcipitem ex alto demittit. *Perellum* Ludovicus Rex mccciii. suum Consiliarium constituit, bonisque, quibus Franciscus gaudebat, donavit; ipse vicissim strenuam Regi suo operam navavit. Dum porro a curis

libe-

liberam vitam degeret, illū *Matthæus Moncada* opido suo exuere tentabat; quod ubi advenit, coacto milite contra *Matthæum* duxit, opidulumque *Curcuracis*, quod illius erat juris, diripuit, ac regiam idcirco indignationem incurrit. Præerat insulæ *Fridericus III.* cuius inter aulicos *Moncada* primas obtinebat; arrepta hinc occasione ad *Augustæ* Comitatus fines augendos, *Sortini* sibi donari ab Rege exoravit; ac sollēni huius inaugurationi *mcccxciv.* uti *Sortini* etiam Dynasta *Messanæ* interfuit. Suis in terim opidanis *Perellus* dominabatur, eisque jura dabat. Vixit ad *Martini* usque tempora octogenario major, suisque ultimis tabulis, quum prole careret, *Guillelmum Raymundum Moncada* *Matthæi* filium anno *mcccxciv.* *Sortini* heredem dixit. Rationem id subinde eodem *Martino* Rege habente post biennium. Ex quo *Sortinum Augustæ* Comitatus adnexum, ejusdem pars dici cœpit. Nec diu sequenti scilicet anno post confirmationem, *mcccxcvii.* veluti reus majestatis *Guillelmus* *Catanæ* conclamatus, bonis omnibus exutus, *Sortino* etiam privatur, ac *Raymundus de Aprilia* illius loco in ea dynastia sufficitur, quæ nihilominus ab *Joanne*, & *Matthæo* *Guillelmi* filiis tenebatur. Rebus compositis, *Aprilia* renunciantæ, *Sortini* *Castrum Franciscus Zagaria* est assecutus. Quum porro *Perrachius de Motya*, *Ficaræ*; & *Galutis* Dominus, qui a *Perello* seniore genus ducebat suum, uti vocatus, coram *Martino* jus suum *mcccxcix.* experisset; ortus enim ex *Margarita Perelli* filia, *Avi* cognomen, & arma, uti illa suo testamento sanxerat, gerebat, *Regio* decreto *Sortini* *Baro* renunciatur. A cujus morte *N.* soror *Joannis de Eredia* conjux obtinuit. *Joannes* anno *mccccl.* *Alphonſi* Regis beneficio gladii potestate

state impetrata, filio *Ferdinando* reliquit; hicque ab eodem Principe confirmatione, cum clausula, uti ajunt, *Juris francorum* obtenta, ex literis mcccclm. subindeque ab Joanne Rege, de alienanda eadem Dynastia facultate exorata anno mcccclxxvii. justo accepto pretio *Guidoni Cajetano* illam vendidit; ex quo & *Lucretia Barresi Petrus* filius. Hunc *Guido* ii. excepit, eique *Joannes Petrus* mxxvi. confirmatus successit, qui cum N. Crisafi ex Lingue grossæ dynastiis, *Petrum* genuit, Catharinæ Syracusæ Cassari Dominæ conjugem, unde *Guido, Caesar*, alique prodierunt. Per hæc tempora anno mxxi. Siciliam universam vehemens terræ concussio tremefecit, & Neti vallem præ aliis vastavit. *Sortini* arx media corruens Catharinam, & Guidonem oppressit, nec aliis opidi incolis pepercit. *Cesar* itaque secundo loco natus, patris heres effectus, ex Antonia de Bosco Vicaris Comitibus orta *Petrum* suscepit Cœnobii Monialium S. Benedicti, uti vidimus fundatorem, circa annum mclxxxiv. Hujus, & Joannæ de Moncada filius *Cesar* primus *Sortini* Marchio mcliv. hinc Cassari Princeps Messanæ Strategus & quartum Panormi Prætor effulsit; vices etiam Proregis, quum insula annonæ caritate laboraret, cum gloria gessit. Binās habuit uxores Annam Aragoniam, & Annam de Carrecto, ex qua postrema *Petrum* tulit, & Josephum. Ille Antonie Saccano adjunctus *Annam* procreavit, eamque *Ignatio Moncade* uxorem dedit, qui a *Pirro Sortini* Marchio idcirco appellatur. Verum Josephi filius *Cesar* veluti gentilis, & agnatus sibi deberi dynastias contendens, Ignatio sese opposuit, tandemque obtinuit, & anno mclxi. *Sortini* Marchio, Cassari Princeps dictus est. Nec diu Mundo va-

ledi-

ledicens Societ. Jesu nomen dedit inque *Aloysium*, fratrem jura sua transtulit. Hic cum Magdalena Scyzia, contractis nuptiis *Cesarem* suscepit, qui Julia Bononiæ vir factus, *Petri*, hujus nominis vi. pater evasit, anno mdcxcix. Marchionis titulum adepti. Fuit Panormi Justitiarius, a Regio cubiculo, decessitque sæculi hujus anno 2. relicta. ex Aloysia Lancea Tragicæ Principis filia *Cesare* iv. Vivit cum Victoria Vigin-timillia improles. *Sorini* latitudo est grad. xxxvii. longitudo xxxviii. xliii.

SPACCAFURNUM Opidū. Vide. Inspicefundus.

SPANO. Casale olim, *Spanò* hodie Feudum ad Abbates S. Mariæ de Noaria ex concessione Rogerii Comitis pertinens, cujus meminit Fazellus.

STAINPACE. Turris in agro Netino sub Ludovico Rege anno. mccciii. *Blasum de Alagona*, uti ajunt, authorem habuit, quod gentis ejus insignia satis evincere dicunt. Abulenses aliquando illā occupasse tradit Litterar; sed Petri Infantis jussu Netinis restituta mox fuit. Dolo etiam *Bernardus Caprera* sub Martino sibi vindicavit. De ea Fazellus lib. iv. cap. 2. Elorique veteris urbis ruinis, inedicatam testatur.

STERIUM PICTUM. Templum priscis præcellens credit Fazellus. Ædem quadrato structam lapide, columnisque subnixam, quæ tumulo insidet ab ora Siciliæ Australi haud procul, post Fluvii ostium a S. Cruce appellati. *Steris* vox Punica est, Domum significans conspicuam; a Sarracenis idcirco nomen loco inditum puto.

STINTINUS. Statio ad Syracusas, olim Portus Trogilorum. Vide *Trogilus*.

STYELLA. vetus opidulum. Vide. *Hybla Tjella*
SYL-

SYLVESTER Cafale olim, & Turris, hodie *Bn-
vicinus*.

SYMÆTHUS. Fluvius totius Insulæ maximus;
Grandis idcirco, & a proxima celebriori urbe, *Catane*
appellatus, a Scapha, qua quatuor in locis traicitur, Sarra-
cenico ore *Jarretto* passim dictus. Northmannorum
ævo *Moses*, *Huetmusa*, aliisque corruptis vocabulis ve-
nit. Memoratur Poetis Scylaci in Periplo, Virgilio
Aeneid. lib. 9. *Symathia circum flumina*. Ovidio *Fast.*
lib. 4. *Quæque Symathæas accipit equor aquas*. Silio
lib. 14. *Rapidique colunt vada flava Symæthi*. Plinio
Colonia Catana, *flumina Symæthum*, *Terias*. Ptolemæo,
qui male inter Catanam, & Tauromenium locat; Pom-
ponio Sabino: *Supra Catanam*, & *Centuripes Symæ-
thus fluvius*; Vibio in Cathalago flum. Servio, qui a
Rege Symætho nomen habuisse affirmat; Athenæo, qui
ejus laudat *Mugilés*. Ex Siculis opinionibus variant cir-
ca situm complures, & cum *Eryce* fluvio confundunt,
qui *S. Pauli* a ponte, e proxima sacra edicula etiam
dicebatur, cujus supra cursum descripsi. Moventur,
quia Virgilius laudato loco addit: *Pinguis ubi, &
placabilis ara Palici*: Vibius vicinum *Palicis Symæ-
tum* locat; Servius, ipseque Pomponius Sabinus cir-
ca ipsum Deos *Palicos*, & fabulam *Palicorum* consti-
tuunt. At enim Maro, Vibius, aliiquæ celeberrimum
flumen *Symæthum* memorantes, *Palicios deos*, seu *La-
cum* cum crateribus, eorumque fabulam æque celebrem
non longe a *Symætho* innuere voluerunt. Illud hinc
notandum, quod *Symathia circum flumina lacum*,
Martis crevisse Virgilius tradit, eodem in agro, ubi
Palici ara surgebat. Servius idcirco; Sabinus, & Vi-
bius, aliique Grammatici Virgilio adherere putantes,
T.P.P.II. M m minus

minus congrue ad *Symetum* Palicios statuunt; nostrosque Fazellum, Maurolycum, Aretium, Philotheum, & Bonfilium in errorem inducunt. Contra tamen Cluverius, Carrera, & alii, re penitus examinata, Virgilii textum commode exponentes, proximum Catane fluvium *Symetum* esse mordicus substinent, cujus sub Terie nomine originē, cursumque Fazellus describit.

Sunt igitur *Symetbi* fontes in valle Demana ad Capitū opidi montem, media ferme Sicilia; unde aquę uberrimę justum amnem constituentes sub Troyna defluunt, a qua nomen illi primo obvenit; Cisarum, inde ad lavam relinquens; Maniacis alluit agros, ubi sub s. Dominicę agro gurgite augetur; qui ad multā altitudinem, aquas ejectionis, Gurgis plenus appellatur. Broli mox, & vicinorum collium fontes excipit, falcatoque fluxu circa *Ætnę* radices occiduas dilabitur, ac pontem habet impositum e vicino Carcasis opidulo appellatum. Post pontem insigni spectaculo precipites ex alto undę in subiectum profundum alveum se recipiunt, & cursum peragunt. Adrani subinde fluentia insigni copia ad sinistram, fluviumque Salsum, seu Rahalbuti prope Nicosiam originem habentem, sibi ad dexteram adjungit, & Scapha, sive *Jarrella* Adranensi traicitur. Paternionis aquę hinc in eum dilabuntur, ubi rursus Scapha iter habentibus se offert. Catanensem amplissimam planitiem vario subinde flexuoso cursu totam irrigat, & tertium Scapha transmittitur, quam Monachorum appellant. Nec procul ad trajectum *Canaleris*, Chrysam, vulgo Dystainum absorbet, qui sub Artifino ortum recognoscit. Ab hinc Catanensem agrum, & Leontinum determinat, & rursus non longe ab orientali littore Scaphę usum habet,

bet, quæ a S. Agatha dicitur. Sed paullo supra ad aliquot passus Erycem, aliter *Gurnam Longam*, ab anno mxxx. suum in lectum elabentē deducit, tandemque tot auctus aquis in mare se exonerat, latum aperiens ostiū, ad quod circa sinistram terræ cuspis crevit, ex aggregata arena, & luto, quæ singulis annis novæ materiei occasione fit major. Fert Symethus Anguillas laudatissimas, ad quarum capturam fluminis aquas cratibus arundineis coercent, & portas per interiecta spatia aperiunt, ubi insidias parant. Eodem ferme artificio *Alofas*, quas vulgo vocant, sapore, pinguedine, & crassitie eximias Martio, & Aprili mensibus capiunt, quas tunc temporis ingenti copia Symethus deducit. Tinchis præterea, minutisque pisciculis abundat; Mugiles ejus denique Athenæus commendat, quod supra innuit: *E Symetho Mugiles*. Eryces, *Gurnalonga* vulgo, pisciculos quidem, sed Mugiles nusquam promittit, hinc quo pacto Symethus dici possit, non video.

SYMÆTHUM Opidum. *Symethius* mediterraneos opidanos cum aliis Sicilia Plinius lib. 3. cap. 8. memorat. Ptolemæus *Dymethum* inter Centuripes, & Ætnam locat opidum, sed corruptum esse vocabulum a genuino *Symethas*; docet Cluverius; quin, & in Eclogas legationum errorem irreptisse quoque affirmat, ubi ex Diodoro de Opidulo *Amaselo* fit mentio, quod inter Centuripinos, & Agyrinenses situm Hiero expugnavit; *Symethum* namque, non *Amaselum* legi ibi debere tradit. Illius hinc judicio *Symethum* opidum in eo steterisse colle, ubi hodie Rahalbutum sedet, censendum. At enim alibi cum Carrera, nullam esse duas inter voces *Symethum*, & *Amaselum* analogiam dixi; uti una pro alia irrepere potuerit amanuensium vitio;

Et *Amaselum* idcirco ab Hierone direptum ad Rahalbuti collem locari posse, & aliud a *Symætho* dici nil prohibet. Idem porro Carrera non longe a Symæthi fluminis ostio in tumulo, ubi ager adhuc hodie a *Symætho* appellatur, opidum cognomine sedem olim habuisse opinatur. Sed hic situs ab eo, quem Ptolemæus designat, procul xx. saltem pass. u. abest; decernere idcirco signanter locum non ausim.

SYRACA Palus in plano, & depresso littore circa Syracusas, ubi stagnant Lysimeliæ etiam paludis aquæ, paullo supra ex Cluverio, ad sinistras Anapi fluminis ripas, sed a Bonanno, ad Anapi dexteram a maris littore haud procul, ubi hodie vulgari nomine *Pantanus*, sita dicitur. Syracusis inde vocabulum fuisse Scimnus Chienfis in Periegesi tradit. Memoratur Vibio in Catal. Paludum, & *Tyraca* mutata S. in T. dialecto Aëtica vocatur; Stephano de urbibus *Syraca*.

SYRACUSÆ maxima, & potentissima quondam totius Siciliæ, & Græciæ urbs, innumeris celebrata authoribus Geographis, Poetis, Historicis, & Philosophis inter veteres; a recentioribus vero satis nunquam descripta, integrum hic librum exposceret, nisi Aretius, Fazellus, & Cluverius, alique illorum vestigia sectantes, Insulæ facièm delineando, uberrime de ea, uti par erat, pertractassent, Vincentiusque Mirabella, & Jacobus Bonannus, peculiari concinnato opere, præcipua illius monumenta literis consignassent; Ego demum, cum in meis ad Fazellum Animadversionibus, tum variis in locis hujus opusculi, uti sese obtulit occasio, ejusdem partes, regionesque singulas designare curavi, uti & reliquas recenseam, quæ supersunt. Sola namque *Syracusana* mænium suorum ambitu,

bitu, quatuor ingentes claudebat urbes: *Acradinam*, *Tycham*, *Neapolim*, *Ortygiam*, aliis, & quidem majoribus, per Siciliam omnino æquandas; *Epipolasque* munitum locum complectebatur; sola publicis ædificiis, arcibus, templis, gymnasiis, theatris, latomiis, præ ceteris superbiens, cunctis magnificentior eminebat. Ipsa amplissimo etiam extra insulam dominatu; incolarum multitudine; qui ad decies centena millia; & ultra excrevere; Civium gloria, armis, literis, rebusque domi, & foris præclare gestis illustrium, nulli per orbem universum secunda effulsit. Ipsa totius pene Græciæ conatibus resistit; Carthaginienses non semel protrivit, translatoque in Africam bello, terruit, domuit; Romanis denique exercitibus sola, & inclinante jam fortuna, diu reluctans, nonnisi cruentam concessit victoriam. Digna, quam e sublimi potentiæ culmine in profundum malorum ruentem victor ipse Consul Marcellus lacrymis prosequeretur: *Mœnia enim ingressus, a superioribus locis urbem omnino ferme illa tempestate pulcherrimam videns, illacrymasse dicitur, partim gaudio tantæ perpatræ rei, partim vetusta gloria urbis, uti lib. 25. Livius scribit. De tam præclara igitur urbe solum per summa capita, raptimque nonnulla proferam.*

Nomen a *Syrāca* contermine palude *Syracufis* apictum jam paullo supra ostendi. Fazellus a Græco vocabulo ΣΥΡΩ deducens, quod Latinis *Traho* sonat, quia scilicet *illius conditores*, inquit Goltzius, *sponse sua ad illam eo loco statuendam tracti fuerint*, Mirabellam habuit sectatorem, qui tamen ad Archiam Corinthium perperam retulit; antequam enim hic coloniam eo deduxit, *Syracusarum* nomen extabat, uti Bo.

Bonanus advertit: Eundem porro Archiam Thucydides, Plutarchus, & alii ex Græcis Urbis conditorem protulere, quod adscitis e patria aliquot focis ad Insulam tunc Ortygiam vocatam appulsus, Siculis, qui eam tenebant, ejectis, novam contituerit rempublicam. At enim ante Corinthios, primi Siciliæ incolæ Sicani illam inhabitaverant; prope *Syracusas* raptam Proserpinam Pluto deportaverat; Herculis sacros ritus in ejusdem Proserpinæ honorem, Diodoro lib. 4. & 5. ad *Cyanes* fontem instituerat; Siculi ipsi Sicanorum successores ab Archia pulsi sedes jam in illa statuerant. Crevit haud inficior, post eam Græcorum coloniam mirum in modum, ob soli ubertatem, civesque ejus ob portuum opportunitatem principes effecti, uti Plutarchus loquitur, *Acras*, *Camarinam*, *Casmenam* paucis post annis ad *Pachynum* proximum concidere; *Ennamque* in ipso Siciliæ centro, suorum manu deducta, incolis frequentarant; longe majora nihilominus incrementa, postquam *Gelo* primus Urbis Tyrannus reipublicæ regimen assumpsit, suscepisse constat. Hic enim quampluribus circa opidis bello domitis, ea ferme aut solo equavit, aut incolas ex iis abducos *Syracusus* transtulit, ac civitate donavit. Hierone Gelonis fratre rerum potente, nihil præter libertatem *Syracusanis* optandum fuit; nam urbes præsertim *Chalcidenses* suo illi adiecere imperio; ac post obscurum, brevemque *Trasiputi* dominatum Reipublicæ statu restituto, Siculis primum populis, qui suis vivebant legibus, sibi adiunctis, Atheniensibus memorabile bellum ingenti hostium occidio consecere. Septuagesimo elapso anno, rursus in *Dionysii* utriusque tyrannidem incidentes priscam nihilominus gloriam retinere sunt visi; *Carthaginien-*
-sum

sum quippe depressa potentia, nedū finibus eos propriis prohibuerunt, sed fēderatos sibi populos, ne illorum subirent jugum, armis, consilio, suppetiis strenue juvere.

Tyrānnis exactis, aliquando ex opum abundantia, nedum ornatus, sed & imperii amplitudo *Syracusis* accrevit; at dum externam vim cives metuunt, in domesticam dilapsi sunt perniciem; Agathoclis nempe figulo patrē exorti, sese dominio mancipare coguntur. Qualis, quantusque fuerit Princeps Agathocles, sevis licet moribus suos vexaverit, varia per eum cum in Sicilia, tum in Africa egregie gesta uberrime produnt; uti in historiis Fazellus, alique. Eo extincto novis Sicilia motibus exagitata, ac *Syracuse* præsertim dura Penorum obsidione terra, marique oppressæ, Pyrrhi Regis Epiri, qui Agathoclis filiam uxorem acceperat, & in Italia bellum contra Romanos gesserat, auxilia postularunt. Adfuit ille, hostes fugavit, & *Syracusis* Siciliæ Rex salutatur; sed brevi discedens, tam prope insulæ imperium amisit, quam facile quæsierat. Pyrrhum Hiero Junior excepit, a *Syracusanis* primum urbis Præfectus, mox omnium pene insularum consensu contra Penos dux, tandemque Siciliæ Rex creatus. Sub eo Romanis dominii fines extra Italiam dilatandi, se obtulit occasio, ac Belli Pūnici Primi initia conflata sunt. Equo quidem Marte aliquandiu Hiero cum illis depugnavit; tandemque ditionis Romanæ in Sicilia fines a Regno *Syracusano* pax inita designavit. Sed hanc Hieronymus Hieronis ex filio nepos juvenili imprudentia abruptit, patriamque in extremum adduxit discrimen. Captiva mox *Syracusarum* urbs, quæ nulli antea expugnata, Marco Marcello cecidit, suisque Romanos ditavit spoliis; neque enim ex alia ali-

qua

efficit, ad latitudinis gradum xxxvii, paucis demptis minutis, & longitud. xxxix circiter sita, gaudet aere temperato, ventis afflato suavissimis, æstivo tamen tempore horis meridianis nonnihil fervido. Mœnibus undique cingitur, rupe perpetua impositis, quæ maris undis tunditur, brevi occidua littonis parte excepta, quæ arenosa, civibus ad portum descensum præbet parumper declivem. Cuspidi in meridiem protensæ quadrata arx, a Maniace celebri Græco duce conditore nomen habens, imponitur, quæ portus fauces custodit, validissimis munimentis juxta recentioris artis præcepta undique vallata, fossa, & ponte, viæque cooperta, ubi urbem respicit, instructa; contra quam amplæ, & novæ militum stationes assurgunt. Per spatia ab oriente, & occasu, mœnium latera, sive cortinas sex propugnacula firmant, quorum sunt nomina hodierna a S. Dominico arci ad austrum proximi; Villenæ ad angulum, S. Jacobi, & S. Joannis in ortum, Squillæ, & Arethuse circa majorem portum ad occidentem. Dudum aliter dicebantur, uti in notis ad Fazellum adverti. Validissima simulque spectatu digna ad isthmum munitio, & paucis secunda. Area quippe satis ampla post urbis ædificia prima occurrit, in qua veteres militum stationes: tum ad aquilonem, ager a veteri diruta arce, Fazello, & aliis memorata, Casenovæ appellatus. In centro porta principalis elegantissima subrigitur, duo inter propugnacula, S. Lucie, & S. Philippi; quorum alterum cum Squilla adjacenti promurali statione, uti & secundum ad portum minorem casside etiam nuper adjecta instruntur. Sequitur lata fossa, cum parmula, & pontibus maris undis utrimque pervia; hinc testâ via in mi-

P. P. T. II.

N n

li-

litarem plateam aditum aperit, quæ laxior, & plurimum manipulorum ad arma exercenda capax. Hæc ab austro promuralia opera habet; ab aquilone aggere Montis aurci nomine, ac bina parmula firmatur, & postremus pons ad eruptiones adhæret. Circa occidentem porta, quam duo ambiunt propugnacula, fratres duovulgo dicta. Portam excipit pons ad fossam traiciendam aquis occupatam; Hinc opus coronatum, rursus tertia fossa cum ponte; vallatque omnia via tecta ab uno ad alterum portum protensa.

Jam interior urbis facies inæqualibus viis tota describitur; ampla tamen area ante principem basilicam sternitur. Hæc olim Minervæ cultui addicta, columnis ex albo lapide striatis fulciebatur, & Archimedis Æquinoctio celebris erat; a Christianis subinde Nativitati Virginis Deiparæ nuncupata, ad sacros usus conversa, vario ornatu hodie splendet, Divinæ præsertim Eucharistiæ, & S. Luciae Patronæ sacellis, elegantissima fronte, cum porticu, ac statuis nuper instituta, necnon divite supellectile, ac celeberrimis Ss. reliquis, vasisque præcipuis, quæ inter insignis artificii e succino calicem ostendunt. Episcopalis dignitas Apostolicis temporibus eidem Ecclesiæ obvenit, Paulo enim doctore fidem *Syracusanos* suscepisse constat. Martianum idcirco primum Pontificem a B. Apostolo Petro *Syracusæ* delegatum cum Pancratio, qui Tauromeniū, contendit, cōmuniter tradunt. A Martino sanctissimo viro ad Sofronium, qui a Sarracenis deturbatus dicitur, Episcoporum Catalogum Christophorus Escobar *Syracusæ*. Canonicus textit, quem Siculi Agiographi sequuntur, & novissime Cæsar Cajetanus erudito satis ofuscule rem omnem complexus est. Post Sarracenos
ab

ab Rogério Comite Troinenſis Eccleſiæ Decanus, Rogerius, *Syracusanus* Episcopus conſtitutus, ſucceſſores ad hæc noſtra tempora ſex & quinquaginta habuit; ſedet hinc hodie *Syracusis* Joſeph Antonius Requeſentius, Ordinis S. Benediſti dudum Abbas ſanguine, moribus, doctrina clariffimus, V. inter Eccleſiaſticos Proceres locum habens. Adſtant ejus lateri, & Cathedralis Eccleſiæ ſamulatui intendunt Dignitates, uti vocant, quatuor, ipſo fundationis initio poſt Sarracenos exactos inſtitutz, circa xiv. ſæculi finem præbendis auctæ, ac ſub exitum xvi. ad priſtinum decorem revocatz. Illarum prima *Archidiaconatus*, cui *Decanatus* ſuccedit, hinc *Cantorin*, & quarto tandem *Theſauraria*, uti vulgato nomine exprimunt. Canonici incerto numero, Electivi dicuntur, quia ab Episcopo collegio propoſiti, ab *Capitularibus* delecti veniunt. Pirrus alium alio tempore fuiſſe illorum numerum affirmat, & ad xx tandem ab Episcopo Giliberto ſæculo xvi. redactos perhibet; Id tamen hodie ſervatum non videmus. Interſunt denique choro Capellani, ab anno m^olxxiii. dote assignata, quos Secundarios appellant Canonicos. Clericorum Seminario, ad Eccleſiæ aquilonem, Bononius Pontifex fundamenta poſuit; Horofcus m^olxxx. dote illud inſtruxit; alter Joan. de Horofco, & denique Joan. Torres etiam Episcopi auxere. Templi ſitus poſt urbis medium, æque civibus eſt commodus, eique ampliffima Episcopalis domus adhæret ab aſtro, oramque proſpicit occidentalem, & aereæ reſpondet ante ejuſdem Baſilicæ aditum ſtratz. Aula in eo laxiores, & magnificę, conclaves ſplendide; atria, viridaria ad elegantiam nitent.

Parochias antiquitate illam S. Thomæ Apoſtoli

excellere Pirrus affirmat, ac primam post Cathedralē enumerat; sed S. Joannis Baptiste, quam oscitanter idem author præterit, & vulgo *S. Joannelli* dicitur, locum præ aliis habere perhibent. Hæc circa orientem, illa in frequenti urbe, uti & altera S. Petri, & S. Jacobi; S. Martini ad meridiem; & S. Pauli in Salibra regione post portas. S. Nicolai hodie nulla est, hanc enim Joan. Ant. Capoblancus S. Paulo univit. Hisce Parochi præficiuntur sex, ab Rom. Pontifice instituti. Inter antiqua Monasteria illud S. Lucie Virg. illustre fuit, unde olim complures cum in Sicilia, tum in Italia Episcopi, ab ævo S. Gregorii, educti sunt. Stabat eo loco, ubi eadem Virgo martyrium fecit, hodieque a Minoribus de Observantia Reformatis incolitur. Instauratum, dicit Pirrus, mxcv. Gerardi de Leontino opibus; mox Cephalædensi Episcopo concessum; variis hinc Rectoribus paruit, quos idem Historicus recenset. Concessit Minoribus Joannes Torres dum nostræ Ecclesiæ præesset anno mdcxvii. Tholus ibi magnificus S. Virginis Civis, & Patronæ sepulchrum tegit, ex quo ad Monasterii templum per viam cimiterialem ascenditur, uti excisi in lapide loculi declarant. Ibi ejusdem Divæ a marmore statua pulcherrima, & celebris. Eo denique quotannis totius urbis effusa frequentia argenteum cum lipsanis sacris simulacrum infertur, dieque octava ad Cathedralē summā religionē reportatur. Nomen Cœnobio S. Lucie extra muros. Suerns de Vega, Joannis Proregis filius, Societatis Jesu Collegium anno mdlv. condidit, & dotavit, agente adhuc in vivis S. Ignatio, quod ædificiis nobile cum amplissima insigni Ecclesia, supra occidentem portus oram astringit. Nec longe, sed pœne in urbe media, Clerici Regulares Theatini sub S.

An-

Andree Apostoli titulo domum habent, quæ Hieronymo Stitica præclaro ecclesiastæ autore anno mdcxi initia habuit, nec levia incrementa, bonis civibus adjuvantibus, subinde suscepit, hodieque inter primas effulget. Oratorium S. Philippi Neri circa elapsi sæculi lxx. annum in regione *Magistra-Rue* Margarita de Grandis fundavit, quod novis ædificiis hodie concinnatur, ut nobiles ephebos excipiat. S. Dominici familia sæculi xiii. anno xviii. primam, aut secundam in Sicilia sedem fixit, B. Regynaldi opera, qui ex Jerosolymitana peregrinatione redux, aut Augustam, aut *Syracusas* appulit, ibique instituti sui domicilia fundavit; Et *Syracusanum* extra urbem ad jactum ballistæ posuit; verum non diu post mcccxi. Constansia Regia, & Imperatrix intra mœnia circa meridiem, magnifice exedificandum suis sumptibus præcepit; *Conventus Regii* titulum illi idcirco datum affirmant. Pars insignis salutiferæ Crucis in ejus sacrario, ac de ossibus S. Lucie, aliæque Ss. reliquiæ coluntur; Crucifixi item antiquissima imago, ac Deiparæ tabula, e Rhodo translata in veneratione sunt. Minores Conventuales, Romæ Religionis fundatore S. Francisco degente, anno mcccxv. at ex Cagliola xx. *Syracusæ* coaluerunt; prope vetus S. Andree templum, in Salibra regione; hinc in Judaicam, eodem retento titulo; commigrarunt, magnisque incrementis brevi profecerunt. Elegans illorum est Ecclesia, variis nobilium familiarum sepulchris decorata, Ædes non angustæ, quas olim S. Joannis Jerosolymitani Conventuales Rhodo expulsi mxxx. ad annum & ultra incoluerunt. Fratres de Monte Carmelo, quo tempore Syracusas venerint, incertum habet Pirrus, qui legisse tradit: iis datum fuisse

fuisse hospitii jure S. Marię de Odigitria templum MCCXXVI. Extra mœnia ad sæculi XVI. medium persistere, quumque ad urbis munimen, jussu Hernandi de Vega nova mœnia extruerentur, ut iis locum daret, illorum postratum fuisset cœnobium, novum intra pomerium sub eodem titulo in orientali plaga exitit, quod hodie splendidum sub novo S. Marię de Scala districtiore instituto viget. S. Teresię Conventum anno MDCXXXIV. erectum laudatus Pirrus tradit, juxta veterem S. Salvatoris extra mœnia Ecclesiam; nunc intra, ab arce Maniacis haud procul, in ortum, decenter constructus videtur ab ejusdem sæculi anno 1. Reformationis primæ, vulgo Montis Sancti Carmelitę in S. Joannis vetustissimum apud Acradinam templum, olim in urbe majus, MDCXXXVI. recepti sunt; hodie S. Nicolai titulo ædem, quę olim *Parochia in Margistra Rm*, uti appellant, ab anno MDCXIII. possident. Ad maritima in austrum mœnia Augustinienſium cœnobium prospectu amœnissimo gaudet: dudum Senatus *Syracusanus* S. Laurentii extra illis attribuerat ab anno MDIV. quumque locus aeris insalubritate laboraret, intra septa ad S. Sepulchri Ecclesiam ejusdem sæculi XCII. commigrarunt. Paulenses Minimi, & ipsi extra muros in S. Antonii Abbatis, primum confederant MDLXXXIX. ad lapidis jactum ab ora maritima; hodie, contra S. Joannis parochialem Ecclesiam commode degunt. Bonis Fratibus B. Joannis de Deo denique ædes Hospitales *Syracusanus* Senatus anno MDXCI. concessit, e conspectu Episcopalis palatii in area majori, ad ortum, ubi juxta ordinis sui leges ægrotis congrua impendunt officia.

Extra mœnia Minorum Capuccinorum Conventus

tuſ loco parum ſalubri MDXLIX. Divę Marię de Miſericordia templo adhęſit; hinc LXXXII. ejusdem ſęculi anno ad celebres Acradine lapicidinas, ſeu latomias tranſlatus, ſitu amęniſſimo portui minori imminet, decentique ſtręctura aſurgit. Celebrior ejusdem hortus ad imas uſque Latomiarum caveas dignus eſt, qui conſpiciatur; conſitę arbores diverſi generis in profundiffimo ſolo oblectamenti quam maximi ſunt, umbrę gratiſſimę accidunt; horrorque ipſe animum exhilarat, Succedit ad dexteram S. Marię de Jeſu Minoritarum quoque cęnobium de Obſervantia, uti appellant, decentiſſimum, in ejus horto Cęmeteriales vię quęque verſum procurrentes, variisq; ambagibus implicatę aperiuntur. Aditus in eas per latum eſt puteum, in quem primum deſcenditur; totę in vivo lapide excavatę cum loculis ad cadavera humanda longitudinis diverſę, & ſpiramentis, ad aerem, lucemque excipiendam, acuminatim deſinentibus, terebra veluti efformatis. Illas parum ab hinc notas a S. Didaco appellant. Vacuas pene inventas, paucis exceptis loculis, qui occluſi adhuc erant, olim patuiſſe patribus noſtris non ambigo; deſcriptas denique brevi Cęſaris Cajetani opera habebis, quo duce in eis dudum penetravi, anguſtam alicubi pręcipuam viam expertus. De S. Lucia jam ſupra expendi aliqua; ſub Reformatis eſt hodie, qui intra moenia hoſpitiū habent, uti & Capuccini, & Obſervantes. De Comenda Equitum S. Joannis Jerofol. antiquiſſima meminit diploma a Pirro allatum in *Syracuſana* Eccleſię notitia. Hodie S. Blaſii nomine extat Eccleſia eidem Ordini ſubjecta. Domus Hoſpitalis, altera ab illa S. Joannis, Senatu curante, excipiendis mulieribus viget. Tertia infantibus

ex-

expositis addicta, post Majorem Ecclesiam spectatur. Mons denique pietatis in sacra æde S. Rocchi nomine, ab anno mxxlv. sub Hieronymo Bononio Episcopo ad pauperum levamen coaluit, & hodie sub nobilium sodalium cura perstat, Romano Monti aggregatus. De Monasterio S. Petri de Bajas vetustissimo, hodie de Trimilio, uti Pirrus conjectat, eundem consule; Ad Sanctimonialium Ego Monasteria descendo.

Primum sub S. Benedicti regula S. Mariæ, olim de *Monacabus*, eo loco situm evulgant, ubi S. Mariæ de Jesu surgit. Pirrus extra mœnia, loco minime indicato, stetitisse affirmat; memoratumque anno mxcv, & ccxxxiii. testatur. In urbem transtulit Episcopus Montecatenus sequentis sæculi xx. quod vetus piratarum esset incursionibus obnoxium. In cætro itaque nunc splendet ædificiis, nobiliumque alumnarum virtute eximium. Censu Gregorius Episcopus, & Constantia Regina Petri I. uxor concessere, quos, adjuncto S. Margaritæ veteri clauistro; Thomas item Episcopus auxit. Servat S. Lucie Lipsana. Opibus Parisii de Cassaro S. Benedicti ab anno mcccxxv. conditum prope Episcopales ædes ad austrum confurgit, quod non minori præstantia, & decore eminet. Illius auspiciatrix, & Antistes Cæsarea de Cassaro Parisii soror celebratur, e S. Mariæ claustris educta. Regium appellat Pirrus S. Claræ Monasterium, & merito; Elisabethæ enim Petri II. uxoris divitiis anno mcccxxxviii. coaluit, ejusdem Regis, & Ludovici munificentia auctum extitit, ac Friderici demum III. literis meruit confirmari. Præfuit prima sororibus Clara Tolosa. Sæculi nihilominus elapsi anno xlv. illud S. Benedicti claustris Franciscus de Elia unitum voluit. Australe fori majoris latus S. Lucie occupat Cœnobi-

um

um Benedictini Cisterciensis instituti, quod anno MDL. Isabella Hispaniarum Regina fundavit, uti ejus diplomate constat. Ibi ejusdem S. Lucie digitus colitur. Deiparæ Annunciatae, circa sæculi xv. initia Thoma Episcopo indulgēte Alamāna Ponsecta nobilis fœmina Cœnobium condidit, ac dote auxit, propriis edibus attributis, cui Agnes Hodierna S. Mariæ monialis prima præficitur. Sedet circa meridiem a S. Benedicto haud procul. Huic quoque illud S. Catharinæ Senensis, quod anno MDCXXVI. fuerat fundatum ex Pirro, Franciscus Elius Episcopus adnexit. Ad ejusdem S. Benedicti perscripta Moniales in S. Eustachio incolebant; sed paupertate pressas ad alia monasteria translatas anno MDLV. perhibent. Ex quibus VIII. Montis Virginum Monasterium circa idem tempus frequentandum suscipere sub Veronica Barbera magistra, quod Albarus Vega Proregis filius, & *Syracusarum* Præfectus a fundamentis moliri jussit, pingui dote assignata. Hæret S. Lucie, & viculo angusto discernitur, fulgetque magnifica structura, alumnisque egregie commendatis. Pro Franciscanis Monialibus templum S. Margaritæ anno MDLXII. obtinuit Benigna Bonanno illustris Matrona, Tertiæ ordinis Capuccinorum, suisque sumptibus sub S. Mariæ de Araceli nomine, exedificandum in S. Fantini, uti appellant, area ad austrum jussit Monasterium. S. Teresiæ institutis addictæ sacre Virgines Claustrum habent media urbe. Author Franciscus Capoblancus Episcopus anno MDCLII. Vivunt illæ arctissime, studiisque monasticæ professionis inhærent. Paucis ab hinc Carmelæ Montalto, ac Rosæ Ithuris Virginum eque nobilium, ac pietate insignium opera, sub Deiparæ de Monte Carmelo auspiciis, domus primum erecta, ubi

T. P. P. II. O o a Sæ.

a Sæculi curis remotæ Matronæ vivebant; mox illa in Monasterium anno hujus Sæculi XL... crevit, ad Carmelitici ordinis præscriptum, quod singulare est hodie monasticæ præfectionis speculum. Ad puellas parentibus orbatas servandas Parthenonem statuit juxta Montis Virginis ædes Afrubal Termine Episcopus, sub Christi Dom: Plagarum, & Deiparæ dolorum titulo. Pro lapsis denique mulieribus vetus est Gynæceum in ortum prope arcem, a S. Cruce appellatum, quod anno MDLXVI 11. Benigna Romana religiosissima matrona promovente, originem cognovit. Jam aliæ sacræ ædes civium sodalitatibus insignes, præcipuè spectantur: S. Rocchi de Charitate nobiles viros pietatis officii incumbentes excipiens; S. Philippi Apost. & Spiritus Sancti titulo, sacro oleo ambq̃ initiatæ, quarum sodales diebus sollemnioribus recurrentibus, in promovendo divino cultu religiosa emulatione contendunt; S. Sebastiani Mart. & S. Joseph ad S. Fantini aream, in illa Sacerdotes, in altera Artifices conveniunt; ut de reliquis taceam, ne longior evadam.

Senatus Basilica inter civilia ædificia ad omnem elegantiam superbit, ortivumque fori latus post majorem Ecclesiam ad Aquilonem occupat. Reliquæ nobilium privatæ ædes splendidæ ubique occurrunt. Civilis Curia locus est publicis negotiis addictus; in Salibra regione Dephneum vetus erat Blaneum, in quo Constantinus Augustus occisus perhibetur. Sub S. Philippi Ecclesia criptæ in vivo lapide excisæ cum blanco, & gradibus, olim dubio procul Latomia. Fons denique Arethusæ sub menibus ad portus oram circa extremam urbem, & in mari opposito Oculus Cilicæ, de quibus dixi, uti de Marietto, & Casanova arcibus. Puteum

non

non omittam vulgo de *Sorussa* appellatum ad orientales plagas, quem veteres lapidibus pene oppleverunt; nostrisque diebus, quum illum purgare instituissent, opere ad id destinati, sulphureis alitibus afflati, illico periere.

Sed hic, uti specimen aliquod habeas exiguum rerum ad nostra usque tempora *Syracusis* gestarum, intermissam historiæ seriem prosequar. Michaelis apud Byzantium imperante, cui cum Italia inferiore Sicilia parebat, Euphemius quidam partis non exiguæ in Insula Dux; Toti enim provinciæ Photinus ex Curopalate præerat, ob illatum sacræ Virgini stuprum, ad necem damnatus, adscitis defectionis focis post præfectum fugatum ad Africæ Regem se contulit, in cuius potestatem se redacturum Siciliam spondet, si Romanorum Imperator declararetur. Conditione accepta Amiras multas ei copias tribuit, quibus ille insula potiretur; Hinc *Syracusas* veniens salutari Imperator postulavit, ad callida tamen consilia cives conversi illum dolose excipientes capite truncarunt. *Syracusis* proinde exceptis, Sarraceni per insulam debaccantes suo iugo hanc subdidere. Sed & illam tandem sub Basilio Cæsare expugnarunt, deletamque igni tradiderunt. *Sic quæ ad hanc usque diem, inquit Curopalates, celebris & gloriosa fuerat, quæque multa Barbarorum bella propulsaverat, temporis momento gloriam omnem amisit.* Prædam porro ex direpta urbe adsportatam ad decies centena millia numinum pervenisse tradunt. Quod altera post Constantii mortē *Syracusarum* clades per Ægyptios Sarracenos evenerit, cuius Fazellus meminit, ante hanc a Curopalate descriptam, non inficior. At enimvero excursionem subita v. l. factam, bonorumque

et gazæ direptionem fuisse potius dixerim; motibus quippe urbs agitata ob Mezentii factiones, qui Constantium interfecerat, nullo præsidio munita urbs, Barbarorum assultui facile patuit.

Habes de *Syracusarum* excidio sub Basilio peculiarem a Theodosio Monacho in sua Epistola descriptam historiam, quam Pirrus exhibuit. Perstitit cum reliquis insulæ civitatibus, & nostra quampluribus annis Sarracenicæ sub tyrannide; Georgii Maniacis virtute hinc liberata, novis ab eo munimentis firmatur. Refert idcirco ad portus majoris fauces Arc, *Maniacis* nomen, & vulgo *Trimaniacis* dicitur. Tunc S. Lucie Corpus Constantinopolim deportatum. Brevi post partas quamplures in Sicilia victorias Maniaces revocatus, Stephanum successiorem accepit; cujus socordia avaritia, & timiditate Sicilia Barbaris prodita, una tunc excepta Messina, & *Syracuse* rursus jugum subire coguntur, ad Northmannorum tempora. His enim fortiter pugnantibus Sarracenorum in Sicilia imperium paulatim concidit, & Jordano primum Rogerii Comitis filio *Syracusarum* custodia demandata, eoque mortuo, Tancredo ejusdem Comitis ex Guillelmo fratre nepoti urbs obvenit, qui & illius Comes est appellatus. Pirrus in Notitiis datam esse *Syracusanam* civitatem a morte Jordani, cum titulo Comitatus, Guillelmo S. Euphemie Domino, cujus soror erat Eremberga Rogerii conjux, ipseque vicissim Rogerii erat sorori copulatus, ex quibus Tancredum ortum vulgavit, & matris jure Comitis nepotem dicit; sed in Chronologia illum Guillelmo Comitis fratre natum, uti innui adstruit, quod verosimilius puto. Ex Tancredo, & Mortilla ejus vxore Robertus immature ante patrem præreptus

reptus, Riccardus, & Willelmus prodire, quorum neuter quod sciam, Syracusarum Rector est dictus.

XII decurrente Sæculo, *Syracusarum* urbs ingenti terræmotu concussa est, civesque complures majoris templi parte corruente oppressi sunt. Anno ejusdem LIX. Riccardus Palmerius Anglus dudum Electus, sub utroque Willelmo Regni negotiis adhibitus ab Alexandro III. Rom. Pont. sollemni ritu Episcopus *Syracusanus* consecratus, Pallii ornamento accepto, Sedi Apostolicæ immediate subiicitur. Quamvis non diu post Riccardum, Successores Monregalensi Archiepiscopo suffraganei sint facti. Per id tempus terræmotu maximo tota tremuit insula, & *Syracusi* solum nonnullis hyatibus patuit; Celeberrimique Arethusei fontis aquæ maris falsedine infectæ. Ita Pirrus; sedenim concussionem hanc non aliam ab ea fuisse, cujus ex variis scriptoribus memini, probe censeo. Henrici Caesaris pressuris haud immunes *Syracusæ* fuisse subinde constat. Quo extinto, in minori adhuc ætate Friderico constituto, Pisani primum classe portum inveci, facili negotio urbem occuparunt. Hinc Januenses illorum æmuli, hostium in portu naves corrumpunt, captaque urbe Pisanos ad unum in ea conficiunt; præsidiaris suis sub Alemanno Costa, qui se *Syracusarum Comitem Dei, & Reipub. Januensis gratia*, dictitabat, illam muniunt. Costa subinde a Venetis occiso, Syracusæ legitimo domino deduntur. Sub Gallis vexatam cum aliis legimus, Vesperisque Siculis ejus immixtos cives, contra Robertum Caroli Andegavenis filium diu restitisse, maritimo, & terrestri bello appetitos; longa obsidione, & fame vexatos; Joannis demum Claramontani opera hostes fugasse. Anno MCCCXLVIII. gravissima

simā cœpit urbs afflari pestilentia. Tunc quoque temporis variis, & ipsa turbis exagitatur, quas Siculi properes excitaverunt. His tandem consopitis, *Syracusani* in grati animi specimen Friderico III. Regi statuat affabre efformatam in foro crexerunt, quæ ad annum mxxx. stetit. *Fortasse*, scribit Pirrus, *quia Fridericus pro uxoris sue Constantiæ Camera Syracusus*, Leontinos, Menas, Bidentum, Paternionem, Castrum Leonis, Francavillam, S. Stephanum de Brizi, & Pantelariæ insulam cum jure gladii designando, Cameræ caput, urbem nostram constituerat.

Martini ævo generale Regni Concilium *Syracusis* celebratum, ejus etiam Principis munificentia *Bajuli* munere antiquato, primus in Magistratu *Senator* est dictus, qui prætoris Panormitani, & Catanensis Patricii privilegiis frueretur; aliæque insuper decora; & privilegia urbi accesserunt. Tunc Reginalis *Camera* Gubernator Alphonsus Enriquez Castellæ Talassiarcha constituitur, cui in eodem munere præclarissimi alii viri succedere ad Caroli Cæsaris ævum. Anno mccccxlii. annonæ caritas cives vexavit; nec diu peste grassante ex illis non pauci exhausti. Sæculo hinc exeunte Aloysius Margariti *Camera* Præfectus urbem muniendam suscepit, eaque ex causâ factas aliquot ædes dirui jussit. Obstetit Episcopus Dalmatius, sed execrabili scelere impias in eum Margaritus manus injecit, carceri cum clericis addixit; unde a tumultuante populo ille eductus Netum contendit, dirisque idcirco Ecclesiasticis subjecta urbs remansit; sed appellente cum classe paucos post menses Consalvo de Corduba, qui Magnus Dux dicebatur, gradu dejectus Margaritus, in Hispanias pro merito puniendus adducitur.

Ab

Ab omni mox *Censura* liberi quidem cives effecti sunt, sed dira afflata pestilentia intra biennium ad x. m. perire, poenasque admissi a Margarito sceleris innocentibus persolverunt. Syracusas e Rhodo insula ejectus S. Joannis Jerosolymit. Ordinis Magister cum suis m. xxix. appulit, Regioque susceptus apparatu ad annum ibi moratus, in Melitam subinde insulam ordini concessam transmigravit. Nec diu m. xxxviii. ob Germanæ Ferdinandi Regis viduæ mortem Reginalis *Camera* præfectura filuit. Tunc Siciliæ Prorex Gonsaga Syracusas venit, ibique diu substitit; Cives autem aureos 5500. Regi dono obtulerunt, urbisque firmata, privilegia impetrarunt.

Quum porro ejusdem sæculi anno xlii. Insula variis soli concussionibus quassaretur, & *Syracusana* præ cæteris regio horribiliter tremere, multis affecti cladibus cives omnis ordinis, voti causa *Catanam* ad S. Agathæ corpus, Neumque ad S. Corradi supplices se contulerunt; magnisque poenitentia signis editis, Numinis compescere iram, & patriæ exitium, quæ maris inundatione mox involvenda videbatur, avertere satage-
runt. Nova deinceps calamitas agris incubuit, quos Sortinensis amnis immensis imbribus auctus anno m. lvi. omnes obruit, ac vastavit. Pestis quoque malum post annos ferme xx. accessit, quam Alexandrina navis *Syracusas* primum, uti nonnulli perhibent, invexit, & si alii Messanam cum mercibus, aut Saccam evulgant illatam; unde tota insula infecta, ad xc. quippe m. ex insulanis confecti sunt. Sæculo xvii. fames aliquando cives afflixit; validissimis munimentis in isthmo urbs firmata, difficilisque expugnata novis operibus red-
ta, veluti Siciliæ arx evasit; circa ejusdem denique
exi-

biunt, & in aquilonaribus porta etiam aperitur Galatajeronis, in occiduis porta Salvatoris, quæ rectâ *Penesing* respondet. Hinc ad angulum prominet propugnaculum a proxima equitum levis armaturæ statione appellatum, cui parva succedit porta maritima. Ad austrum mox post mediam cortinam tertium se offert propugnaculum, a proxima magna porta maritima dictum; duo succedunt turre, quas excipit munimentum alterum arcis, & Dynastæ palatium. Quatuor idcirco meridionale latus ad oram tuendam exhibet propugnacula, civesque ad proximum mare per quartam, quintamque portam erumpunt.

Jam vero ad civitatis internam, quod attinet, faciem, viæ in ea omnes rectæ, & latæ ab unoquoque latere describuntur, quarum præcipua, & portis, quæ ad ortum, occasumque patent, respondet. In hanc, porro viam altera incurrit septentrionalem portam e regione habens, & ubi illæ conjunguntur, forum aperitur, in quo Princeps Templum, & civilis consilii Basilica; Hæc ampla, & elegans, illud Deiparæ in Cœlum Assumptæ sacrum, cum æris campanis conspicua turri unicum parochiale effulget, cujus Rector ab Dynastis nominatus, Archipresbyteri, & Archidiaconi simul titulum refert, aliisque prerogativis suos inter clericos insignitur. Antiquissimi ex Regularium cœtibus Minores fratres ab anno mclxii. locum ubi vetus erat opidum, occuparunt; hinc intramœnia sese recipientes ad meridiem nobile cœnobium statuerunt, iisdem adhaerens, cum insigni Ecclesiæ S. Francisci dicata, ante quam arca sternitur. Carmelitis circa occiduum angulum, a minori maritima porta haud procul, decentissima est habitatio; Turris

P.P.T.II.

R r

vetus

vetus, sed præcella; Templum Ordinis tutelaræ referens titulum novissime instauratum, Christi Domini e Cruce pendens simulacro, multis prodigiis, & sanguinis, uti affirmant, profusione clarissimo decoratur; cui proinde universa civitas ex voto addicta. Cœnobii fundatio sæculum XVI. non excedit. S. Augustini Monachi ortivum aquilonarem occupant angulum ab anno MCCCXVI; Quorum Conventus ædificiis latis excultus; Ecclesia ex Lubino S. Josepho sacra, sed ejusdem S. Fundatoris nomine vulgo hodie venit. Ad oppositum vero occiduum angulum Minoritani Observantes S. Mariæ de Jesu nomine anno MDXIV. Francisci a Calatajerone opera constituti a Pirro dicuntur; Paulenses in templo S. Mariæ de Gratia n. puls. ab opido in orientem anno MDXXII. sedem fixere, quod ingens veteris formæ ex quadratis, iisque admirandis lapidibus constructum dicit Pirrus. Subinde intra pomerium novo excitato Monasterio, & Ecclesia se receperunt. S. Joannis de Deo hospitalem domum idem Pirrus memorat ab anno MDXXXIII. fundatam, sed fratribus recedentibus ædis ad egros curandos viget circa ortum prope muros. Pro Sanctimonialibus a majori Ecclesia haud procul circa septentriones Cœnobium assurgit S. Benedicti nomine, & institutis insigne, cum turri, & templo elegantissimo; cujus origo elapsam non transcendit sæculum. Puellis demum pauperibus custodiendis, & congrua subinde dote locandis conclave opidum claudit, pene eandem Ecclesiam, quod Pirri ego non extabat, & dynastarum munificentię, civumque pietati adscribitur. Extra mœnia ad occidentem Capuccinorum asceterium anno MDLIII. coaluit, ubi Minorum Conventualium ædes fuere, & aliquando vetus

us civitas, uti dixi, extabat, de qua inferius. In pseudo Morgane ex laudato sepius Pirro Theutonico- rum S. Marię de Alemannia sacre Mansioni, Capormi- tanę suffraganea domus subrigebatur; hodie post Ca- latajeronis portam, transiisso per pontem fluento, ti- tulo Disparę de *Manna*, uti vulgus appellat, elegan- tissima conspicitur Ecclesia, in qua religioso cultu ejus- dem Virginis vetus tabula ab opidanis frequens invi- situr, ejusque veluti præcipue patrone dies festus cum nundinis VIII. Septembris celebratur. S. Joannis Je- rosolym. antiqua Commenda S. Blasii extra muros e- diculam subjectam habet. Filiales denique, seu mino- res cum extra, tum intra XVI. numero, recensentur Ecclesię. Ex his præcipue piis civium cetibus addite, quas inter sub Sacramenti Augustissi. Eucharistię Pro- tectione Alborum nobilium sodalitas, principi Templo adherens, locum tenet, Sanctorumque Joannis Bap- tistę, Antonii Abbatis, Nicolai, Sebastiani, Lucię, & Catharinę illustriores habentur.

Clero jus dicit Pro Episcopo Syracusano, ad cu- jus spectat Diocesim *Terranova*; Populis Magistratus, Vindex criminum, Syndicus, & Judices a Dynasta sin- gulo quoque anno designati. Armorum Dux ad Regis nutum supremas gerit curas, civitatis, & orę mari- timę custodię invigilat. Censbantur hinc in Calata- jeronensi militari præfectura equites XIII. pedites LIX. *Terranovenses*, sed proprio nihilominus procedunt sub duce, qui & vicinos quoque cogere potest. Compu- tatur sub Platię Comarchia *Terranova*; publicisque in ea muniis fungentes nobilitate non excidunt. Hinc qui avitis jamdudum, ingenuisque titulis fulgent, in- signia, telasque retinent, ac equestribus idcirco mi-

Præ ceteris spectatu dignissima vetera sunt monumenta; ad ccc. circiter passus post orientalem portam: erecta scilicet columna cum epistylis, cujus tamen substructiones, & aliarum ingentia subter fundamenta humo obruuntur, nec non ingentis templi, veteris formæ; ex quadratis, & admirandis lapidibus potior pars. Quumque ad arcam majoris Ecclesiæ ejusdem formæ fragmentum alterius columnæ extet, illas opidani Herculis columnas appellant; quod eas ibidem Herculem fixisse falsa persuasione, Heracleam edificando, reputent. Aliorum quoque edificiorum vestigia circa eandem oram perseverant, veteris Gelæ, quam immanem dixere, rudera. Ad occidentalem regionem veteris opidi reliquiæ occurrunt, quod Fazelli ætate desertum licet, adhuc durabat. Hinc geminam *Terrannovam* ille cognoscit, & Friderico Cæsari adscribit. Ego ~~novam~~ *novam* ~~monibus cinctam~~ *monibus cinctam* Cæsaris opus merito dixi; alterius vero longè ante originem recognosco, quamvis de nomine nihil firmare ausim. Parochiam S. Michaelis memorari in Tabularis accepi, quæ ad veterem pertinebat. Amplissimus ager coloni-frequens esse oportuit; nulli enim alteri ex vicinis opidis ante Fridericum addictus legitur; apertum igitur quum esset opidum, & barbarorum incursionibus obnoxium, Rex ille incolarum securitati prospiciens, muris, & propugnaculis excitatis *Terrannovam* appellavit. Invadere nihilominus Afri ausi sunt, & diripere, instaurata proinde dicitur a Fazello. *Annis*, scribit ille, *ab hinc prope ducentis a Sarracenis, captum, & dirutum id opidum legimus; quo nomine etiam exinde a Sicilia Regibus ad meam usque ætatem, vacationem militiæ, & publicorum munerum habuit.*
Mar.

Marchignatus; cetero olim titulo *Terranovæ* nobilitabatur, duces hodie habet, qui in publico Regni Consilio loco secundo subscribunt. Quum enim *Fridericus* hujus nominis 111. *Messanam* ad se revocare, quæ ab hostibus tenebatur, constituisset, *Manfredus* *Claramontanus* opera, & pecuniis illum levavit, *Terranovam* idcirco ad ea usque tempora Regii *demanii* opidum, uti diploma loquitur, mercedis loco a liberalissimo Principe *Manfredus* accepit, ea tamen conditione, uti receptis *Melitæ*, & *Gault* insulis, quarum dominio fraudabatur, nostro mox opido cederet. Nec diu idem Rex *mcccxxvi.* *Salinas* ad *Terranovæ* ditionem spectantes, eidem *Manfredi* attribuit. Hunc excepit *Andreas* filius, qui Regi *Martino* infestus, infelicitè perijt; hinc *Terranovæ* revocata aliquando eidem principi immediate subiecta perduravit. Mox *Ludovico de Rajadillo* Castri custodia demandatur, cui & proventus, etiam opidi, assignati, usquedum, *Calatàbuturum*, aut illius loco opidum aliud assequeretur. *Aloysio*, ejusque uxore *Euphemia* absque prole vita excedentibus, *Joanna* *Aloysii* ex sorore neptis obtinuit, cui & *Arnaldo Villademuni* ejus conjugii *Alphonsus* Rex anno *mccccxxv.* factam a *Martino* elongitionem confirmavit. *Arnaldus* *Beatrici de Fanto*, sive, uti Ego lego, de *Jaulo*, sua, & uxoris jura vendidit, quæ ex *Gabriele de Jaulo* olim secunda filiam habuit *Benlingeri de Cruillas* sociatam, unde *Beatrix* junior ortum habuit. Nupsit hæc *Joanni de Aragonia* dynastæ *Abulæ*, cujus alibi successores fuscè descripsi. Ex his *Joannes* II. *Caroli* V. Cæsaris privilegio *Terranovæ* Marchio est appellatus anno *mxxx*; sed & ejus filius *Carolus Tagliavia Aragonæ* ex *Philippi* III. rescripto ejus-

ejusdem seculi anno Lxi. Magnus Siciliæ Admiratus, aliisque muniis clarus, Ducis titulum sibi acquisivit. Fulget hodie *Terranova* dux *Fabrizius Pignatelli Aragona* Montis Leonis, Castellî veteris, Nojæ, aliarumque ditiorum potens.

Illustres Viri Sanctioris Juratus Ordinis Carmellitarum morum innocentia, & virtutum splendore notissimus; obiit Lycodiæ anno mxc. de quo Pirrus. Gregorius Cantoneri patriæ Archipresbyter vitæ sanctimonia, & animarum zelo claruit, cujus adhuc vivit apud suos memoria. Antonius Juratus generis nobilis, Jurisprudencia aliisque gravioribus scientiis ornatus, M. R. C. Judex, hinc Fiscî Patronus, Regiæ Messanenensis *Juntæ* supremus Minister, tandemque apud Hispanias Italiæ Regens. Intemeratæ Justitiæ speculum dicitur a Mongitore. Mariti obiit mcccxxxiii. Vivit Joseph Juratus ~~causarum~~ Patronus singularis, qui M. R. C. subsestum nostra hac ætate occupavit, aliisque muniis cum laude fungitur. Inter Scriptores celebrat idem Mongitorius Petrum Donzellam literis gravioribus imbutum, & poeticis studiis, Siculis præsertim apprime addictum, & Cherubinû Bellum Ordinis Minorum magni nominis Theologum, & Pontificii juris callentissimum, musis etiam gratum, uti plura, quæ edidit, testantur. Petrus Fortis Soc. Jesu scripsit absolutissimum tractatum *de Judic Regularium Conseratore*, & alia opuscula typis vulgavit; Paratimque habebat opus de variis ad easdem facultates spectantibus. De Heraclea Tom. 2. agendum, de Gela jam dixi.

THERSONES. Prope agrum Longarinum in Syracusanâ ditiorum memorantur ab Arcetio, a mari haud procul. *Hodie*, subdit, *Thirése ruine*.

TYM.

THYMBRIS, memoratus Theocrito Idyllo nullis
verbis ex Andrea Divi interpretatione: *Vale Arcthusa.*
Es fluvii, qui funditis pulchram in Thymbridem aquam,
vel ex alio interprete apud Cluverium *Vale Arcthusa*

Et vos fluvii, qui juxta pulchram Thymbridis un-
dā fluitis. Ex Italica demum Antonii Salvini versio-
ne, quem Latinam reddo: *Vale Arcthusa.*

Et vos valete fluvii, qui in Thymbridis pulchram
aquam, fluitis. Quæ sane ultima legitima creditur;
laudantur enim a pulchritudine *Thymbridis* aquæ, quibus
fluvii affunduntur, Servius quamdam invexit fabu-
lam: *Quodam tempore Syracusani victores cæperunt*
Syracasis Atheniensium ingentem hostium multitudinem,
& ex cæsis montibus fecerunt addere munimenta civi-
tati. Tunc autē muris, etiam fossa intrinsecus facta
est, quæ flumine admissa repleta munitionem redderet
civitatem. Hanc igitur fossam per hostium penam, &
iniuriam factam, *Tybrim* vocarunt. Postea præfeti Si-
culi in Italiam cæsenuerunt partem, ubi nunc Roma est,
usque ad *Ravennam*, & *Ardeam*, & *Albulam* fluvium
ad imaginem fossæ *Syracusanae* *Thymbrim* vocarunt. Ne-
que enim Syracusani victores captivorum Athenien-
sium opera usi sunt ad urbem munendam, aut fossam
excavandam; Nec *Tybris* Romanus fluvius inde
sumpsit, mutavitque vocabulum; nam Siculi longe ante
agrum Romanum coluerunt, quam Athenienses Syra-
cusis obsidentes, sedē inde devicti sunt. Nec Siculi
in agrum Romanum migrarunt, sed ex agro Romano
progressi in insulam trajecere, quam Siculiam deno-
minarunt. Putida idcirco grammatici commenta Clu-
verius Servii conjecturas merito appellat. Haud du-
bium vera unum, idemque iudicasse Theocritum, &
Ser-

Servium *Thymbridem* seu *Tybrim*. Bonannus *Thymbridem* esse Crimitis montem dicit, ad cujus radices caput egerunt aquæ copiosissime, quibus olim Syracusani per occultos ductus derivatis ad vitæ commoda utebantur. Mirabella Servio adhæret, *Thymbridemque fossam ingentem tulisse fluvium* nugatur, & situm designat sub Epipolis, ubi hodie Belvedere: *Hodie*, inquit, *fossæ hujus manifesta vestigia spectantur sub Belvedere loco, quem appellant Cavetta, seu Belfrontis, miræ profunditatis*. Cluverius lib. 1. post rejectam Servii opinionem, in Theocritum scholia expendens scribit: juxta nonnullos *Timbridem* fluvium esse Siciliæ, ad quem fabulantur pervenisse *Herculem, quum boves ex Erithya ageret*. Alios vero, nescio, qua lingua, *Thimbrim* intelligere *Mare*. Asclepiades hinc Myrleanus, qui lit. D. exprimit: *Dimbris*, interpretatur etiam *Mare*. Hic Schollis recitatis subdit: *Asclepiades iste Myrleanus antenatum Jesum Pompeii Magni ætate vixit, teste Suida*. Jam antiquis igitur illis temporibus dubium, atque controversum fuit quid nam *Thymbridis* voce Theocritus intellexisset; plerisque mare interpretantibus. Nicosia in Mita Syracusarum Histor. nuper exarata Portum Magnum *Thymbridem* appellatum a Theocrito hoc in loco adstruit; nec abnuitt Cæsar Cajetanus, in ejusdem urbis descriptione, quam alibi laudavi, quæque prope diem lucem aspiciet.

TRABIPRIMUM. Casale prope *Albarom* in agro Platiensi. Illud tenuit Gabet Miche Bucherit Saracenus, & Monasterio S. Mariæ Vallis Josaphat in Jerusalem Henricus Policastri Comes attribuit. Vulgus
T. P. P. II. S s hodie

hodie *Tribilinum* appellat, cujus rudera passim in Albaro pseudo prope *Barramfrancam* spectantur. Ejusdem meminit Pirrus.

TRIMILIA Ager. Vide *S. Petrus de Trimilia*.

TRINACIA Vetus Siculorum Urbs. Fazellus an ibi steterit, ubi ingentis vetusti Opidi ruinae in Calatalfaro monte prope Menas videntur, sublubitat. Verum *Erica* rudera in Calatalfaro cum Cluverio jam supra locavi, a qua fluvius ejusdem nominis, Leontinum, & Catanensem agrum abluens, dicitur, & S. Pauli hodie appellatur. Quod in confiniis hisce fuerit, multa nihilominus suadent; ejus enim suspectam potentiam Syracusani habentes funditus post diuturnam, duramque obsidionem, deleverunt. Diodoro teste: *Valde enim, ait Historicus, Trinaciorum opes suspectas habebant, veriti, ne quando Siculorum gentis cognatae imperium ad se transferrent. Haec quippe urbs multos, & magna virtutis viros semper habuit, atque principatum inter urbes Siculas obtinuit; Viris enim ad gerenda imperia idoneis, & celsis ob fortitudinem spiritus habentibus plena erat. Itaque cunctas e Syracusis, ac sociis urbibus copias contrahunt, easque adversus Trinacios educunt. At hi externo sociorum praesidio destituti, ingens certamen commiserunt, & animose fortioresque sese periculis obiectantes, heroice dimicantes universi oppetiere. Major enim pari seniorum, quod capitulatis ignominiam subire nollent, ultra se vita abdicarunt. Syracusani ergo tam illustrem de his, qui invicti hactenus fuerant, victoriam ad pri, incolis in servitutem redactis, urbem solo aequarunt: ex manubriis vero pretiosissimis, quaeque ad grates Deo persolvendas, Delphos transmisere.* Subdit Cluverius apud Stephanum

phani Epitomatorem esse Sicilię opidum *Tyracina*, quod, an idem sit cum illo Diodori *Trinacia*, suspicatur. Plinius inter populi Romani stipendiarios Tiracienses enumerat populos. *Hi, si iidem fuere*, subdit, quos Diodorus in præscripta historia innuit, certe opidum eorum post dictam everſionem inſtauratum fuit. Non inficior Aretium & cum eo Philotheum, alioſque *Trinaciam*, ubi Randatium hodie opidum nobile, locaſſe, quum enim *Trinacia* Sicularum urbium caput Diodoro dicatur; Sicali autem orientales primum oras occuparunt, Randatiumque ſub *Ætna* in orientalibus Sicilię partibus ſitum, facile illorum metropolis haberi poſſet. Néc deſunt denique, qui ad Ieracim *Trinaciam* conſtituunt. Verum enimvero Ducetii meminſſe oportet Sicularum Regis, qui aut Menis, aut Neti ortum habuit; quod ſane evincit Sicalas præcipuas urbes hiſce in locis fuiſſe olim locatas.

TROGILORUM PORTUS apud Syracuſas ſub Tyche muris; ubi hodie *Stintinas* portus, ſive ſtatio, ad ortivam oram: Ejus eſt in Livio mentio: *Damaſippus* quidam *Lacedæmonius* miſſus ab Syracuſis ad *Philippum* Regem, captus ab Romanis navibus fuerat. Hujus uſique redimendi & *Epicidi* cura erat ingens, nec abnuſit *Marcellus*. Ad colloquium de redemptione ejus miſſis medius maxime, atque opportunus locus ad portum *Trogilorum* propter turrim, quam vocant *Galceagram*, eſt viſus. *Mirabella* male portam legit.

TROGILUS VICUS, ad portum ejusdem nominis. *Stephanus Trogilus* locus in Sicilia gentilitium eſt *Trogilii*. *Thucydides* lib. 6. *Atbenienſium* pars lapides, atque materiâs comportantes in *Trogilum*, quem vocant; ſemper deponebant, quâ breviffime futura erat muri

construētio. Et lib. 7. *Ex altera vero & quidem maximi ambitus parte versus Trogitum ad alterum mare jam comportati jacebant lapides*. Et hic quoque sub Tyche muris, qua Acradinę Thyca jungebatur; respondebatque idcirco Acradinę septentrioni.

TROTILUM Vetus opidum oltio Pantagię fluminis appositum. De illius origine Thücvdides lib. 6. *Per idem vero tempus, quo Chalcidenses Catanam, Leontinosque colonia auxerunt Lanise Megaris coloniam duccens in Siciliam appulit, & supra flumen Pantagiam opidum quoddam Trotilum condidit. At id posterum relinquens in Leontinos cum suis abiit*. Cluverius nescit ad utram Pantagię ripam fuerit positum; At enim ipsius ruinis inēdificatam Bruçæ arcem passim tradunt, quæ ad amnis dexteram sedet. Circa eandem plagam rudera, & antiquissimi diruti opidi monumenta spectantur; nec longe in valle nuper balnei pavimentum elegantissimum detectum, & in clivo supra eandem vallem arcis substructiones videntur, ad *Trotilum* spectantis.

TURRIS ACUTA. Vide *Pizzuta*.

TURRIS NOVA. Ita appellatur in Melillis agro aliqua sui tantum parte extans moles, ad cujus portam scutum cum *Alagonę* Gentis insignibus, de qua Albanus alibi laudatus.

TYCHA inter Syracusarum urbes magnitudine secunda; sed origine tertia, ab ortu Acradinam, a meridie Neapolim, Epipolas ab occasu, apertosque subjectos campos ab aquilone habebat. Mare pene tota cingebatur ex Cluverio; qua enim Epipolas respiciebat, antequam has Dionysius muniisset, mœnia habebat; quæ postmodum diruta. Ubi Acradinæ conjunge-

iudgebatur, muri erant turribus, & portis distincti per intervalla. Hos perdurasse adhuc Marcello urbem obsidente tradit idem Cluverius; Bonannus vero disiectos credit, longe ante quam a septentrionibus, & meridie vallata *Tycha* fuit, & urbis pars præcipua evasit, quæ nonnisi suburbium dicebatur forte sub Gelone. Ejus a porta Tragilorum initium erat juxta Cluverium, & Bonannum, sed Mirabella contraxit, & ad eundem portum Acradinæ muros extendit. *Tycha* cetero nomen a Fortunæ templo celebri invenit. *Tertia est urbs*, ait Cicero in Ver. lib. 4. *quæ, quod in ea parte Fortunæ sanum fuit, Tycha nominatur. In qua Gymnasium amplissimum est, & complures ades sacra.* Præter Gymnasium porro, cujus ignoratur situs, magnificentissimus in vivo lapide excisus Aqueductus *Tychæ* finibus claudebatur, ejusque adhuc extantes videntur reliquię. ~~Portas denique Agraggianas~~ *Tycham* habuisse Aretius tradit, quas juxta sepulchrorum copia. Illorum meminit Tullius in Tusculanis lib. 5. qui inter Sepulchra illud diu quæsitum Archimedis invenit, quod ab insculpto Cylindro, & Sphæra recognovit.

TYRACA. Vide *Syraca Palus*.

TYELLA. Vetus Castellum Hyblæ, cujus meminit Stephanus. Consule *Hybla*.





ALGUARNERA. Opidum, alio nomine *Caropipi*, in Ecclesiastica Comarchia Catanensi, & Civili Calataxibettæ, sub qua in equo solo situm, ampla recta via distinguitur. Erat olim Casale, Luca Barberio teste, juris *Lamberti de Caropipi*, unde nomen accepit, cujus

filia *Constantia*, Ludovico de Pampalone conjugii dotis nomine illud detulit. His a Rege Martino deficientibus, datum est *Petro Mironi*, a quo *Mucchi* de *Affermo* emit; *Mucchi* *Thoma de Crispo*, *Crispus Vitali*, & *Simoni Valguarnera* Assori Comitibus vendidit anno mcccxcviii. Horum heres *Joannes* Caroli Cæsaris decreto rursus homines congregandi facultatem impetravit circa xvi. sæculi medium; hinc *Franciscus Valguarnera*, ut Principatus titulo donaretur, anno mdcxxvi. obtinuit, atque ab insigni familia denominandum curavit. Habes hujus successores, ubi de *Afforo* scripsi. Auctum ab initio fuit ex *Pirro* lariibus 100. incolis 350. qui anno mdcxii. censebantur 394. Verum mdcxiii. foci 592. animæ .1715. numeratæ, ac novissime, 3079. Parochiale templum S. Christophoro Mar. dicatum, qui & Patronus, pene in centro assurgit; Minores aliæ Ecclesiæ iv. opidanis ad sacra convenientibus patent. Ad occasum escipit viam, de qua dixi, dynastæ Castellum vetus, sed novis magnificentissimis, triplici concauratione ædificiis instauratum in tumulo, qui ab eadem plaga præruptis, & nudis cautibus, ad profundam usque vallem horridus, inaccessa molis speciem refert. Ab altera ejusdem viæ regione passibus circiter v. in orientem amplum

plum, & splendidum Coenobium loco ameno leviter declivi sedens respondet; ubi Eremitę olim, hodie sub S. Philippi Nerii legibus Presbyteri vivunt, quorum Ecclesia satis elegans Conceptionis Deiparę titulo gloriatur; hortorum septa latissime patentia, pomifera, secunda, irrigua ad delicias usque luxuriant, Ager cetero opido circumpositus feracissimus, fontibus scatens, ac pascuis letus; Baccho denique non ingratus, colonis laborum fructus abunde suppeditat.

VIA ELORINA. Vide *Elorina Via*.

VICTORIA Opidum recens, copiosum, & dives ad australes Sicilię plagas in Motycensi Comitatu, sub Joannis Alphonsi Henriquetii auspiciis, circa XVII Sęculi initia constructū, a Victoria Columna Alphonsi Comititis matre appellatum in ampla sedet planitie, rectisque, ac latis describitur viis. Laxior area principem sacram eodem excipit unicam parochialem, quę S. Joanni Baptistę, civium singulari Patrono addicta, edificiis nobilis, & magnitudine spectanda se offert. Huic minores alię vię subduntur non inelegantes, & Cęnobarum insuper, ac Monialium accedunt satis conspicuę suis cum perystiliis. Minoritani enim Observantes jam ab anno MDCXII primi omnium extra Opidum, subinde S. Marię de Gratia titulo, intra suum constituerunt decens domicilium. Paulenses subinde in occidentem, anno MDCXLVI locum habuerunt. Tandemque Minores Cappuccini circa ejusdem sęculi finem austrum extra, amenissimam nacti regionem, nobile, sed instituto respondens cęnobium statuerunt, omni ex parte absolutum ob pulcherrimum instratum iter civibus frequens. Sub S. Teresię institutis parthenon inclęti Deiparę Sponsi nomine clarus, nobili fulget Eccle-

lia

titulum præfert. In equo sedet campo & regulari schemate, rectis nempe viis ad ortum, & meridiem, oppositasque regiones vergentibus dividitur. Constat laribus 200, incolis 345. Vita decedens Consalvus anno mcccxxviii. qui pluries in M. R. C. jus dixit, *Josephum Paternionem* Sororis filium hæredem reliquit, ea lege, uti gentis Asmundæ, sive Sismundæ, quæ suos inter authores celebrem illum Adamum, Alphonso Rege, Siciliæ Præsidentem jactat, cognomen, & arma assumeret; cui quidem conditioni hic adhærens, *Joseph Asmundo Paternò* deinceps est appellatus, emensisque omnibus in foro gradibus, Regii Ærarii primum Fisci Patronus, hinc Sac. Regiæ Coscientiæ, vulgo Consistorii Præses adlectus id munus hodie intemeratæ justitiæ fama gerit. Idem Marchio, Caroli Regis nostri beneficio, effulget, filiumque *Consalvum* ex Isabella Paternò uxore susceptum habet, qui Annæ Alliatæ ex dynasti Solanti matrimonio adjunctus vivit etiam prole dives.

VILLA AURI. Opidum. Vide *Passarellus*.

S. VINCENTII Casale *de Sophiana* in agro Platiensi, ubi olim *Philosophiana* in Antonini Itinere, memorata. Concessit Manfredus Simonis de Policastro filius Ecclesiæ Syracusanæ, uti Alexandri III. Rom. Pon. diploma mclxix testatur.

VINDICARIS Arx, seu Turris ad parvum ejusdem nominis portum, quem insula efficit n. circiter pass. in circuitu patens, juxta Pachynum promontorum ad orientem, inter Abissi fluminis fauces, & Marsamemis stationem. Portus hic *Naustathmus* Plinii creditur, de quo jam supra verba feci, illumque memorata insula ab austrinis, & Notî ventis protegit. Jam

T. I. P. II.

T t

Turris

Turris Petro Aragonio, Alphonsi fratre, Neque Domini adscribitur; ad hanc quippe urbem, ejusque territorium litus spectat. Emporium ibi quoque constructum, ad cujus custodiam Turris. Huic gentis Salonie scutum adjectum dicunt, quod aliquando in ejusdem potestate Turris *Vindicaris* fuerit.

VIZINIS Opidum. Vide *Bidenum*.

ULYSSIS Portus. Vide *Odyssa*, & *Edissa*.





IPHONIA Urbs apud Stephanum:
*Xiphonia Urbs Sicilia auctore
 Theopompo Philippicar. Rer. lib. xxx-
 viii. Gentilitium Xiphoniatum. Hæc
 nulla alia esse potest, inquit Clu-
 verius, qui ad S. Crucis caput Xi-
 phonium promontorium statuit,*
 quam, quæ nunc vulgo Augusta
 dicitur, inter celebriores Siciliæ urbes computata: *Xi-
 phonias portus hinc Scylaci post Megaram locatur:
 Symethus fluvius, & urbs Megaris, portusque Xipho-
 nius. Post Megaridem sequitur urbs Syracusæ. Sed &
 Xiphonium Promontorium Strabo lib. 6. celebrat de
 littore Catanensi loquens: Ubi, ait, exitus conveniunt
 fluminum ex Ætna defluentium. Hic enim Xiphonium
 est Promontorium.*

XIRIDIA Opidum, hodie *Floridia*.

~~XUTHIA in agro Leontino vetus regio ab Xu-~~
 tho Æoli filio. Diodorus lib. v. *Regnavit & Xuthus
 in Leontinorum agro, qui ab eo in hanc usque sta-
 tem Xuthias dicitur; Hinc Stephanus Xuthia opidum
 Sicilia, auctore Philisto Sicularum Rer. lib. iii. Sor-
 tinum a Maurolyco creditur.*





HADDEDA *S. Juliani* fluvius, de quo superius. Ibi vetus ad ejus ripas descripti sepulcretū. Hodie idem locus Sarracenice *Deri* appellatur. Vide *S. Juliani fluvius*.

YHADRA *Arx Chadra* cum proximo Casali, quod in Regesto de anno mcccxx. Adinolfi Mortilleri, & Nicolai de Lamia juris dicitur. Valle intermedia a Francofonte passibus aliquot distabat; hinc in Censu sub Martino mcccxxviii. habito denominatum Casale *Theodra de Franchefonsis* legimus ad Joannem de Cruillas spectans,

YHALICIS, fluentum in Catanensi planitie. Vide *Galicis*.

YHANNICATTINA Vallis Fazello memorata, hodie *Candicattinum* opidulum. Consule suo loco.

YHANSARIA. Aliter *Cansaria*, *S. Michael*. Vide.

YHARRVBBA fluentum. Consule *Caruba*.

YHASIBILIS. *Cassibilis* *Arx*, & fluvius, antiquis *Cacyparis*, de quibus actum.

YHIBINIS Turris. Fazellus lib. 10. dec. 1. *Pachynus promontorium*, Et ad pass. 11. 2. *Thibinis Sarracenicis nominis arx*. Vide *Gibinis*.

YHOMISUM Opidum frequens, & dives, Comitatus titulo clarum, vulgo *Comisum*, Motycensis olim Dynastiæ pars, & circa aultrales idcirco insulæ plagas in equo pene solo situm, humiles in meridiem colles habet veluti imminentes, & hinc Ragusam, & Claromontem ad ortum. Nomen illi hodiernum Sarraceni, originem veteres Syracusani dedere; passim quippe *Casmenam*, Syracusanorum Olympiade xxxii. colo-

coloniam, eodem sedisse loco tradunt, quod innume-
 ris monumentis, ruderibusque evincunt; cum intra,
 tum extra in horto Comitum, ad Perreras, in regione
 Belvedere, circa Castellum, aliisque proximis agris,
 ubi etiam sepulchra occurrunt. Indicia sane clarissi-
 ma, dudum ibi mortales incoluisse, opidumque vetus
 solum occupasse. Quumque non longe a Camarina,
 altera eorumdem Syracusanorum Colonia, *Casmena*
 steterit, quo *Gamori*, ingenui nempe illius urbis ci-
 ves, a *Cylliriis*, plebeis scilicet, eiectione sese receperunt;
Thomisumque Camarinę ruinis haud procul hodie as-
 surgat, conjecturis agendo, *Casmenę* subrogatum illud
 affirmant. Cluverius in Antonini Itinere Calvisianam
 pass. u. viii. ultra Gelam positam advertens, id esse
 censuit opidum, *quod nunc ad Hipparis, seu Cama-*
rinensis amaris fauces vulgari vocabulo dicitur Comiso.
 Calvisiana aliunde plaga locus certe maritimus fuit,
 & in eodem memoratur Itinere, quod littora descri-
 bit. Aretius de Situ Sicilię: *Casmenę*, ait, *Comisum*
vocamus, ubi fons uberrimus. Fazellus denique, sed
 nulla producta ratione, uti Cluverius advertit: *Huic*
Claromonti scilicet, sinistrorsum, Thomisum Sarrace-
nici nominis opidum ad p. u. 8. subest, Diana fonte
apud veteres celebrato insigne. Qui Casmenas hoc opi-
dum fuisse arbitrantur, toto, quod ajunt, celo & qui-
dem sereno, errant. Alibi vero ait: *Adco hac urbs Sy-*
racusarum potentia crevit, ut quatuor subinde in Sici-
lia urbes Syracusani condiderint: Acras, Casmenas,
Camarinam, & Ennam, e quibus Acras quidem ni-
vosus in montibus; Casmena vero in planitie. Nec lo-
 cum indicat Casmenę; Acras licet ad Palatiolum sta-
 tuat. Casmenam cetero ad Siculis agrum alii locant,
 quod suis locis adverti.

An-

Antiquis itaque substructionibus, quas memoravi, impositum *Thomisum* prono ad aquilonem solo, circa eandem cœli regionem portam habet, unde ad præcipuas insulæ urbes opidanis est iter, S. Blasii nomen referentem cum ejusdem pulcherrimo marmoreo simulacro. Huic veteris castelli ædificia coherent, quibus superstructum Comitis hodie Palatium. Hinc ejusdem S. Blasii magnifica Ecclesiâ; est enim Divus Opidi præcipuus tutelaris, quæ tribus distincta partibus, struclilibus columnis ornata, ac tholo insuper fulget. Nec inde præcul Majus eminet Templum, titulo S. Mariæ de Stella insignitum. Ejus structura elegans & ampla; tholus, nec non cultus interior picturis, auro, & opere plastico conspicuus; sacra supellex dives, ac nitida. Parochiali jure unica gaudet; Collegio instruitur Ecclesiastico, in quo Canonici ab anno decurrentis Sæculi xli. aluntur; congruas enim illis præbendas Baltassar Comes designavit. Oleo sacro ex more Asdrubal Termine Syracusanus Pontifex inunxit, ac dedicavit. Frons denique eximia, inferiores exhibens tantum partes, in dies promovetur. Succedit ad lævam Fons Dianæ, de quo satis alibi verba fecimus, & Fazellus fusè scripsit. Aquis porro vita abundat, ut earum pars fistulis æneis ad civium commoda, pars in aptum conceptaculum lineis purgandis pannis uberime effluat. Venale forum non longe abest, quod civium privatæ ædes convenienter excultæ ambiunt. Ad dexteram vero S. Joseph nomine clarum, sacrarum Virginum hodie conclave assurgit cum decenti Ecclesiâ. S. Tereisæ regulam illæ profitentur, cum censu angusto sed vita, ac moribus præstantes, cœlestibus divitiis abundat. Refertur fundatio in annum mdcxix operâ

Pe-

Petri de Palatio, qui pauperibus puellis excipiendis addixit. Ejusdem instituti alterum sanctimonialium, coenobium, Deiparæ *Reginæ Celi* vocabulo, dives quidem, sed pietatis studiis haud minus insigne, in occasum quoque vergens ab anno mdcxix. eodem Petro fundatore originem recognoscit. Vtriusque conclavis ambitus late patens hortos habet, in quibus veterum balneorum reliquiar. In levi tumultu centrum opidi occupat S. Mariæ Annunciatæ antiquissima, insignis Ecclesia, in qua ab anno mdcxlv. alumni xii. Canonici, cum Archidiacono sacris officiis intendunt; aræ minores xx. proprio sacerdote instruuntur; Sodales penes octingenti sub S. Rosarii titulo conveniunt. Veterem quidem formam ædificia præferunt, & princeps porta annum mdcxi. exhibet; interni nihilominus parietes cultu decoro fulgent; medius fastigii apex undique ~~in oculos incurrit~~; frons, ac turris ornatu eximio nitent. Illam Matthæus Trigona Episcopus sollemni ritu dedicavit; pii fideles censibus auxerunt, ac sacra supellestile ditaverunt. Jam inter hanc ædem, ac descripta Monialium claustra S. Philippi Nerii Oratorium sedet cum decenti magnifica Ecclesia, conspicuique pro alumniis domiciliis, quod sæculi xvii. anno xviii. laudatus Petrus de Palatio ex suo statuit, & Urbanus viii. Rom. Pon. subinde confirmavit, ac privilegiis auxit. Ad ortum B. Mariæ Collegium ad sequioris sexus educationem aperitur, Thomæ Blundi opera, juxta S. Joseph Ecclesiam. Ad occasum circa opidi fines Minoritarum de Observantia S. Antonii Pataviæ titulo Monasterium; cujus ex campanum mcccxxiv. conflatum sæculum xv. foundationis auspicia illi dedisse designat. Ibi aliquando Conventuales incoluisse Cagliola testat.

Regiis vero libris anno ejusdem lar. 1222. incol. 4371. Sed nostra ætate mcccxi. lar. 2226. incol. 7402. novissime 9145. Longitudo est gradus xxviii. xv. latitudo xxxvi. l. Illustres denique municipales celebrantur Petrus de Palatio Oratorii S. Philippi author, & utriusque Monialium Coenobii promotor, illius quoad vixit, Præpositus, virtutibus Ecclesiastico viro dignis ornatissimus, sacrisque scientiis imbutus. Obiit circa elapsi sæculi xxx. annum: Mansuetus Cocuzza ordinis Capuccinorum, ante professionem Franciscus appellatus, humilitate, obedientia, ciborum parsimonia, simplicitate, singulari in Deiparam cultu, orandique assiduitate nostro hoc ævo. clarissimus, variis idcirco a Deo donis affectus; migravit piissime e vita mcccxvi. Primus *Thomasi* Dominus *Berlingherius de Lubera* in Regiis Tabulariis chanc. sub sæculi xiii. exitus, æquæquens initia; ab eo enim, pretio exolutus, *Joannes de Claromonte* obtinuit, qui in Friderici ii. censu memoratur. At quum eidem Regi insensus evasisset, bonis excidit, ac *Petrus Regius* idcirco Casali donatus est. Ex Petro *Nicolaus*, unde alter *Petrus*, cujus filia, & hæres *Ansilis* Nicolao Bonfilio cum *Thomasi* dote nupsit. Ex his *Petrus*, qui sub Martino vixisse dicitur. Verum in ejusdem principis Regesto anno mcccviii. *Bernardus de Capera* cum Motyca *Thomasi* tenebat. Bernardo *Joannes Bernardus* successit, qui sub Alphonso anno mccccliii. *Periconio Naselli* Mæstræ dynastæ acceptis auri uncis ccc. Terram, & *Fortalitium*, seu *Turrim Camisi* vendidit. *Periconium* filius ejusdem nominis, atque *Periconessus* idcirco appellatus, excepit anno mcccclxix; Ex quo *Baltasar*, duxit. hic in uxore Isabellam Montapertā cum dote *Dieffis* seu-

di ³⁴⁸ juxta Agrigentum. *Gaspar Nasellus* his procreatus cum *Joanna de Porto* uxore *Baltassarem* genuit hujus nominis ii; Fulsit sub Joanne de Vega Armorum dux ad bellum, & Vallis Mazare tuitioni destinatus muneri egregie fecit satis. Jam *Baltassar* Antoniam Galletti ex Fluminis Salsi dominis sibi copulavit, & *Gasparem* filium minoris ætatis reliquit, qui duodenis cum Beatrice Aragona nuptias contraxit, annoque MDLXXI. Philippi II. Regis beneficio *Thomasi* Comes renunciatus, mox in Diesis feudo opidi edificandi facultatem impetravit, eique Aragonæ nomen indidit. Beatrix a morte Gasparis, qui bimulum *Baltassarem* filium reliquit, secundas cum Jacobo Saccano Casaliforni, & S. Petri dynastæ iniit nuptias, unde Antonia Saccano prodiit. Hæc *Baltassari* data est uxor, quæ patris hæres Casaliforni domina evasit. Ex eo conjugio natus est *Aloysius* primus Aragonæ Princeps, cujus alibi merita expendam. Genuit hic Eleonoræ Cariglio maritus effectus *Baltassarem*, qui Velleris. Aurei Eques, Proregis vices, Gallorum exardescente bello, cum gloria gessit. Idem supremus Præfectus Fabrum, & exercitus Instructor fuit, tandemque Sacerdotio initiatus circa hujus sæculi initia e vivis excessit, relicto ex Celidonia Florita, & Tagliavia olim uxore *Aloysio* filio, ex quo & Margarita Brancifortia *Baltassar* hujus nominis v, alique sunt nati. Mortua Margarita *Aloysius* sacræ militiæ nomen dedit, amplissimasque dynastias Primogenito reliquit. Hic variis, primisque adhibitus reipublicæ muniis, præclarissime se commendavit. Panormi enim Prætor, XII. Regni vir, Siciliæ legatus ad Regem, S. Januarii Eques, Major domus Regiæ Neapoli, a Consiliis status, Supremi Siciliæ Tribunalis

bunalis ibidem Præses excelluit. Mortuus est Parisiis anno 1111. ejusque exuviæ *Thomifum* delatæ in majori Ecclesia conduntur. Habuit cum Laureæ Morfo Regine honoris filia *Aloysium* v. heredem, Hispaniæ Magnatem; Regis a cubiculo, Proregis Custodem Centurionem, cui Stephana Morfo Podii Regalis Princeps est hodie sacris conjugii vinculis adjuncta.

Thomifum nuper transmissum Græce inscripti antiqui lapidis exemplar accepi, quod a quopiam Gnosticorum, sive Basilidinarum erroribus imbuto, fortasse a Marco Ephesino de Basilidis stirpe, exaratum, nedum ex occultis ad calcem characteribus, aliisque sparsim per epigrapham dispicitur, sed quod circa secundi versus finem clarissime nomen ABPAZIA expressum habet, quod passim in Amuletis, ac Talismanis eorundem hereticorum legitur. Gnostici seculo 111. Ecclesiam vexarunt; lapidem idcirco per ea ferme tempora sculptum dixerim, opidumque nostrum circa hanc etatem celebre satis effloruisse, evincit.





ZEPHYRIUM Promontorium illud nonnullis creditur ex Strabone, quod post Tapsum peninsulam Megaræ sinum claudit, ad veterem Trogilorum portum, & Acradinam, ac S. Bonasiam vulgo appellatur. Circa illud, enim Archiam Dorienſes obvios habuisse credunt. Sedenim rectius alii Zephyrium Calabriae promontorium dicunt. Strabonis enim verba hæc sunt: *Cetero Archiam, quum in Siciliam navigaret, & ad Zephyrium promontorium appulisset, incidissetque in Dorienſum quosdam, qui e Sicilia eo se contulerant, digressi ab his, qui Megara condiderant, adiunxisse sibi eos, indeque profectum communi cum eis opera Syracusas condidisse. Si Dorienſes e Sicilia ad Zephyrium se contulerant, Zephyrius igitur Insula promontorium nequit obtrudi.*

ZILICÆ OCULUS fons. Vide *Cilica*.

ZOTICA Opidum olim, & Arx. Consule *Jadica*.

FINIS II. PARTIS TOMI PRIMI.



C. 3823





